

Aktie aamma anpartsselskabit pillugit inatsisip Kalaallit Nunaanni atulersinna pillugu peqqussut (ingerlatseqatigiiffinnut inatsit)

Uagut MARGRETHE APPAAT, Guutip saammaassineratigut Danmarkimut dronningi nalunaarpugut:

Ingerlatseqatigiiffinnut inatsimmi § 375 naapertorlugu, tak. inatsimmik nalunaarut nr. 610, 28. april 2015-imeersoq¹, ukiumoortumik naatsorsuutit pillugit inatsisip aamma ingerlatseqatigiiffinnut inatsisip allanngortinnera pillugu inatsit nr. 720, 25. juni 2010-meersumi § 4² (Kukkunersiunermi pisussaaffimmik oqilisaassineq), aktie aamma anpartsselskabit pillugit inatsisip allanngortinnera pillugu inatsit nr. 1557, 21. december 2010-mi § 5, imm. 2³ (ingerlatseqatigiiffinni inatsit) (Kattunnernut agguataarinernullu atatillugu nalunaarusiornissamut uppernarsaanissamullu piumasaqaatit pillugit peqqussutip allanngortinnerata naammassineqarnera), ingerlatseqatigiiffinnut inatsisip, ukiumoortumik inatsisip aamma pappiaqqanik aningaasanik nalilinnik niuerneq il.il. inatsisip allanngortinnera pillugu inatsit nr. 477, 30. maj 2012-imeersumi § 5, imm. 2⁴ (Pisortani oqartussanut qaqgumulluunniit tigumminittup pigisai piginneqataassutit pillugit paasissutissanut annertunerusumik pissarsisinhaaneq aamma suliffeqarfiiit ilaannut naatsorsuutinik nakkutilliineq pillugu akiliutip allanngortinnejnarnera), pinngitsoorani digitalikkut attaveqatigiinneq il.il. pillugu inatsisini aalajangersakkat allanngortinneri pillugit inatsit nr. 1231, 18.- december 2012-imeersumi § 70, imm. 4⁵ (Pinngitsoorani digitalikkut attaveqatigiinneq aamma akiussaaffiuu nuunneqarnerata il.il. malitsigisaanik naleqqussaarnerit), ingerlatseqatigiiffinnut inatsisip, ukiumoortumik naatsorsuutit pillugit inatsisip aamma inatsisit allat assigiinngitsut allanngortinneri pillugit inatsit nr. 1383, 23. december 2012-imi § 10, imm. 2⁶ (aqutsisuni qullersani suaassutsikkut katitigaanerit pillugit kisitsisit anguniakkat politikkikkullu pillugit maleruagassat equnneqarneri taakkulu pillugit nalunaarusiortarnerit), ingerlatseqatigiiffinnut inatsisip, inuussutissarsiutigalugu suliffeqarfiiit ilai pillugit inatsisip, ukiumoortumik naatsorsuutit pillugt inatsisip aamma Det Centrale Virksomhedsregisteri pillugu inatsisip allanngortinnera pillugu inatsit nr. 616, 12. juni 2013-imeersumik § 6, imm. 2⁷ (Ingerlatseqatigiiffiiit aallarnissaasut equnneqarneri, anpartsselskabit aningaasaataannut minnerpaaffissamiik piumasaqaatip apparinnejnarnera, inuussutissarsiutigalugu suliffeqarfiiit ilai pillugit killeqartumik akisussaaffeqartunik ingerlatseqatigiiffinnik nutaanik pilersitsinissamut periarfissap atorunnaarsinna), pillasarnermi inatsisip, eqqartuussisarnermi inatsisip aamma inatsisit allat assigiinngitsut allanngortinnejnarneri pillugit inatsit nr. 634, 12. juni 2013-imeersumi § 14, imm. 38 (Aningaasatigut pinerluttuliornermut suliniuitit nukitorsarneri), ingerlatseqatigiiffinnut inatsisip, ukiumoortumik naatsorsuutit pillugit inatsisip aamma inatsisit allat assigiinngitsut allanngortinneri pillugit inatsit nr. 1367, 10. december 2013-imeersumi 6, imm. 39 (Ukiumoortumik nalunaarusiat tuluttut aamma inuiaqtigiinnut akisussaaneq pillugu nassuaat), sulisut aningaasaleeqataaffigisaat ingerlatseqatigiiffiiit pillugit inatsit nr. 1284, 9. december 2014-imeersumi § 50¹⁰, ukiumoortumik naatsorsuutit pillugit inatsisip aamma inatsisit allat assigiinngitsut allanngortinneri pillugit inatsit nr. 738, 1. juni 2015-imeersumi § 9, imm. 2¹¹ (Allaffissornikkut nammatat annikillineri, nunani tamalaani naatsorsuutini malitanut naleqqussaaneq, naatsorsuuserinermi malitassat nutaat naammassineri aamma paasiuminartuunermi malitassamut il.il. allanguinerit) aamma ingerlatseqatigiiffinnut inatsisip, inuussutissarsiutigalugu suliffeqarfiiit ilai pillugit inatsisip, iluanaarutinik aamma innarliiniartunik aningaasalersuinerit pinerlunnikkut aningaasarsiat aningaaserivimmum inissinneqartarnerisa pitsaaliorissaat pillugu inatsisip aamma akileraarutinik nakkutilliinermi inatsisip allanngortinnera pillugu inatsit nr. 739, 1. juni 2015-imeersumi § 6, imm. 2₁₂

(Inuussutissarsiornermut tunngasuni akileraarutikinneruffinni suliniutit ilaannik naammaassinneq) aalajangerneqarpoq inatsit imatut oqaasertaqartillugu Kalaallit Nunaanni atuutissasoq:

Kapitali 1

Peqqussutip atuuffia il.il.

Atuuffia

§ 1 Peqqussut una Kalaallit Nunaanni nunaqartunut aktieselskabinut aamma anpartsselskabinut tamanut (ingerlatseqatigiiffinnut aningaasaliiffiusunut) atuuppoq.

Imm. 2. Aktieselskabimi imaluunniit anpartsselskabimi piginneqataasut (ningaasaatinik piginnittut) ingerlatseqatigiiffiup aningaasaliiffiusup pisussaaffiinut inuttut akisussaatitaanngillat, taamaallaat aningaasaliissutiminnut. Aningaasaatinik piginnittut piginneqataassutiminnut naleqqiullugu ingerlatseqatigiiffiup aningaasaliiffiusup sinneqartoorutaanut pisinnaatitaaffeqarput, ingerlatseqatigiiffiup malittarisassaani allanik aalajangersaasoqarsimannngippat.

Imm. 3. Anpartselskabi ingerlatseqatigiiffiup aningaasaatiminik pigisaminik tamanut neqerooruteqarsinnaanngilaq.

Ingerlatseqatigiiffiup aningaasaliiffiusup taaguutaa

§ 2 Aktieselskabit aamma anpartsselskabit kisimik taaguutiminni taaguutit »aktieselskabi« aamma »anpartselskabi« imaluunniit naalisarnerit »A/S« aamma »ApS« atorsinnaallugillu atortussaavaat.

Imm. 2. Ingerlatseqatigiiffiup aningaasaliiffiusup taaguutaa Erhvervsstyrelsip qarasaasiaqarfiani nalunaarsorsimasunit suliffeqarfinnit allanit taaguutimikkut erseqqissumik allaanerussapput. Taaguummi ilanngunneqassanngillat eqqarleruit aqqi, sulliviup aqqa, nunaatit illuutillu aqqi immikkullarissut, nioqquitit ilisarnaataat, niuer nikku ilisarnaat taamaangajatullu, ingerlatseqatigiiffimmut tunngassuteqanngitsut imaluunniit taassumunnga paarlaanneqarsinnaasut.

Imm. 3. Ingerlatseqatigiiffiup aningaasaliiffiusup taaguutaa salloqittaaniutigineqarsinnaassanngilaq. Sullivik aalajangersimasoq atsiunneqarsimappat, ingerlatseqatigiiffiup aningaasaliiffiusup ingerlataa pingarneq annertuumik allannguiteqarpat, taaguut allanngortinneqarnani atatiinnarmeqassanngilaq.

Imm. 4. Ingerlatseqatigiiffiit aningaasaliiffiusut allakkaminni pappiaqqanilu niuerermut tunngasuni allani, tassunga ilanngullugit elektronikkikkut nalunaarutit, aamma ingerlatseqatigiiffiup aningaasaliiffiusup nittartagaani taaguutertik, najugartik aamma Erhvervsstyrelsip qarasaasiaani nalunaarsornermi normu taasimassavaat.

§ 3 § 2, imm. 1-3, ingerlatseqatigiiffiit aningaasaliiffiusut saniatigut taaguutaannut taamatulli atuutissapput.

Imm. 2. Ingerlatseqatigiiffiup aningaasaliiffiusup ataatsip saniatigut taaguutanik katillugit tallimanit amerlanerusunik nalunaarsugassatut nalunaarutiginninnermi saniatigut taaguummut ataatsimut 1.000 kr. akiliutigineqassaaq. Taamaassanngilarli taaguutit imaluunniit saniatigut taaguutit ingerlatseriaatsimik allanngortitsinermut imaluunniit ataatsimut kattutsitsinermut atatillugu atuinnarneqartussat pillugit.

Ingerlatseqatigiiffiup aningaasaatai

§ 4 Ingerlatseqatigiiffiit aningaasaliiffiusut peqqusummut matumunnga ilaasut danskit koruuniinut imaluunniit euromut naatsorsorneqartunik ingerlatseqatigiiffimmi aningaasaateqassapput, taamaattorli imm. 3 takujuk.

Imm. 2. Aktieselskabit minnerpaamik 500.000 kr.-nik ingerlatseqatigiiffimmi aningaasaateqassapput, aamma anpartsselskabit minnerpaamik 50.000 kr.-nik ingerlatseqatigiiffimmi aningaasaateqassallutik.

Imm. 3. Ingerlatseqatigiiffiup aningaasaatai danskit koruuninit imaluunniit euronit allaanerusunik allat aningasaataannut nalunaarutiginissaannut piumasaqaatit pillugit Erhvervsstyrelsi maleruagassanik erseqinnerusunik aalajangersaasinnaavoq.

Nassuaatit

§ 5 Peqqusummi matumani paasineqarpoq:

1) Aktieselskabi:

Ingerlatseqatigiiffik aningaasaliiffiusoq, tassunga ilanngullugu peqatigiilluni ingerlatseqatigiiffik, aningaasaatinik piginnittut aningaasaliissutaat piginneqataassutini agguarsimallutik. Piginneqataassutit tamanut tuniniarneqarsinnaapput. Aningaasaatinik piginnittut ingerlatseqatigiiffimmi aningaasaliissutiminnut taamaallaat akisussaatitaapput.

2) Anpartsselskabi:

Ingerlatseqatigiiffik aningaasaliiffiusoq, aningaasaatinik piginnittut aningaasaliissutaat piginneqataassutinut agguarsimallutik. Anpartsselskabit aningaasaatitigut pigisaminnik tamanut tuniniaasinnaanngillat, taamaattorli § 1, imm. 3 takujuk. Aningaasaatinik piginnittut ingerlatseqatigiiffimmi aningaasaliissutiminnut taamaallaat akisussaatitaapput.

3) Suliffeqarfutigisat:

Suliffeqarfik, ingerlatseqatigiiffittut piginnittumit aalajangiisutut sunniuteqarfingineqartoq, takukkit §§ 6 aamma 7.

4) Qitiusumik aqutsisut:

- a) Ingerlatseqatigiiffinni siulersuisut, qullersaqarfeqartut siulersuisoqartullu, takuuk § 111, imm. 1, nr. 1,
- b) ingerlatseqatigiiffinni qullersaqarfik, taamaallaat qullersaqarfeqartoq, takuuk § 111, imm. 1, nr. 2, aamma
- c) ingerlatseqatigiiffinni qullersaqarfik, qullersaqarfeqarlunilu nakkutilliisoqartoq, takuuk § 111, imm. 1, nr. 2.

5) Aqutsisutut qullersaasut:

- a) Ingerlatseqatigiiffinni siulersuisut, qullersaqarfeqartut siulersuisoqarlutillu, takuuk § 111, imm. 1, nr. 1,
- b) ingerlatseqatigiiffinni qullersaqarfik, taamaallaat qullersaqarfeqartoq, takuuk § 111, imm. 1, nr. 2, aamma
- c) ingerlatseqatigiiffinni nakkutilliisut, qullersaqarfeqarlutillu nakkutilliisoqartut, takuuk § 111, imm. 1, nr. 2.

6) Piginnittutut isumaqatigiissut:

Isumaqtigisiut, ingerlatseqatigiiffimmi piginnittunut aqutsisunullu tunngasunik malittarisassaqartitsisoq, aamma aningasaatinik piginnittut akornanni isumaqtigisiutigineqarsimasoq.

7) Piginnittuunermut uppernarsaatit:

Aningasaatitigut piginneqataassutinik piginnittuunermut uppernarsaat, takukkit §§ 59 aamma 60.

8) Piginnittut allattorsimaffiat:

Allattuiffik, aningasaatitigut ingerlatseqatigiiffiup piginneqataasut tamaasa pillugit allattuiffia, takuuk § 50.

9) Piginnittunik nalunaarsuiffik:

Nalunaarsuiffik, Erhvervsstyrelsip aningasaatitigut piginnittut ilaasa aningasaataannik allattuiffik, takuuk § 58.

10) Aningasaateqarfimmi piginneqataassutit:

Aktiat piginneqataassutilluunniit, aningasaateqarfimmi atulersitsinermut atatillugu atulersinneqartut, takuuk § 165.

11) (Kalaallit Nunaanni atulersinneqanngilaq)

12) (Kalaallit Nunaanni atulersinneqanngilaq)

13) Najugaqarfigisaq:

Kalaallit Nunaanni najugaqarfigisaq, ingerlatseqatigiiffimmut attaveqarfiusoq.

14) Ingerlatseqatigiiffik aallarniisartoq:

Anpartsselskabi, takuuk nr. 2, ikinnerpaamik 50.000 kr.-nik ingerlatseqatigiiffittut aningasaateqartutut nalunaarsorsimanngitsoq, aamma § 357 a-mi piumasaqaatinik naammassinnittoq.

15) Aningasaatitigut piginneqataassutit:

Aktia imaluunniit piginneqataassutit, takukkit §§ 45-49.

16) Aningasaatinik piginnittoq:

Aningasaatitigut piginneqataassumvik ataatsimik amerlanernilluunniit piginnittoq kinaluunniit.

17) Aningasaatitigut inissisimaqtigiit:

Aningasaatitigut piginneqataassutit ataatsimoortut, pisinnaatitaaffit imaluunniit piginnaatitaaffit assigiit taakkununnga atallutik.

18) Ingerlatseqatigiiffik aningaasaliiffiusoq:

Anpartsselskabi, tassunga ilanngullugu ingerlatseqatigiiffik aallarniisartoq, imaluunniit aktieselskabi, tassunga ilanngullugu peqatigiilluni ingerlatseqatigiiffik.

19) Suliffeqarfissuaq:

Ingerlatseqatigiiffik piginnittoq suliffeqarfiutaalu, takuuk § 7.

20) Aqutsisut:

Nr. 4 aamma 5-imik taaneqartut aaqqissugaanerit tamarmik. Aqutsisuni ilaasortaq ataaseq ingerlatseqatigiiffiup nakkutilliisuini, siulersuisuini imaluunniit qullersaqarfiani ilaasortaasinnaavoq.

21) Ingerlatseqatigiiffik piginnittooq:

Ingerlatseqatigiiffik aningaasaliiffiusoq, suliffeqarfutiminik ataatsimik amerlanernilluunniit aalajangiisutut sunniuteqartuusoq, takukkit §§ 6 aamma 7.

22) Arlalinnit peqataaffigineqarluni niuernikkut atortoq:

Pappiaqqaanik aningaasanik nalilinnik niuerneq il.il. pillugu inatsimmi, kunngip peqqussutaatigut Kalaallit Nunaanni atulersinneqartumi § 40, imm. 1-imik arlalinnik peqateqarluni niuernikkut atortoq pillugu nassuaat, atorneqassaaq.

23) Peqatigisaqarluni ingerlatseqatigiiffik:

Suliffeqarfuit inuussutissarsiillit taaneqartut pillugit inatsimmi, kunngip peqqussutaatigut Kalaallit Nunaanni atulersinneqartumi § 2, imm. 2 naap. niuernermik ingerlataqartoq ingerlatseqatigiiffik, ingerlatseqatigiiffimmi piginnittuusut, aktiani agguarneqartuni, aningaasaatinut aalajangersimasunut aningaasaliisimallutik, takuuk kapitali 21.

24) Aallartitseqqinneaq:

Ingerlatsitseqatigiiffiup Erhvervsstyrelsip qarasaasiaqarfianiit peerneqarnerata kingorna ingerlatseqatigiiffiup aningaasaliiffiusup kingorna pigisanik utaqqiisaasumik aallartitseqqinneaq, takuuk § 235.

25) Umiarsuaatileqatigiiffik aktieselskabiusoq:

Aktieselskabi, umiarsuaatileqatigiiffimmik ingerlataqartoq, takuuk § 112, imm. 2.

26) Ulloq nalunaarsorneqarfik:

Ulloq, aningaasaatinik piginnittup ataatsimeersuarnermi peqataasinnaalerneranik aamma aningaasaatitigut pigisaminut atasumi taasisinnaalerneranik aalajangersaaffiusoq.

27) Niuerfik naleqqussagaq:

Pappiaranik aningaasanik nalilinnik niuerneq il.il. pillugu inatsimmi, kunngip peqqussutaatigut Kalaallit Nunaanni atulersinneqartumi § 16, imm. 1-imik niuerfik naleqqussagaq pillugu nassuaat atorneqassaaq.

28) Aningaasaatit sinniisuuffigineqartut:

Aningaasaatitigut pigisat, ataatsimeersuarnermi sinniisuuffigineqartut aamma taasisinnaatitaaffiusut imaluunniit taasisinnaatitaaffeqanngitsut aamma malittarisassani sinniisuusinnaaffiusut.

29) Sinniisuusinnaaneq:

Pisinnaatitaaffik ataatsimeersuarnermi takkunnissamut aningaasaatitigut piginneqataassutini taasisinnaatitaaffeqanngitsunik aamma ingerlatseqatigiiffiup aningaasaataasa ilaannik ataatsimeersuarnermi sinniisuunermi naatsorsorneqartunut ilaasut. Aningaasaatitigut piginneqataassutit taasisinnaatitaaffiusut tamatigut sinniisuutitaaffeqarput, takuuk § 46.

30) Ingerlatseqatigiiffimmi aningaasaatit:

Aningaasaliissutit, peqqussut manna naapertorlugu aningaasaatinik piginnittut akisussaatitaanerat killeqartinneqartut, takuuk § 4.

31) Naalagaaffiup pigisai aktieselskabit:

§ 351 naapertorlugu ingerlatseqatigiiffiup piginnittup ingerlatseqatigiiffiutigisaminut atassuteqarnerata assinganik Namminersorlutik Oqartussat ingerlatseqatigiiffimmut atassuteqarfigisaasa ingerlatseqatigiiffiit naalagaaffiup pigisaani aktieselskabinut atuuttunik maleruagassanik malinninnissaat pillugu Erhvervsstyrelsi aalajangersaasinnaavoq. Naalagaaffiup pigisaa aktieselskabi tassaavoq aktieselskabi ingerlatseqatigiiffiup piginnittup ingerlatseqatigiiffiutigisaminut atassuteqarnerata assinganik danskit naalagaaffiat atassuteqarluni, takukkit §§ 6 aamma 7.

Suliffeqarfissuit

§ 6 Ingerlatseqatigiiffik piginnittoq suliffeqarfiutigisaq ataaseq arlallilluunniit peqatigalugit tassaavoq suliffeqarfissuaq. Suliffeqarfik ataaseq taamaallaat toqqaannartumik piginnittumik ingerlatseqatigiiffeqarsinnaavoq. § 7-imik piumasaqaatini ataatsimik arlalinnilluunniit ingerlatseqatigiiffiit arlallit naammassinnippata, ingerlatseqatigiiffik suliffeqarfiup aningaasatigut ingerlatsinikkullu aalajangiisarneranut piviusumik aalajangiisutut sunniuteqartoq kisimi ingerlatseqatigiiffittut piginnittutut isigineqarsinnaavoq.

§ 7 Aalajangiisutut sunniuteqarneq tassaavoq suliffeqarfiutigisap aningaasaqarnikkut ingerlatsinikkullu aalajangiisarneranik aqtsinissamut pisinnaatitaasoq.

Imm. 2. Suliffeqarfiutigisamut naleqqiullugu aalajangiisutut sunniuteqarneq pigineqalersarpoq suliffeqarfiutigisaq aqqutigalugu toqqaannartumik toqqaannangitsumilluunniit ingerlatseqatigiiffik piginnittoq suliffeqarfimmi taasisinnaatitaasut affai sinnerlugit pigisaqarpat, immikkut pisuni upternarsarneqarsinnaappat taamatut piginnittuunermut pissutsit aalajangiisutut sunniuteqannangitsut.

Imm. 3. Suliffeqarfimmi ataatsimi taasisinnaatitaanermi pisinnaatitaaffiit affai sinnerlugit ingerlatseqatigiiffik piginnittoq piginninngippat, ingerlatseqatigiiffik piginnittoq aalajangiisutut sunniuteqassaaq

1) aningaasaliisunik allanik isumaqtigiissuteqarnermigut taasisinnaatitaanermi pisussaaffiit affai sinnerlugit naalagaappat,

2) malittarisassat imaluunniit isumaqtigiissut naapertorlugu suliffeqarfimmi aningaasanut ingerlatsinermullu pissutsinik aqtsinissamut pisinnaatitaappat,

3) aqtsinermi aaqqissuussinermi qullersani ilaasortat amerlanersaanik toqqaanissamut imaluunniit soraarsitsinissamut pisinnaatitaappat taamatullu aaqqissugaaneq suliffeqarfimmi aalajangiisutut sunniuteqarpat imaluunniit

4) ataatsimeersuarnermi imaluunniit aaqqissugaanermi taamaaqataani taasisinnaatitaasut amerlanersannut piviusumik naalagaaguni taamaalillunilu suliffeqarfik pillugu piviusumik aalajangiisutut sunniuteqarluni.

Imm. 4. Taasisinnaatitaasut piuneri sunniuteqarnerilu, tassunga ilanngullugu aningaasaatitigut pigisanik pisinnaatitaaneq aamma pisinissamut periarfissaqarnerit, piviusumik iluaqtigineqarsinnaasut imaluunniit allanngortinneqarsinnaasut, ingerlatseqatigiiffiup aalajangiisutut sunniuteqarneranik naliliinermi isigineqassapput.

Imm. 5. Suliffeqarfiutigisami taasisinnaatitaasunik naatsorsuinermi suliffeqarfiutigisap nammineq imaluunniit taassuma suliffeqarfiutigaata pigisaanut aningaasaatinut pigisanut atasut taasisinnaatitaanerit ilaatinneqassanngillat.

Skifterettenip aamma Sø- og Handelsrettip pisinnaatitaaffi

§ 8. Peqqussut manna naapertorlugu pisinnaatitaaffit pigisanik agguassisarnermut eqqartuussivimmut inissinneqarsimatillugit taakku Kalaallit Nunaanni eqqartuussivimmit isumagineqassapput.

Kapitali 1 a

Attaveqatigiinneq

§ 8 a. Pissutsit peqqussummut matumunnga ilaasut imaluunniit peqqussutip matuma malitsigisaanik maleruagassat atulersinneqartut pillugit styrelsimit aamma styrelsimiit allakkatigut attaveqatigiinnerup digitalikkut ingerlanneqarnissa pillugu maleruagassanik Erhvervsstyrelsi aalajangersaasinhaavoq.

Imm. 2. Digitalikkut attaveqatigiinneq pillugu maleruagassanik erseqqinnerusunik Erhvervsstyrelsi aalajangersaasinhaavoq, tassunga ilanggullugu qarasaasiatigut aaqqissuussinerit aalajangersimasut, digitalikkut ilusit immikkullarissut aamma digitalikkut atsiornerit assigisaasalu atorneqarneri pillugit.

Imm. 3. Digitalikkut nalunaarut apuuttutut isigneqassaaq nalunaarummik nassitsiffiqineqartumit pissarsiarineqarsinnaaleraangat.

§ 8 b. Styrelsi peqqussut una malillugu imaluunniit peqqussutip matuma malitsigisaanik maleruagassat atulersinneqartut malillugit atsiorneqanngitsumik aalajangiisinnanera allanillu allagaqarsinnaasoq pillugu maleruagassanik Erhvervsstyrelsi aalajangersaasinhaavoq, maskiina taamaaqataanilluunniit atsiornermik pilersitsisoqarluni imaluunniit aalajangiisup imaluunniit allagaqartup paatsuugassaanngitsumik kinaaneranik qulakkeerisumik atuisoqarneratigut. Aalajangiinerit allakkallu taamatut ittut aalajangiinernut allakkanullu inummik atsiorneqartunut sanilliunneqarsinnaapput.

Imm. 2. Aalajangiinerit allakkallu allat, taamaallaat elektronikkut paasissutissanik suliarinninneq tunngavigalugu aalajangerneqartut imaluunniit atulersinneqartut aatsaat Erhvervsstyrelsip nassiussisuunera kisimi allanneqarsimatillugu pillugu malerugassanik Erhvervsstyrelsi aalajangersaasinhaavoq.

§ 8 c. Peqqussut manna imaluunniit peqqussut manna malillugu maleruagassanik atulersinneqartut malillugit allakkap, Erhvervsstyrelsimit allaanerusumik atulersinneqartoq, atsiorneqarsimanissa piumasarineqarpat tamanna piumasarisaq allakkamik atulersitsisup paatsuugassaanngitsumik kinaaneranik qulakkeerisumik periutsimik atuisoqarneratigut naammassineqarsinnaavoq, taamaattorli imm. 2 takujuk. Allakkat taamatut ittut allakkanut inummik atsiorneqartunut sanilliunneqarsinnaapput.

Imm. 2. Atsiorneqarsimanissaanik piumasaqaatip sanequnneqarsinnaanera pillugu maleruagassanik erseqqinnerusunik Erhvervsstyrelsi aalajangersaasinhaavoq. Tassunga ilanggullugu aalajangersarneqarsinnaavoq inuup atsiormissaa pillugu piumasaqaat allakkat ilaannut aalajangersunit sanequnneqarsinnaanngitsoq.

Kapitali 2

Nalunaarsuineq piffissaliussallu

Nalunaarsuineq

§ 9 Peqqussut manna malillugu paasissutissat nalunaarsorneqartussaasut inatsisitigut pilersitsilluni aalajangiinerup kingusinnerpaamik sapaatit akunneri tallimat kingorna Erhvervsstyrelsip qarasaasiaqarfianut 8 ilangunneqarsimassapput, peqqussummi

matumani imaluunniit peqqussut manna malillugu allamik aalajangiisoqarsimanngippat. Nalunaaruteqartoq nammineq Erhvervsstyrelsip qarasaasiaqarfiani nalunaarsuinerterik isumaginninngippat, § 12, imm. 1 takuuk, inatsisitigut pilersitsilluni aalajangiinerup kingusinnerpaamik sapaatit akunneri tallimat kingorna nalunaarut Erhvervsstyrelsimi tiguneqarsimassaaq.

Imm. 2. Nalunaarsuinerup pisimanerata qulakkeerneqarnissaanut pisussaaffik, imaluunniit nalunaarutip nalunaarsorneqarnissaa siunertalarugu Erhvervsstyrelsimit nalunaarutiginissaa ingerlatseqatigiiffiup qitiusumik aqutsisuinit pisussaaffigineqarpoq.

Imm. 3. Erhvervsstyrelsip qarasaasiaqarfiani tamanut saqqummiunneqartussat allakkat nalunaarutillu il.il. tamanut saqqummiunneqarnerini imm. 1 aamma 2 taamaaqataanik atorneqarput. Nalunaaruteqartoq nammineq Erhvervsstyrelsip qarasaasiaqarfiani nalunaarsuinerterik isumaginninngippat, § 12, imm. 2 takuuk, inatsisitigut pilersitsilluni aalajangiinerup kingusinnerpaamik sapaatit akunneri tallimat kingorna nalunaarut Erhvervsstyrelsimi tiguneqarsimassaaq.

§ 10 Ingerlatseqatigiiffiup aningaasaliiffiusup qullersaqarfiani, siulersuisuini aamma nakkutiliisuisuini ilaasortat kukkunersiuisorlu Erhvervsstyrelsip qarasaasiaqarfiani nalunaarsorsimaneqassapput.

Imm. 2. Suliassap naanissaa sioqqullugu kukkunersiuisoq tunuarpat, § 144 takuuk, suliassap atorunnaarneranut pissutaasoq qitiusumik aqutsisuniit naammattumik nassuaat nalunaarsorneqarnermut imaluunniit nalunaaruteqarnermut ilangunneqassaaq.

§ 11 Ingerlatseqatigiiffiup aningaasaliiffiusup malittarisassaani imaluunniit pissutsini allani siusinnerusukkut Erhvervsstyrelsimi nalunaarsorneqarsimasuni allannguisoqarpat allannguineq Erhvervsstyrelsip qarasaasiaqarfiani nalunaarsoneqassaaq imaluunnit styrelsimit nalunaarutigineqarlni, takuuk § 9.

§ 12 Peqqussut manna malillugu nalunaarsorneqartussaasut pissutsit nalunaarutigner aamma nalunaarsorneqarneri pillugit maleruagassanik Erhvervsstyrelsi aalajangersaassaaq.

Imm. 2. Peqqussut manna malillugu styrelsip qarasaasiaqarfiani nalunaarsuinerit, allakkat nalunaarutillu il.il. tamanut saqqummiunneqarneri pillugit maleruagassanik Erhvervsstyrelsi aalajangersaassaaq. Peqqussut manna malillugu Erhvervsstyrelsip qarasaasiaqarfiani qitiusumik aqutsisut namminneq isumagisassaannik nalunaarutinik il.il. tamanut saqqummiussineq, qitiusumik aqutsisunit nalunaaruteqartoqarnerata kingorna styrelsimit isumagineqarsinnaaneri pillugit maleruagassanik Erhvervsstyrelsi aalajangersaasinnaavoq.

Imm. 3. Nalunaarsuinermut allakanillu il.il., tamanut saqqummiussinermut, styrelsip qarasaasiaqarfianik atuineq aamma kingusinaarluni akiliinermi tuavisaarilluni allakkianut il.il. akiliutit pillugit maleruagassanik Erhvervsstyrelsi aalajangersaasinnaavoq.

Imm. 4. Ingerlatseqatigiiffinnut inatsisitigut maleruagassanik aqutsinermut aamma kiffartuussinermut immikkut akissanik aalajangersarneqarsimannngitsunut ukiumut akiliummik akiliisarneq pillugu maleruagassanik Erhvervsstyrelsi aalajangersaasinnaavoq.

§ 13 Nalunaarsuinermut imaluunniit nalunaarsuinermut nalunaarutinut aamma, aningaasaatitigut ingerlatseqatigiiffinni nalunaarsuinermut imaluunniit nalunaaruteqarnermut atatillugu nassiunneqartunut upernarsaatinut oqaatsitigut piumasaqaatit pillugit maleruagassanik Erhvervsstyrelsi aalajangersaasinnaavoq.

Imm. 2. Ingerlatseqatigiiffimi paassisutissanik kajumissutsimut nalunaarsuinerup aamma tamanut saqqummiussinerup aamma imm. 1 malillugu akuerineqartut oqaatsit atorlugit tamanut saqqummiussinerup pisussaaffiusup saniatigut Den Europæiske Unionimi pisortatigoortumik oqaatsit arlaat atorlugu pisinnaanera pillugu maleruagassanik Erhvervsstyrelsi aalajangersaasinhaavoq.

Imm. 3. Pinngitsoorani nalunaarsorneqartussanut tamanullu saqqummiunneqartussanut, imm. 1 tak., allagaatit paassisutissallu aamma taakkuninnga nutsernerit kajumissutsimik tamanut saqqummiunneqartut akornanni naapertuttoqartinnagu ingerlatseqatigiiffiup nutserneqarsimasoq allamut atuutsissinnaanngila. Akerlianilli allap kajumissutsimik oqaasertat tamanut saqqummiunneqartoq ingerlatseqatigiiffimmut atuutsissinnaavai, nalunaarsorneqartussatut pisussaaffiusoq pineqartoq, Erhvervsstyrelsip qarasaasiaqarfiani tamanut saqqummiunneqarsimasoq, § 9, imm. 1 naap., kajumissutsimik tamanut saqqummiunneqartuni allagaatini atorneqarsinnaanngitsoq uppernarsarneqanngippat.

§ 14 Peqqussut manna malillugu nalunaarsorneqarsimasut ingerlatseqatigiiffiit pillugit nalunaarsuiffimmi Erhvervsstyrelsi allattuissaq. Peqqussut manna naapertorlugu nalunaarsuineq aamma tamanut saqqummiussineq styrelsip qarasaasiaqarfiani ingerlanneqassaaq.

Imm. 2. Paassisutissat, qarasaasiaqarfimmi tamanut saqqummiunneqarsimasut allamit ilisimaneqalersutut isigineqarput. Oqaaseqatigiilli siullit tamanut saqqummiussinermiit kingusinnerpaamik ullut 16-issaanni iliuuserineqartunut atorneqassanngillat, pissutsinut tamanut saqqummiunneqartunut allap ilisimasaqarsimannginnera uppernarsarneqarsinnaanngippat.

Imm. 3. Tamanut saqqummiussineq qarasaasiaqarfimmi pisimatinnagu pissutsit nalunaarsorneqartussat aamma tamanut saqqummiunneqartussat allamut atuutsinneqarsinnaanngillat, taanna tamatuminnga ilisimannissimasoq uppernarsarneqarsinnaanngippat. Pissuseq taamatut ittoq tamanut suli saqqummiunneqarsimanngippat allamit pissutsip atuutsinnissaa akornuserneqanngilaq.

§ 15 Pissutsip nalunaarsorneqarnissaanik kissaatigineqartup peqqussummi matumani aalajangersakkanik, peqqussut manna imaluunniit ingerlatseqatigiiffiup malittarisassai naapertorlugit aalajangersakkanik naammassinninngitsut nalunaarsorneqassanngillat. Nalunaarsuineq aamma ingerlanneqassanngilaq, aalajangiineq nalunaarsuinermut tunngaviusoq, peqqussummi najoqqtassat, peqqussummi manna naapertorlugu aalajangersakkani aalajangersarneqartut, imaluunniit ingerlatseqatigiiffiup malittarisassaani aalajangersarneqartut naapertorlugit pilersinneqarsimanngippat.

Imm. 2. Nalunaaruteqartoq, Erhvervsstyrelsip qarasaasiaqarfianut pissutsinik nalunaarsuisoq imaluunniit tamanna pillugu Erhvervsstyrelsip qarasaasiaqarfiani nalunaarsuiffianut nalunaarummik nassiussisoq nalunaarsuinerup imaluunniit nalunaarutip inatsisinut naapertunneranut akisussaavoq, tassunga ilanggullugu pisariaqartinneqartumik piginnaatisissummiik peqarnera, aamma nalunaarsuinermut imaluunniit nalunaaruteqarnermut atatillugu uppernarsaatip atuuttuunera.

Imm. 3. Imm. 1 aamma 2 taamaaqataanik allagaatinut il.il., Erhvervsstyrelsip qarasaasiaqarfiani tamanut saqqummiunneqartunut atorneqarput, imaluunniit peqqussut manna malillugu tamanut saqqummiunneqartussanngorlugu styrelsimit nassiunneqartunut.

§ 16 Pissutsimi nalunaarutigineqarsimasumi kukkanneq amigaataasorluunniit ataatsimeersuarnerup aalajangerneratigut imaluunniit ingerlatseqatigiiffiup aningaasaliiffiusup qitiusumik aqutsisuiini akuersisoqarneratigut iluarsineqarsinnaasoq Erhvervsstyrels isumaqaqpat pissutsip naqqiisoqarnissaanut piffissaliussamik styreli aalajangiisinnaavoq. Piffissaliussap aalajangersarneqartup naanerani kingusinnerpaamik naqqiisoqanngippat nalunaarsuisoqarsinnaanngilaq.

Imm. 2. Imm. 1 malillugu nalunaarsuinissaq itigartinneqarpat nalunaarsuinerup pisinnaannginnera aamma tamatumunnga tunngavilersuut pillugu nalunaaruteqartoq allakkatigut nalunaarfingineqassaaq.

Imm. 3. Nalunaarsuinerit ingerlanneqarsimasut imaluunniit nalunaarutigineqarsimasut inatsisinut naapertuuttuneri nalornissutigineqartut Erhvervsstyrelsip ilisimalerpagu, pissutsip paasisaqarfignerit pitinnagit, § 9, imm. 1 malillugu nalunaarsuinerit pisinnaanngitsut styreli aalajangersinnaavoq. Nalunaarsuineq pisinnaanngitsoq pillugu, aamma tamatumunnga tunngavilersuut pillugu nalunaaruteqartoq allakkatigut nalunaarfingineqassaaq. Erhvervsstyrels aamma styreli aalajangiineranut tunngaviusoq pillugu styreli qarasaasiaqarfiani nalunaarummik tamanut saqqummiussisinnaavoq.

Imm. 4. Pisuni, imm. 3-mut ilaasuni aqutsisut tunuarneri aamma Erhvervsstyrelsip nalunaarsorsinnaavai.

§ 17 Peqqussut, peqqussut malillugu maleruagassat aalajangersarneqartut aamma aningaasaatitigut ingerlatseqatigiiffiup malittarisassai eqqortinnejarnersut pillugu isummertoqarsinnaanneranut pisariaqartunik paassisutissanik Erhvervsstyrels piumasaqarsinnaavoq, tassunga ilangullugu aningaasaatinut tunngaviusut pigineqarnersut.

Imm. 2. Kapitali una naapertorlugu maleruagassanik aalajangersaaneq malillugu nalunaarsuinermi nalunaaruteqarnermilu piffissami nalunaarsuiffiusumiit ukiut pingasut tikillugit nalunaarsuinerup imaluunniit nalunaaruteqarnerup inatsisinut naapertuuttuneranut uppernarsaatip nassiunneqarnissaa Erhvervsstyrelsip piumasarisinnaavaa. Tamatumunnga atatillugu immikkut pisuni nalunaarsuinermut imaluunniit nalunaaruteqarnermut atatillugu aningaasaqarnikkut iliuuseqarnerit inatsisit naapertorlugit pisimaneri pillugit kukkunersiuismiit nalunaarutip nassiunneqarnissaa Erhvervsstyrelsip piumasaqarsinnaavoq. Oqaaseqatigiit siullit aamma aappaat naapertorlugu piumasaqaatit naammassineqanngippata pissutsip naqqinnejarnissaanut piffissaliussamik styreli aalajangersaasinnaavoq. Piffissaliussap aalajangersarneqartup naanerani naqqiineq kingusinnerpaamik isumagineqanngippat pisariaqassappat § 226-mi maleruagassat malillugit aqutsisoqarfiup aningaasaatitigut ingerlatseqatigiiffiup atorunnaarsissinnaavaa.

§ 18 Pilfersitsisut aqqi najugaalu kiisalu aqutsisuni ilaasortat aqqi, atorfiiq najugaalu pillugit paassisutissat qaqqukkulluunniit Erhvervsstyrelsip qarasaasiaqarfiani takuneqarsinnaassapput. Tamanna ingerlatseqatigiiffinni ingerlasuni atorunnaarsimasunilu atuuppoq. Paassisutissat ilai saqqumissanngitsut pillugit maleruagassanik Erhvervsstyrels aalajangersaasinnaavoq.

Imm. 2. Suliffeqarfimmi, Erhvervsstyrelsip qarasaasiaqarfini nalunaarsorneqarsimasumi inuup pineqartup nalunaarsorsimanerata atorunnaarneraniit ukiut qulit qaangiuppata imm. 1 malillugu inuit pillugit paassisutissanik nutarterineq atorunnaassaaq.

§ 19 (Atorunnaarpooq)

§ 20 § 109-mi ilaasut eqqaassanngikkaanni inuit arlaat isumaqarpat pilersuisunit, ataatsimeersuarnermi imaluunniit ingerlatseqatigiiffiup aqtsisuitit aalajangiinermut tunngasoq nalunaarsuineq pineqartumut akornusiisoq nalunaarsorneqarnerup peerneqarnissaa pillugu apeqqut eqqartuussivinniissaq.

Imm. 2. Tamanna pillugu suliaq nalunaarsuinerup Erhvervsstyrelsip qarasaasiaqarfiani tamanut saqqummiunneqarneraniit kingusinnerpaamik qaammatit arfinillit kingorna ingerlatseqatigiiffimmut saqqummiunneqassaaq. Eqqartuussivik eqqartuussutip allatanngornera Erhvervsstyrelsimit nassiuissavaa, tamatumalu kingorna suliap inerneqarnera pillugu paasissutissat styrelsip qarasaasiaqarfiani tamanut saqqummiullugu.

Piffissaliussat

§ 21 Pisussaq aalajangersimasoq ullunik, sapaatit akunnerinik, qaammatinik imaluunniit ukiunik aalajangersimasunik sioqquallugu peqqussummi imaluunniit peqqussut malillugu atulersinneqartuni najoqqutassani aalajangersarneqarpat iliuusissaq isumagineqarsinnaasoq imaluunniit isumagineqassasoq, iliuusissap ingerlanneqarnissaanut piffissaliussaq pisussaq taanna sioqquallugu ullormiit naatsorsorneqassaaq.

Imm. 2. Iliuusissap ingerlannissaanut piffissaliussaq sapaatip akunnerata naanerani, nalliuuttuni, inatsisitaarfimmi, juulliaqqami imaluunniit ukiutoqqami naappat iliuuserisassaq taanna sioqquallugu ulluinnarmi kingullermi kingusinnerpaamik isumagineqassaaq. Peqqussummi imaluunniit peqqussut naapertorlugu najoqqutassani atulersinneqartumi iliuusissaq imaluunniit aalajangiineq ullunik, sapaatit akunnerinik, qaammatinik imaluunniit ukiunik aalajangersimasunik sioqquallugu peqqussummi imaluunniit peqqussut malillugu atulersinneqartuni najoqqutassani aalajangersarneqarpat iliuusissaq aalajangiinissarluunniit siusinnerpaamik isumagineqarsinnaasoq, iliuusissap ingerlanneqarnissaanut piffissaliussaq pisussaq taanna sioqquallugu ullormiit naatsorsorneqassaaq. Iliuusissaq aalajangiinissarluunniit siusinnerpaamik piffissaliussap naanerata aqaguaniit siusinnerpaamik isumagineqarsinnaavoq. Pisussaq aalajangersimasoq ullunik, sapaatit akunnerinik, qaammatinik imaluunniit ukiunik aalajangersimasunik sioqquallugu peqqussummi imaluunniit peqqussut malillugu atulersinneqartuni najoqqutassani aalajangersarneqarpat iliuusissaq kingusinnerpaamik isumagineqassasoq, iliuusissap ingerlanneqarnissaanut piffissaliussaq pisussap taassuma aqaguani ullormiit naatsorsorneqassaaq, takuuk imm. 2-4.

Imm. 2. Piffissaliussaq, imm. 1 takuuk, sapaatit akunnerini allanneqarsimappat iliuuseqarnissamut piffissaliussaq sapaatip akunnerani ullormi pisussap piffissaani naassaaq.

Imm. 3. Piffissaq, imm. 1 takuuk, qaammatini allanneqarsimappat iliuusissap isumagineqarnissaanut piffissaliussaq qaammammi ullormi pisussap pinissaani naassaaq. Pisussaq qaammammi ullormi kingullermi pissappat, imaluunniit piffissaliussaq qaammatip ulluani nassaassaangitsumi pisussaappat, qaammammi kingullermi ullormi kingullermi piffissaliussaq tamatigut naasassaaq qaammatip sivisusussaa apeqqutaatinnagu.

Imm. 4. Piffissaliussaq, imm. 1 takuuk, ukiumi allanneqarsimappat, iliuusissap isumaginissaanut piffissaliussaq pisussap ukiumi ullup nalliuunnerani naassaaq.

Imm. 5. Piffissaliussaq sapaatip akunnerata naanerani, nalliuuttuni, inatsisitaarfimmi, juulliaqqami imaluunniit ukiutoqqami naappat iliuuserisassaq tamatuma kingorna ulluinnarmi siullermi kingusinnerpaamik isumagineqassaaq.

Kapitali 3

Pilersitsineq

Pilersitsisut

§ 23 Ingerlatseqatigiiffik aningaasaliiffiusoq pilersitsisumit ataatsimit arlalinnilluunniit pilersinnejarsinnaavoq.

Imm. 2. Pilersitsisoq nammineersinnaassuseqassaaq aammalu akilersuiunnaarallartutut akiliisinnaajunnaartutulluunniit nalunaarutigineqarsimassanani.

Imm. 3. Pilersitsisoq inuuppat, taanna nammineersinnaassuseqassaaq aamma nammineersinnaassuseqarneq pillugu inatsit kunngip peqqussuteqarneratigut Kalaallit Nunaanni atortuulersinnejarsinnaqartoq naapertorlugu sinniisutitaqassanngilaq.

Imm. 4. Pilersitsisoq inatsisitigut pisinnaatitaappat pisussaatitaappallu taanna pisinnaatitaaffinnik pissarsisinnaanermut pisinnaatitaassaaq, pisussaaffilerneqarsinnaalluni aamma eqqartuussivimmi suliani peqataasinnaalluni.

Pilersitsinermi allagartaq

§ 24 Pilersitsisut ingerlatseqatigiiffiup aningaasaliiffiusup malittarisassaanik imaqartumik pilersitsinermi allagartamik atsiugaqassapput.

§ 25 Pilersitsinermi allagartaq uku pillugit paassisutissanik imaqassaaq

- 1) ingerlatseqatigiiffimmi aningaasaliiffiusumi pilersitsisut atii, najugai aamma Erhvervsstyrelsip qarasaasiaqarfiani nalunaarsorneqarnermi normu,
- 2) aningaasaatinik piginneqataassutit pisiarinerini naligititaq,
- 3)piginneqataassutinik pisinissamut aamma aningaasaatitigut piginneqataasutit akilernissaannut piffissaliussat,
- 4)pilersitsineq ullormit aalajangersimasumit sorlermiit inatsisitigut sunniuteqalernissaa, § 40, imm. 3-5 tak.,
- 5)pilersitsineq ullormit sorlermiit naatsorsuutit eqqarsaatigalugit sunniuteqalernissaa, § 40, imm. 6 tak., aamma
- 6)pilersitsinermi aningaasartuutinik ingerlatseqatigiiffik aningaasaliiffiusoq aningaasartuuteqassanersoq taamaattoqassappallu aningaasartuutit missingiliuussat.

§ 27. Pilersitsinermi allagartaq aamma pissutsit makku pillugit aalajangersakkanik imaqassaaq, taakku pillugit aalajangiisoqarsimappat:

- 1)Immikkut pisinnaatitaaffiit imaluunniit iluaqtissat, pilersitsisunit allanilluunniit pissarsiarineqartussat,
- 2)pilersitsisunik allanilluunniit isumaqtigiissuteqarneq, taamaalilluni ingerlatseqatigiiffimmut aningaasaliiffiusumut aningaasatitigut annertuumik pisussaaffiliisinnaasut,
- 3)ningaasaatitigut piginneqataassutit aningaasanit allaanerusunik allanik nalilinnik aningaasaliinikkut pissarsiarineqarsinnaapput, § 35 tak.,
- 4)ingerlatseqatigiiffiup aningaasaliiffiusup ukiumoortumik naatsorsuutai il.il. kukkunersiornejassanngitsut, aningaasaatitigut ingerlatseqatigiiffiup kunngip peqqussuteqarneratigut Kalaallit Nunaanni atortuulersinnejarsinnaqartoq naapertorlugu ukiumoortumik naatsorsuutit pillugit inatsit, imaluunniit inatsisit allat malillugit kukkunersiuisup atorneqannginnissaa toqqarpagu, aamma
- 5)ingerlatseqatigiiffimmi aningaasaatit pisiarineqartut ilai, piffissami pilersitsinermi akilerneqartut annertussusaat.

Imm. 2. Pilersitsinermi allagartami imm. 1 naapertorlugu aalajangiiffigineqartut aalajangersakkat nalilernerinut pingaaruteqartut pisut pillugit pilersitsisut nassuaassapput. Aalajangersakkanut ilaasut inuit aqqi najugaalu nassuaammi allanneqassapput.

Imm. 3. Allagaatit, pingarnersatut imai pilersitsinermi allagartami issuarneqanngitsut, kisiannili pilersitsinermi allagartami innersuussutigineqartut, tassunga ilanngunneqassapput.

Imm. 4. Pissutsit pilersitsinermi allagartami eqqaaneqartut pillugit isumaqatigiissutit, kisiannili tassani akuerineqanngitsut, ingerlatseqatigiiffimmut aningaasaliiffiusumut atuuffeqanngillat.

Malittarisassat

§ 28. Ingerlatseqatigiiffiup aningaasaliiffiusup malittarisassai uku pillugit paasissutissanik imaqassapput:

- 1) Ingerlatseqatigiiffiup aningaasaliiffiusup aqqa saniatigullu taaguuteqassappat taaguutai,
- 2) ingerlatseqatigiiffiup aningaasaliiffiusup siunertaa,
- 3) ingerlatseqatigiiffiup aningaasaataasa annertussusai aamma aningaasaatini piginneqataassutit amerlassusaat imaluunniit aningaasaatitigut piginneqataassutit naleqassusaat,
- 4) aningaasaatitigut piginneqataassutit pisinnaatitaaffii,
- 5) ingerlatseqatigiiffiup aningaasaliiffiusup aqutsisutigut aaqqissugaanera, tassunga ilanngullugu aqutsisut aaqqissugaanerat toqqrneqartoq pillugu paasissutissaq, § 111 tak., aamma aktieselskabini aqutsisutigut aaqqissugaanerni assigiinnngitsuni ilaasortat aamma sinniisuuusinnaasut amerlassusaat imaluunniit ikinnerpaaffissaat amerlanerpaaffissaallu pillugit paasissutissat kiisalu aqutsisutut aaqqissugaanermi qullersaasumik ilaasortat piffissaq qinigaaffiat,
- 6) ataatsimeersuarnissamut aggersaaneq aamma
- 7) ingerlatseqatigiiffiup aningaasaliiffiusup ukiumoortumik naatsorsuusiorfigisartagaa.

§ 29 Ingerlatseqatigiiffiup aningaasaliiffiusup malittarisassai aamma peqqussut manna malillugu malittarisassani ilanngunneqartussanik aalajangiinerit pillugit paasissutissanik imaqassaaq, aamma ingerlatseqatigiiffiup aningaasaliiffiusup atuuffissaa killeqarpat ingerlatseqatigiiffiup aningaasaliiffiusup kingusinnerpaamik atuukkunnaarnissaanut piffissaq pillugu.

Ingerlatseqatigiiffimmi aningaasaatinik pisiumalluni nalunaarneq

§ 30 Aningaasaatinit pigisassanik pisiumalluni nalunaarneq pilersitsinermi allagartami pissaaq ilanngussaqartarsinnaalluni.

§ 31 Aningaasaatinit pigisat nangaassuteqarluni imaluunniit nalia ataallugu pisiumalluni nalunaartoqassanngilaq.

§ 32 Aningaasaatinit pigisanik pisumanissamut nalunaarneq akuerineqarsinnaanersoq pillugu pilersitsisut aalajangiissapput, taamaattorli § 31 tak.

Imm. 2. Nalinga sinnerlugu pisumanissamut nalunaartoqartillugu pilersitsisut nalunaarsuinissaq imaluunniit nalunaarsorneqarnissamut nalunaaruteqarnissaq sioqqullugu, §§ 9 aamma 40 tak., aningaasaatinik piginneqataassutit qassit pisumanissamut nalunaartunut ataasiakkaanut tutsinneqassanersut aalajangiissapput. Pilersitsinermi allagartaq malillugu pilersitsisup pisumanissamut nalunaartunut aningaasanik annikinnerusunik aningaasaatinit piginneqataassutinik pilersitsisumut tunniussisoqassanngilaq.

Imm. 3. Pilersitsisut inuit ingerlatseqatigiiffinni aningaasaliiffiusuni aningaasaatitigut piginneqataassutinik pisumanissamut nalunaarsimasut sapinngisamik piaarnerpaamik nalunaarfigissavaat,

- 1) pisumanissamut nalunaarneq akuerineqanngippat,
- 2) pilersitsisut pisumanissamut nalunaarneq atortussaanngitsippassuk imaluunniit
- 3) ingasanaarluni pisumanissamut nalunaarnerup malitsigisaanik aningaasat pisiassatut pisussaaffiliisut apparitinneqarpata.

Imm. 4. Malittarisassani allanneqartumik qaffasinnerusumik appasinnerusumilluunniit ingerlatseqatigiiffik aningaasaateqartillugu ingerlatseqatigiiffimmik aningaasaliiffiusumik pilersitsinissaq pillugu siunnersuut taamaallaat pilersitsisunit aamma aningaasaatinik pisisimasunit tamanit akuersisoqarneratigut akuerineqarsinnaavoq.

Imm. 5. Ingerlatseqatigiiffiup aningaasaatai imaluunniit aningaasat ikinnerpaaffissaatut aalajangiineq tamakkiisumik pisiarineqarsimannngippat aamma pilersitsisunit akuerineqarnani ingerlatseqatigiiffiup aningaasaliiffiusup pilersinneqarnera taamaallilunilu aningaasaatinik pisisut pisussaaffii atorunnaassapput. Aningaasat akilerneqarsimasut utertillugit akilerneqassapput. Pilersinsermili aningaasartuutit ilanngaatigineqarsinnaapput, tamanna pisinermi piumasaqaatigineqarsimappat.

Ingerlatseqatigiiffiup aningaasaataanik akiliineq

§ 33 Qaqgukkulluunniit ingerlatseqatigiiffiup aningaasaataasa 25 pct.-ii akilerneqarsimassapput, ikinnerpaamilli 50.000 kr.-t. Akiliineq aningaasaatinik piginneqataasunut ataasiakkaanut naleqqiullugu pissaaq. Nalinga sinnerlugu akiliisoqassasoq aalajangerneqarpat aktieselskabimi nalinganik sinniineq tamakkiisumik akilerneqassaaq, ingerlatseqatigiiffiup aningaasaataasa ilai akilerneqannginneri apeqquaatinngagu. Anpartsselskabini nalinganik sinniineq tamakkiisumik akilerneqassanngilaq, kisiannili ingerlatseqatigiiffimmi aningaasaatit annertoqataattut ilaannakuusumik akilerneqarsinnaalluni. Ingerlatseqatigiiffiup aningaasaatai tamarmik ilaannaaluunniit aningaasaliinermi aningaasaanngitsunik nalilinnik allanik akilerneqarpata, § 35 tak., ingerlatseqatigiiffiup aningaasaatai tamarmik aamma nalingata sinnera tamakkiisumik akilerneqassaaq.

Imm. 2. Ingerlatseqatigiiffiup aningaasaatai akilerneqanngitsut ingerlatseqatigiiffiup aningaasaliiffiusup qitiusumik aqutsisuinit qaqguluunniit piumasarineqarpat akilerneqassaaq. Akiliinissamut piffissaliussaq sivikinnerpaamik sapaatit akunneri marluupput. Malittarisassani sivisunerusumik piffissaliisoqarnissaanik aalajangersaasoqarsinnaavoq, taamaattorli sapaatit akunneri sisamat qaangertussaanagit.

Imm. 3. Aningaasaatinik piginnaataassutinik akiliinernut ingerlatseqatigiiffiup aningaasaliiffiusup pissarsiassai tunineqarsinnaanngillat imaluunniit taarsigassarsianut sallunaveeqquaasinnaanngillat.

Imm. 4. Ingerlatseqatigiiffiup aningaasaataasa annertussusaat allakkani allanilu niuernermi pappiarani, tassunga ilanngullugit elektronikkikkut nalunaarutit, aamma ingerlatseqatigiiffiup aningaasaliiffiusup nittartagaani allanneqarpata, aningaasaatit pisiassatut nalunaarutigineqartut kiisalu aningaasaatit akilerneqartut allanneqassapput.

§ 34 Aningaasaatinik piginnittup pisinnaatitaaffii peqqussut manna malillugu allanngussanngillat, aningaasaatinik piginneqataassutit tamakkiisumik akilerneqarsimanersut apeqquaatinngagu, taamaattorli imm. 3 tak.

Imm. 2. Aningaasaatinik piginnittooq, qitiusumik aqutsisut tamatuminnga qinnuteqarpata, aningaasaatinik piginneqataassutinik akiliinissamut pisussaaffeqarpoq, tak. § 33, imm. 2. Aningaasaatinilli piginnittooq qaqqukkulluunniit aningaasaatinik piginneqataassutini aningasat isumannaarneqarsimanngitsut akilernissaannut pisinnaatitaaffeqarpoq, qitiusumik aqutsisut tamanna pillugu qinnuteqarnermi saqqummiussisimaneri apeqquataatinnagu. Aningaasaatinik piginnittooq aningaasaatinik piginneqataassutini pineqartuni aningasat isumannaarneqarsimanngitsut tamaasa akilissavai, malittarisassat allamik aalajangiisimanngippata.

Imm. 3. Aningaasaatinik piginnittooq aningaasaatinik piginneqataassutini aningasat isumannaarneqarsimanngitsut akilerneqarnissaat pillugu qitiusumik aqutsisut piumasaqarnerannik piffissaagallartillugu naammassisimanngippagu, aningaasaatinik piginnittup ingerlatseqatigiiffimmi aningaasatigut akiligassami ilaata arlaannut taasisinnaatitaanini atorsinnaanngilaa, pineqartullu aningaasatigut akiligassai ataatsimeersuarnermi sinniisuuffigineqartutut isigineqarnatik, aningasat akilerneqartinnagit aamma ingerlatseqatigiiffimmit aningaasaliiffiusumit nalunaarsorneqartinnagit. Tamannali iluanaarutinut pisinnaatitaaffinnut allanullu aningaasanut tigusassanut kiisalu aningaasaatit qaffanneqarnerini aningaasaatinini piginneqataassutsinut nutaanik pisinnaatitaaffeqarnermut atuutinngilaq. Qitiusumik aqutsisut aningaasaatinik piginnittup pineqartup aningaasaatinik piginnittutut pisinnaatitaaffiinit ingerlatseqatigiiffimmit iluanaarutissani aningaasaatinit akiliinissamit ingerlatseqatigiiffiup aningaasaliiffiusup piumasaqaatai ilanngaatigineqarsinnaappat.

Imm. 4. Ingerlatseqatigiiffiup aningaasaliiffiusup qitiusumik oqartussanit akuerineqaqqaarnani aningasat isumannaarneqarsimanngitsut akilernissaannut pisussaaffigisaminut ingerlatseqatigiiffimmi aningaasaliiffiusumi pissarsiassani aningaasaatinik piginnittup ilanngaatigisinnaanngilai. Ilanngaassineq ingerlatseqatigiiffimmut aningaasaliiffiusumut taassumaluunniit akiligassaqarfiinut akornusiissappat akuersisoqassanngilaq.

Imm. 5. Aningaasaatinik piginnittooq ingerlatseqatigiiffiup aningaasaliiffiusup qitiusumik oqartussanit akuerineqaqqaarnani aningasat isumannaarneqanngitsut akilernissaannut pisussaaffimminik naammassinninnissaminut aningaasaanngitsunik nalilinnik allanik aningaasaliisinnanngilaq. Aningaasaliineq ingerlatseqatigiiffimmut aningaasaliiffiusumut taassumaluunniit akiligassaqarfiinut akornusiissappat akuersisoqassanngilaq. Aamma §§ 36 aamma 37-mi aalajangersakkat malillugit nalilersuilluni nalunaarusioraqassaaq, pissarsineq § 38-mut ilanngippat.

Imm. 6. Aningaasaatinik piginnittooq aningaasaatinik piginneqataassutit tamakkiisumik akilerneqarsimanngitsut tunniuppagit pineqartoq aningaasaatinik piginneqataassutit akilernissaannut sinneruttunut pissarsinermut aamma kingusinnerusukkut pissarsisussanut nammaqatiginnilluni akisussaatinneqassaaq.

*Ingerlatseqatigiiffiup aningaasaataanik aningaasaanngitsunik nalilinnik allanik
aningaasaliissuteqarneq pillugu immikkut*

§ 35 Aningaasaanngitsunik nalilinnik allanik aningaasaliissuteqarneq aningasanik naleqassaaq aamma suliaqarnissamik imaluunniit kiffartuussinissamik pisussaaffeqartussaanani.

Imm. 2. Pilfersitsisuni imaluunniit aningaasaatinik piginnittuni pissarsiassat aningaasaliissutigineqarsinnaanngillat imaluunniit tiguneqarsinnaanngillat, pissarsiassat qularnaveeqqusiiisoqarneratigut qulakkeerneqarsimaneri apeqquataatinnagu.

§ 36 Ingerlatseqatigiiffik aningaasaliiffiusoq aningaasaanngitsunik nalilinnik allanik tigusaqassappat pilersitsinermi uppernarsaat nalilersuinermi nalunaarummut ilangunneqassaaq. Nalunaarutip imarissavai

- 1) aningaasaliissutit tamarmik allaaserineqarneri,
- 2) naliliinermi suleriaaseq atorneqartoq pillugu paassisutissaq,
- 3) tigusinermi aalajangerneqartup akissarsiap allanneqarnera, aamma
- 4) aningaasatigut naliusup inissinneqartup akissarsiatut isumaqatigiissutigineqartutut minnerpaamik naapertuunnera pillugu nalunaarut, tassunga ilanggullugu aningaasaatinik piginneqataassutsit atulersinneqartussat nalingi, sinneqartumik naleqartitsisinnanaeq ilanggullugu.

Imm. 2. Naliliineq pilersitsinermi uppernarsaatip atsiornera sioqqullugu sapaatit akunnerinik sisamanik siusinnerusumik isumagineqarsimassanngilaq. Piffissaliussaq qaangerneqarpat nutaamik naliliisoqassaaq.

Imm. 3. Suliffeqarfimmik pioreersumik pilersitsinermut atatillugu ingerlatseqatigiiffik aningaasaliiffiusoq tigusaqarpat naliliinermi nalunaarusiaq aamma ingerlatseqatigiiffik aningaasaliiffiusoq pillugu pilersitsinermi pigisanik nalilinnik akiligassanillu naatsorsuinermik imaqassaaq. Pilersitsinermi pigisanik nalilinnik akiligassanillu naatsorsuineq ingerlatseqatigiiffiup ukiumoortumik nalunaarusiornermi malitaanut maleruagassanut naapertuitissaq. Pilersitsinermi pigisanik nalilinnik akiligassanillu naatsorsuineq nangaassuteqarfiussanngilaq. Ingerlatseqatigiiffik aningaasaliiffiusoq kunngip peqqussuteqarneratigut Kalaallit Nunaanni atulersinneqartumik ukiumoortumik naatsorsuutit pillugit inatsit, imaluunniit inatsisit allat malillugit kukkunersiorfigineqartussaappat, pilersitsinermi pigisanik nalilinnik akiligassanillu naatsorsuineq aamma kukkunersiuinerup nangaassuteqarfiunginna pillugu nalunaarummik pilersorneqarsimassaaq.

§ 37 Nalilersuinermi nalunaarusiaq nalilersuisartumit ataatsimit amerlanernilluunniit nakerisarsiunngitsunit, paasisimasalinnit suliarineqassaaq. Nalilersuisartutut pilersitsisut taamaallaat kukkunersiusunik akuerisaasunik toqqaasinnaapput. Pigisanik agguassisarnermut eqqartuussivik pisuni allani nalilersuisussanik toqqaasinnaavoq.

Imm. 2. Peqqussummi matumani §§ 133 aamma 149 aamma kukkunersiusut attaviitsuunerat pillugu kukkunersiusunut inatsimmi maleruagassat taamaaqataanik nalilersuisunut atorneqarput.

Imm. 3. Nalilersuisartut misissuinernik pisariaqartinneqartutut isigisaminnik misissuisinnaassapput, aamma suliamik ingerlanneqarnissaannut pisariaqartutut isigisaminnik pilersitsisuniit imaluunniit ingerlatseqatigiiffimmii aningaasaliiffiusumiit paasissutissanik ikiorneqarnissamillu piumasaqarsinnaallutik.

§ 38 § 36, imm. 1 malillugu nalilersuinermi nalunaarusiamik suliaqarnissaq pillugu piumasaqaat imatut aningaasaliinermi atuutinngilaq:

- 1) Pigisat nalillit aamma pisussaaffit (ilanngaateqareerluni pigisat nalillit), ullormi nalimut uuttorneqartut aamma ukiup siuliani ukioq naatsorsuusiorfiusoq pillugu ukiumoortumik imaluunniit suliffeqarfissuup naatsorsuutaani immikkut saqqummiunneqartut. Ukiumoortumik imaluunniit suliffeqarfissuup naatsorsuutai kunngip peqqussuteqarneratigut Kalaallit Nunaanni atulersinneqartumi ukiumoortumik naatsorsuutit pillugit inatsimmi aalajangersakkat, imaluunniit nunani tamalaani naatsorsuusiornermi piumasarit naapertorlugit suliarineqarsimassapput, nunani tamalaani naatsorsuuserinermi piumasarineqartut atorneqarneri pillugit Europa-Parlamentip aamma Rådip peqqussutaa naap., aningaasatigut ingerlataqarneq pillugu inatsisikkut imalunniit naapertorlugi naatsorsuinermi malerusagassat aalajangersarneqartut naapertorlugit, imaluunniit Europa-

Parlamentip aamma Rådip malitassaani 2013/34/EU-mi maledruagassat malillugit suliarineqartut nunani allani suliffeqarfik pillugu naatsorsuutini kingusinnerusukkut allannguiteqartut aamma kukkunersiuismik uppermarsaatitalik.

2) Pappiaqqat aningaasanik nalillit imaluunniit aningaasanik niuerfimmi sakkut, agguaqatigiissillugu naleqartillugit pissarsiarineqartut, taakkununngap pilersitsinermi uppermarsaatip atsiorneqarnissa sioqquullugu sapaatit akunnerini sisamani niuerfinni killeqartumi ataatsimi amerlanerniluunniit niuerutigineqartut. § 36, imm. 1 malillugu nalilersuinermi nalunaaruseorneq suliarineqassaaq, ingerlatseqatigiiffiup aningaasaliiffiusup qitiusumik aqutsisui naliliippata taamatut agguaqatigiissilluni naleqartitsineq pissutsinik immikkut illuinnartunik sunnerneqarsimappat imaluunniit allatigut nalimut atuuttumut naapertuuttutut isigineqarsinnaanngippat.

Imm. 2. Imm. 1 naapertorlugu aningaasaliissutit ingerlatseqatigiiffimmut aningaasaliiffiusumut imaluunniit tassani aningaasaatinik piginnittunut imaluunniit akiligassaqaqrifinut akornusiinnginnerinut ingerlatseqatigiiffiup aningaasaliiffiusup qitiusumik aqutsisui akisussaapput, aamma nalunaaruteqassallutik imatut imaqtumik
1) aningaasaliissutit aamma pisussaaffiit (ilanngaateqareerluni pigisat nalillit) taakkulu nalingisa allaaserineqarneri,

*2) naliliinermi suleriaaseq atorneqartoq pillugu paassisutissaq,
3) aningaasaatinik piginneqataassutit naliinut aamma sinneqartumik naliliisoqarsimappat minnerpaamik nalit allanneqartut naapertuunneri pillugu oqaaseqaat, akissarsiatut atulersinneqartussaq, aamma
4) aallaqqammut naliliinermut pingaaruteqartumik pissutsit nutaat atuutilersimannginneri pillugu oqaaseqaat.*

Imm. 3. Qitiusumik aqutsisut imm. 2 malillugu nalunaarut Erhvervsstyrelsip qarasaasiaqarfianut tamanut saqqummiutissavaa, kingusinnerpaamik pilersitsinerup nalunaarsorneqarnerata imaluunniit nalunaarsorneqarnissaanut nalunaarutigineqarnerata peqatigisaanik.

Aqutsisut kukkunersiuismillu il.il. toqqaaneq

§ 39 Ingerlatseqatigiiffimik aningaasaliiffiusumik pilersitsinermut atatillugu ingerlatseqatigiiffiup aningaasaliiffiusup aqutsisuinik kukkunersiuismillu toqqaasoqarsimannngippat, pilersitsinermi uppermarsaatit atsiorneqarneriniit kingusinnerpaamik sapaatit akunneri tallimat qaangiutsinnagit ingerlatseqatigiiffiup aningaasaliiffiusup aqutsisuinik kukkunersiuismillu toqqaasoqarnissaanik ingerlatseqatigiiffimmi aningaasaliiffiusumi pilersitsisut ataatsimeersuassapput. Pilersitsineq aamma aqutsisut toqqaarneqartut kiisalu kukkunersiuisoq nalunaarsorneqassapput imaluunniit nalunaarutigineqarlutik, § 9 tak.

Nalunaarsuineq

§ 40 Pilersitsinermi uppermarsaatip atsiorneqarneraniit kingusinnerpaamik sapaatit akunneri tallimat qaangiutsinnagit aningaasaatitigut ingerlatseqatigiiffik Erhvervsstyrelsip qarasaasiaqarfini nalunaarsorneqassaaq imaluunnit nalunaarsorneqarnissaanut nalunaarutigineqassaaq, § 9 tak. Piffissap taassuma naanissaa sioqquullugu nalunaarsorneqarsimannngippat imaluunniit nalunaarut Erhvervsstyrelsimi tiguneqarsimannngippat nalunaarsorneqarneq pisinnaannngilaq.

Imm. 2. Ingerlatseqatigiiffik aningaasaliiffiusoq nalunaarsorneqarsinnaannngilaq, aningaasaatit tamarmiusut ikinnerpaamik 25 pct.-ii, taamaattorli ikinnerpaamik 50.000 kr.-t, § 4, imm. 2 tak., akilerneqarsimannngippata, § 33, imm. 1, oqaaseqatigiit siullit tak. Sinneqartumik naleqartitsisoqarsimappat taanna § 33, imm. 1 naapertorlugu

akilerneqarsimassaaq. Imm. 1 malillugu nalunaarsorneqarnermi imaluunniit nalunaaruteqarnermi kingusinnerpaamik piffissami nalunaarsorneqarnermi imaluunniit nalunaaruteqarnermi aningasaatit ingerlatseqatigiiffimmut akilerneqarsimaner i pillugu uppernarsaat nassiunneqassaaq.

Imm. 3. Ingerlatseqatigiiffiup aningaasaliiffiusup pilersinneqarnera pilersitsinermi allagartap ullormit atsiorneqarneraniit imaluunniit pilersitsinermut allagartami allanneqartumi ullormit kingusinnerusumiit inatsisitigut sunniuteqalissaq, taamaattorli imm. 4 aamma 5 tak.

Imm. 4. Ingerlatseqatigiiffimi aningasaatit aningaasaliinermi aningaasanik akilerneqarpata pilersitsinermi allagartap atsiorneqarneraniit qaammatinik aqqaneq marlunnik kingusinnerusumik pilersitsineq inatsisitigut sunniuteqalersinnaanngilaq.

Imm. 5. Ingerlatseqatigiiffik pilersitsinermut atatillugu aningaasaanngitsunik nalilinnik allanik tigusaqassappat aningasaatitigut ingerlatseqatigiiffiup nalunaarsorneqarneranut imaluunniit nalunaarsorneqarnissamut nalunaarutigineqarneranut piffisami kingusinnerusumik pilersitsineq inatsisitigut sunniuteqalersinnaanngilaq, imm. 1 tak.

Imm. 6. Pilersitsinermut atatillugu ingerlatseqatigiiffik aningaasaliiffiusumik suliffeqarfimmik piovere sumik tigusippat imaluunniit suliffeqarfimmik allani piginneqataassutinik aalajangiisunik tigusaqarpat, suliffeqarfimmik aningaasaliissutigineqartumi, imaluunniit aningasaatinut tunngasumi ukiumi naatsorsuusiorfiusumi ullormit siullermiit naatsorsuutit eqqarsaatigalugit pilersitsineq sunniuteqalissaq.

§ 41 Ingerlatseqatigiiffik aningaasaliiffiusoq, nalunaarsorneqarsimanngitsoq, pisinnaatitaaffinnik pissarsisinnaanngilaq, pisussaaffeqlersinnaanngilaq imaluunniit eqqartuussivimmi sulihami peqataasuusinnaanani, ingerlatseqatigiiffimmi aningaasaatinik pisiumalluni nalunaarutigineqartunik akileeqqusinermut eqqartuussisunut suliassanngorttsinerit aamma pisiumalluni nalunaarnernut tunngasut eqqartuussisunut suliassanngorttsinerit eqqaassanngikkaanni. Ingerlatseqatigiiffiup taaguutiminut ilanngutissavaa oqaaseq »pilersinneqarnialersoq«.

Imm. 2. Ingerlatseqatigiiffik aningaasaliiffiusoq pilersitsinermi allagartap atsiorneqarneranut ullup kingornaniittumik inatsisitigut sunniuteqalersillugu ulloqartillugu pilersinneqarpat, § 40, imm. 3-5 tak., piffissami ingerlatseqatigiiffiup aningaasaliiffiusup pilersinneqarnerata inatsisitigut sunniuteqalernissaata tungaanut ingerlatseqatigiiffik aningaasaliiffiusoq sinnerlugu pisinnaatitaaffinnik imaluunniit pissarsisoqarsinnaavoq.

Imm. 3. Pilersitsinermi allagartap ullormi atsiorneqarnerata kingorna, kisiannili nalunaarsorneqarneq sioqqullugu, ingerlatseqatigiiffik aningaasaliiffiusoq sinnerlugu pisussaaffeqlerpai inuit pisussaaffeqlersitsisut imaluunniit tamatumunnga akisussaaqataasut nammaqatigiillutik akisussaatinnejassapput. Nalunaarsorneqarnermi pilersitsinermi allagartap malitsigisaanik pisinnaatitaaffit pissassaaffi illu imaluunniit pilersitsinermi allagartap atsiorneqarnerata kingorna ingerlatseqatigiiffimmut aningaasaliiffiusumut pisuutinneqartussat ingerlatseqatigiiffimmit aningaasaliiffiusumit tiguneqassapput.

Imm. 4. Ingerlatseqatigiiffiup aningaasaliiffiusup nalunaarsorneqarnera sioqqullugu isumaqatigiissuteqartoqarsimappat, isumaqatigiissuteqarfigineqartullu aappaat ilisimasimappagu ingerlatseqatigiiffik aningaasaliiffiusoq nalunaarsorneqarsimanngitsoq, taassuma isumaqatigiissut atorunnaarsissinnaavaa, nalunaarsorneqarneq § 40, imm. 1 malillugu piffissaliussap naanerani kingusinnerpaamik Erhvervsstyrelsip qarasaasiaqarfiani pisimanngippat, imaluunniit nalunaarsorneqarnissaq naaggaarneqarpat. Tamannali allamik isumaqatigiittoqarsimappat atutissanngilaq. Ingerlatseqatigiiffik aningaasaliiffiusoq nalunaarsorneqarsimanngitsoq isumaqatigiissuteqarfigineqartup ilisimasimanngippagu,

ingerlatseqatigiiffiup aningaasaliiffiusup nalunaarsorneqarsimanginnerani isumaqtigiissut taanna atorunnaarsinnejarsinnaavoq.

Kingornatigut pissarsinerit

§ 42 Ingerlatseqatigiiffiup aningaasaliiffiusup qitiusumik aqutsisui pilersitsisuniit, aningaasaatinik piginnittuniit aamma ingerlatseqatigiiffiup aningaasaliiffiusup aqutsisuini ilaasortaniit pigisanik nalilinnik pissarsinerit ingerlatseqatigiiffimmut, taassuma aningaasaatinik piginnittuinut imaluunniit akiligassaqarfiinut ajoqsiinnginnissaanut akisussaapput.

§ 42 a. Ingerlatseqatigiiffiup aningaasaliiffiusup pilersitsisumiit pigisanik nalilinnik pissarsinera ataatsimeersuarnermit akuerineqassaaq,

- 1) pissarsineq piffissami pilersitsinermi allagartap atsiorneranit ullormiit aamma aktieselskabip nalunaarsorneqarnerata kingorna qaammatit 24-t tikillugit pisimappat, aamma
- 2) akissarsiat ingerlatseqatigiiffiup aningaasaataasa minnerpaamik qulerarterutaanut naapertuuppata.

Imm. 2. Aktieselskabimi qitiusumik aqutsisut pissarsinerup akuerineqarnissaa pillugu ataatsimeersuartut aalajangiinissaannut atugassamik pissarsinermi pisut erseqqinnerusut pillugit nassuiaasiussapput.

§ 43 Pilersitsisumiit pigisanik nalilinnik aktieselskabi pissarsippat aamma pissarsineq § 42 a, imm. 1-imut ilaappat §§ 36 aamma 37-mi aalajangersakkat malillugit nalilersuinermi nalunaarusiortoqassaaq, pissarsineq § 38-mut ilaanngippat.

Imm. 2. Pissarsiarineqartoq imm. 1 malillugu suliffeqarfipat piovereersoq, taamaattoq oqimaaqatigiissitsineq § 36, imm. 3 malillugu suliffeqarfik tiguneqartoq pillugu tigusinermi oqimaaqatigiissitsinermik suliaqartoqassaaq.

§ 44 Qitiusumik aqutsisut nassuiaat, § 42 a, imm. 2 tak., aamma nalilersuinermi nalunaarusiaq imaluunniit aqutsisut nalunaarutaat, § 43 tak., Erhvervsstyrelsip qarasaasiaqarfiani pissarsinerup ataatsimeersuartunit akuerineqarneraniit kingusinnerpaamik sapaatit akunneri tallimat qaangiutsinnagit tamanut saqqummiutissavaat.

Imm. 2. §§ 42 a aamma 43 aktieselskabip ileqquusumik niuernikkut iliuuserisaanut atorneqassanngillat.

Kapitali 4

Aningaasaatinik piginneqataassutit, piginnittut nalunaarsorsimaffiat il.il.

Aningaasaatinik piginneqataassutit

§ 45 Ingerlatseqatigiiffinni aningaasaliiffiusuni aningaasaatinik piginneqataasut tamarmik ingerlatseqatigiiffimmi naligiimmik pisinnaatitaaffeqarput. Malittarisassalli aningaasaatillit assigiinngitsunut immikkoortiterneqarsinnaasut aalajangiisinnallutik. Taamaattoqartillugu aningaasaatinik piginneqataassutini immikkoortunut ataasiakkaanut atassutit assigiinngissusaat malittarisassani allanneqassaaq, aamma immikkoortut ataasiakkaat angissusaat.

§ 46 Aningaasaatinik piginneqataasut tamarmik taasisinnaatitaapput. Taamaattorli ingerlatseqatigiiffiup aningaasaliiffiusup malittarisassaani aalajangerneqarsinnaalluni

aninkaasaatinik piginneqataasut ilai taasisinnaatitaanngitsut, aamma aninkaasaatinik piginneqataassutit taasinerisa nalingi aninkaasaatinik piginneqataassutinut allanut naleqqiullutik allaanerusut.

Imm. 2. Aninkaasaatinik piginneqataassutit taasisinnaanngitsut tamanna malittarisassanit takuneqarsinnaappat taamaallaat sinniisoqarsinnaapput.

§ 47 Ingerlatseqatigiiffik aninkaasaliiffiusoq allassimasutut nalilimmik imaluunniit aninkaasaatit ilaannik piginneqataasutut imaluunniit taakku ataqtigisiillugit aninkaasaatinik piginneqataassutinik atulersitsisinnaavoq.

Imm. 2. Aninkaasaatit ilaannik piginneqataassutit allassimasunik naleqanngillat. Aninkaasaatit ilaannik piginneqataassutit ataasiakkaat tamarmik ingerlatseqatigiiffiup aninkaasaataannik annertoqatigiittumik annertussuseqarput.

Imm. 3. Ingerlatseqatigiiffiup aninkaasaataannik piginneqataaneq, piginneqataassutit atulersinneqartut amerlassusaat malillugit, naliusup allassimasup aamma ingerlatseqatigiiffiup aninkaasaatai aamma aninkaasaatit ilaannik piginneqataassutit akornanni pissutsit malillugit allassimasumik naleqartillugit aninkaasaatinik piginneqataassutinit aalajangerneqartarput.

§ 48 Aninkaasaatit piginneqataassutit killilersorneqanngitsunik niuerutigineqarsinnaapput utertillugillu aninkaasanngortinnejarsinnaanatik, inatsisit allatut aalajangersagaqanngippata.

Imm. 2. Aninkaasaatit piginneqataassutit ateq allallugu atulersinneqassapput. Taamaattoqartillugu niuerutigineqarsinnaanerisa killeqartinneri imaluunniit aninkaasanngortinnissaannut tunngasunik aalajangersakkanik malittarisassanik aalajangersaasoqarsinnaavoq.

§ 49 Aninkaasaatinik piginneqataassutinik atilimmik pissarsisoq aninkaasaatinik piginnittup pisinnaatitaaffiinik ingerlataqarsinnaanngilaq, pissarsisoq piginnittut allattaavianni allanneqarsimanngippat imaluunniit pissarsisup pissarsinini nalunaarutigisimanngippagu uppernarsarsimanngippagulu. Tamannali iluanaarutinut aamma tigusinernut allanut pisinnaatitaaffimmut aamma aninkaasaatit qaffanneqarnerini piginneqataassutinut nutaanut pisinnaatitaanermut atuutinngilaq.

Imm. 2. Piginneqataassutinik qaqugumulluunniit tigumminnittup pigisaanik ataatsimik amerlanernilluunniit pissarsisoq aninkaasaatinik piginnittup pisinnaatitaaffiinik ingerlataqarsinnaanngilaq, pissarsisoq Erhvervsstyrelsip qarasaasiaqarfiani allanneqarsimanngippat, §§ 57 a imaluunniit 58 tak., imaluunniit § 55 naapertorlugu pigisaqarnini pillugu ingerlatseqatigiiffimmut nalunaaruteqarsimanngippat.

Imm. 3. Pisarsisoq imm. 1 aamma 2-mi piumasaqaatinik naammassinninersoq pillugu nakkutilliinissamut qitiusumik aqutsisut akisussaapput.

Piginnittut allattorsimaffiat

§ 50 Qitiusumik aqutsisut ingerlatseqatigiiffiup pilersinneqarnerata kingorna sapinngisamik piaernerpaamik aninkaasaatinik piginnittut tamaasa pillugit allattorsimaffik pilersinneqassaaq.

Imm. 2. Piginnittut allattorsimaffiat § 52 aamma § 56, imm. 2 malillugu paasissutissat Erhvervsstyrelsip qarasaasiaqarfianut nalunaarsoneqarnerisigut ingerlanneqassaaq, § 58 tak.

Imm. 3. Malittarisassat aalajangersinnaavaat piginnittut allattorsimaffiat inummit ingerlatseqatigiiffimmit toqqarneqartumit, ingerlatseqatigiiffik sinnerlugu ingerlanneqassasoq. Malittarisassat inuup piginnittut allattorsimaffiannik ingerlatsisup atia najugaalu pillugit

paasissutissanik imaqassapput. Taanna inatsisitigut pisinnaatitaasuovoq pisussaatitaallunilu naammappoq nalunaarsorsimanermut normup Erhvervsstyrelsip qarasaasiaqarfianit takuneqarsinnaappat. Inuit piginnittut allattorsimaffnik ingerlataqartut pillugit maleruagassanik erseqqinnerusunik Erhvervsstyrelsi aalajangersaasinnaavoq, tassunga ilanngullugu pineqartup piumasaqaatit suut naammassisimassanerai.

§ 51 Piginnittut allattorsimaffiat pisortani oqartussanit pissarsiarineqarsinnaassaaq.

Malittarisassat ilisimatitsissapput piginnittut allattorsimaffiat sumi ingerlanneqarnersoq, tamanna ingerlatseqatigiiffiup nalunaarsorsimasaani najukkami ingerlanneqanngippat. Piginnittut allattorsimaffiat EU/EØS-ip iluani ingerlanneqassaaq.

Imm. 2. Ingerlatseqatigiiffinni, sulisut § 140 naapertorlugu ingerlatseqatigiiffiup qullersatut aqutsisuini ilaasortamut toqqaasinnaaffiusumi, kisianni pisinnaatitaaffik taanna iluaqtigineqarnani, piginnittut allattorsimaffiat aamma sulisunut sinniisumit pissarsiarineqarsinnaassaaq. Suliffeqarfissuarmi, § 141 naapertorlugu suliffeqarfissuarmi sulisut ingerlatseqatigiiffiup qullersatut aqutsisuini ilaasortatut toqgarneqarsimaffiunngitsumi, ingerlatsiviup piginnittup piginnittut allattorsimaffia Kalaallit Nunaanni suliffeqarfissuit ingerlatsivinni allani sulisunut sinniisunit pissarsiarineqarsinnaassaaq.

Imm. 3. (Kalaallit Nunaanni atulersinneqanngilaq)

Imm. 4. Malittarisassani aalajangerneqarsinnaavoq piginnittut allattorsimaffiat aamma aningaasaatinik pigineqartunit pissarsiarineqarsinnaasoq, tassunga ilanngullugu elektronikkut, taamaattorli imm. 5 aamma 6 tak. Tamanna pillugu aalajangiineq ataatsimeersuarnermit aalajangerneqassaaq, malittarisassani allannguinissamut piumasarineqartumik amerlanerussuteqarfiusumik.

Imm. 5. Piginnittut allattorsimaffiat § 50, imm. 2 malillugu elektronikkut pissarsiarineqarsinnaappat, Imm. 1-4 malillugu piumasaqaatini igerlatseqatigiiffiup naammassisinnaavai imm. 1-4 malillugu pisinnaatitaasut elektronikkut piginnittut allattorsimaffiannut isersinnaatilerlugit. Ingerlatseqatigiiffiup pisussaaffii naammassineqassapput ingerlatseqatigiiffiup paasissutissat, § 52 tak., Erhvervsstyrelsip qarasaasiaqarfianut (piginnittut allattorsimaffiat) nalunaarutigippagit, § 58, imm. 1 aama 2 naap.

Imm. 6. Anpartsselskabini piginnittut allattorsimaffiat piginneqataasunut ataasiakkaanit pissarsiarineqassaaq.

§ 52 Ingerlatseqatigiiffik aningaasaaliiffiusoq, aningaasaatinik piginneqataassutinik ateqartillugit atulersitsisimasoq pillugu piginnittut allattorsimaffiat paasissutissanik makkuninnga imaqassaaq, taamaattorli imm. 3 tak.:.

1) Aningaasaatinik piginnittup aningaasaatini piginneqataassutinit pigisat tamarmiusut.
2) Aningaasaatinik piginnittup aamma qularnaveeqqusifiiffigisap atia najugaalu aamma suliffeqarfiiup aqqa, Erhvervsstyrelsip qarasaasiaqarfiani nalunaarsorsimanerup normua aamma najugarisaq, imm. 2 tak.

3) Pissarsineq, tunisineq imaluunniit qularnaveeqqusifiiffigisaq pillugu ulloq, tassunga ilanngullugu aningaasaatinik piginneqataassutit annertussusaat.

4) Aningaasaatinik piginneqataassutinut atasut taasisinnaatitaanerit.

Imm. 2. Aningaasaatinik piginnittooq imaluunniit qularnaveeqqusifiiffigisaq nunami allami innuttaappat imaluunniit inatsisitigut pisinnaatitaallunilu pisussaatitaasoq nuna allamiuuppat, nalunaaruteqarneq, § 53, imm. 1 tak., allamik uppernarsaaneq ilanngunneqassaaq, aningaasaatinik piginnittup imaluunniit qularnaveeqqusifiiffigisap kinaanera paatsuugassaanngitsumik qulakkeerneqarluni.

Imm. 3. Aktieselskabinut, pappiaqqanut aningaasanut nalilinnut toqqorsivik aqqutigalugu piginnittut uppernarsaammik atulersitsimasunut imaluunnit piginneqataassutinik atulersitsimasunut imm. 1 aamma 2 atorneqassanngilaq.

§ 53 Aningaasaatinik piginnittoq imaluunniit qularnaveeqqusiiiffisaq piginnittut paarlaannerat imaluunniit qularnveeqqusiiineq pillugu aningaasaatitigut ingerlatseqatigiiffimmut nalunaaruteqassaaq. Aningaasaatinik piginnittumiit imaluunniit qularnaveeqqusiiiffisamiit nalunaarut ingerlatseqatigiiffimmit tiguneqarsimassaaq piginnittut paarlaanneriniit imaluunniit qularnaveeqqusiiermiit kingusinnerpaamik sapaatit akunneri tallimat kingorna. Nalunaarut § 52-imi eqqaaneqartut aningaasaatinik piginnittoq imaluunniit qularnaveeqqusiiiffisaq nutaaq pillugit paasissutissanik imaqassaaq. Aningaasaatinik piginneqataassutinik tunniussinermi nalunaarsorneqarnissamut pisussaaffik atuutinngilaq, taamaattorli imm. 4 tak.

Imm. 2. Piginnittut paarlaannerat imaluunniit qularnaveeqqusiiineq pillugu nalunaaruteqarneq piginnittut allattorsimaffianni allanneqassaaq aningaasaatinik piginnittoq imaluunniit qularnaveeqqusiiiffisaq nutaaq pillugit paasissutissat allanneqarlutik, malittarisassat malillugit pissarsinissamut akornutissaqanngippat. Ingerlatseqatigiiffiup, kiisalu piginnittut allattorsimaffiannik allattuisup, piumasarisinnaavaa pissarsisup imaluunniit qularnaveeqqusiiiffisap pisinnaatitaaffini uppernarsassagaa. Piginnittut allattorsimaffianni allanneq ullulerneqassaaq.

Imm. 3. Ingerlatseqatigiiffik kiisalu piginnittut allattorsimaffiannik allattuisoq aningaasaatinik piginnittumit imaluunniit qularnaveeqqusiiiffisap piumasaqarneratigut uppernarsaatip piginnittut allattorsimaffianut allanneqarnera uppernarsassavaat.

Imm. 4. Ingerlatseqatigiiffik aningaasaliiffiusoq kiisalu piginnittut allattorsimaffiannik allattuisoq piginnittuunermut uppernarsaammi allattuineq pisimasoq uppernarsaassaaq, imaluunniit malittarisassat tamanna aalajangerpassuk, piginnittuunermut uppernarsaatip toqqorneqarneranut allattuinerup pisimaneranik uppernarsaammik atsiulluni.

§ 54 Aktieselskabi pillugu piginnittut allattorsimaffiat, piginneqataassutinik qaqgumulluunniit tigumminnittup pigisaanik atulersitsisoq, tulleriinnermi normu pillugu paasissutissamik imaqassaaq.

Aningaasaatit annertuut pillugu nalunaarut

§ 55 Kinaluunniit ingerlatseqatigiiffimmi aningaasaliiffiusumi aningaasaatinik piginneqataassutinik pigisaqartoq, tamanna pillugu nalunaarummik ingerlatseqatigiiffimmut tunniussissaaq

- 1) aningaasaatinik piginneqataassutit taasisinnaatitaanerat ingerlatseqatigiiffiup aningaasaataani taasisinnaatitaasut minnerpaamik 5 pct.-iinik annertussuseqalerpata imaluunniit ingerlatseqatigiiffiup aningaasaataanit minnerpaamik 5 pct.-iinik annertussuseqalerpata imaluunnit
- 2) pigisaqarnermut pissutsit nalunaarutigineqareersimasut allangornerisa kingunerippagu 5, 10, 15, 20, 25, 50, 90 imaluunniit 100 pct.-imik killiliussat aamma ingerlatseqatigiiffiup aningaasaataanik taasisinnaatitaasut pingajorarterummik imaluunniit pingajorarterut marlunni killiliussat imaluunniit ingerlatseqatigiiffiup aningaasaatai anguneqarlutik imaluunnit anguneqarunnaarsimallutik.

Imm. 2. Imm. 1 malillugu piginninnermut ilanngullugu naatsorsuutigineqassaaq

- 1) aningaasaatinik piginneqataassutit, § 7-imi taaneqartunut atassuteqarnermigut pineqartup nakkutigisaanut suliffeqarfik taasisinnaatitaalerluni, aamma

2) aningaasaatinik piginneqataassutit, pineqartup qularnaveeqquitut inississimasai, qularnaveeqquasiiffigisap taasisinnaatitaaneq oqartussaaffiginnngippagu aamma taassuma ingerlanneqarnissaanik siunertaqarluni nalunaaruteqarsimannngippat.

Imm. 3. Pigisaqarneq pillugu aamma imm. 1 aamma 2 malillugu aningaasaatinik piginneqataassutinik pigisaqarneq pillugu nalunaaruteqarnissaq pillugu maleruagassanik erseqqinnerusunik Erhvervsstyrelsi aalajangersaasinnaavoq. Aamma Erhvervsstyrelsi, imm. 1-imik saneqqassisunik, maleruagassanik aalajangersaasinnaavoq, aktieselskabini piginneqataassutinut tunngatillugu, niuerfimmi killeqartumi imaluunniit assigiinnngitsut peqataaffigaanni niuernermi atortuni niuernissamut atugassat piginneqataassutit, tassunga ilanngullugu sivikinnerusumik piffissaliilluni nalunaaruteqarnissaq pillugu maleruagassat.

§ 56 § 55 malillugu nalunaarut ingerlatseqatigiiffimmut tunniunneqassaaq, § 55, imm. 1-imi killiliussat arlaata anguneqarnerata imaluunniit anguneqarunnaarnerata kingorna kingusinnerpaamik sapaatit akunneri marluk kingorna. Ingerlatseqatigiiffiup paasissutissat piginnittut allattorsimaffiannut allassavai.

Imm. 2. Nalunaarut aningaasaatinik piginneqataassutinik pissarsinerup imaluunniit tunisinerup ullua, aningaasaatini piginneqataassutit amerlassusai, aamma taakku immikkoortunut sunut ataneri, aningaasaatinik piginnittut atii tamarmiusut, najugaqarfii aamma cpr-normui imaluunniit suliffeqarfii eqqarsaatigalugit taaguutai, Erhvervsstyrelsip qarasaasiaqarfiani nalunaarsorsimanerup normua aamma najugaq pillugu paasissutissanik imaqassaaq. Aningaasaatinik piginnittoq cpr-normoqanngippat imaluunniit Erhvervsstyrelsip qarasaasiaqarfiani nalunaarsorsimanermik normoqanngippat, nalunaarummut ilanngunneqassaaq uppermarsaat alla, pineqartup paatsuugassaanngitsumik kinaaneranik qulakkeerisoq. Tamanna pillugu maleruagassanik erseqqinnerusunik Erhvervsstyrelsi aalajangersaasinnaavoq.

Imm. 3. Nalunaarut aamma aningaasaatinik piginneqataassutit annertussusai aamma nalii aamma taasisinnaatitaanerit tassunga atasut pillugit paasissutissanik imaqassaaq. Ingerlatseqatigiiffimmut nalunaarut § 53, imm. 1 malillugu nalunaarummut atatillugu tunniunneqarsinnaavoq.

§ 57 Naalagaaffiup akiteselskabiini piginneqataassutinik pigisaqarneq pillugu § 55 malillugu nalunaaruteqarneq pillugu maleruagassanik Erhvervsstyrelsi aalajangersaassaaq, § 351 tak., tassunga ilanngullugu uku pillugit,
1) piginnittut suut ilanngullugit naatsorsuutigineqassanersut, aamma
2) ingerlatseqatigiiffimmut nalunaarut sapinngisamik piaernerpaamik pissasoq.

*Piginneqataassutinik qaqugumulluunniit tigumminnittut annikitsunik piginnittut
nalunaarsorneqarneri*

§ 57 a. Ataatsimik arlalinnilluunniit piginneqataassutinik qaqugumulluunniit tigumminnittoq pigisalik, ingerlatseqatigiiffiup aningaasaataanik taasisinnaatitaaffiusut 5 pct.-iinik annikinnerusunik imaluunniit ingerlatseqatigiiffiup aningaasaataa 5 pct.-iinik annikinnerusunik piginnittoq, pissarsiarineqarneraniit kingusinnerpaamik sapaatit akunneri tallimat qaangiutsinnagit Erhvervsstyrelsip qarasaasiaqarfiani nalunaarsorneqarsimassaaq, taamaattorli imm. 4 tak.

Imm. 2. Imm. 1 naapertorlugu nalunaarsorneqarneq pissarsinerup ullua, qaqugumulluunniit tigumminnittut pigisallit amerlassusai, aamma pissarsisup atii tamarmiusut, najugaqarfii

aamma cpr-normui imaluunniit suliffeqarfuit eqqarsaatigalugit taaguutai, Erhvervsstyrelsip qarasaasiaqarfiani nalunaarsorsimanerup normua aamma najugaq pillugu paasissutissanik imaqassaaq. Pissarsisoq cpr-normoqanngippat imaluunniit Erhvervsstyrelsip qarasaasiaqarfiani nalunaarsorsimanermik normoqanngippat, nalunaarummut ilanngunneqassaaq upternarsaat alla, pineqartup paatsuugassaangitsumik kinaaneranik qulakkeerisoq.

Imm. 3. Imm. 1-ip malitsigisaanik nalunaarsorneqarsimasunik ataatsimik arlalinnilluunniit piginneqataassutinik qaqugumulluunniit pigisanik tunniussinermi tunniussisup piginneqataassutinik tigumminnikunnaarnera pillugu tunniussinermi kingusinnerpaamik sapaatit akunneri tallimat qaangiutsinnagit Erhvervsstyrelsip qarasaasiaqarfini nalunaarsorneqassaaq, taamaattorli imm. 4 tak.

Imm. 4. Imm. 1 aamma 3 malillugu nalunaarsorneqarnissaanut pisussaaffik atutissanngilaq, piginneqataassutit qaqugumulluunniit tigummineqartut pigisat pissarsiarineqartut tunniunneqartullu niuerfimmi naleqqussakkami niuernermut ilaappata.

Imm. 5. Paasissutissat, imm. 1 aamma 3 malillugu nalunaarsorneqarsimasut, taamaallaat pisortani oqartussanut ingerlateqqinnejarsinnaapput. Paasissutissanik ingerlatitseqqinnejq taamaallaat pisinnaavoq paasissutissat nakkutilliilluni misissuillunilu sulinerup isumagineranut pisortani oqartussanut pisariaqarpata aamma ingerlatitseqqinnejq inuk pillugu paasissutissanik suliarinninnejq pillugu inatsimmut peqqussutikkut Kalaallit Nunaanni atulersinneqartumut naapertuuppat.

Imm. 6. Piginneqataassutit qaqugumulluunniit tigummineqartunik pigisallit pillugit piginnittunik paasissutissanik aqutsisoqarfip qarasaasiaqarfiani nalunaarsuineq pillugu maleruagassanik erseqqinnersunik Inuussutissarsiornermut aqutsisoqarfik aalajangersaassaaq, tassunga ilanngullugu paasissutissat suut pissarsisup imaluunniit tunniussisup nammineerluni styrelsip qarasaasiaqarfiani nalunaarsorsinnaanerai.

Piginnittunik nalunaarsuiffik

§ 58 Ingerlatseqatigiiffik, § 55, imm. 1 malillugu nalunaarummik ingerlatseqatigiiffiup tigusineraniit sapinngisamik piaernerpaamik Erhvervsstyrelsip qarasaasiaqarfiani paasissutissanik nalunaarsuissaq.

Imm. 2. Ingerlatseqatigiiffik aamma imm. 1 malillugu nalunaarutigineqartunut paasissutissanut allannguutit suulluunniit sapinngisamik piaernerpaamik nalunaaruteqassaaq, allannguinerup kingunerisaanik § 55, imm. 1-imi killiliussat arlaat anguneqarpat imaluunniit anguneqarunnaarpat.

Imm. 3. Imm. 1 aamma 2 naapertorlugu paasissutissat tiguneqartut Erhvervsstyrelsip qarasaasiaqarfiani tamanut saqqummiunneqassapput. Nalunaarsuineq pillugu kapitali 2-mi maleruagassat taamaaqataanik atorneqassapput.

Piginnittut uppernarsaataat

§ 59 Piginnittup uppernarsaataa aningasaatinik piginneqataassummik ataatsimik arlalinnilluunniit imaqarsinnaavoq. Piginnittup uppernarsaataani, aningasaatinik piginneqataassutinik arlalinnut tunngasumi, aningasaatini piginneqataassutit ataasiakkaat annertussusai imaluunniit nalinga allassimasoq allanneqarsimassaaq. Piginnittup uppernarsaataani piginneqataassutinik qaqugumulluunniit tigummineqartunik pigisamik ataatsimik arlalinnilluunniit imaqartumi piginneqataassutit qaqugumulluunniit tigummineqartut pigisat tulleriaartuni normui allanneqassapput.

§ 60. Qitiusumik aqutsisut piginnittut uppernarsaataannik atulersitsinermik aamma atorunnaarsitsinermik aalajangiisinnaapput. Piginnittut uppernarsaataannik taamaallaat atulersitsisoqarsinnaavoq tamanna malittarisassani aalajangerneqarsimappat, taamaattorli § 64, imm. 1 tak., imaluunniit piginnittut uppernarsaataat niuerutigineqarsinnaallutik pappiaraappata imaluunniit piginneqataassutitut qaqugumulluunniit tigumminnitup pigisaatut atulersinneqarpata, tamatumalu kingorna aningasaatini piginneqataassutinut tamanut piginnittut uppernarsaataannik atulersitsisoqarluni, pappialanut aningaasanik nalilinnut toqqorsivikkut piginnittut uppernarsaataa atulersinneqanngippata, kunngip peqqussuteqarneratigut Kalaallit Nunaanni atulersinneqartumi pappiaqqanik aningaasanik nalilinnik niuerneq il.il. pillugu inatsimmi § 7, imm. 1, nr. 3 tak.

Imm. 2. Piginneqataassutit niuerutigineqarsinnaanerini killilersuinerit atuuppata imaluunniit piginneqataasut piginneqataassutitik akilerlugit utertitsinnissaannut pisussaaffeqarpata piginneqataassutitut allagartaq qaqugumulluunniit tigumminnitussamut atulersinneqarsinnaanngilaq, soorlu aamma taakkua aktieselskabimut naleeqiullugu sunniuteqartumik qaqugumulluunniit tigumminnitussamut tunniunneqarsinnaanngitsut.

Imm. 3. Aningasaatinik pisiumalluni nalunaarneq Erhvervsstyrelsip qarasaasiaqarfiani nalunaarsorsimalersimatinnagu piginnittut uppernarsaataat tunniunneqaqqusaanngillat. Aningasaatinik piginneqataassutit atilerlugit allanneqarsimasut taamaallaat piginnittut nalunaarsorsimaffianni allanneqarsimasunut aningasaatinik piginnittunut tunniunneqaqqusaapput.

Imm. 4. Piginnittup uppernarsaataani ingerlatseqatigiiffiup taaguutaa, najugaqarfia aamma nalunaarsorneqarnermi normua, aningasaatinik piginneqataassutit annertussusaat imaluunniit nalingi allanneqarsimasut allassimassapput, aamma piginneqataassutit qaqugumulluunniit tigummineqartut pigisallit pillugit tulleriaarnermi normu allanneqassalluni. Piginnittut uppernarsaataanni aamma piginnittup uppernarsaataa atia allassimassanersoq imaluunniit qaqugumulluunniit tigumminnitumut allassimassanersoq, kiisalu piginitup uppernarsaatip ulloq imaluunniit qaammat atulersinneqarnera allanneqarsimassalluni. Piginnittut uppernarsaataat qitiusumik aqutsisunit atsiorneqassaaq. Atsiornerli maskiinat atorlugit allanneqarsinnaalluni.

Imm. 5. Malittarisassat malillugit assigiinngitsunik inissinneqartunik aningasaatinik piginneqataassutinik atulersitsisoqarsinnaappat piginnittup uppernarsaataani allassimassaaq inissifimmis sorlermut taanna ilaanersoq.

Imm. 6. Piginnittup uppernarsaataani aamma allanneqassapput aalajangersakkat malittarisassani makku pillugit imaqtartut

- 1) aningasaatinik piginneqataassutit taasisinnaatitaanermut piumasaqaatitut allassimassasut,
- 2) aningasaatinik piginneqataassutit ilaannut immikkut pisinnaatitaaffit atasut,
- 3) aningasaatinik piginnittut aningasaatinik piginneqataassutit akilerlugit utertinnissaannut pisussaaffeqartut,
- 4) aningasaatinik piginneqataassutit tassaassanngitsut pappiaqqat niuerutigineqarsinnaasut,
- 5) aningasaatinik piginneqataassutit niuerutigineqarsinnaaneri killilersuinerit atuuttut, aamma
- 6) aningasaatinik piginneqataassutit tammassagaluarpata eqqartuussutitaqanngitsumik atorunnaarsinneqarsinnaassasut.

Imm. 7. Piginnittut uppernarsaataanni allassimassaaq tunniunneqareernermik kingorna imm. 6, nr. 3-5-im i pissutsit pillugit aalajagersaasoqaratarsinnaasoq, piginneqataasut inatsisitigut inisisimanerannik allanngortitsisumik. Taamatut allanngortitsisoqassappat, qitiusumik

aqtsisut sapingisamik isumagissavaat piginnittut uppermarsaataat tamatuminnga uppermarsaaserneqarnissaat imaluunniit nutaanik taarserneqarnissaat.

Pappialanut aningaasanik nalilinnut toqqorsivik aqquigalugu piginneqataassutinik atulersitsineq

§ 61. Piginneqataassutit allagartaat pappialanut aningaasanik nalilinnut toqqorsivimmiit allagartaliunneqartut pillugit ingerlatseqatigiiffiup aningaasaliiffiusup qitiusumik aqtsisuisa isumagissavaat toqqorsiviup piaartumik makkuninnga kingusinnerusukkullu allannguutaannik ilisimatinneqarnissa:

- 1) Ingerlatseqatigiiffiup aqqa, najugaqarfia, allakkanik nassiussarsisarfia aamma aningaasaatitigut ingerlatseqatigiiffinnik nalunaarsuiffimmi normua,
- 2) Ingerlatseqatigiiffimmi aningaasaliissutit piginneqataassutinut qanoq amerlatigisunut agguataarsimanerat, annertussusaat, piginneqataassutinullu piginnittup aqqani nalunaarsorsimasut eqqarsaatigalugit, taakku piginnittaasa aqqi najugaallu. Piginneqataassutit assigiinngitsunik klassilerneqarsimappata, assigiinngiiaartut tamaasa immikkut paasissutissartaat ilanngunneqassapput.
- 3) Piginneqataassutit ilaat immikkut pisinnaatitsinersut imaluunniit pisussaatitsinersut.
- 4) Piginneqataassutit nalunaarsorneqassasut taasisinnaanissamut piumasaqaatitut. *Imm. 2.* Piginneqataassutit pappialanut aningaasanik nalilinnut toqqorsivik aqquigalugu allagartaliunneqarsinnaanngillat ingerlatseqatigiiffik Erhvervsstyrelsip qarasaasiaqarfiani nalunaarsoreertinnagu.

Imm. 3. Aningaasaliissutit amerlineqaleraangata, piginneqataassutinut, aningaasat sillimmataasut nuunneqarnerisigut pilersinneqartunut, piseeqqaartussaataitaanerit pisinnaatitaanerillu nalunaarsorneqarnissaat qitiusumik aqtsisut qulakkiissavaat, piginneqataassutinik nutaanik pisissagaanni immikkut pisinnaatitaaffit qanoq amerlatigisut pisariaqarnersut allanneqarluni. Piginneqataassutit nutaat allagartaanni piginneqataassutit ingerlatseqatigiiffimmi qaqugukkut pisinnaatitaaffeqalissanersut allanneqassaaq.

Aningaasaliissutit amerlineqarnerat aktieselskabit nalunaarsuiffianni nalunaarsorneqarsimannngippat imaluunniit piginneqataassut tamakkiisumik akilerneqarsimannngippat, qitiusumik aqtsisut tamatuma pappialanut aningaasanik nalilinnut toqqorsivimmi nalunaarsorneqarnissa isumagissavaat.

Imm. 4. Aningaasaliissutinik ikililerinissaq ikililerissutaasussallu aalajangiunneqariarpata tamatuma pappialanut aningaasanik nalilinnut toqqorsivimmut nalunaarutigineqarnissa qitiusumik aqtsisut qulakkiissavaat.

Imm. 5. *Imm. 1-4-mi* taaneqarsimasut paasissutissiissutissat pillugit erseqqinnerusumik Erhvervsstyrelsi malittarisassaliorssinnaavoq.

§ 62. Aktieselskabip ataatsip piginneqataassutai pappialanut aningaasanik nalilinnut toqqorsivik aqquigalugu atulersinneqassappata § 61-im i taaneqartunik paasissutissanik ingerlatseqatigiiffik sapingisamik piaernerpaamik pappialanut aningaasanik nalilinnut toqqorsivimmut nassiussissaaq.

Imm. 2. Aktieselskabip piginneqataassutinut allagartaatai aningaaserivimmut tunniunneqassapput pappialanut aningaasanik nalilinnut toqqorsiviup tunniusseqqusinermini ileqqoreqqusaa naapertorlugu. Piginneqataasoq ingerlatseqatigiiffillu tunniusseqqusummi piumasarineqartut paasissutissat tunniutissavaat.

Imm. 3. Aktieselskabip pappialanut aningaasanik nalilinnut toqqorsivik aqqutigalugu piginneqataassutit allagartaliuunneqarnerinut aningaasartuutit tamaasa aningaasartuutigissavai. Ingerlatseqatigiiffik aningaaserivinnik kontoqarfiusunik ataatsimik arlalinnilluunniit isumaqtigisiissuteqassaaq piginneqataasunit ingerlatseqatigiiffimmuit akiligassanngorlugit

- 1) piginneqataassutit il. il. tassani nalunaarsorlugillu toqqorsimasinnaagaat, aamma
- 2) iluanaarutisisoqartillugu nalunaarutisisassasut il.il. ukiumoortumillu kontomik imaasa allassimaffianik pisassasut.

Imm. 4. Piginneqataasut namminneq aningaaserivimmik kontoqarfimmennik innersuussisinnaatitaapput, ingerlatseqatigiiffiup nr. 1 aamma 2 naapertorlugit suliassaanik isumaginnittussamik, aningaaseriviup ingerlatseqatigiiffimmuit kiffartuussinissaminut akigitassaa ingerlatseqatigiiffiup aningaaserivimmuit isumaqtigisiissuteqarfigisimagaluakkaminut atugassaraluanut assinguppat.

§ 63 Ingerlatseqatigiiffimi piginneqataassutit pappialanut aningaasanik nalilinnut toqqorsivimi nalunaarsorneqarnissaannik peqqussutip tunniunneqarneraniit ukiut pingasut qaangiunneranni piginneqataassutit tamarmik nalunaarsorneqarsimanngippata, qitiusumik aqutsisut Erhvervsstyrelsip qarasaasiaqarfiani nalunaaruteqarnikkut piginneqataasut kajumissaarsinnaavaat qaammatit arfinillit qaangiutsinnagit piginneqataassutit nalunaarsoqqullugit. Piffissap naanerani nalunaarsuisoqarsimanngippat, qitiusumik aqutsisut piginneqataassutit, piginneqataasut akiligassaannik, pappiaqqanik aningaasanik nalilinnik tuniniaasartoq aqqutigalugu tuniniassavaat, tak. pappialanik nalilinnik niuerneq il. il. pillugit inatsimmi kunngip peqqussuteqarneratigut Kalaallit Nunaanni atortussangortinneqartumi § 4, imm. 1. Aktieselskabi nalunaaruteqarnermini tunisinermiilu aningaasartuutiminut matussutissanik tunisinermi iluanaarutiniit ilanngaasinnaavoq. Tunisinermi iluanaarutit tunisinermiit ukiut pingasut qaangiunneranni aaneqarsimanngippata ingerlatseqatigiiffimmuit tigusassanngortinneqassapput.

Piginnittut uppernarsaataannik atorunnaarsitsineq

§ 64 Ingerlatseqatigiiffiup piginneqataassutai niuerfimmi naleqqussakkami tuniniagassanngortitaasimappata ingerlatseqatigiiffimmuit piginneqataassutit allagartaannik tunineqarnissaq piginneqataassutillit piumasarisinnaanngilaat.

Imm. 2. Ingerlatseqatigiiffik aningaasaliiffiusoq piginnittut uppernarsaataannik tunniussaqarsimagni, peqqussummut naapertuuttut maleruagassat malillugit sivikinnerpaamik qaammatinik pingasunik piffissaliilluni taakku atorunnaarsinnissaannut ingerlatseqatigiiffik arsaarinissinnaavoq aamma ingerlatseqatigiiffiup malittarisassai ileqqusumik ataatsimeersuarnissamut aggersaasarnermi atuullutik, kiisalu aningaasaatinik piginnittunut tamanut allakkatigut nalunaaruteqarnikkut, taakku piginnittut nalunaarsorsimaffianni allanneqarsimallutik. Pisinnaatitaaffit aningaasaatinik piginnittunut atuuttut aatsaat piginnittut uppernarsaataat ingerlatseqatigiiffimmuit aningaasaliiffiusumut tunniunneqarpata atorniarneqalersinnaallutik., piginneqataassutit allagartaat ingerlatseqatigiiffimmuit tunniunneqareerpat. Tamannali iluanaarutisisinnaatitaanermut akiliutissanullu allanut kiisalu aningaasaliissutinik qaffaanikkut nutaanik piginneqataassuteqalersinnaatitaanermut tunngatillugu atuutinnejassanngilaq.

Imm. 3. Imm. 1 piginneqataassutinut niuerutigineqarsinnaasunut imaluunniit qaqugumulluunniit tigumminnittussamut tunniussanut atorneqassanngilaq.

Aningaasaatinik piginneqataassutinik tunniussineq

§ 65 Aningaasaatinik piginneqataassutinik pappialanut aningaasanik nalilinnut toqqorsivik aqutigalugu atulersinneqarsimanngitsunik, imaluunniit pigisassatut imaluunniit qularnaveeqqutissatut piginnittup uppernarsaataannik atulersitsisoqarfiunngitsunik tunniussineq tunniussisup akiligassaqaifiinut atuuttuussuseqassanngilaq, ingerlatseqatigiiffik aningaasaliiffiusoq imaluunniit piginnittut nalunaarsorsimaffiannik ingerlataqartoq, § 50, imm. 3 tak., tunniussisumiit imaluunniit pissarsisumiit tunniussineq pillugu nalunaarummik tigusaqarsimannngippat.

Imm. 2. Aningaasaatinik piginnittoq aningaasaatinik piginneqataassutit taakku pissarsisunut aralinnut tunniussimappagit, aamma aningaasaatini piginneqataassut imm. 1-imut ilaalluni, kingusinnerusukkut pissarsisoq salliutinnejassaaq, ingerlatseqatigiiffik aningaasaliiffiusoq imaluunniit piginnittut allattorsimaffiannik ingerlataqartoq, § 50, imm. 3 tak., siullermik kingusinnerusukkut pissarsisumut tunniussineq pillugu nalunaarummik siulliulluni tigusaqarsimappat aamma kingusinnerusukkut piginnittoq ajunngitsumik isumaqarsimalluni, tassa nalunaarut ingerlatseqatigiiffimmut aningaasaliiffiusumut imaluunniit piginnittunut apuummat.

§ 66 Piginnittup uppernarsaataa allamut pigisassangortinnejarpas imaluunniit qularnaveeqqusiunnejarpas, akiitsunut allagartat pillugit inatsimmi kunngip peqqussuteqarneratigut Kalaallit Nunaanni atortussanngortinnejartumi § 14, imm. 1 aamma 2-mi aalajangersakkat taamatulli atuutissapput. Tamannali ingerlatseqatigiiffiup aningaasaliiffiusup malittarisassaani aalajangersagaq naapertorlugu paatsoorneqarsinnaanngitsumik erseqqissumillu piginnittup uppernarsaataani nangaassuteqarpas atuutissanngilaq, assersuutigalugu imaattumik taanna tassaanngitsoq pappiaraq niuerutigineqarsinnaasoq. Piginneqataassutip allagartaa qaqugumulluunniit tigummisup pigisaatut nalunaarsorneqarsimasoq, ingerlatseqatigiiffimmit piginnittup aqqanut allanneqarsimaneranik uppernarsaaffigineqaraluarpalluunniit, qaqugumulluunniit tigummisumit pigineqartutut isigineqassaaq, atermik allagartamut nalunaarsuisoqanngippat.

Imm. 2. Akiitsunut allagartat pillugit inatsimmi kunngip peqqussuteqarneratigut Kalaallit Nunaanni atortussanngortinnejartumi §§ 24 aamma 25-mi aalajangersakkat iluanaarutisinermi allagartanuttaaq taamatut atuupput.

Imm. 3. Eqqartuussutitaqanngitsumik piginnittup uppernarsaataanik atorunnaarsitsineq taamaallaat pisinnaavoq ingerlatseqatigiiffiup aningaasaliiffiusup malittarisassai piginnittullu uppernarsaataa taanna pillugu aalajagersagaqarpata. Atorunnaarsitsinissamut nalunaarut Erhvervstyrelsip qarasaasiaqarfiani ilanngunnejassaaq imaattumik sioqqutsisumik nalunaarluni:

- 1) piginnittut uppernarsaataat niuerutigineqarsinnaanngitsut atorunnaarsissagaanni sivikinnerpaamik sapaatit akunneri sisamat, aamma
- 2) piginnittut uppernarsaatai allat atorunnaarsissagaanni ikinnerpaamik qaammatit arfinillit.

Imm. 4. Imm. 3-mi aalajangersakkat taamatulli pappiaqqanut qiortakkanut pappiaqqallu nusullugit peertakkat atasortaanut atuutissapput. Pappiaqqat qiortakkat eqqartuussutitaqanngitsumik atorunnaarsinneqarsinnaapput taakkununnga atasunut piginnittut uppernarsaataannut peqataatillugit, malittarisassat allatut aalajangersaanngippata.

Kapitali 5

Niuerutigineqarsinnaasunik killiliineq aningaasasanngortitsinerlu

Piseqqaartussaatitaaneq

§ 67. Malittarisassani aalajangerneqarsimappat aningaasaatinik piginneqataassutit ikaarsaerneranni aningaasaatinik piginnittunit allanit pigineqalissasut allalluunniit piseqqaartussaatinnejassasut, tamanna pillugu malittarisassani erseqqinnerusumik aalajangersaasoqassaaq, tassunga ilanggullugu piseqqaartussaatitaanerup atorneqarnissaanut piffissaliussaq pillugu. Malittarisassani aalajangersakkat taakku erseqqissumik naleqqutinngitsumik akeqartitsilerpata allatigulluunniit erseqqissumik tulluutinngitsumik piumasaqaateqartitsilerlutik, aalajangersakkat taakku tamakkiisumik ilaannakuusumilluunniit eqqartuussinikkut atorunnaarsinneqarsinnaapput.

Imm. 2. Pingaarnertut isumaqtigigiinniarnermi atugassatut, imm. 1, oqaaseqatigiit aappaat tak., erseqqissumik naleqqutinngitsumik akeqartitsilerneq pinersoq pillugu nalilersuinissamut, aamma akimik aalajangiinissamut imm. 3-mi naliliisartut nalunaarutigineqarneri pillugit maledruagassat illuatungeriinnit atorneqarsinnaapput.

Imm. 3. Malittarisassat piseqqaartussaatitaanerup iluaqtigineqarnerani akip naatsorsornissaannut tunngavissaq pillugu aalajangersakkanik imaqanngippata, akigititassaq, taanna pillugu isumaqtigiiinneq anguneqanngippat, ingerlatseqatigiiffiup aningaasaliiffiusup najugaani eqqartuussivimmit nalunaarutigineqartumit naliliisartumit aningaasaatinipiginneqatigiissutit nalingat aalajangerneqassaaq. Naliliisartup aalajangiinera eqqartuussivimmut suliassanngortinnejassinaavoq. Tamanna pillugu suliassaaq naliliisartup nalunaarutaanik tiguneqarneraniit kingusinnerpaamik qaammatit pingasut qaangiutsinnagit suliassanngortinnejassaaq. Naliliisartumut aningaasartuutit, naliliisartumi naliliisoqarnissaanik kissaateqartumit aningaasaatinik piginnittumit akilerneqassapput, kisiannili naliliisartup naliliinera akiligutitamiit annertuumik allaaneruppat aamma tamakkiisumik ilaannakuusumilluunniit tunngavigneqarpat ingerlatseqatigiiffimmut akiligassanngortinnejassinaalluni.

Imm. 4. Aningaasaatinik piginneqataassutit arlallit allanit pigineqartussanngorpata, piseqqaartussaatitaaneq taakku arlaannit atorneqarsinnaanngilaq, malittarisassat taamatut pisinnaatitsinngippata.

Tunisinissamut akuersineq

§ 68. Aningaasaatinik piginneqataassutit allamit pigineqartussanngornerat akuersissutigineqarnissaa pillugu malittarisassani aalajangerneqarpat, tamanna pillugu aalajangiineq qinnuteqaatip tiguneraniit sapinngisamik piaarnerpaamik aalajangerneqassaaq. Akuersisoqarnissaa pillugu qinnuteqartoq sapinngisamik piaarnerpaamik aalajangiineq pillugu nalunaarfigineqassaaq. Qinnuteqarnerup tiguneqarneraniit kingusinnerpaamik sapaatit akunneri arfineq marluk qaangiutsinnagit nalunaaruteqartoqanngippat qinnuteqaat akuerineqarsimasutut isigineqassaaq.

Imm. 2. Malittarisassani aalajangerneqarsimappat aningaasaatinik piginneqataassutinik allanut piginnittussanngortitsineq taamaallaat ingerlatseqatigiiffimmit aningaasaliiffiusumit akuersisoqarneratigut pisinnaasoq, ingerlatseqatigiiffiup qitiusumik aqutsisut tamanna pillugu aalajangiissapput, aalajangiineq ataatsimeersuarnermut inissinneqarsimanngippat. Akuersisoqanngippat tamatumunnga tunngavilersuut nalunaarummit takuneqarsinnaassaaq imm. 1 tak.

Aningaasanngortitsineq

§ 69 Malittarisassani aningaasanngortitsinermut tunngasunik aalajangersakkanik imaqarpat, aalajangersakkat taakku aningaasanngortitsineq pillugu piumasaqaatinik, kikkullu aningaasanngortitsinissamut piumasaqarsinnaanerannik paassisutissiissapput. § 67 taamatulli atorneqassaaq. Aningaasaatinik piginnittup aningaasaatinik piginneqataassutai ataasiakkaat tamarmiusut aningaasanngortinnejassapput, malittarisassani allanik aalajangersaasoqarsimanngippat.

§ 70 Aningaasaatinik piginneqataasoq ingerlatseqatigiiffimmi aningaasaliiffiusumi piginneqataassutit qulerarterutaasa qulingiluaat sinnerlugit pigippagit, piginnitorlu taakku amerlaqataannik taasisinnaatitaappat, ingerlatseqatigiiffimmi aningaasaliiffiusumi ikinnerussuteqarlutik piginneqataasut sinnerisa aningaasaatinini piginneqataassutitik aningaasaatinik piginnittumut aningaasanngortissagaat aningaasaatinik piginneqataasoq pineqartoq aalajangersinnaavaa. Taamaasiortoqassappat ikinnerussuteqarlutik piginneqataasut pineqartut ataatsimeersuariaqqusisarneq pillugu maleruaqqusat naapertorlugit kingusinnerpaamik sapaatit akunneri arfineq marluk qaangiutsinnagit aningaasaatinini piginneqataassutiminnik aningaasaatinik piginneqataasumut tunisinissaannik kajumissaarneqassapput. Ikinnerussuteqarlutik aningaasaatinik piginnittut aamma Erhvervsstyrelsip qarasaasiaqarfiani nalunaaruteqarnikkut aningaasaatinik piginnittumut aningaasanngortitsisumut aningaasaatinik piginneqataassutiminnik taamaaqataanik ilisimatitsillutik tunniussinissamut kaammattorneqassapput.

Imm. 2. Aningaasanngortitsinermi piumasaqaatit aningaasanngortitsinermilu nalimut tunngavigisamik naliliineq kaammattuuteqarnermi ilisimatitsissutigineqassaaq. Aammattaaq aningaasanngortitsinermi nalip, taanna pillugu isumaqatigiinneq anguneqarsinnaanngippat, § 67, imm. 3-mi maleruagassat malillugit, ingerlatseqatigiiffiup aningaasaliiffiusup najugaani eqqartuussivimmit nalunaarutigineqartumit naliliisartunit aalajangersarneqassasoq ilisimatitsissutigineqassaaq. Kunngip peqqussuteqarneratigut Kalaallit Nunaanni atulersinneqartumi pappiaqqat aningaasanik nalillit il.il. pillugit inatsimmi kapitali 8 malillugu tigusinissamut neqeroorutip naammassineqarneranut atatillugu aningaasanngortitsineq pineqarpat tassani akinik aalajangersaneq pillugu maleruagassat aningaasanngortitsinermi atorneqassapput, ikinnerussuteqarlutik aningaasaatinik piginnittut aningaasaatinik piginnittumut aningaasanngortitsisumut akip naliliisartumit aalajangersarneqassasoq pillugu qinnuteqaammik saqqummiussisimanngippata, taamaattorli imm. 4 tak. Aammattaaq kaammattuummiissaq ilisimatitsissut imm. 3, oqaaseqatigiinni siullerni eqqartorneqartoq. Tamatuma saniatigut kaammattuummiissaq aningaasanngortitsinermi piumasaqaatit tamaasa pillugit ingerlatseqatigiiffiup aningaasaliiffiusup qitiusumik aqtsisuniit oqaaseqaat. Kiisalu nalunaarutigineqassaaq imm. 1, oqaaseqatigiit aappaanni piffissaliussap naanerata kingorna aningaasaatinik piginneqataassutit § 72, imm. 1 aamma 2 naapertorlugit ingerlatseqatigiiffiup aningaasaliiffiusup piginnittunik nalunaarsorsimaffiani aningaasaatinik piginnittup aningaasanngortitsisup atiani allanneqassasut. Siusinnerusukkut ikinnerussuteqarlutik aningaasaatinik piginnittut maannakkut aningaasanngortitsiffigineqartulli naliliisartumik naliliisoqarnissaanik piumasaqarnissamut pisinnaatitaaffeqarput, § 72, imm. 3 tak. Paasissutissat taakku imm. 1, oqaaseqatigiit pingajuat naapertorlugu nalunaarusiamit takuneqarsinnaassapput.

Imm. 3. Naliliisartut naliliinerat imaluunniit § 27, imm. 3 malillugu aalajangiinerat aningaasaatinik piginnittup aningaasanngortitsisussap neqeroorutaanniit

aninaasangortitsinissap nalinga qaffasinnerussagaluarpat, tamanna immikkoortuni tassani ikinnerussuteqarlutik aningaasaatinik piginnittut, naliliisoqarnissaanik kissaateqarsimanngitsunut aamma atutissaaq. Piginneqataassutinik naliliinermi aningaasartuutit piginneqataasup akilissavai, ikinnerussuteqarlutik piginneqataasut tamakkiisumik ilaannakortumilluunniit naliliinermi aningaasartuutaasimasunik akiliinissaat eqpartuussiviup immikkut pissutissaqartinngippagu. Nalimik aalajangersaanermi aningaasartuutit nalimik aalajangersaasoqarnissa pillugu qinnuteqaammik saqqummiussisumit akilerneqassapput. Naliliineq imaluunniit aalajangiineq aningaasaatinik piginnittup aningaasanngortitsisussap neqeroorutaanit aningaasanngortitsinissap nalinga qaffasinnerussappat, eqpartuussiviup naliliisussamik nalunaaruteqarsimasup aningaasartuutit tamaasa ilaannaanilluunniit akileeqquallugu aningaasaatinik piginnittoq aningaasanngortitsisussaq peqqusinnaavaa.

Imm. 4. Kajumissuseqarnikkut neqeroorutip nanginnerani aningaasanngortitsinissaq pineqarpat neqerooruteqartup neqeroorummik akuersisoqarneratigut neqeroorummut ilaasimasumut aningaasaatitut taasisinnaatitaasut ikinnerpaamik 90 pct.-ii pissarsiarisimappagit akiusoq qanorluunniit pisoqaraluarpat naammaginartutut isigineqassaaq. Pisussaaffigisatut neqerooruteqarnerup kingorna aningaasanngortitsineq pineqarpat neqeroorummi akiliut qanorluunniit pisoqaraluarpat naammaginartutut isigineqassaaq.

§ 71 Ingerlatseqatigiiffimm aningaasaliiffiusumi, EU/EØS-imi nunami niuerfimmi naleqqussakkami piginneqataassutinik ataatsimik amerlanernilluunniit niueruteqartumi piginneqataassutinik pissarsinerup § 70, imm. 1 malillugu aningaasanngortitsinermi, imaluunniit pappialanik nalilinnik niuerneq il.il. pillugu inatsimmi kunngip peqqussuteqarneratigut Kalaallit Nunaanni atortussangortinnejartumi § 31, imm. 1 malillugu neqerooruteqarnissamik pisussaaffeqarneq kingunerippagu pappialanik nalilinnik niuerneq il.il. pillugu inatsimmi kunngip peqqussuteqarneratigut Kalaallit Nunaanni atortussangortinnejartumi akinik aalajangersaasarneq pillugu maleruagassat atorneqassapput, ikinnerussuteqarluni aningaasaatinik piginnittoq akit naliliisartumit aalajangersarneqarnissaat qinnutiginnngippagu, tak. § 76, imm. 3.

Imm. 2. Tigusinissamik neqeroorummik naammassisqaqarnermut atatillugu aningaasanngortitsineq pineqarpat, § 70, imm. 2, oqaaseqatigiit pingajuat tak., aningaasanngortitsinermi akiliutigineqartoq neqerooruteqartup aallaqqaammut tigusinissamut neqeroorutaani allanneqartoq assigisinnaavaa, imaluunniit aningaasanngorlugu akilerneqarsinnaalluni. Aningaasanngortitsinermi ikinnerussuteqarlutik aningaasaatinik piginnittut tamatigut aningaasanngorlugu akiliisoqarnissa piumasarisinnaavaat.

Imm. 3. Tigusinissamik neqeroorummik naammassisqaqarnermut atatillugu aningaasanngortitsineq pillugu qinnuteqarneq, § 70, imm. 2, oqaaseqatigiit pingajuat tak., neqerooruteqartup tigusinissamik neqeroorutaani piffissap neqerooruteqarfiusussap naaneraniit kingusinnerpaamik qaammatit pingasut qaangiutsinnagit saqqummiunneqassaaq.

Imm. 4. Aningaasaatinik piginnittut sinnerisa neqerooruteqartup aningaasanngortitsinissaa pillugu maleruagassanik Erhvervsstyrelsi aalajangersaasinnaavoq, tassunga ilanngullugu tigusinissamik neqeroorummik naammassisqaqarnermut atatillugu piginneqataassutinik pissarsinerit qanoq naatsorsorneqarnissaat, § 70, imm. 3, oqaaseqatigiit pingajuat tak.

§ 72 Ikinnerussuteqarlutik aningaasaatinik piginnittut § 70, imm. 1, oqaaseqatigiit aappaanni aalajangersarneqartoq piffissaq sioqquallugu aningaasaatinik piginnittumut aningaasanngortitsisussamut aningaasaatinik piginneqataassutit tunniussimanngippatigit,

aninaasaatinik piginnittooq aningaasanngortitsisussaq sapisngisamik piaarnerpaamik ikinnerussuteqarluni aningaasaatinik piginnittunut pineqartunut iluaqtaasumik nanganani aningaasaatini piginneqataassutit tunineqarsimanngitsut nalinginut, aningaasanngortitsinerup aningaasartai toqqortissavai, toqqorsinermi akiitsoqartut pisussajunnaarsitaasarnerat pillugu inatsit tak.

Imm. 2. Aningaasanik toqqorsinerup peqatigisaanik piginnittut upernarsaataat aningaasaatinik piginneqataassutit aningaasanngortinnejartut atorunnaartutut isigineqassapput. Piginnittut upernarsaataaanni nutaani allassimassasoq piginnittut upernarsaataannut atorunnaartunut taartaaneri pillugit upernarsaammik pissarsinissaat ingerlatseqatigiiffiup qitiusumik aqutsisuisa isumagissavaat.

Imm. 3. Siusinnerusukkut aningaasaatinik piginnittut maannakkut aningaasanngortitsiffiqineqartut Erhvervsstyrelsip qarasaasiaqarfiani sivikinnerpaamik qaammatnik pingasunik ilisimatitsereernikkut nutaamik nalunaaruteqarnikkut ilisimatineqassapput naliliisartumik nalilersuisoqarnissaanik piumasaqarsinnaaneq, § 67, imm. 1 tak., piffissaliussap naanerani annaaneqassasoq. Aammattaaq naliliisartup naliliineranuit imaluunniit § 67, imm. 3 malillugu eqqartuussutip ullua ilisimatitsissutigineqassaaq.

§ 73 Aningaasaatinik piginnittooq ingerlatseqatigiiffimmi aningaasaatinik piginneqataassutit qulerarterutaasa qulingiluaat sinnerlugit pigisaqarpat, aningaasaatinillu piginittooq taakku amerlaqataanik taasisinnaatitaappat, ikinnerussuteqarlutik aningaasaatinik piginnittut ataasiakkat tamarmik aningaasaatinik piginnittup aningaasanngortitsinissa piumasarisinnaavaat. § 67, imm. 3, § 70, imm. 2, oqaaseqatigiit aappaat aamma imm. 3, oqaaseqatigiit aappaat aamma pingajuat taamatulli atorneqassapput.

Milliartortumik nalikilliliineq

§ 74 Ingerlatseqatigiiffiup aningaasaliiffiusup malittarisassaani aningaasaatinik piginneqataassutit aningaasanngortinnerisigut ingerlatseqatigiiffiup aningaasaataanik ikililerinissaq pillugu (milliartortumik nalikillisaaneq) aalajangersakkanik ilanngussisoqarsinnaavoq, tassunga ilanngullugu milliartortitsinerup ingerlanera pillugu aalajangersakkat.

Imm. 2. Obligationinik atulersitsisoqarneratigut aningaasaatinik piginnittut akissarsiaqartitsisoqarsinnaavoq, imm. 1 tak., malittarisassani tamanna pillugu aalajangersakkanik ilanngussisoqarsimappat.

Imm. 3. Aningaasaatinik piginneqataassutit pisariumallugit nalunaarutigineqarsimasut pillugit milliartortumik nalikilliliinermik qitiusumik aqutsisut aallartitsisinnaapput, milliartortumik nalikilliliisoqarneratigut ingerlatseqatigiiffiup aningaasaataanik ikililerinissaq pillugu aalajangersakkat malittarisassani ikkunneqareerpata. Milliartortumik nalikilliliinerup naammassineqarnerata malitsigisaanik malittarisassanik allannguineq qitiusumik aqutsisunit akuerineqarsinnaavoq.

Imm. 4. Milliartortumik nalikilliliinerut atasumik aningaasaatinik ikililerinermi ingerlatseqatigiiffimmut piumasaqaatiminnik nalunaaruteqarneq pillugu ingerlatseqatigiiffiup aningaasaliiffiusup akiligassaqarfiinut kaammattuinermin Erhvervsstyrelsip qarasaasiaqarfiani tamanut saqqummiussisoqassanngilaq, piumasaqaatit uku naammassineqarsimappata:
1) Ikililerineq aningaasaatinik piginneqataassutit tamakkiisumik akilerneqarsimasut milliartortumik nalikilliliinerisigut pippat.

- 2) Aningaasaatinik piginneqataassutit akissarsiaqarfiumngitsumik imaluunniit iluanaarutinut atorneqarsinnaasut aningaasat qaangernagit akissarsiaqarfiusumik pissarsiarineqarpata, tassunga ilanngullugu obligationinik atulersitsinermi.
- 3) Aningaasaatinik piginneqataassutit atorunnaarsinneqartut naliinut naapertuuttut aningaasat immikkut aningaasaateqarfimmuit inissinneqarlutik.

§ 75 (Atorunnaarpoq)

Kapitali 6

Ataatsimeersuarneq

Aningaasaatinik piginnittut aalajangiisinhaatitaanerat

§ 76 Ingerlatseqatigiiffimmi aningaasaliiffiusumi aningaasaatinik piginnittut aalajangiisinhaatitaanerat ataatsimeersuarnermi pissaaq.

Imm. 2. Aningaasaatinik piginnittut ataatsimeersuarnermi aalajangiineri, aningaasaatinik piginnittut tamarmik tamanna pillugu isumaqtigippata, peqqussutip aamma malittarisassani ilusissatut piffissatigullu piumasaqaatinik saneqqussinikkut aalajangerneqarsinnaapput, taamaattorli imm. 5 tak.

Imm. 3. Aningaasaatinik piginnittut ataatsimeersuarnermi aalajangiineri nalinginnaasumik iluseq piffissaliussarlu pillugit peqqussutip maleruagassaanik saneqqussilluni aalajangerneqarsinnaapput, taamaattorli imm. 5 tak. Tamanna pillugu aalajangiineq akerliusqarnani aalajangerneqassaaq, tamannalu pillugu maleruagassat malittarisassani ilanngunneqassallutik. § 106 taamaaqataanik maleruagassanik allannguinermi imaluunniit atorunnaarsitsinermi atorneqarpoq. Aningaasaatinik piginnittut, ingerlatseqatigiiffiup aningaasaataanik 10 pct.-imik annertunerusumik piginnittut, tamanna pillugu piumasaqaateqarpata, inuttut takkunnermi ataatsimeersuarnermi ingerlanneqassaaq.

Imm. 4. Peqqusummi matumani allanneqarsimasunit inuit allaanerusut ataatsimeersuarnermi najuussinnaanerat pillugu qitiusumik aqutsisut aalajangiisinhaapput, malittarisassani allanik aalajangiisoqarsimanngippat.

Imm. 5. Naalagaaffiit aktieselskabiini aningaasaatinik piginnittut, § 351 tak., aamma aktieselskabini EU-mi imaluunniit EØS-imni nunami niuerfimmi naleqqussakkami piginneqataassuteqartut, iluseq piffissarlu pillugit peqqusummi maleruagassanik saneqqussillutik aalajangiisinhaanngillat, imm. 2 aamma 3 tak. Aamma tamanna aktieselskabinut, inatsisikkut nalunaarutikkulluunniit tusagassiortut ataatsimeersuarnermi isersinnaanerannik aalajangerneqarsimasunut atuuppoq.

Imm. 6. Naalagaaffiit aktieselskabiini ataatsimeersuarnerit, § 351 tak., tusagassiortunut ammasuupput.

Elektronikkikkut ataatsimeersuarneq

§ 77 Malittarisassani allamik aalajangiisoqanngippat qitiusumik aqutsisut aalajangiisinhaapput ataatsimeersuarnermi inuttut takkunnermut tapiliussatut aningaasaatinik piginnittut elektronikkikkut ataatsimeersuarnermi peqataasinnaasut, tassunga ilanngullugu elektronikkikkut taasisinnaasut, ataatsimeersuarnermi inuttut takkutinngikkaluarlutik, tassa imaappoq ilaannakuusumik elektronikkikkut ataatsimeersuarnermi ingerlatsineq, imm. 3-6 tak.

Imm. 2. Ataatsimeersuarnerup inuttut takkuttoqarnani elektronikkikut taamaallaat ingerlanneqarnissaa ataatsimeersuartut aalajangersinnaapput, tassa imaappoq tamakkiisumik elektronikkikut ataatsimeersuarneq, imm. 3-6 tak. Ataatsimeersuarnermi peqataanermut atatillugu elektronikkikut atortorissaarutit qanoq atorneqarnissaat pillugu paassisutissanik alajangiineq imaqassaaq. Aalajangiineq malittarisassanut ilanngunneqassaaq. § 106 aalajangiinermi kiisalu taassuma allangortinnerani atorneqassaaq.

Imm. 3. Ilaannakuusumik tamakkiisumilluunniit elektronikkikut ataatsimeersuarnermi elektronikkikut aaqqissuussinernut atorneqartunut piumasaqaatinik erseqqinnerusunik qitiusumik aqutsisut aalajangersaassapput. Ataatsimeersuarnermi aggersaaneq tamanna pillugu paassisutissanik imaqassaaq, soorlu aamma aningaasaatinik piginnittut elektronikkikut peqataanissamut qanoq nalunaaruteqarnissaat aggersaanermit takuneqarsinnaassasoq, aamma ataatsimeersuarnermi elektronikkikut peqataanermut atatillugu suleriaasissaq pillugu paassisutissat tassani nassaarineqarsinnaassasut.

Imm. 4. Ilaannakuusumik tamakkiisumillu elektronikkikut ataatsimeersuarnerup ingerlanneqarnissaanut tunngaviuvoq ataatsimeersuarnermi toqqissisimanartumik ingerlannissaanut aningaasaatitigut ingerlatseqatigiiffiup qitiusumik aqutsisuisa isumagissavaat. Aaqqissuussineq atorneqartoq imatut aaqqissuunneqarsimassaaq ataatsimeersuarnerup ingerlanneqarneranut peqqussutip piumasaqaatai naammassineqarsimassallutik, tassunga ilanngullugu aningaasaatinik piginnittut ataatsimeersuarnermi peqataasinnaanerat kiisalu oqaaseqarsinnaanerat taasisinnaanerallu. Aaqqissuussineq atorneqartoq aamma tatiginartumik aalajangersinnaassavaa aningaasaatinik piginnittut kikkut ataatsimeersuarnermi peqataassanersut, aningaasaatit suut aamma kikkut sinnerlugit taasisinnaanersut, kiisalu taasisitsinerit inernerri.

Imm. 5. Aktieselskabi qaumulluunniit tigumminnittunik piginneqataassutinik atulersitsisimappat ullulu nalunaarsornera allanneqarsimanngippat, § 84 tak., aamma aggersaanermeri allanneqassaaq, imm. 3 tak., piginneqataassutinik taamatut ittunik piginnittooq qanoq ataatsimeersuarnermi elektronikkikut peqataasinnaanertik upternarsassaneraat.

Imm. 6. Ataatsimeersuarnerup ingerlanneqarnissaai pillugu peqqussummi aalajangersakkat pisariaqartutigut allannguuteqartut taamaaqataanik ilaannakuusumik tamakkiisumillu elektronikkikut ataatsimeersuarnermi atorneqassapput.

Peqataasinnaaneq taasisinnaatitaanerlu il.il.

§ 78 Aningaasaatinik piginnittooq kinaluunniit ataatsimeersuarnermi peqataasinnaavoq tassanilu oqaaseqarsinnaalluni, taamaattorli § 84, imm. 1 tak.

§ 79 Aningaasaatinik piginneqataassut peqatigiinnikkut arlalinnit pigineqarpat, aningaasaatinik piginneqataassummut atasut ingerlatseqatigiiffimmut aningaasaliiffiusumut pisinnaatitaanerit taamaallaat piginnaatitsissutikkut ataatsimoorussakkut ingerlanneqarsinnaapput.

§ 80 Aningaasaatinik piginnittut sinnerlutik sinniisuutitaqarlutik ataatsimeersuarnermi peqataasinnaapput.

Imm. 2. Sinnerluni sinniisuutitaqarneq allaganngorlugu saqqummiunneqassaaq piginnaatitsinerlu ullulerneqarsimassalluni. Piginnaatitsineq qaqugukkulluunniit utertinneqarsinnaassaaq. Utertsineq allakkatigut pissaaq aamma ingerlatseqatigiiffimmut aningaasaliiffiusup saaffiginninnikkut pisinnaalluni. Aningaasaatinik piginnittut

elektronikkikkut sinnerlutik sinniisuititassamik toqqaasinnaapput aamma piginnaatitsinermik utertitsisinnaallutik.

Imm. 3. Sinniisuititaq aningasaatinik piginnittunit arlalinniit piginnaatitsissutinik tigusaqarsimappat sinniisuititaq aningasaatinik piginnittut assigiinngitsut sinnerlugit assigiinngitsunik taasisinnaavoq.

Imm. 4. Aktieselskabi niuerfimmi naleqqussakkami piginneqataassutinik niueruteqartoq, ataatsimeersuarnermi taasisinnaatitaasunut piginneqataasunut tamanut allatamik imaluunniit elektronikkikkut piginnaatitsinermik immersukkamik inissiissaq, aamma elektronikkikkut sinniisussamik toqqaaneq pillugu aktieselskabimut nalunaaruteqarnissamut ikinnerpaamik periutsimik ataatsimik piginneqataasunut neqerooruteqassalluni. Sinniisussamik toqqaaneq, toqqaaneq aamma sinniisussamut taasisarnissamut ilitsersuutinik tunniussineq pillugu aktieselskabimut nalunaaruteqarneq piginneqataasup sinniisuititaasup kinaanerata qulakkeerneqarnissaanut pisariaqartunik piumasaqaatinik atugassaqartinneqassaaq kiisalu taasinissamut ilitsersuutit imarisaasa upternarsarneqarnissaat qulakkeerneqarluni, taamaallaallu ima annertutigisumik taakkununnga anguniakkanut naammaginartumik naleqqiussimassallutik. Taamaaqataanik piginnaatitsinerup utertinneqarneranut atutissallutik.

§ 81 Aningasaatinik piginnittut imaluunniit sinniisuititaasoq siunnersortini peqatigalugu ataatsimeersuarnermut takkussinnaavoq.

§ 82 Piginnittut isumaqatigiissutaat ingerlatseqatigiiffimmut aningaasaliiffiusumut aamma ataatsimeersuarnermi aalajangerneqartunut aalajangiinernut pituttuinngillat.

§ 83 Aktieselskabi, niuerfimmi naleqqussakkami piginneqataassutinik niueruteqartoq, aningaaserivimmik toqqaasimappat, taanna aqutigalugu piginneqataasut aningaasatigut pisinnaatitaaffitik ingerlallugit, piginneqataasut tamatuminnga ilisimatitsissapput.

§ 84 Aktieselskabini, niuerfimmi naleqqussakkami piginneqataassutinik niueruteqartuni, ataatsimeersuarnermi piginneqataasup peqataasinjaanera aamma piginneqataasup ullormi nalunaarsuinermi piginneqataassutinik pigisai naleqqiullugit taasisinnaanera aalajangerneqassaaq.

Imm. 2. Piginneqataasup piginneqataassutinik pigisaqarnera aamma taasisinnaatitaanera piginnittut allattorsimaffianni nalunaarsorneqarsimasut aningasaatinik piginnittunut pissutsit allattorsimasut kiisalu piginnittut allattorsimaffianni allanneqarnissai siunertaralugu aktieselskabip tigusimasai piginnituunermut pissutsit pillugit nalunaarutit tunuliaqutaralugit ullormi nalunaarsorsimaffimmi naatsorsorneqassapput.

Imm. 3. Ulloq nalunaarsuiffik ataatsimeersuarnissap ingerlanneqarnissaa sapaatip akunneranik siusinneruvoq.

Imm. 4. Malittarisassat aalajangersinnaavaat piginneqataasup ataatsimeersuarnermi peqataanera kingusinnerpaamik ataatsimeersuarnerup ingerlanneqarnissaa ullunik pingasunik sioqqullugu aktieselskabimut nalunaarutigineqarsimassasoq. Peqataanissamut nalunaaruteqarneq piginneqataasup, nalunaaruteqarnerup pereernerata kingorna, sinniisuititamik sinniisoqarnissaminik aalajangersinnaaneranut akornusiinngilaq.

Imm. 5. Aktieselskabini, niuerfimmi naleqqussakkami piginneqataassutinik niueruteqanngitsoq, aamma anpartsselskabini malittarisassat imatut aalajangiisinnaapput:

- 1) Imm. 1-3 taamaaqataanik atorneqassasut.
- 2) Imm. 4 taamaaqataanik atorneqassasoq.

§ 85 Ingerlatseqatigiiffiup aningaasaliiffiusup nammineq aningaasaatinik piginneqataassutai kiisalu ingerlatseqatigiiffimmi piginnittumi ingerlatseqatigiiffiup pigineqartup aningaasaatinik piginneqataassutai eqqarsaatigalugit taasisinnaaneq ingerlanneqarsinnaanngilaq. Nammineq aningaasaatinik piginneqataassutit aamma ingerlatseqatigiiffimmi piginnittumik ingerlatseqatigiiffiup pigineqartup aningaasaatinik piginneqataassutai taasisinnaanerit piginneqataassutilu naatsorsornerini ilanngullugit naatsorsorneqassanggillat. Oqaaseqatigiit aappaalli § 55 malillugu aningaasaatinik taasisinnaatitaanernillu naatsorsuinermi atutinngilaq.

§ 86 Aningaasaatinik piginnittoq nammineerluni, sinniisutitaqarnermigut imaluunniit allanut sinniisuunermigut, aningaasaatinik piginnittumut namminermut eqqartuussisunut suliassanngortitaq pillugu imaluunniit aningaasaatinik piginnittup nammineq ingerlatseqatigiiffimmut aningaasaliiffiusumut akisussaanera pillugu aamma allanut imaluunniit allat akisussaanersanut eqqartuussivimmi suliassanngortitsinermi ataatsimeersuarnermi taasinermi peqataasinnaanngilaq, ingerlatseqatigiiffimmut aningaasaliiffiusumut akerliusinnaasunik aningaasaatinik piginnittoq taakkunani annertuumik soqtigisaqarpat.

Piffissaq sumiiffillu

§ 87 Ingerlatseqatigiiffiup aningaasaliiffiusup najugarisaani ataatsimeersuarneq ingerlanneqassaaq, malittarisassat naapertorlugit allami ingerlanneqartussaatitaanngippat imaluunniit allami ingerlanneqarsinnaaneranik aalajangersagaqanngippat. Pissutsit immikkut ittut pisariaqartitsissappata, ataatsimeersuarneq allami pisinnaavoq.

- § 88** Ileqquusumik ataatsimeersuarnermi makkununnga tunngasunik aalajangiisoqassaaq:
- 1)ukiumoortumik nalunaarusiap akuersissutigineqarnera,
 - 2)ukiumoortumik nalunaarusiat akuerineqarsimasut naapertorlugit sinneqartoorutit atorneqarnissaat imaluunniit amigartoortit matuneqarnissaat,
 - 3)ingerlatseqatigiiffiup aningaasaliiffiusup siunissami ukiumoortumik naatsorsuusiassaasa kukkunersorneqartarnissaat pillugu aalajangiinerit allanngortinneqarsinnaaneri, ingerlatseqatigiiffik ukiumoortumik naatsorsuusiortarneq pillugu inatsit kunngip peqqussuteqarneratigut Kalaallit Nunaanni atortussanngortinnejartoq inatsisilialluunniit allat naapertorlugit kukkunersiusitsisussaataitanermi pineqanngippat, aamma
 - 4)apeqqutit allat, ingerlatseqatigiiffiup aningaasaliiffiusup malittarisassai naapertorlugit ataatsimeersuarnermi sularisassangortinneqartut.

Imm. 2. Ileqquusumik ataatsimeersuarneq ingerlanneqassaaq sapinngisamik ima piffissaqartigaluni, ukiumoortumik nalunaarut akuerineqarsimasoq Erhvervsstyrelsimit nassiunneqarsinnaassalluni tassanilu tiguneqarsimassalluni ukiumoortumik naatsorsuusiortarneq pillugu inatsisip kunngip peqqussuteqarneratigut Kalaallit Nunaanni atortussanngortinnejeqartup piffissarititaa naatinnagu. Ataatsimeersuarnermi ukiumoortumik nalunaarut suliarineqarsimasoq saqqummiunneqassaaq.

Immikkut ittumik ataatsimeersuarneq

§ 89 Immikkut ittumik ataatsimeersuarneq ingerlanneqassaaq qitiusumik aqutsisut, nakkutilliisut imaluunniit ataatsimeersuarnermi toqqarneqartup kukkunersiuisup tamanna piumasarisimappassuk.

Imm. 2. Anpartsselskabi piginneqataasup kialuunniit immikkut ittumik ataatsimeersuartoqarnissaq piumasarisinnaavaa. Sammisap aalajangersimasup suliarineqarnissaanut immikkut ittumik ataatsimeersuarnissaq aggersarneqassaaq piumasarineqartup saqqummiunneqarneraniit kingusinnerpaamik sapaatit akunneri marluk qaangiutsinnagit.

Imm. 3. Aktieselskabini piginneqataasut, ingerlatseqatigiiffiup aningaasaataanik 5 pct-imik imaluunniit annikinnerusunik piginnittut, malittarisassani aalajangersarneqarsimasumi, imaluunniit malittarisassanut tamatumunnga piginnaatitaasut, immikkut ittumik ataatsimeersuartoqassasoq allakkatigut piumasarisinnaavaat. Sammisap aalajangersimasup suliarineqarnissaanut immikkut ittumik ataatsimeersuarnissaq aggersarneqassaaq piumasarineqartup saqqummiunneqarneraniit kingusinnerpaamik sapaatit akunneri marluk qaangiutsinnagit.

Oqaluuserisassat

§ 90 Aningaasaatinik piginnittoq kinaluunniit ileqquusumik ataatsimeersuarnermi sammisap aalajangersimasup oqaluuserisassanut ilanngunneqarnissaanut pisinnaatitaaffeqarpoq, taamaattorli imm. 2 tak.

Imm. 2. Aktieselskabini sammisap aalajangersimasup ileqquusumik ataatsimeersuarnermi oqaluuserisassani ilanngunneqarnissaq pillugu qitiusumik aqutsisunut allakkatigut piginneqataasup saqqummiutissavaa. Piumasaqaat ataatsimeersuarnerup ingerlanneqarnissaq kingusinnerpaamik sapaatit akunneri arfinillit sioqqullugit saqqummiunneqarpat sammisap oqaluuserisassani ilanngunneqarnissaanut piginneqataasoq pisinnaatitaaffeqarpoq. Ataatsimeersuarnermi ingerlanneqarnissaq sioqqullugu sapaatit akunnernik arfinilinnik kingusinnerusumik piumasaqaammik aktieselskabi tigusaqarpat qitiusumik aqutsisut aalajangissavaat piumasaqaat piffissaagallartillugu saqqummiunneqarsimanersoq sammisaq oqaluuserisassani ilanngunneqarsinnaalluni.

Imm. 3. Aktieselskabit, niuerfinni naleqqussakkani piginneqataassutinik niueruteqartut, ileqquusumik ataatsimeersuarnerup ingerlanneqarnissaanut ulloq eqqarsaatigineqartoq kingusinnerpaamik sapaatit akunneri arfineq pingasut sioqqullugit ataatsimeersuarnerup ingerlanneqartussatut eqqarsaatigineqartup ullua kiisalu piginneqataasut sammisamik aalajangersimasumik oqaluuserisassani ilanngussinissaat pillugu piumasaqaatinik kingusinnerpaamik saqqummiussinissaanut ulloq tamanut saqqummiussissapput, piffissat marluullutik malittarisassanit takuneqarsinnaanngippata.

§ 91 Suliassat, oqaluuserisassanut inissinneqarsimangitsut, ataatsimeersuarnermi taamaallaat aalajangiiffigineqarsinnaapput aningaasaatinik piginnittut tamarmik akuersippata. Ileqquusumik ataatsimeersuarnerli, malittarisassat malillugit taamatut ataatsimeersuarnermi suliarineqartussat suliassat pillugit tamatigut aalajangiisassapput, § 88, imm. 1 tak., aamma aalajangiillutik, soorlu aamma sammisap aalajangersimasup suliarineqarnissaanut immikkut ittumik ataatsimeersuarnissamut aggersaasoqarnissaq aalajangerneqarsinnaasoq.

Elektronikkikkut attaveqatigiinneq

§ 92 Ataatsimeersuarneq elektronikkikkut attaveqatigiinneq pillugu aalajangiisinnaavoq, tassa imaappoq elektronikkikkut allagaatinik paarlaassaqtigiinnerup atorneqarnera kiisalu ingerlatseqatigiiffiup aningaasaliiffiusup aningaasaatinillu piginnittut akornanni attaveqatigiinnermi elektronikkikkut allakkat atorneqarnerat pillugu, peqqussut manna naapertorlugu pappiaranik tunngaveqartunik allakkanik nassiussinermut imaluunii saqqummiussinermut taarsiullugu, imm. 2 aamma 3 tak. elektronikkikkut attaveqatigiinneq taamaalilluni ingerlatseqatigiiffiup aningaasaliiffiusup aamma aningaasaatinik piginnittut akornanni atorneqarsinnaavoq, allakkanut nalunaarutinullu pineqartunut tunngasunik aalajangersakkani allassimasinnaasut ilusissaatigut piumasaqaatit apeqquatainnagat, taamaattorli imm. 5 aamma § 8 c tak.

Imm. 2. Imm. 1 malillugu aalajangiinermut takuneqarsinnaassaaq nalunaarutit il.il. suut aalajangiinermut ilaatinneqarnersut, aamma elektronikkikkut attaveqatigiinneq qanoq atorneqassanersoq imaluunniit atorneqarsinnaanersoq. Aalajangiinermut aamma takuneqarsinnaassaaq aaqqissuussinernut atorneqartunut piumasaqaatit pillugit paasissutissanik aningaasaatinik piginnittut sumi nassaarsinnaanersut kiisalu elektronikkikkut attaveqatigiinnermut atatillugu suleriaasissaq pillugu.

Imm. 3. Imm. 1 aamma 2 malillugu ataatsimeersuarnerup aalajangiinera malittarisassanut ilanngunneqassaaq, taamaattorli imm. 4 tak. § 106 aalajangiinermut kiisalu tassani allannguinermut atorneqarpooq.

Imm. 4. Imm. 1 malillugu ingerlatseqatigiiffiup aningaasaliiffiusup aamma aningaasaatinik piginnittut akornanni elektronikkikkut attaveqatigiinnerup eqqunneqarnissaa ataatsimeersuarnermi aalajangerneqanngikkaluartoq, pineqartut akornanni tamanna pillugu isumaqatigittoqarsimappat, ingerlatseqatigiiffiup aningaasaliiffiusup aamma aningaasaatinik piginnittup ataatsip arlallilluunniit akornanni attaveqatigiinneq elektronikkikkut ingerlanneqarsinnaavoq.

Imm. 5. Elektronikkikkut attaveqatigiinnerup atorneqarnissaanut periarfissaqarneq imm. 1-imi taaneqartoq tamanut ammasumik aggersaanermut imaluunniit nalunaaruteqarnermut taarsiullugu atorneqarsinnaanngilaq, tassani inatsisikkut aalajangerneqarluni aningaasaatinik piginnittunut ingerlatseqatigiiffiup aningaasaliiffiusup nalunaarutai il.il. tamanut ammasumik imaluunniit nalunaaruteqarnikkut pissasut imaluunniit Erhvervsstyrelsip qarasaasiaqarfia imaluunniit inatsimmi pineqartumi aalajangersarneqartoq alla aqqutigalugu. Tamanna pisuni § 95, imm. 3, oqaaseqatigiit pingajuanni taaneqartuni atutinngilaq.

Imm. 6. Imm. 1 aamma 4-mi taaneqartumi pisumi ingerlatseqatigiiffiit aningaasaliiffiusut, piginnittut nalunaarsorsimaffianni atiatigut allanneqarsimasut aningaasaatinik piginnittut elektronikkikkut najugaq, nalunaarutit il.il. nassiussinnaanerinut qinnuigissavaat. Ingerlatseqatigiiffiup aningaasaliiffiusup elektronikkikkut najukkamik eqqortumik pigisaqarnerup qulakkeerneqarnissaa aningaasaatinik piginnittup akisussaaffigaa. Ingerlatseqatigiiffiup aningaasaliiffiusup elektronikkikkut attaveqarnermi nammineq aningaasartutini akilissavai.

Ataatsimeersuarnermut aggersaaneq

§ 93 Ataatsimeersuarnerit qitiusumik aqutsisunit aggersarneqarlutillu aaqqissuunneqassapput.

Imm. 2. Ingerlatseqatigiiffik aningaasaliiffiusoq qitiusumik aqutsisoqanngippat, imaluunniit malittarisassat imaluunniit ataatsimeersuarnermi aalajangiineq malillugu ingerlanneqartussanut ataatsimeersuariarnissamut qitiusumik aqutsisut peqqussut

qaaqqusinnngitsoorpata, ingerlatseqatigiiffiup aningaasaliiffiusup qullersaani imaluunniit qitiusumik aqtsisuni ilaasortap ataatsip, ingerlatseqatigiiffiup aningaasaliiffiusup kukkunersiuuisua ataatsimeersuarnermi qinigaasup, tak. § 144 imm. 1, imaluunniit aningaasaatinik piginnittup piumasaqarneratigut Erhvervsstyrelsi atatsimeersuariaqqusissaaq. Styrelsi ataatsimeersuarnermi oqaluuserisassanik aalajangersaasinnaavoq.

Imm. 3. Ataatsimeersuarneq, Erhvervsstyrelsimit qaaqqusissutigineqartoq, styrelsip tamatumunnga piginnaatitaanit aqunneqassaaq, qitiusumillu aqtsisut piginnittut nalunaarsorsimaffiat, ataatsimeersuarnermi isumaqatigiinniartarnerit allattaaviat kukkunersiuuisullu nalunaarutaasa allattaaviat tassunga tunniutissallugu, kukkunersiuuisut pillugit inatsit inatsisilialluunniit allat naapertorlugit allattaaveqarnissamik piumasaqaateqartoqarpat, imaluunniit kukkunersiuisoq ilaatigut ingerlatseqatigiiffimmik aningaasaliiffiusumik isumaqatigiissuteqarneq malillugu kukkunersiuinermini allattaaveqarsimappat. Ataatsimeersuarnermi aningaasartuutit Erhvervsstyrelsimit akilerallarneqassapput, aningaasaatitigulli ingerlatseqatigiiffimmut aningaasartuutigisassanngortinneqassallutik.

Imm. 4. § 77-imi aalajangersakkat apeqqutaatinnagit Erhvervsstyrelsi aalajangersinnaavoq ataatsimeersuarneq, imm. 1 naapertorlugu styrelsimit aggersarneqarsimasoq, taamaallaat inuttut takkuttoqarneratigut imaluunniit ilaannakuusumik tamakkiisumilluunniit elektronikkikkut ataatsimeersuarnertut ingerlanneqarsinnaasoq, aamma § 87-imi aalajangersakkat apeqqutaatinnagit styrelsip kommunimi najugaaneq taanna ingerlanneqarluni.

§ 94 Ataatsimeersuarnissamut aggersaaneq siusinnerpaamik sapaatit akunneri sisamat sioqqullugu pissaaq aamma, malittarisassani sivisunerusumik piffissamik aalajangiisoqarsimanngippat, kingusinnerpaamik ataatsimeersuarnissaq sapaatit akunneri marluk sioqqullugit. Ataatsimeersuarnissaq ullormut, sapaatit akunnerinik sisamanik kingusinnerusumut kinguartinneqarpat, ataatsimeersuarnissamut aggersaasoqassaaq.

Imm. 2. Aktieselskabinut, niuerfimmi naleqqussakkamik piginnejataassutinik niueruteqartunut, ataatsimeersuarnissamut aggersaaneq siusinnerpaamik sapaatit akunneri tallimat sioqqullugit pissaaq aamma, malittarisassani sivisunerusumik piffissamik aalajangiisoqarsimanngippat, kingusinnerpaamik ataatsimeersuarnissaq sapaatit akunneri pingasut sioqqullugit, taamaattorli § 339, imm. 4, aamma § 343 tak.

§ 95 Aggersaaneq malittarisassani aalajangersakkat naapertorlugit pissaaq.

Imm. 2. Ataatsimeersuarneq aalajangersinnaavoq aggersaaneq ingerlatseqatigiiffiup aningaasaliiffiusup nittartagaatigut pisinnaasoq, taamaattorli imm. 3 tak. Aalajangiineq malittarisassanut ilanngunneqassaaq. § 106 aalajangiinermut tassanilu allannguinernut atorneqarpoq.

Imm. 3. Aktieselskabini aggersaaneq piginnittut allattorsimaffianni piginnejataasunut allassimasunut tamanut, tamanna pillugu noqqaassuteqarsimasunut allakkatigut pissaaq. Aktieselskabip piginnejataassutai qaqugumulluunniit tigumminnittut pigisaanut allassimappata aggersaaneq Erhvervsstyrelsip qarasaasiaqarfatiqut ingerlanneqassaaq.

Imm. 4. Siusinnerusukkut allatut aggersaasoqarsimanera apeqqutaatinnagu, aktieselskabini, niuerfimmi naleqqussakkamip piginnejataassutinik niueruteqartumut aggersaaneq aktieselskabip nittartagaatigut tamanut saqqummiunneqassaaq. Tamatumunnga aningaasartuutit aktieselskabimit akilerneqassapput.

§ 96. Aggersaanermi ataatsimeersuarnissamut piffissaq sumiiffissarlu kiisalu oqaluuserisassat allanneqarsimassapput, taakkunangna takuneqarsinnaalluni ataatsimeersuarnermi suliassat suut suliarineqassanersut. Malittarisassani allannguutissanut siunnersuutit ataatsimeersuarnermi suliarineqassappata siunnersuutip pingarnertut imarisaa aggersaanermi allanneqassaaq.

Imm. 2. Ataatsimeersuarnissamut aggersaaneq, § 77, imm. 2, § 92, imm. 1 imaluunniit § 107, imm. 1 imaluunniit 2 malillugu aalajangiiffiusussami, malittarisassanut allannguutissanut siunnersuutip oqaasertaa tamarmiusoq ilaassaaq.

§ 97. Aktieselskabini, niuerfinni naleqqussakkani piginneqataassutinik niueruteqartuni, aggersaaneq, § 96-imi paasissutissat saniatigut ikinnerpaamik ukuninnga imaqassaaq:

- 1) Aktietigut aningaasaatit annertussusaannik piginneqataasullu taasisinnaatitaanerannik allaaserinninneq,
- 2) ataatsimeersuarnermi peqataanissap taasisinnaatitaanissallu piginneqataasunit eqqortinnissaanut suleriaatsinik erseqqissunik eqqortunillu allaaserinninneq, imm. 2 tak.,
- 3) ulloq nalunaarsorneqarfik, 84, imm. 1 tak., ullormi tassani piginneqataasusut inuit kisimik ataatsimeersuarnermi peqataasinnaanerat taasisinnaanerallu erseqqissarneqarluni,
- 4) § 99, imm. 1, nr. 3 aamma 4-mi taaneqartunut allakkanut oqaasertaliussat tamarmiusut naalisarneqarsimannngitsullu aamma oqaluuserisassat sumi qenorlu pissarsiarineqarsinnaaneranik allataqarneq aamma
- 5) paasissutissat § 99-imi eqqaaneqartut internetikkut sumi pissarsiarineqarsinnaanerisa allanneqarnera.

Imm. 2. Ataatsimeersuarnermi peqataanissap taasisinnaatitaanissallu piginneqataasunit eqqortinnissaanut suleriaatsinik erseqqissunik eqqortunillu allaaserinninnermut, imm. 1, nr. 2 tak., ilaapput

- 1) piginneqataasut apeqquuteqarsinnaatitaanerat, tassunga ilanggullugu piffissaliineq, § 102, imm. 3 tak.,
- 2) piginnaatisinermi taasinissamut suleriaaseq, pingartumik immersugassat piginnaatisinikkut taasinermi atorneqartussat, aamma sinniisuititanik toqqaaneq pillugu elektronikkikkut nalunaaruteqarnermut atatillugu ingerlatseqatigiiffiup aningaasaliiffiusup attaveqaatigut suut akuerinera allanneqarlutik aamma
- 3) allakkatigut imaluunniit elektronikkikkut taasinermut suleriaaseq.

Imm. 3. Naalagaaffiup aktieselskabiini, § 351 tak., aggersaanermut ataatsimeersuarnermi siunnersuutit suliarineqartussat tamarmik ilaassapput, aamma immikkut ittumik ataatsimeersuarnermut atatillugu aamma tamatumunnga pissutaasoq. Aggersaaneq Erhvervsstyrelsip qarasaasiaqarfiani tamanut saqqummiunneqassaaq, kingusinnerpaamik tamatuma piginneqataasunut nalunaarutiginerata peqatigisaanik.

§ 98. Aktieselskabini oqaluuserisassat aamma siunnersuutit tamarmiusut kiisalu immikkut ittumik ataatsimeersuarnermut tunngatillugu aamma ukiumoortumik nalunaarusiaq ataatsimeersuarnissaq kingusinnerpaamik sapaatit akunneri marluk sioqquillugit piginneqataasunit misissorneqarsinnaassaaq, taamaattorli § 99 tak.

§ 99. Aktieselskabi, niuerfimmi naleqqussakkami piginneqataassutinik niueruteqartumi, ataatsimeersuarnissaq kingusinnerpaamik sapaatit akunneri pingasut sioqquillugit, taassuma

ingerlanneqarnissaa ulloq ilanngullugu, piffissami ataqtigiissumi sapaatit akunnerini pingasuni paassisutissat uku piginneqataasunut nittartakkami takuneqarsinnaassapput:

1) Aggersaaneq.

2) Aggersaanermut ullormi piginneqataassutit amerlassusai tamarmiusut aamma taasisinnaatitaasut, tassunga ilanngullugu piginneqataassutit agguarnerni tamani amerlassutsit tamarmiusut, ingerlatseqatigiiffiup aktiatigut aningasaatai marlunnut amerlanernulluunniit agguarsimappata.

3) Allakkat, ataatsimeersuarnermi saqqummiunneqartussat.

4) Oqaluuserisassat siunnersuutillu tamarmiusut.

5) Taamaattoqartillugu piginnaatisinkut taasinermi aamma allakkatigut taasinermi atorneqartussat immersugassat, immersugassat taakku piginneqataasunut toqqaannartumik nassiunneqarsimannangippata. Immersugassat taakku teknikkut peqquteqartumik internettikkut pissarsiarineqarsinnaangippata, ingerlatseqatigiiffiup aningaasaliiffiusup nittartakkamigut ilisimatitsissutigissavaa immersugassat pappialanngorlugit qanoq pissarsiarineqarsinnaanersut. Taamatut pisoqartillugu ingerlatseqatigiiffiup aningaasaliiffiusup immersugassat piginneqataasunut tamatuminnga kissaateqartumut nassiuressavai. Tassunga aningaasartuutit ingerlatseqatigiiffiup aningaasaliiffiusup akilissavai.

Imm. 2. § 339, imm. 4 aamma § 343 malillugu ataatsimeersuarnermi aggersaaneq ataatsimeersuarnermi 1-imi piffissaliussaq taamaaqataanik sivikillisinnejassaaq.

Ataatsimeersuarnerup ingerlanneqarnera

§ 100. Ataatsimeersuarneq kalaallisut imaluunniit danskisut ingerlanneqassaaq, taamaattorli imm. 2-4 tak.

Imm. 2. Ataatsimeersuarneq nalinginnaasumik amerlanerussuteqarnikkut aalajangiisinnavoq ataatsimeersuarneq kalaallisunngitsoq imaluunniit danskisunngitsoq oqaatsit allat atorlugit ingerlanneqassasoq, peqatigisaanillu peqataasunut tamarmik toqqaannartumik kalaallisut aamma kalaallisuumiit imaluunniit danskisut nutserisoqarnissaanut periarfissiisoqarluni. Aalajangiineq malittarisassani ilanngunneqarsinnaavoq, ataatsimeersuarnermi tamatuminnga immikkut akuersisoqanngikkaluartoq.

Imm. 3. Ataatsimeersuarneq nalinginnaasumik amerlanerussuteqarnikkut aalajangiisinnavoq ataatsimeersuarneq tuluttut ingerlanneqassasoq, peqatigisaanik peqataasunut tamarmik toqqaannartumik kalaallisut aamma kalaallisuumiit imaluunniit danskisut nutserisoqarnissaanut periarfissiisoqarnani. Aalajangiineq malittarisassani ilanngunneqarsinnaavoq, ataatsimeersuarnermi tamatuminnga immikkut akuersisoqanngikkaluartoq.

Imm. 4. Ataatsimeersuartut aalajangiisinnapput ataatsimeersuarneq kalaallisunngitsoq, danskisunngitsoq imaluunniit tuluttunngitsoq oqaatsit allat atorlugit ingerlanneqassasoq, peqatigisaanik peqataasunut tamarmik toqqaannartumik kalaallisut aamma kalaallisuumiit imaluunniit danskisut nutserisoqarnissaanut periarfissiisoqarnani. Aalajangiineq malittarisassani ilanngunneqarsinnaavoq, aamma § 107, imm. 2, nr. 6 aamma § 110 aalajangiinermi kiisalu tassani allannguutinut atorneqarput.

Imm. 5. Ataatsimeersuarneq kalaallisunngitsoq imaluunniit danskisunngitsoq oqaatsit allat atorlugit ingerlanneqassasoq aalajangiisoqarpas nalinginnaasumik amerlanerussuteqarnikkut aalajangiisoqarsinnaavoq ataatsimeersuarneq siunissamut kalaallisut imaluunniit danskisut ingerlanneqartassasoq. Tamanna pillugu aalajangiineq

malittarisassanut ilanngunneqarsinnaavoq, ataatsimeersuarnermi tamatuminnga immikkut akuersisoqanngikkaluartoq. Oqaatsit allat pillugit aalajangiineq malittarisassani ilanngunneqarsimappat, oqaaseqatigiit siulliit malillugu aalajangiinermit takuneqarsinnaassaaq tamanna malittarisassani ilanngunneqassasoq, imaluunniit ataatsimeersuarnermi oqaatsinik atuineq pillugu paassisutissanik malittarisassat imaqarunnaassasut.

Imm. 6. Ataatsimeersuarnermut atatillugu allakkat ataatsimeersuarnerup iluani atorneqartussatut suliarineqarsimasut imaluunniit kingorna kalaallisut imaluunniit danskisut suliarineqarsimassapput, taamaattorli imm. 7 aamma 8 tak.

Imm. 7. Ataatsimeersuartut nalinginnaasumik amerlanerussuteqarnikkut aalajangiisinnappa put imm. 6-imi taaneqartut allakkat tuluttut suliarineqassasut. Tamanna pillugu aalajangiineq malittarisassanut ilanngunneqarsinnaavoq, ataatsimeersuarnermi tamatuminnga immikkut akuersisoqanngikkaluartoq.

Imm. 8. Ataatsimeersuartut aalajangiisinnappa put imm. 6-imi taaneqartut allakkat kalaallisuunngitsoq, danskisuunngitsoq imaluunniit tuluttujunngitsoq oqaatsit allat atorlugit suliarineqassasut. Tamanna pillugu aalajangiineq malittarisassani ilanngunneqarsinnaavoq, aamma § 107, imm. 2, nr. 6 aamma § 110 aalajangiinermi kiisalu tassani allannguutinut atorneqarput.

§ 100 a. Ataatsimeersuartut nalinginnaasumik amerlanerussuteqarnikkut aalajangiisinnappa ukiumoortumik nalunaarusiaq tuluttut suliarineqarlunilu saqqummiunneqassasoq. Ataatsimeersuartut tamanna pillugu aalajangiinerat malittarisassani ilanngunneqassaaq. Ataatsimeersuarnerup aalajangiineranik malittarisassani ilanngunneqarnera immikkut akuersisoqarnissaanik pisariaqartitsinngilaq.

§ 101. Aningaasaatinik piginnittut akornanni imaluunniit taakku avataaniittumik ataatsimeersuarnermik aqutsisussamik toqqaasoqassaaq, malittarisassat allamik aalajangersaasimanngippata.

Imm. 2. Aqutsisup ataatsimeersuarneq aqussavaa aamma ataatsimeersuarnerup illersorneqarsinnaasumik naleqquttumillu ingerlanneqarnissaa qulakkeerlugu. Aqutsisoq tamatumunga pisariaqartunik pisinnaatitaassaaq, tassunga ilanngullugit oqallinnerit aaqqissuunniisaannut, taasinermi sammisat ilusilersornissaannut, aalajangiinissamut, qaugu oqallinnerup naammassineqarneranut, ilanngussisup kipitinnissaanut pisariaqassappallu peqataasut ataatsimeersuarnermiit anisinnissaannut pisinnaatitaaffik.

Imm. 3. Ataatsimeersuarnermi isumaqatigiinniarnerit pillugit allattuisoqassaaq, aqutsisumit atsiorneqartussaq. Aalajangiinerit tamarmik ingerlatseqatigiiffiup aningaasaliiffiusup isumaqatigiinniarnermi allattaavianut allanneqassapput.

Imm. 4. Ataatsimeersuarnerup ingerlanneqarneranit kingusinnerpaamik sapaatit akunneri marluk kingorna ataatsimeersuarnermi allattaavik imalunniit taassuma naqinneqarnera akuerisaq aningaasaatinik piginnittunik pissarsiarineqarsinnaassaaq.

Imm. 5. Aktieselskabit, niuerfinni naleqqussakkani piginneqataassutinik niueruteqartut, aalajangiinernut ataasiakkaanut minnerpaamik aalajangissavaat,
1) piginneqataassutit qassit taasinernik atuuttunik taasisimanersut,
2) aktiatigut aningaasaatit ilai qanoq annertutigisut taasinernik qassnik sinniisuufigineqarnersut,
3) taasinerit atuutut amerlassusaat tamarmiusut,

- 4) aalajangiiffigisassatut siunnersummut taaseqataasut akerliusullu taasinerisa amerlassusaat aamma,
- 5) tamanna naleqqutsillugu, taasinngitsoortut amerlassusaat.

Imm. 6. Aktieselskabimi, niuerfimmi naleqqussakkami piginneqataassutinik niueruteqartumi, piginneqataasut kissaatiginngippagu taasinermut tamakkiisumik nassuiaasoqarnissaa, imm. 5 tak., aalajangiinernut ataasiakkaanut amerlanerussuteqartut pisariaqartinneqartut anguneqarsimanersut qulakkeerniarlugit taasinerup inerneranik taamaallaat aalajangiisoqartassaaq.

Imm. 7. Aktieselskabi, niuerfimmi naleqqussakkami piginneqataassutinik niueruteqartoq, ataatsimeersuarnerup ingerlanneqareerneraniit kingusinnerpaamik sapaatit akunneri marluk kingorna taasinerit inernerri nittartakkamini tamanut saqqummiutissavai.

Imm. 8. Naalagaaffiup aktieselskabii eqqarsaatigalugit, § 351 tak., allataq uppernarsarnejqarsimasoq, kingusinnerpaamik allattaaviup piginneqataasunit pissarsiarineqarsinnaalernerata peqatigisaanik, imm. 4 tak., Erhvervsstyrelsimit nassiunneqassaaq.

§ 102. Aningaasaatinik piginnittunit piumasarineqarpat aammalu qitiusumik aqutsisut naliliinerat naapertorlugu aningaasaatitigut ingerlatseqatigiiffimmut annertuumik ajoqutaassanngippat, aqutsisut pisussaapput ataatsimeersuarnermi paasissutissanik tunniuteriaannarnik ilisimatitsissallutik, pissutsinik tamanik ukiumoortumik naatsorsuutinut nalunaarummullu aammalu ingerlatseqatigiiffissuussappat aningaasaliiffiusoq taassuma ukiumoortumik naatsorsuutaanut ingerlatseqatigiiffiullu ingerlaneranik naliliinissamut pingaarutilinnik, imaluunniit apeqqutinut ataatsimeersuarnermi aalajangiiffigineqartussanut tunegasunik. Ilisimatitsisussaatitaaneq aningaasaatitigut ingerlatseqatigiiffissuullu aningaasaliiffiusup piginnittaata ingerlatseqatigiiffiutaasa allat akornanni aammattaaq atuuppoq.

Imm. 2. Akissutissaq paasissutissanik ataatsimeersuarnermi tunniuteriaannaanngitsunik pisariaqartitsippat, paasissutissat ataatsimeersuarnermiit sapaatit akunneri marluk qaangiutsinnagit allaganngorlugit ingerlatseqatigiiffimmi aningaasaliiffiusumi piginnittunit takuneqarsinnaanngorlugit saqqummiunneqassapput piginneqataasunullu paasissutissanik piumasaqarsimasunut nassiunneqassallutik.

Imm. 3. Qitiusumik aqutsisut aalajangersinnaapput piffissap, malittarisassani ilanngunneqartup naanissaa sioqqullugu ataatsimeersuarnermi atorneqartussanik aningaasaatinik piginnittut oqaluuserisassanut imaluunniit allakanut il.il. apeqquteqarsinnaasut. Qitiusumik aqutsisut malittarisassani allannguinerit pisariaqartut akuerisinnaavaat.

Imm. 4. Aktieselskabini, niuerfimmi naleqqussakkami piginneqataassutinik niueruteqartuni, aamma naalagaaffiup aktieselskabiini, § 351 tak., imm. 1 aamma 2 malillugu paasissutissiinissamik pisussaaffik aammattaaq atutissaaq piginneqataasut ataatsimeersuarnerisaq qaammatinik pingasunik sioqqullugu allakkatigut apeqqutaannut. Apeqqut allaganngorlugu akineqarsinnaavoq, taamaattoqassappallu ataatsimeersuarnerup aallartinnerani piginneqataasunut apeqqut akissutissarlu saqqummiunneqassapput. Akissuteqanngitsoortoqarsinnaavoq piginneqataasoq ataatsimeersuarnermi peqataanngippat. Imarisaq ataaseq pillugu apeqqutit arlallit akissummik ataatsimik akineqarsinnaapput. Apeqqut akineqartutut isigineqarpoq paasissutissat pineqartut aktieselskabip nittartagaani apeqqummut/akissutikkut pissarsiarineqarsinnaalerpata.

§ 103 Ingerlatseqatigiiffiup aningaasaliiffiusup ataatsimeersuarnermi toqbarneqartoq kukkunersiusua, § 144, imm. 1 tak., ataatsimeersuarnermi najuunnissaminut pisinnaatitaaffeqarpoq. Ingerlatseqatigiiffiup aningaasaliiffiusup ataatsimeersuarnermi toqbarneqartoq kukkunersiusua, § 144, imm. 1 tak., ataatsimeersuarnermi najuutissaq, qullersani ilaasortaq imaluunniit qitiusumik aqutsisut imaluunniit aningasaatinik piginnittup ataatsip tamanna piumasarippagu.

Imm. 2. Ataatsimeersuarnermi ingerlatseqatigiiffiup aningaasaliiffiusup ataatsimeersuarnermi toqbarneqartoq kukkunersiusua, § 144, imm. 1 tak., ukiumoortumik nalunaarusiaq il.il. ataatsimeersuarnermi pineqartumi suliarineqartoq pillugu apeqqutinik akissuteqassaaq.

Imm. 3. Ingerlatseqatigiiffiup aningaasaliiffiusup ataatsimeersuarnermi toqbarneqartoq kukkunersiusua, § 144, imm. 1 tak., ukiumoortumik nalunaarusiat il.il. suliarineqarneranni aqutsisut qullersat ataatsimiinneranni peqataanissamut pisussaaffeqarpoq aamma aqutsisuni qullersani ilaasortaq ataasiinmarluunniit tamanna pillugu qinnuteqarpat peqataanissamut pisussaaffeqarluni.

Imm. 4. Aktieselskabini, niuerfinni naleqqussakkani pappiaranik aningaasanik nalilinnik niueruteqartuni, aamma naalagaaffiup aktieselskabiini ingerlatseqatigiiffiup ataatsimeersuarnermi toqbarneqartoq kukkunersiusoq ileqqusumik ataatsimeersuarnermi najuuttussaavoq.

Taasinerit

§ 104 Aningaasaatinik piginnittuq aningaasaatinik piginneqataassutimini tamarmiusuni taassisaaq, malittarisassani allanik aalajangiisoqanngippat, taamaattorli imm. 3 tak.

Imm. 2. Aningaasaatinik piginnittut allakkatigut taasinissamut perarfissaqarput, tassa imaappoq ataatsimeersuarnerup aallartinnissaa sioqqullugu allakkatigut taasilluni. Ingerlatseqatigiiffinni aningaasaliiffiusuni, EU/EØS-imi nunami niuerfinni naleqqussakkani pappiaranik aningaasanik nalilinnik niueruteqartuni, perarfissaq taanna ingerlatseqatigiiffiup aningaasaliiffiusup malittarisassaani saneqqunneqarsinnaavoq. Allakkatigut taasinerit taamaallaat aningaasaatinik piginnittut kinaanerinik qulakkeerinissamut pisariaqartunik piumasaqaatinik killilersuinernillu atugassaqartinneqarsinnaapput, taamaallaallu anguniakkamut tassunga naleqqiullugu sapinngisamik naammaginartuussalluni.

Imm. 3. Aktieselskabini piginneqataasoq, inuussutissarsiornermut atatillugu inuit allat imaluunniit inatsisitigut pisinnaatitaasullu akisussaasullu (sullitat) sinnerlugit iliuseqartut, piginneqataassutit ilaannut atasumik taasisinnaatitaanertik ingerlanneqarnerinut assigeqqinnaartuunngitsumik ingerlallugu.

§ 105 Peqqussutip matuma malitsiginngippagu imaluunniit ingerlatseqatigiiffiup aningaasaliiffiusup malittarisassai allamik aalajangiippata ataatsimeersuarnermi suliassat tamarmik nalinginnaasumik amerlanerussuteqarnikkut aalajangiiffingeqartassapput. Taasinerit naligiippata siunnersuut akuerineqassanngilaq. Inunnik qinersineq kiisalu suliassat, aningaasaatinik piginnittut ataasiarluni taasisoqarneratigut qinigassat arlallit pillugit taasisussaallutik, allanut naleqqiullugu nalinginnaasumik amerlanerussuteqarneratigut aalajangiiffingeqartassapput. Inunnik qinersinermi taasinerit naligiippata taasineq makitsisoqarneratigut aalajangiiffingeqassaaq, malittarisassat allanik aalajangiinngippata.

§ 106 Malittarisassanik allannguineq pillugu aalajangiineq taamaallaat atuussinnaavoq ataatsimeersuarnermi sinniisusut ingerlatseqatigiiffiup aningaasaliiffiusup ilaanit taasinerit ikinnerpaamik pingajorarterutai marluk akuersippata, taamaattorli imm. 2 tak.

Malittarisassanik allannguineq pillugu aalajangiineq aamma malittarisassani imarineqarsinnaasunik malitassat, aamma § 107-imi immikkut maleruagassat naammassisavai.

Imm. 2. § 74, imm. 3, § 102, imm. 3, § 175, imm. 2, § 176, imm. 2, § 247, imm. 1, § 265, imm. 1, § 282, imm. 1, imaluunniit § 302, imm. 1 malillugu malittarisassanik allannguineq pillugu aalajangiineq ataatsimeersuarnermi aalajangiiffigineqassanngilaq.

§ 107 Malittarisassanik allannguineq pillugu aalajangiineq, tassuunakkut aningaasaatinik piginnittut ingerlatseqatigiiffimmut aningaasaliiffiusumut pisussaaffii annertusillutik, taamaallaat atutissaaq aningaasaatinik piginnittut tamarmik tamanna pillugu isumaqatigippata.

Imm. 2. Malittarisassanik allannguinerit pillugit aalajangiinerit uku taamaallaat atutissapput ingerlatseqatigiiffiup aningaasaataanik sinniisusut ataatsimeersuarnermi taasinermi taasisut ikinnerpaamik qulerarterutiusunit qilingiluanit akuerineqarpata:

- 1) Aalajangiineq, taamaalluni aningaasaatinik piginnittut iluanaarutaat imaluunniit ingerlatseqatigiiffiup aningaasaliiffiusup aningaasaataanik pissarsiassat, tassunga ilanngullugu aningaasaatinik piginneqataassutit iluanaarnartumik naleqartillugu pissarsiarineri, ingerlatseqatigiiffimmi aningaasaliiffiusumi piginneqataasunit aamma ingerlatseqatigiiffimmi aningaasaliiffiusumi sulisunit imaluunniit taassuma ingerlatseqatigiiffianut pigisaanit allaanerusnun iluaqutaasumik annikillisinneqarpata.
- 2) Aalajangiineq, taamaalluni aningaasaatinit piginneqataassutit niuerutigineqarsinnaaneri killeqartinneqarlutik imaluunniit killilersuinioreersut sukanganerulerlutik, tassunga ilanngulligit aningaasaatinik piginneqataassutinik tigusinissamut ingerlatseqatigiiffiup aningaasaliiffiusup akuersinissaata pisariaqarnera pillugit aalajangersakkanik akuersineq, imaluunniit ingerlatseqatigiiffiup aningaasaataanik ilaani erseqqinnerusumik aalajangersarneqartup saniatigut aningaasaatinik piginnittut arlaannaalluunniit aningaasaatinik piginneqataassutinik pigisaqarsinnaanani.
- 3) Aalajangiineq, taamaalluni assigiimmik annertussuseqartumik aningaasaatinik piginneqataassutitik aningaasanngortinnissaannut aningaasaatinik piginnittut pisussaalerlutik, ingerlatseqatigiiffik aningaasaliiffiusoq atorunnaarsinneqarnerata saniatigut imaluunniit kapitali 5-imi eqqartorneqartup saniatigut.
- 4) Aalajangiineq, taamaalluni aningaasaatinik piginnittut naminneq imaluunniit aningaasaatinik piginnittut allat taasisinnaanerat taasinernut erseqqinnerusumik aalajangersarneqartunut imaluunniit ingerlatseqatigiiffiup aningaasaataanut taasisinnaatitaasut annikillisinneqarluni.
- 5) Aalajangiineq, taamaalluni agguataarinermut atasumik aningaasaatinik piginnittut ingerlatseqatigiiffimmi aningaasaliisumisut assigalugit ingerlatseqatigiiffinni tigusisuni tamani taasinernik imaluunniit aningaasaatinik piginneqataassutinik pissarsinatik.
- 6) Aalajangiineq, taamaalluni ataatsimeersuarneq kalaallisut, danskisut imaluunniit tuluttut allaanerusut oqaatsit atorlugit ingerlanneqarluni peqatigisaanik peqataasunut tamanut kalaallisut imaluunniit danskisut toqqaannartumik nutserisoqarnissaanik periarfissiisoqarnani.

7) Aalajangiineq, taamaalilluni kalaallisut, danskisut imaluunniit tuluttut suliffiup iluani allakkanut oqaatsit allat atorneqalerlutik, tassa imaappoq ataatsimeersuarnermut atatillugu kingornaluunniit ingerlatseqatigiiffiup iluani atorneqartussat allakkat suliarineqarlutik.

Imm. 3. Ingerlatseqatigiiffimmi aningaasaliiffiusumi aningaasaatini immikkoortut arlaliuppata, malittarisassani allannguineq, pilersinneqareersimasut allanngortinnerisigut imaluunniit assigiinnngissutsit nutaat atulersinneqarnerisigut taakku akornanni inatsisitigut pissutsini nikisitsisoqarneranik kinguneqartumik taamaallaat atuuttuussaaq aningaasaatinik piginnittunit aningaasaatinik immikkoortuni taakkunani ikinnerpaamik pingajorarterutinit marlunnit akuerineqarpata, ataatsimeersuarnermi peqataasunut inatsisitigut inissisimanerat ajornerulerluni.

Ataatsimeersuarnermi taasinerit atortussaanngitsut

§ 108. Aningaasaatinik piginnittut imaluunniit ingerlatseqatigiiffiup aningaasaliiffiusup ajoqtigisaanik aningaasaatinik piginnittut ilaanut imaluunniit allat assuarnartumik erseqqissumik iluaquuserlugit ataatsimeersuarnermi aalajangiisoqassanngilaq.

§ 109. Aningaasaatinik piginnittoq imaluunniit aqutsisuni ilaasortaq inatsisinut naapertuutinngitsumik pilersinneqarsimasumut imaluunniit peqqussummut matumunnga imaluunniit ingerlatseqatigiiffiup aningaasaliiffiusup malittarisassanut akerliusumik ataatsimeersuarnermi aalajangiinermut tunngasumik eqqartuussassatut suliassanngortitsisinaavoq.

Imm. 2. Suliassanngortitsineq aalajangiisoqarneraniit kingusinnerpaamik qaammatit pingasut qaangiutsinnagit pissaaq, taamaanngippat aalajangiineq atuuttussatut isigneqassaaq.

Imm. 3. Imm. 2 atorneqassanngilaq

- 1) aalajangiineq aningaasaatinik piginnittut tamarmik allaat akuersinerisigut inatsisinut naapertuutumik aalajangiiffiqeqarsinnaanngippat,
- 2) peqqusut una imaluunniit ingerlatseqatigiiffiup aningaasaliiffiusup malittarisassai malillugit aalajangiinissamut pisariaqartinneqarpat aningaasaatinik piginnittut ilaannit tamarmiusunilluunniit akuersinissaat taamatullu akuersineq tunniunneqanngippat,
- 3) aggersaanermut maleruagassat, ingerlatseqatigiiffimmut aningaasaliiffiusumut atuuttut sakkortuumik saneqqunneqarsimappata imaluunniit
- 4) aningaasaatinik piginnittoq, imm. 2-mi piffissap allanneqarsimasup naanerata kingorna suliassanngortitsisimoq, kisiannili aalajangiinermiit kingusinnerpaamik qaammatit 24t kingorna, kinguaattoornermut naammaginartumik pissutissaqarsimaguni tamannalu tunngavigalugu eqqartuussivik aamma pissutsit allat eqqarsaatigalugit isumaqarluni imm. 2-mi aalajangersakkat atorneqarnissaat erseqqissumik naammaginanngippat.

Imm. 4. Eqqartuussivik isumaqarpat, aalajangiineq imm. 1-mut ilaasoq, eqqartuussisoqarneratigut taanna atuuttussaajunnaartinneqassaaq imaluunniit allanngortinneqarluni. Aalajangiinermik allanngortitsinerlu taamaallaat pisinnaavoq tamanna pillugu piumasaqaateqartoqarpat aamma aalajangiineq eqqortumik qanoq imaqartussaagaluarnera eqqartuussiviup aalajangersinnaallugu. Eqqartuussiviup aalajangiinera aamma aningaasaatinik piginnittunut suliassanngortitsisimanngitsunut atuutissaaq.

Aningaasannngortitsisinnaaneq

§ 110. Aningaasaatinik piginnittut, ataatsimeersuarnermi § 107, imm. 2, nr. 1-4, 6 aamma 7-imni taaneqartunut malittarisassanut allannguutinut akerliliisimasut piumasarisinnaavaat

ingerlatseqatigiiffiup aningaasaliiffiusup taakku aningaasaatinik piginneqataassutaat aningaasangortinnejassasut, tamanna pillugu piumasaqaat ataatsimeersuarnerup ingerlanneqareerneraniit kingusinnerpaamik sapaatit akunneri arfineq marluk kingorna allakkatigut saqqummiunneqarpat.

Imm. 2. Aningaasaatinik piginnittut taasinissaq sioqquullugu imm. 1 malillugu aningaasangortitsisinnanermik taanna atuerusunnersoq pillugu oqaaseqaateqaqqullugu qinnuqineqarsimappat tassunga pisinnaatitaaffimmut pineqartup ataatsimeersuarnermi taamatut kissaateqarnermiq nalunaaruteqarsimanera piumasarineqarpoq.

Imm. 3. Aningaasangortitsinermik ingerlatseqatigiiffiup aningaasaliiffiusup aningaasaatinik piginnittut pineqartut piginneqataassutaat aningaasaatinik piginneqataassutaat nalinginut naapertuuttumik akilerlugit pisiarissavai, tamatuminngalu isumaqatigiinngitsoqarpat ingerlatseqatigiiffiup aningaasaliiffiusup najugaani eqqartuussivimmit nalunaarutigineqartumik naliliisartumik aalajangiisoqassalluni. Naliliisartunut aningaasartuutit naliliisartut naliliinissaannik kissaateqartumit aningaasaatinik piginnittumit akilerneqassapput, kisiannili naliliisartut naliliinerat ingerlatseqatigiiffiup akitut siunnersuutigisaaniit annertuumik allaaneruppat aamma tamakkiisumik annertutigulluunniit tunngavigineqarpat ingerlatsivimmut akiligassanngortinnejarsinnaalluni. Illuatungeriit marluullutik naliliisartut aalajangiinerat eqqartuussivimmut suliassanngortissinnaavaat. Tamanna pillugu suliaq naliliisartut nalunaarutaannit tigusereernermiit kingusinnerpaamik qaammatit pingasut kingorna suliassanngortinneqassaaq.

Kapitali 7

Ingerlatseqatigiiffiup aningaasaliiffiusup aqutsisui il.il.

Aqutsisut aaqqissugaanerannik toqqaaneq

§ 111. Ingerlatseqatigiiffiup aningaasaliiffiusup aqutsisutigut aaqqissugaanerit uku akornanni toqqaasinnaavoq:

1) Aqutsisutigut aaqqissugaaneq, ingerlatseqatigiiffik aningaasaliiffiusoq siulersuisunit aqunneqarluni, pingarnertut periusissatigullu aqutsinermik isumaginnittooq. Ulluinnarni aqutsinermik isumaginnittussamik siulersuisut qullersaqarfimmik atorfinitssisinnavoq, siulersuisut nammineq ilaasortaasa akornanni inummik ataatsimik aralinnilluunniit imaluunniit inuit siulersuisuni ilaasortaangitsunik inuttaqartoq. Pisuni marlunni inuit, ulluinnarni aqutsinermik isumaginnittut taaneqassapput pisortat, ataatsimoorlutillu ingerlatseqatigiiffiup aningaasaliiffiusup qullersarissallugit. Siulersuisuni ilaasortat amerlanerussutaat aktieselskabini tassaassapput inuit ingerlatseqatigiiffimmi pisortaangitsut. Aktieselskabimi pisortaq aktieselskabimi siulersuisunut siulittaasuuussanngilaq imaluunniit siulittaasup tullussanngilaq.

2) Aqutsisutigut aaqqissugaaneq, ingerlatseqatigiiffik aningaasaliiffiusoq qullersaqarfimmik aqunneqarluni. Aktieselskabini qullersaqarfik nakkutilliisunit, qullersaqarfimmik nakkutilliisunit atorfinitssinnejassaaq. Qullersaqarfimmik ilaasortaq nakkutilliisuni ilaasortaassanngilaq.

Imm. 2. Aktieselskabini siulersuisut imaluunniit nakkutilliisut ikinnerpaamik inuit pingasuussapput.

Imm. 3. Anpartsselskabini, aqutsisuni qullersani ilaasortat sulisunit toqcarneqartut pillugit § 140-mi maleruagassat atorneqarnissaat sulisunit toqcarneqarsimalluni, siulersuisoqassaaq imaluunniit nakkutilliisoqarluni. Anpartsselskabi siulersuisoqanngippat imaluunniit nakkutilliisoqanngippat, kisianni oqaaseqatigiit siullit malillugit taakku arlaannik

aaqqissugaqassalluni, malittarisassat allanngortinneqarnissaannut siunnersuut, taamaalilluni ingerlatseqatigiiffik aningaasaliiffiusoq siulersuisoqalerluni imaluunniit nakkutilliisoqalerluni, atuuttussatut akuerineqartutut isigineqassaaq piginneqataasoq ataasiinnarluunniit siunnersummut akuersisimappat.

Imm. 4. Siulersuisuni aamma nakkutilliisuni ilaasortat pillugit peqqussummi aalajangersakkat taamaaqataanik taakku sinniisussaannut atorneqassapput.

Aqtsisut nakkutilliisutullu suliaqarneq pillugu aalajangersakkat nalinginnaasut

§ 112 1ngerlatseqatigiiffiup aningaasaliiffiusup aqtsisuini ilaasortat nammineersinnaassuseqassapput aamma namminersorsinnaanermik inatsit, kunngip peqqussuteqarneratigut Kalaallit Nunaanni atulersinneqarsimasoq malillugu pigisat tungaasigut siunnersortissaligaasimassanani.

Imm. 2. Umiarsuaatileqatigiiffinni aktieselskabini inuup ataatsip suliffeqarfia imaluunniit soqutigisaqaqatigiit pisortaasinnaapput, piginnitoq imaluunniit soqutigisaqaqatigiit imm. 1-im i piumasaqaatinik naammassinnissimappata.

§ 113 Siulersuisuni nakkutilliisunilu ilaasortat kiisalu pisortat ingerlatseqatigiiffimi aningaasaliiffiusumi imaluunniit suliffeqarfissuuup ataatsip iluani ingerlatseqatigiiffinni aningaasaliiffiusuni aningaasaatinik piginneqataassutinut tunngasuni aningaasannanniarnermik ingerlataqassangillat imaluunniit peqataassangillat.

§ 114 1ngerlatseqatigiiffinni aningaasaliiffiusuni, niuerfinni naleqqussakkani piginneqataassutinik niueruteqartuni, aamma naalagaaffiup aktieselskabiini, § 351 tak., siulersuisuni imaluunniit nakkutilliisunut siulittaasoq ingerlatseqatigiiffik aningaasaliiffiusoq sinnerlugu, siulittaasutut suliaqarnerup ilaanut ilaanngitsumik suliaqassanngilaq. Siulersuisunili siulittaasoq, tamatumunnga immikkut pisariaqartitsisoqarpat, siulersuisunit aamma siulersuisut sinnerlugit pineqartumut isumageqquneqartunik suliassanik ingerlataqarsinnaavoq.

Siulersuisut suliassaat

§ 115 1ngerlatseqatigiiffinni aningaasaliiffiusuni siulersuisoqartuni pingaarnertigut periusissatigullu aqutsinerup aamma ingerlatseqatigiiffiup aningaasaliiffiusup sulineranik illersorneqarsinnaasumik aaqqissuunnerata qulakteernerata saniatigut nakkutigissavaa
1) naatsorsuutinut allattuineq aamma naatsorsuutinik saqqummiussineq imatut ingerlanneqartoq, ingerlatseqatigiiffimi aningaasaliiffiusumi pissutsit malillugit naammaginartuulluni,
2) qularnartunik aqutsinermut suliffiullu iluani nakkutilliinermut pisariaqartunik suleriaatsinik pilersitsisoqarsimalluni,
3) ingerlatseqatigiiffiup aningaasaliiffiusup aningaasatigut pissutsit pillugit pisariaqartunik nalunaarusianik ingerlaavartumik siulersuisut tigusaqartarlutik,
4) qullersaqarfiup sulinini pissusissamisoortumik aamma siulersuisut najoqqtassiaat malillugu ingerlallugu aamma
5) ingerlatseqatigiiffiup aningaasaliiffiusup aningaasaatitigut upalungaarsimanera qaqqugukkulluunniit illersorneqarsinnaalluni, tassunga ilanngullugu aningaasaatitigut ingerlatseqatigiiffiup maannakkut siunissamilu pisussaaffii naammassiniarlugit, taakku akiligassanngortanera naapertorlugit, naammattunik akissaqarluni, aamma siulersuisut

taamaalillutik aningaasaqarnikkut inissisimaneq qaqugukkulluunniit nalilersorsinnaallugu aamma aningaasaatitigut upalungaarsimaneq atuuttup illersorsinnaanera qulakkeerlugu.

Nakkutilliisut suliassaat

- § 116.** Ingerlatseqatigiiffinni aningaasaliiffiusuni nakkutilliisoqartuni nakkutilliisut nakkutigissavaat
- 1) naatsorsuutinut allattuineq aamma naatsorsuutinik saqqummiussineq imatut ingerlanneqartoq, ingerlatseqatigiiffimmi aningaasaliiffiusumi pissutsit malillugit naammaginartuulluni,
 - 2) qularnartunik aqutsinermut suliffiullu iluani nakkutilliinermut pisariaqartunik suleriaatsinik pilersitsisoqarsimalluni,
 - 3) ingerlatseqatigiiffiup aningaasaliiffiusup aningaasatitigut pissutsit pillugit pisariaqartunik nalunaarusianik ingerlaavartumik nakkutilliisut tigusaqartarlutik,
 - 4) qullersaqarfiup sulinini pissusissamisoortumik aamma siulersuisut najoqqutassiaat malillugu ingerlallugu aamma
 - 5) ingerlatseqatigiiffiup aningaasaliiffiusup aningaasaatitigut upalungaarsimanera qaqugukkulluunniit illersorneqarsinnaalluni, tassunga ilanngullugu ingerlatseqatigiiffiup aningaasaliiffiusup maannakkut siunissamilu pisussaaffii naammassiniarlugit, taakku akiligassangortanera naapertorlugit, naammattunik akissaqarluni, aamma nakkutilliisut taamaalillutik aningaasaqarnikkut inissisimaneq qaqugukkulluunniit nalilersorsinnaallugu aamma aningaasaatitigut upalungaarsimaneq atuuttup illersorsinnaanera qulakkeerlugu.

Qullersaqarfiup suliassai

- § 117.** Ingerlatseqatigiiffinni aningaasaliiffiusuni, § 111, imm. 1, nr. 1 malillugu aqunneqartuni, ingerlatseqatigiiffiup aningaasaliiffiusup ulluinnarni aqunneqarnera qullersaqarfimmit isumagineqarpoq. Najoqqutassat innersuussinerilli siulersuisunit tunniunneqartut qullersaqarfiup malissavai. Ulluinnarni aqutsinermut ilaangillat iliuuserisat, ingerlatseqatigiiffimmi aningaasaliiffiusumi pissutsit malillugit immikkullarissuusut imaluunniit annertuumik pingaaruteqartuuusut. Iliuuserisat taamatut ittut siulersuisunit immikkut piginnaatitsisoqarneratigut taamaallaat isumagineqarsinnaapput, siulersuisut aalajangiinerat ingerlatseqatigiiffiup aningaasaliiffiusup ingerlanneqarneranut annertuumik ajoqsiinani utaqeqineqarsinnaanngippat. Taamaattoqartillugu iliuuserisaq pillugu siulersuisut sapinngisamik piaernerpaamik nalunaarfigineqassapput.

Imm. 2. Ingerlatseqatigiiffinni aningaasaliiffiusuni, § 111, imm. 1, nr. 2-mut ilaasuni qullersaqarfiup pingarnertigut periusissatigullu aqutsineq kiisalu ulluinnarni aqutsineq isumagissavaa. Qullersaqarfiup aamma ingerlatseqatigiiffiup aningaasaliiffiusup ingerlatsinerata illersorneqarsinnaasumik aaqqissugaanera qulakiissavaa.

§ 118. Qullersaqarfiup ingerlatseqatigiiffiup aningaasaliiffiusup naatsorsuutinut allattuinera tamanna pillugu inatsisini maleruagassat naapertorlugit ingerlanera, aamma pisuussutigisai isumannaatsumik ingerlanera qulakiissavaa.

Imm. 2. Taakku saniatigut ingerlatseqatigiiffiup aningaasaliiffiusup aningaasaatitigut upalungaarsimanera qaqugukkulluunniit illersorneqarsinnaanera qullersaqarfiup qulakiissavaa, tassunga ilanngullugu ingerlatseqatigiiffiup aningaasaliiffiusup maannakkut siunissamilu pisussaaffii naammassiniarlugit, taakku akiligassangortanera naapertorlugit, naammattunik akissaqarluni. Qullersaqarfiup taamaalilluni aningaasaqarnikkut inissisimaneq

qaqgukkulluunniit nalilersorsinnaallugu aamma aningasaatitigut upalungaarsimaneq atuuttup illersorsinnaanera qulakkeerlugu.

Aningasaatinik annaasaqarneq

§ 119 Ingerlatseqatigiiffiup nammineq aningasaatai aningasaatit pisiarineqarsimasut affaanit annikinnerulernerannik paasisaqarnermiit kingusinnerpaamik qaammatit arfinillit kingorna ataatsimeersuarnerup ingerlanneqarnissaa ingerlatseqatigiiffimmi aningasaliiffiusup aqtsisuisa qulakkiissavaat. Ataatsimeersuarnermi ingerlatseqatigiiffiup aningasaliiffiusup aningasaqarnikkut inissisimaneq qitiusumik aqtsisut nassuaassapput pisariaqarpallu aaqqiinerit aalajangiiffigineqartariaqartut pillugit siunnersuuteqarlutik, tassunga ilanggullugu ingerlatseqatigiiffiup aningasaliiffiusup atorunnaarsinna pillugu.

Siulersuisunut nakkutilliisunullu qinersineq

§ 120 Aktieselskabini siulersuisut imaluunniit nakkutilliisut amerlanersaat ataatsimeersuarnermi qinerneqassapput.

Imm. 2. Malittarisassat pisortani oqartussat allalluunniit siulersuisuni imaluunniit nakkutilliisuni ilaasortamik amerlanernilluunniit toqqaasitsisinnaapput.

Imm. 3. Siulersuisunut imaluunniit nakkutilliisunut ilaasortassanik ataatsimeersuarnermi qinersinissaq sioqqullugu aktieselskabini inuit inuussutissarsiorluni ingerlataqartunik suliffeqarfinni aallani aqtsinermik suliaqartut qinigassanngortinneqartut pillugit paassisutissisoqassaaq, aktieselskabip nammineq 100 pct.-imik pigisai ingerlatseqatigiiffiit ilangunnagit. Pineqartoq ingerlatseqatigiiffimmi piginnittumi allami kiisalu taassuma 100 pct.-imik pigisaani ingerlatseqatigiiffimmi ataatsimi amerlanerniluunniit aqtsisuni ilaasortaappat, oqaaseqatigiit siullit apeqputatinnagit pineqartup aqtsisutut ilaasortaaffigaata ingerlatseqatigiiffiup piginnittup taassuma taaguutaa taassumalu ingerlatseqatigiiffiit pigisaasa amerlassusaat ilisimatitsissutigineqarnerat naammappoq. Aalajangersagaq taanna saneqqunneqarsinnaasoq piginneqataasut isumaqatigiillutik aalajangersinnaapput.

Imm. 4. Siulersuisut imaluunniit nakkutilliisut sulineranni ilaasortat ataatsimeersuarnermi qinerneqartut malittarisassani aalajangersarneqartumut piffissamut atuutissapput. Piffissaq qinigaaffiusoq ileqqusumik ataatsimeersuarnerup qinersereernerup kingusinnerpaamik ukiut sisamat kingornata naanerani atorunnaassaaq.

Siulersuisuni nakkutilliisunilu ilaasortat tunuarnerat

§ 121 Siulersuisuni imaluunniit nakkutilliisuni ilaasortaq qaqgukkulluunniit tassanngaanniit tunuarsinnaavoq. Tamanna pillugu nalunaarut ingerlatseqatigiiffiup aningasaliiffiusup siulersuisuinut imaluunniit nakkutilliisuinut tunniunneqassaaq aamma, ilaasortaq ataatsimeersuarnermi qinigaasimanngippat, aamma pineqartumik toqqaasimasoq. Siulersuisuni imaluunniit nakkutilliisuni ilaasortaq qaqgukkulluunniit pineqartumik qinersisiminit imaluunniit toqqaasuminit tunuartinneqarsinnaavoq.

Imm. 2. Ilasortap inigisaani sinniisussaqanngippat ilaasortap tunuartup qinigaaffiata sinneranut ilaasortassamik nutaamik qinersisoqarnissaata isumagineqarnissaanut siulersuisuni imaluunniit nakkutilliisuni ilaasortat sinneri pisussaaffeqarput. Tamanna aamma atuuppoq ilaasortaq ataaseq, § 140 imaluunniit § 141 malillugu sulisunit qinerneqarsimasoq ingerlatseqatigiiffimmi aningasaliiffiusumi imaluunniit suliffeqarfissuarmi atorfearunnaarpat. Qinersineq ataatsimeersuarnermut atappat, ilaasortassamik nutaamik qinersinissaq ileqqusumik tullianik ataatsimeersuarnissamut kinguartinneqarsinnaavoq,

tassani siulersuisunut imaluunniit nakkutilliisunut qinersisoqarluni, siulersuisut imaluunniit nakkutilliisut ilaasortani sinniisunilu sinneruttuni aalajangiisinhaappata.

Siulittaasumik toqqaaneq

§ 122 Aktieselskabimi siulersuisut imaluunnit nakkutilliisut siulittaasussaminnik namminneq qinersissapput, malittarisassani allamik aalajangiisoqanngippat. Taasinerit naligiinnerini qinersineq makitsisoqarneratigut aalajangiiffigineqassaaq.

Siulersuisuni nakkutilliisunilu ataatsimiinnerit ingerlanneqarneri

§ 123 Aktieselskabimi siulersuisunut imaluunnit nakkutilliisunut siulittaasup, tamanna pisariaqarpat, aqutsisut qullersat ataatsimiittarnissaat qulakkiissavaa, aamma ilaasortat tamarmik aggersarneqarnerat nakkutigalugu. Aqutsisuni ilaasortap ataatsip imaluunniit ingerlatseqatigiiffiup ataatsimeersuarnermi qinigaata kukkunersiusup, § 144 tak., piumasarisinnaavaa aqutsisut qullersat aggersarneqarnissaat. Pisortaq, naak taanna siulersuisuni imaluunniit nakkutilliisuni ilaasortaannngikkaluartoq, siulersuisut imaluunniit nakkutilliisut ataatsimiinneranni najuunnissamut oqaaseqarnissamullu pisinnaatitaaffeqarpoq, siulersuisut nakkutilliisulluunniit pisuni ataasiakkaani allamik aalajangiinngippata.

Siulersuisunit nakkutilliisunilu aalajangiisinhaaneq

§ 124 Siulersuisut imaluunniit nakkutilliisut aalajangiisinhaatitaapput ilaasortat tamarmiusut affai sinnerlugit najuuppata, malittarisassat malillugit annerusumik piumasaqaateqanngippat. Aalajangiinerilli ilaasortat tamarmik suliap sularinerani sapinngisamik peqataanissamut periarfissaqarsimatinngagit aalajangiiffigineqassanngillat.

Imm. 2. Ilasortaq ataaseq pisinnaanngippat, aamma sinniisussamik toqqaasoqarsimappat, pisinnaannginnerata nalaani ilasortaq sinnerlugu sinniisussaq peqataasinhaatinneqassaaq. Allamik siulersuisut imaluunniit nakkutilliisut aalajangiisimannngippata imaluunniit malittarisassani aalajangersagaqanngippat, ilasortaq ataaseq pisuni ataasiakkaani sinniisussap aggersarneqarnissaanut taarsiullugu ilaasortamut allamut piginnaatitsisinnaavoq, tamanna sammisap oqallisigineqarnissaanut toqqisisimanarpas.

Imm. 3. Suliassat, siulersuisuni imaluunniit nakkutilliisunik suliarineqartut nalinginnaasumik taasinerit amerlanerussuteqarnerisigut aalajangiiffigineqassapput, malittarisassat malillugit immikkut amerlanerussuteqarnissamik piumasaqartoqanngippat. Malittarisassani aalajangerneqarsinnaavoq siulittaasup taasinera, imaluunniit siulittaasup pisinnaannginnerani siulittaasup tulliata taasinera, taasinerit naligiitsillugit aalajangiisuussasoq.

Siulersuisut nakkutilliisullu allakkatigut elektronikkikkullu ataatsimiinnerit

§ 125 Siulersuisuni ataatsimiinnerit aamma nakkutilliisuni ataatsimiinnerit allakkatigut ingerlanneqarsinnaapput, tamanna siulersuisut nakkutilliisulluunniit suliaasa ingerlanneqarnerinut ataqtigiiissinneqarsinnaappat. Aqutsisunili ilaasortap ataatsip piumasarisinnaavaa oqallittoqassasoq. Siulersuisuni imaluunniit nakkutilliisuni ataatsimiinnerit ingerlanneqarneri pillugit peqqusummi aalajangersakkat pisariaqartunik allaanerussuteqartumik allakkatigut ataatsimiinneri taamaaqataanik atorneqassapput.

Imm. 2. Siulersuisuni ataatsimiinnerit aamma nakkutilliisuni ataatsimiinnerit elektronikkikkut atotorissaarutit atornerisigut ingerlanneqarsinnaapput, tamanna siulersuisut nakkutilliisulluunniit suliaasa ingerlanneqarnerinut ataqtigiiissinneqarsinnaappat. Aqutsisunili ilaasortap ataatsip piumasarisinnaavaa oqallittoqassasoq. Siulersuisuni

imaluunniit nakkutilliisuni ataatsimiinnerit ingerlanneqarneri aamma elektronikkikku attaveqatigiinneq pillugit peqqussummi aalajangersakkat pisariaqartunik allaanerussuteqartumik elektronikkikku ataatsimiinnerani aamma tassunga atasumik attaveqatigiinnermi taamaaqataanik atorneqassapput.

Siulersuisuni nakkutilliisunilu ataatsimiinnerni oqaatsit

§ 126 Siulersiusuni imaluunniit nakkutilliisuni ataatsimiinnerit kalaallisut imaluunniit danskisut ingerlanneqassapput, taamaattorli imm. 2 aamma 3 tak.

Imm. 2. Siulersuisuni imaluunniit nakkutilliisuni ataatsimiinnerit, amerlanerussuteqartut tamanna aalajangerpassuk, kalaallisut danskisulluunniit pinnani oqaatsit allat atorlugit ingerlanneqarsinnaavoq, peqatigisaanik peqataasunut tamanut kalaallisut imaluunniit danskisut toqqaannartumik nutserisoqarnissaanik periarfissiisoqarpas. Kalaallisuuunngitsoq imaluunniit danskisuunngitsoq oqaatsit allat atorlugit toqqaannartumik nutserisoqanngitsumik ataatsimiinnerit ingerlanneqarneri siulersuisuni imaluunniit nakkutilliisuni ilaasortat akornanni isumaqatigiinnissamik piumasaqarpoq.

Imm. 3. Imm. 2 apeqquatainnaguli siulersuisuni imaluunniit nakkutilliisuni ataatsimiinnerit toqqaannartumik nutserisoqanngitsumik tuluttut ingerlanneqarsinnaapput, oqaatsit taakku ingerlatseqatigiiffiup malittarisassaani suliffeqarfissuup oqaasiisut allanneqarsimappata.

Imm. 4. Siulersuisuni imaluunniit nakkutilliisuni sulinermi atugassatut suliarineqartut allakkat kalaallisut imaluunniit danskisut ilusilerneqarsimanngippata, siulersuisuni imaluunniit nakkutilliisuni ilaasortap kialuunniit piumasarisinnaavaa allakkat pineqartut kalaallisuuunngortillugit imaluunniit danskisuunngortillugit nutsertinneqassasut. Tamannali atuutinngilaq allakkat tuluttut ilusilerneqarsimappata, tuluit oqaasii ingerlatseqatigiiffiup malittarisassaani suliffeqarfissuup oqaasiisut allanneqarsimappata.

Ileqqussaanngitsumik iliuuserisat kiisalu isumaqatigiissutit aningaasaatinik piginnittumut kisimiittumut isumaqatigiissutigineqartut

§ 127 Ingerlatseqatigiiffiup aningaasaliiffiusup aqtsisutin ilaasortat imatut iliuuseqassanngillat iliuuserisat aningaasaatinik piginnittut imaluunniit ingerlatseqatigiiffiup aningaasaliiffiusup ajoqtigisaanik aningaasaatinik piginnittut ilaanut imaluunniit allat assuarnartumik erseqqissumik iluaquserlugit. Ingerlatseqatigiiffiup aningaasaliiffiusup aqtsisutin ilaasortat, aalajangiineq inatsisinut imaluunniit ingerlatseqatigiiffiup malittarisassaanut akerliulluni atuuttuunngippat ataatsimeersuarnermi aalajangiinerit imaluunniit ingerlatseqatigiiffiup aaqqissugaani allani aalajangiiffigineqartut malittussaanngilaat.

Imm. 2. Isumaqatigiissutit kisimiilluni aningaasaatinik piginnittup aamma ingerlatseqatigiiffiup aningaasaliiffiusup akornanni isumaqatigiissutigineqartut taamaallaat atuuttuussapput imatut oqaasertalerneqarpat kingusinnerusukkut upernarsarneqarsinnaallutik, naammassisimangisamut ingerlasumut atasumik piumasaqaatit nalinginnaasut malillugit isumaqatigiissutit pineqanngippata.

Aqutsisuni qullersani isumaqatigiinniarnerit allattorneqarneri

§ 128 Aqutsisut qullersat arlalinnik ilaasortaqarpat isumaqatigiinniarnerit pillugit allattaavimmik ingerlatsisoqassaaq, ilaasortanit najuuttunit tamanit atsiorneqartussaq.

Imm. 2. Aqutsisuni ilaasortaq najuuttoq ataaseq aalajangiinermut isumaqataanngikkuni isummami allattaavinnut allanneqarnissaanut pisussaaffeqarpoq.

Kukkunersiusup allattaavia

§ 129 Aqutsisuni qullersani ilaasortat kukkunersiuinermi allattaavik kukkunersiusumik suliarineqartoq atsiussavaat, tamanna kukkunersiuinermi inatsit imaluunniit inatsisit allat malillugit kukkunersiusoq taamatut ingerlatseqqusaappat, imaluunniit kukkunersiusoq ingerlatseqatigiiffimmik aningaasaliiffiusumik isumaqatigiissuteqarnermigut kukkunersiusup allattaavianut allattussaappat.

Siulersuisut aamma nakkutilliisut suleriaasiat

§ 130 Aktieselskabimi siulersuisut imaluunniit nakkutilliisut arlalinnik ilaasortaqpata suleriaaseqarnikkut siulersuisut imaluunniit nakkutilliisut suliamik ingerlataqarnerat pillugu erseqqinnerusunik aalajangersagaqassaaq.

Imm. 2. Suleriaatsip ilusilorsornerani ingerlatseqatigiiffiup aningaasaliiffiusup sulinera pisariaqartitaalu aallaavagineqassapput. Tassunga atatillugu siulersuisut imaluunniit nakkutilliisut eqqarsaatigeqqissaartariaqarpaat suleriaasissaq inissititerneq, suliat agguernerat, qullersat ulluinnarni sulerinerannik nakkutilliineq, atuakkanik allattuineq, allattaaveqarneq il.il., allakkatigut aamma elektronikkikkut ataatsimiinnerit, nipangiussisaqartussaatitaaneq, sinniisut, naatsorsuutinik nakkutilliineq, kukkunersiusup allattaavianik atsorneq aamma kukkunersiuinerup pisariaqartumik tunngaveqarneranik qulakkeerineq pillugu aalajangersakkanik imaqtariaqarnersoq.

Imm. 3. Naalagaaffinni aktieselskabini siulersuisuni imaluunniit nakkutilliisuni suleriaaseq, § 351 tak., suliarineqarneranii kingusinnerpaamik sapaatit akunneri sisamat kingorna Erhvervsstyrelsip qarasaasiaqarfiani tamanut saqqummiunneqassaaq. Piffissaliussaq taanna atuutissaaq aktieselskabi kapitali 20 malillugu naalagaaffiup ataani aktieselskabinngorpat, § 351 tak., imaluunniit naalagaaffiup aktieselskabiata suleriaasiani allannguisoqarpat.

Attuumassuteqarpallaarneq

§ 131 Aqutsisuni ilaasortaq, ingerlatseqatigiiffimmut aningaasaliiffiusumut akerliusinnaasunik pineqartoq tessani annertuumik soqutigisaqaruni, ingerlatseqatigiiffiup aningaasaliiffiusup pineqartullu nammineq akornanni isumaqatigiissut pillugu imaluunniit pineqartumut namminermut eqqartuussisunut suliassangortitsineq pillugu imaluunniit ingerlatseqatigiiffiup aningaasaliiffiusup aamma allap akornanni isumaqatigiissut pillugu imaluunniit allamut eqqartuussivimmi suliassangortitsineq pillugu apeqqutip suliarinerani peqataasussaanngilaq.

Nipangiussisussaatitaaneq

§ 132 Siulersuisuni nakkutilliisunilu ilaasortat, pisortat, naliliisartut aamma misissuisut kiisalu taakku ikiortaat sinniisilu suliaqarnermikkut ilisimalikkaminik akuerisaanngitsumik ingerlatitseqqusaanngillat.

Paasissutissanik il.il. kukkunersiusumut tunniussineq

§ 133 Ingerlatseqatigiiffimmi aningaasaliiffiusumi aqutsisut, ingerlatseqatigiiffiup aningaasaliiffiusup aamma, ingerlatseqatigiiffik aningaasaliiffiusoq ingerlatseqatigiiffiuppat piginnittooq, ukiumoortumik naatsorsuutit pillugit inatsit, kunngip peqqussuteqarneratigut Kalaallit Nunaannut atulersinneqarsimasoq malillugu taassuma suliffeqarfissuanik nalilorsorneranut pingaaruteqarsinnaasutut isigineqartut paasissutissanik, kukkunersiusumut imaluunniit misissueqqissaartussamut, ataatsimeersuarnermi toqqarneqarsimasumut, aamma

ingerlatseqatigiiffimmi aningaasaliiffiusumi pissutsinik nalunaaruteqartussamut tunniussissapput.

Imm. 2. Ingerlatseqatigiiffimmi aningaasaliiffiusumi aqtsisut, kukkunersiuisumut imaluunniit misissueqqissaartussamut, ataatsimeersuarnermi toqcarneqarsimasumut, aamma aningaasaatitigut ingerlatseqatigiiffimi pissutsinik nalunaaruteqartussamut, taassuma pisariaqartitaanut misissuinissanut isertissinnaassavaat, aamma kukkunersiuisup imaluunniit misissueqqissaartussap paassisutissanik aamma suliaminik ingerlatsinissaanut pisariaqartutut pineqartup isigisaanik ikiorneqarnissaa qulakkeerlugu.

Imm. 3. Ingerlatseqatigiiffimmi aningaasaliiffiusumi, suliffissuaqarfimmi pigineqarluni ingerlatsiviusumi aqtsisut suliffeqarfiup piginnittup kukkunersiuisuanut taamaaqataanik pisussaaffeqarput.

Suliffissuarmi pissutsit pillugit nalunaarut

§ 134 Kalaallit nunaanni ingerlatseqatigiiffimmi piginnittumi qitiusumik aqtsisut pisussaapput suliffissuaqarnermut pissutsit pilersinneqaannartullu suliffeqarfimmi pigineqartumi qitiusumik aqtsisut nalunaarfiginissaannut. Kalaallit nunaanni ingerlatseqatigiiffimmi pigineqartumi qitiusumik aqtsisut suliffeqarfissuup inissisimaneranik aamma suliffeqarfissuup ingerlataasa angusaanut naliliinissamut pisariaqartunik paassisutissanik suliffeqarfimmumt piginnittumut tunniussissallutik.

Sinniisuusinnaaneq aamma atsiorsinnaatitaaneq

§ 135 Siulersuisuni aamma qullersaqarfimmi ilaasortat ingerlatseqatigiiffimmut aningaasaliiffiusumut avammut sinniisuupput.

Imm. 2. Ingerlatseqatigiiffik aningaasaliiffusoq sinnerlugu qitiusumik aqtsisunit tamarmiusunit, siulersuisunut ilaasortamit imaluunniit pisortamit isumaqatigiissutigineqartunik ingerlatseqatigiiffik aningaasaliiffusoq isumaqatigiissutini pisussaaffilerneqartarpoq. Nakkutilliisuni ilaasortat ingerlatseqatigiiffik aningaasaliiffusoq sinnerlugu atsiorsinnaatitaanngillat.

Imm. 3. Imm. 2 malillugu siulersuisunut qullersaqarfimmilu ilaasortap atsiorsinnaatitaanera malittarisassani killilerneqarsinnaavoq, taamaalilluni atsiorsinnaatitaaneq taamaallaat ilaasortat arlallit peqatigiillutik imaluunniit ilaasortaq aalajangersimasoq arlallilluunniit tamarmik immikkut peqatigiillutiluunniit isumagineqarsinnaalluni. Atsiorsinnaatitaanermi allatut killiliineq nalunaarsorneqarsinnaanngilaq.

Imm. 4. Ingerlatseqatigiiffiit aningaasaliiffiusut, nakkutilliisoqartut, imm. 1 apeqquatainnagu, ingerlatseqatigiiffiup qullersaqarfiani ilaasortamut ataatsimut amerlanernulluunniit eqqartuussivikkut suliassanngortitsisoqarnerani nakkutilliisut ingerlatseqatigiiffimmut sinniisuusinnaapput. Taamaaqataanik ingerlatseqatigiiffiup qullersaqarfiani ilaasortamit ataatsimit ingerlatseqatigiiffiup eqqartuussivimmi suliassanngortinneqarnerani nakkutilliisut ingerlatseqatigiiffimmut sinniisuusinnaapput. Assinga atuuppoq qullersaqarfipiup ilaasortai attuumassuteqarpallaarpata allanilluunniit peqquteqarlutik ingerlatseqatigiiffimmut sinniisuusinnaanngippata.

Imm. 5. Piginnaatitsineq qitiusumik aqtsisunit taamaallaat nalunaarutigineqarsinnaavoq.

§ 136 Arlaat, § 135 malillugu atsiorsinnaatitaasoq ingerlatseqatigiiffik aningaasaliiffiusoq sinnerlugu isumaqatigiissuteqarsimappat imaluunniit isumaqatigiissuteqarnissamut neriorsuisimappat, tamanna ingerlatseqatigiiffimmut aningaasaliiffiusumut pisussaaffiliivoq,

- 1) atsiorsinnaatitaasut, peqqussummi matumani aalajangersarneqartunik pisinnaatitaaffimminni killiliussanut akerliusumik iliuuseqarsimanngippata,
- 2) isumaqatigiissut imaluunniit neriorsuineq ingerlatseqatigiiffiup aningaasaliiffiusup siunertaata avataaniinngippat aamma ingerlatseqatigiiffiup aningaasaliiffiusup uppernarsarpagu allap tamanna ilisimasimagaa imaluunniit ilisimasariaqarluaraa, imaluunniit
- 3) atsiorsinnaatitaasup piginnaatitaanini qaangersimappagu imaluunniit ingerlatseqatigiiffiup soqutigisai annertuumik qaangersimappagit aamma allap tamanna ilisimasimallugu imaluunniit ilisimariaqarluarlugu.

Imm. 2. Ingerlatseqatigiiffiup aningaasaliiffiusup malittarisassaani siunertatigut aalajangersakkat Erhvervsstyrelsip qarasaasiaqarfiani tamanut saqqummiussineq namminermi imm. 1, nr. 2-mi aalajangersagaq malillugu uppernarsaatitut naammanngilaq.

§ 137 *Ingerlatseqatigiiffimi aningaasaliiffiusumi siulersuisuni ilaasortanik qinersineq imaluunniit toqqaaneq § 14 malillugu Erhvervsstyrelsip qarasaasiaqarfiani nalunaarutigineqarsimappat qinersinermi imaluunniit toqqaanermi amigaatit allamut patsisigineqarsinnaannngillat, ingerlatseqatigiiffiup aningaasaliiffiusup uppernarsanngippagu amigaataasoq taanna ilisimasimallugu.*

Aqutsisuni ilaasortanik akissarsiaqartitsineq

§ 138 *Ingerlatseqatigiiffiup aningaasaliiffiusup aqutsisuini ilaasortat aalajangersimasumik imaluunniit allanngorartumik akissarsiaqartinneqarsinnaapput. Akissarsiat suliap suunera aamma suliap annertussusia malillugu nalinginnaasutut isigineqartoq, kiisalu ingerlatseqatigiiffimmut aningaasaliiffiusumut aamma, ingerlatseqatigiiffinni piginnittuni, suliffeqarfissuup aningaasatigut inisisimaneranut naleqqiullugu illorsorneqarsinnaasutut isigineqarsinnaasut qaangissanngilaat.*

Imm. 2. Ingerlatseqatigiiffik aningaasaliiffusoq akiliisinnaajunnaarpas, aqutsisuni ilaasortat, naak ajunngitsumik isumaqaraluartut, piffissaliussaq sioqqullugu ukiuni kingullerni tallimani akissarsiani allanngorartuni pissarsiarisimasatik utertillugit akilissavaat, akissarsiat allanngorartut aalajangersarneqarnerini inegerlatseqatigiiffik aningaasaliiffusoq akiliisinnaajunnaarsimappat.

§ 139 *Aktieselskabi, niuerfimmi naleqqussakkami piginneqataassutinik niueruteqartoq imaluunniit arlalinnik niuerikkut atortoqartoq, ingerlatseqatigiiffiup aqutsisuini ilaasortamit ataatsimit kajumissaatitut akissarsisitsinissaq pillugu aalajangersimasumik isumaqatigiissuteqartinnagu, ingerlatseqatigiiffiup aningaasaliiffiusup aqutsisuinik ingerlatseqatigiiffiup aningaasaliiffiusup kajumissaatitut akissarsiaqartitsinera pillugu pingarnertut najoqqtassanik ingerlatseqatigiiffiup aningaasaliiffiusup aqutsisui quillersat aalajangersasimassapput. Najoqqtassat ingerlatseqatigiiffiup aningaasaliiffiusup ataatsimeersuarnerani suliarineqarsimallutillu akuerineqarsimassapput.*

Imm. 2. Ingerlatseqatigiiffiup aningaasaliiffiusup aqutsisuinik ingerlatseqatigiiffiup aningaasaliiffiusup kajumissaatitut akissarsiaqartitsinera pillugu najoqqtassanik ataatsimeersuartut akuersisimappata, imm. 1 tak., najoqqtassat taamatut ittut akuerineqarsimanerinik ilisimatitsisumik aalajangersakkamik ingerlatseqatigiiffiup aningaasaliiffiusup malittarisassaanik ilaanngussisoqassaaq. Aalajangersakkap malittarisassani ilanngunneqarnera ataatsimeersuarnermi immikkut akuerineqarnissaanik pisariaqartitsinngilaq. Najoqqtassat ataatsimeersuarnermi akuerineqarnerisa kingorna sapinngisamik piaernerpaamik ingerlatseqatigiiffiup aningaasaliiffiusup nittartagaani tamanut

saqqummiunneqassapput, najoqqtassat qanga ataatsimeersuartunit akuerineqarsimanersut allanneqarluni.

Imm. 3. Kajumissaatitut akissarsiaqartitsineq pillugu isumaqatigiissutit, imm. 1 tak., najoqqtassat akuerineqarsimasut ingerlatseqatigiiffiup aningaasaliiffiusup nittartagaani tamanut saqqummiunneqarlutik atuutilernerannit aqaguan siusinnerpaamik isumaqatigiissutigineqarsinnaapput, imm. 2 tak. Kajumissaatitut isumaqatigiissutinik isumaqatigiissuteqarnermi najoqqtassat akuerineqarsimasut atuuttut eqortinneqassapput.

Imm. 4. Imm. 1-3 taamaaqataanik ingerlatseqatigiiffiup aningaasaliiffiusup aqutsisuinik kajumissaatitut akissarsiaqartitsinera pillugu isumaqatigiissutit pioreersut sivitsorneri imaluunniit allanngortinneri pillugit isumaqatigiissutinut atorneqarput.

Suaassusilinnut ikinaarlugit sinniisulinnut kisitsisit anguniakkat aamma politikkit

§ 139 a. Naalagaaffiit aktieselskabiini, § 351 tak., ingerlatseqatigiiffinni, EU/EØS-imi nunami niuerfimmi naleqqussakkami aningaasaatinik piginneqataassuteqartunik, akiitsunut sakkunik imaluunniit pappiaranik aningaasanik nalilinnik niueruteqartuni, aamma aningaasaatitigut ingerlatseqatigiiffinni angisuuni, imm. 2 tak.,

- 1) aqutsisuni qullersani suaassusilinni ikinaarlugit sinniisullit amerlassusissaannut aqutsisut qullersat kisitsinik anguniagassaliissapput aamma
- 2) ingerlatseqatigiiffiup aningaasaliiffiusup aqutsisuini allani suaassusillit ikinaarlugit sinniisut amerlassusii qaffatsinniarlugit qitiusumik aqutsisut politikkiliussapput, taamaattorli imm. 4-7 tak.

Imm. 2. Ingerlatseqatigiiffiit aningaasaliiffiusut angisuut tassaapput ingerlatseqatigiiffiit ukiuni naatsorsuusiorfiusuni tulleriiginnarni marluni piumasqaatinik makkuninnga marlunnik qaangiisut:

- 1) Pigisanik nalilinnik akiligassanillu naatsorsuinermi aningaasat 156 mio. kr.-inik,
- 2) ilanngaateqareerluni kaaviaartitsineq 313 mio. kr.-inik aamma
- 3) agguaqatigiissillu ulloq naallugu 250-nik sulisoqartoq.

Imm. 3. Imm. 2-mi angissutsit naatsorsornerini ukiumoortumik naatsorsuutit pillugit inatsimmi § 7, imm. 3 aamma 4 atorneqassapput.

Imm. 4. Ingerlatseqatigiiffiit piginnittunut, suliffeqarfissuarmut naatsorsuusiortartunut, suliffeqarfissuaq ataatsimut isigalugu kisitsisit anguniagassat aamma politikkiliornissaq, imm. 1 tak., naammappoq.

Imm. 5. Ingerlatseqatigiiffiup pigineqartup, suliffeqarfissuarmut ilaasoq, suliffeqarfissuarmut tamarmut kisitsisit anguniagassat aamma politikkimik ingerlatseqatigiiffik piginnittoq suliaqarsimappat, kisitsisinik anguniagassaliornissaq aamma politikkiliornissaq suliarinngitsoorsinnaavaa.

Imm. 6. Kisitsisinik anguniagassanik saqqummiussinermi, imm. 1, nr. 1 tak., naalagaaffiit aktieselskabii, § 351 tak., aamma arnat angutillu naligiissinnissaat pillugu kalaallit nunaanni inatsimmut ilaapput.

Imm. 7. Ingerlatseqatigiiffiit aningaasaliiffiusut, ukumi naatsorsuusiorfiusumi kingullermi sulisunik 50-nik ikinnerusunik sulisoqarsimasut, aqutsisuni allani suaassusillit ikinaarlugit sinniisullit amerlassusaat qaffatsinniarlugit politikkiliornissaq suliarinngitsoorsinnaavaat, imm. 1, nr. 2 tak.

Kapitali 8

Sulisut sinniisoqarnerat

Ingerlatseqatigiiffinni sinniisoqarneq

§ 140 Ingerlatseqatigiiffimmi aningaasaliiffiusumi, ukiuni kingullerni pingasuni agguaqatigiissillugu ikinnerpaanik 35-nik sulisoqarfiusumi, ingerlatseqatigiiffiup aqutsisunut qullersanut ilaasortassanik taakkununngalu sinniisussanik ingerlatseqatigiiffiup sulisui toqqaasinnaatitaapput aqutsisuni ilaasortat sinnerisa affaannut naapertuuttunik. Ingerlatseqatigiiffiup nunani allani immikkoortortaani, EU/EØS-imi nunamiittumi, sulisut ingerlatseqatigiiffimmi atorfeqartutut isigineqarput. Sulisulli ikinnerpaamik ilaasortanik marlunnik taakkununngalu sinniisussanik tamatigut toqqaasinnaapput. Sulisunit toqqaasinnaatitaapput ilasortat amerlassusaat kisitsit ilivitsuunngippat qummut akunnaallineqassaaq.

Imm. 2. Sulisut, imm. 1 malillugu pisinnaatitaaffimminnut amerlassusilinnik toqqaasinnaanngippata ilaasortassanik sinniisussanillu ikinnerusunik toqqaasinnaatitaapput.

Suliffeqarfissuarmi sinniisoqarneq

§ 141 § 140 taamaaqataanik kalaallit nunaanni ingerlatseqatigiiffimmi piginnittumi sulisunut atorneqarpoq, §§ 6 aamma 7 tak., aamma taassuma pigisaani ingerlatseqatigiiffinni, Kalaallit Nunaanni najugaqartutut nalunaarsorsimasuni, kiisalu taakku nunani allani immikkoortortaanut, WU/EØS-imi nunamiittunut.

Imm. 2. Ingerlatseqatigiiffik piginnittoq § 140-mut ilaappat, ingerlatseqatigiiffimmi pinnittumi sulisut ilaasortanik marlunnik taakkulu sinniisussaannik toqqaasinnaatitaapput. Ingerlatseqatigiiffimmi piginnittumi aqutsisuni qullersani sulisunit toqqaasinnaatitaapput. Amerlassusaat tamarmiusut ilaasortat allat affaattut annertutigissapput, taamaattorli sulisut toqqagaat ilaasortat ikinnerpaamik pingasuussallutik. Oqaaseqatigiit siullit malillugit amerlassusilinnik sulisut toqqaasinnaanngippata sulisut ilaasortanik sinniisussanillu ikinnerusunik toqqaasinnaatitaapput.

Imm. 3. Ingerlatseqatigiiffimmi piginnittumi ataatsimeersuartut aalajangiisinnaapput nunani allani ingerlatseqatigiiffimmi pigisami ataatsimi amerlanerniluunniit sulisut qinerqarsinnaasunut taasisinnaatitaasunullu ilanngussinnaasut. Suliffissaqarfik kalaallit nunaanni ingerlatseqatigiiffimmi pigisami sulisoqarpat taakku tamatigut sinniisumik ikinnerpaamik ataatsimik toqqaasassapput. Kalaallit nunaanni ingerlatseqatigiiffimmi pigisami sulisut, qinersinermi peqataasinnaasunit tamarmiusunit 10 pct.-it sinnerlugit amerlassuseqarpata sinniisussanik ikinnerpaanik marlunnik toqqaasinnaapput.

Suliffissaqarfimmi aaqqissuussinermi amerlanerussuteqarneq anguneqanngippat, § 142 tak., kisiannili kalaallit nunaanni ingerlatseqatigiiffinni pigisani amerlanerussuteqartut suliffissaqarfimmi sinniisoqarnissaq taapersersussappassuk sulisut sinniisoqarnerannik aaqqissuussineq kalaallit nunaanni ingerlatseqatigiiffimmi pigisami sulisunit akuerineqartutut isigineqassaaq, taamaalluni suliffissaqarfimmi qinersineq kalaallit nunaanni ingerlatseqatigiiffinni pigisani taamaallaat ingerlanneqarluni.

Sulisut sinniisaannik qinersineq

§ 142 §§ 140 aamma 141 naapertorlugu aqutsisunut qullersanut ilaasortassanik qinersinissaq pillugu aalajangernermi piumasarineqarpoq ingerlatseqatigiiffimmi aningaasaliiffiusuni kiisalu ingerlatseqatigiiffinni pigineqartuni sulisut ikinnerpaamik affai tamatumunnga tapersersuinissaat, tamanna pillugu taasititsinerup ingerlanneqannginnissaa

pillugu aqutsisut sulisullu akornanni isumaqatigiittooqarsimannngippat.
Aalajangiineq aqutsisunit qullersanit imatut nalunaarutigineqassaaq, tamanna
kingornatigut uppermarsarneqarsinnaalluni.

§ 143. Erhvervsstyrelsi uku pillugit maleruagassanik aalajangersaasinnaavoq,
1)sulisut sinnisaannut tunngatillugu kikkut sulisutut isigineqarnersut,
2) §§ 140 aamma 141-mut naleqqiullugu agguaqatigiissillugu sulisut amerlassusaannik
naatsorsuineq,
3) §§ 140-142 malillugu qinersinerit erseqqinnerusumik ingerlanneqarneri,
tassunga ilanngullugu maleruagassat isertortumik taasinissamik qulakkeerisut,
4)paragraffi manna naapertorlugu aalajangersarneqartut aalajangersakkat aqutsisut sulisullu
akornanni isumaqatigiinnerisigut saneqqunneqarsinnaanerinut periarfissaq, tassunga
ilanngullugit sulisut sinnisoqarnerat pillugu kajumissutsimik aaqqissuussinernik
pilersitsineq pillugu maleruagassat aamma qitiusumik aqutsisut matuma malitsigisaanik
ingerlatseqatigiiffiup aningaasaliiffiusup malittarisassaanik allannguisinnaanerat,
5)ingerlatseqatigiiffinni aningaasaliiffiusuni aamma suliffeqarfissuarni, §§ 140 aamm 141
malillugu siulersuisunut ilaasortanik qinersiffiusuni ingerlatseqatigiiffimmipissutsit
pillugit sulisut qanoq ilisimatinneqartarnissaat,
6)aqutsisuni ilaasortat sulisunit qinerneqartut, tassunga ilanngullugit ilaasortat
kajumissutsikkut aaqqissuussinerni qinerneqartut, atorfinitsinneqarnerini illersorneqarneri,
aamma tamanna pillugu isumaqatigiinnginnerit suliarineqartarneri pillugit,
7)inatsisini maleruagassanik aamma tamatuma malitsigisaanik maleruagassanik
atulersinneqartunik unioqqutitsinerit kingunerisai,
8)ingerlatseqatigiiffinni aamma ingerlatseqatigiiffinni piginnittuni, §§ 140 aamma 141
naapertorlugu sulisut siulersuisunit ilaasortatut qinersiffiunngitsuni, sulisunut
sinniisunut piginnittut nalunaarsorsimaffiata pissarsiarineqarsinnaanera, aamma
9)ingerlatseqatigiiffiup kiisalu suliffeqarfissuup suliunut ataatsimeersuarnissamut
aggersaaneq pillugu nalunaaruteqarneq, sulisut sinniisussaannik qinersisoqarnissaa
pillugu taakku siulersuisunut nalunaaruteqarsimappata.

Kapitali 9

Kukkunersiuineq misissueqqissaarnerlu

Kukkunersiuineq

§ 144. Ingerlatseqatigiiffik aningaasaliiffusoq ukiumoortumik naatsorsuutit pillugit inatsit,
kunngip peqqussuteqarneratigut Kalaallit Nunaannut atulersinneqartoq, imaluunniit inatsit
alla malillugu kukkunersiuisoqarnissaanut ilaappat, imaluunniit ingerlatseqatigiiffiup
ukiumoortumik naatsorsuutai kukkunersiorneqassasut ataatsimeersuartut aalajangerpata,
ataatsimeersuartut kukkunersiuismik ataatsimik amerlanernilluunniit akuerisaasunik
taakkununngalu sinniisussanik toqqaassapput. Tamanna pillugu aalajangiineq § 105
malillugu nalinginnaasumik amerlanerussuteqarnikkut aalajangiiffigineqassaaq.
Malittarisassat aamma kukkunersiuismik ataatsimik amerlanernilluunniit toqqarnissaannut
allat pisinnaatissinnaavaat.

Imm. 2. Aningaasaatinik piginnittup piumasarisinnaavaa tullianik
ataatsimeersuartoqarnissaata tungaanut kukkunersiuismik akuerisaasumik taanna
imaluunniit kukkunersiuisut allat peqatigalugit kukkunersiuisussamik Erhvervsstyrelsi
aamma toqqaassasoq,

1) aningaasaatinik piginnittut, aningaasaatit ikinnerpaamik qulerarterutaannik piginnittut, kukkunersiusussamik toqqaanissap oqaluuserisassanut ilaanerani ataatsimeersuarnermi suli allamik kukkunersiusoqarnissaanut taasisimappata, aamma

2) ataatsimeersuareernermit kingusinnerpaamik sapaatit akunneri tallimat kingorna piumasaqaat saqqummiunneqarpat.

Imm. 3. Ingerlatseqatigiiffik aningaasaliiffiusoq kukkunersiusoqarnissaanut pisussaaffeqartoq kukkunersiusussamik pisariaqartumik peqanngippat aamma tamanna pillugu aqutsisuni ilaasortap ataatsip imaluunniit aningaasaatinik piginnittup ataatsip piumasarippagu Erhvervsstyrelsi kukkunersiusussamik toqqaasinnaavoq. Toqqaaneq atutissaaq ataatsimeersuartut kukkunersiusussamik nutaamik toqqaanissaata tungaanut.

Imm. 4. Imm. 2 aamma 3-mi taaneqartuni pisuni kukkunersiusup isernera nalunaarutigeqqaarnagu nalunaarsorneqassaaq. Kukkunersiusumut nutaamut akissarsiassat Erhvervsstyrelsip aalajangissavai. Ingerlatseqatigiiffiup ukiumoortumik naatsorsuutaanik il.il. inatsisit naapertorlugit kukkunersiuinermi aningaasartuutit naalagaaffiup karsianit akilerneqassapput, inaarutaasumilli ingerlatseqatigiiffimmit aningaasaliiffiusumit matuneqassallutik.

Imm. 5. Ingerlatseqatigiiffiup aningaasaliiffiusup pissusii pillugit kukkunersiusoq nalunaaruteqassappat, peqqussutip matuma malitsigisaanik kukkunersiusut pisinnaatitaaffeqarlutillu pisussaaffeqarput, ataatsimeersuarnermi toqqrneqartut kukkunersiusut, ukiumoortumik naatsorsuutinik kukkunersiusussatut toqqrneqartut, imm. 1 tak., aamma kukkunersiusut allat akornanni immikkoortitsisoqarsimanngippat.

§ 145 Suliffissuaqarfimmi ingerlatseqatigiiffik pigineqartoq kunngip peqqussuteqarneratigut Kalaallit Nunaannut atulersinneqartumut ukiumoortumik naatsorsuutit pillugit inatsimmut naleqqiullugu, suliffeqarfik piginnittoq naalagaaffiup aktieselskabiutigalugu, § 351 tak., imaluunniit suliffeqarfik, pappiarat aningaasanik nalillit niuerfimmi naleqqussakkamik niuerutigineqarlutik, kukkunersiusumik suliffeqarfifiup piginnittup ataatsimeersuarnerani toqqrneqartumik sapinngisamik toqqaassaaq. Tamanna ajornarpas taarsiullugu ingerlatseqatigiiffik pigineqartoq sapinngisamik kukkunersiusumik toqqaassaaq, suliffeqarfifiup piginnittup ataatsimeersuarnerani toqqrneqartup kukkunersiusup suleqatigisaa.

§ 146 Kukkunersiusoq kukkunersiusumit toqqaasimasumit soraarsinneqarsinnaavoq. Kukkunersiusoq § 144 naapertorlugu ingerlatseqatigiiffiup ukiumoortumik naatsorsuutaanik kukkunersiusussatut toqqrneqarsimasoq, tamatumunnga tunngavissaqartumik pissutsinik pissutissaqarpat suliap naammassinissa sioqqullugu taamaallaat soraarsinneqarsinnaavoq.

Imm. 2. Kukkunersiusup suliaata naanissa sioqqullugu ataatsimeersuarnermi toqqrneqartoq, § 144, imm. 1 tak., soraarpat, imaluunniit kukkunersiuineq allatut unippat, kukkunersiusup piaernerpaamik tamanna Erhvervsstyrelsimit nalunaarutigissavaa.

Nalunaarummut ilaatinneqassaaq suliap unitsinneqarneranut pissutaasoq pillugu naammattumik nassuaat, suliap naammassinissa sioqqullugu soraartoqarpat imaluunniit unittoqarpat. Ingerlatseqatigiiffinni, pappiaranik aningaasanik nalilinnik niuerfimmi naleqqussakkamik niuerutigineqartuni, pappiaranik aningaasanik nalilinnik niuerneq pillugu inatsimmi, kunngip peqqussuteqarneratigut Kalaallit Nunaannut atulersinneqartumi maledruagassat malillugu soraarnini niuerfimmut aamma piaernerpaamik nalunaarutigissavaa.

Imm. 3. Ingerlatseqatigiiffiup ukiumoortumik naatsorsuutaanik kukkunersiusussatut toqqarneqartoq, § 144, imm. 1 tak., ingerlatseqatigiiffiup kukkunersiusua soraarpat, imaluunniit suliaa allatut unippat, imm. 1 tak., aamma taanna sinnerlugu allamik sinniisussaqanngippat, § 144, imm. 1 malillugu kukkunersiusussamik nutaamik toqqaasoqarnissaa qitiusumik aqutsisut piaernerpaamik isumagissuaat. Tamanna siunertalarugu immikkut ittumik ataatsimeersuarnissaq aggersarneqassaaq, soraarneq ingerlatseqatigiiffimmut nalunaarutigineqarneraniit kingusinnerpaamik sapaatit akunneri marluk qaangiutsinnagit. Naalagaaffiup aktieselskabiini aamma ingerlatseqatigiiffinni, pappiaranik aningaasanik nalilinnik niuerfimmi naleqqussakkamik niuerutigineqartuni, aggersaaneq pisinnaavoq soraarneq ingerlatseqatigiiffimmut nalunaarutigineqarneraniit kingusinnerpaamik ullut arfineq pingasut qaangiutsinnagit.

§ 147 Ingerlatseqatigiiffiup ukiumoortumik naatsorsuutaanik kukkunersiusussatut toqqarneqartoq, § 144, imm. 1 tak., ingerlatseqatigiiffiup kukkunersiusua ataatsimeersuarnerup suliakkiutai kukkunersiuinermut tunngasunut piumasaqaatit malissavai, taakku inatsisinut, ingerlatseqatigiiffiup malittarisassaanut imaluunniit ajunngitsumik kukkunersiuinermik ileqqoqarnermut akerliunngippata.

Imm. 2. Ingerlatseqatigiiffiup aqutsisuisa suleriasissaliornissamut pisussaaffimminik aamma atuakkanik, nalunaarsuiffinnik allattaavinnillu pilersitsinissamut allattuinissamullu, kiisalu kukkunersiuinermi allattaaviup saqqummiunneqarnissaa atsiorneqarnissaalu pillugu maledruagassannut pisussaaffinnik eqqortitsinersut kukkuersiusup aamma nakkutigissavai.

Imm. 3. Kukkunersiusumit paasineqarpat imm. 2 naapertorlugu piumasaqaatit naammassineqarsimanngitsut, tamanna pillugu kukkunersiusoq ataatsimeersuartunut immikkut nalunaaruteqassaaq, ataatsimeersuarnermi ingerlatseqatigiiffiup ukiumoortumik nalunaarusiaanik akuersisoqassanngippat aamma pissuseq ukiumoortumik nalunaarusiamik kukkunersiusup uppermarsaanerani eqqaaneqarsimanngippat.

§ 148 Kukkunersiusunut, § 144 naapertorlugu toqqarneqarsimasunut tunngatillugu allannguinerit Erhvervsstyrelsi qarasaasiaqarfiani nalunaarsorneqassaapput imaluunniit styrelsimit nalunaarutigineqarlutik, § 9 tak. Suliap naammassinissaa sioqqullugu kukkunersiusut paarlaappata § 10, imm. 2-mi aalajangersagaq atuutissaaq.

§ 149 Ingerlatseqatigiiffiup nalilersornissaanut pingaaruteqartutut isigineqarsinnaasunik paasissutissanik kukkunersiusoq ingerlatseqatigiiffiup aqutsisunit piumasaqarsinnaavoq aamma, ingerlatseqatigiiffik ingerlatseqatigiiffiuppat piginnittoq, taassuma suliffeqarfissua, § 7 tak. Tamanna aamma kalaallit nunaanni ingerlatseqatigiiffimi, ukiumoortumik naatsorsuutit pilligit inatsimmi kunngip peqqussuteqarneratigut Kalaallit Nunaannut atulersinneqarsimasoq naapertorlugu suliffeqarfissuarmi ingerlatseqatigiiffiup pigineqartup aqutsisuini ilaasortanut naleqqiullugu.

Misissueeqqissaarneq

§ 150 Aningaasaatinik piginnittoq ileqqusumik ataatsimeersuarnermi imaluunniit ataatsimeersuarnermi, sammisap oqaluuserisassani inissinneqarfiani, ingerlatseqatigiiffiup pilersinneqarneranik imaluunniit ingerlatseqatigiiffiup ingerlatsineranut imaluunniit naatsorsuutit ilaannut tunngasunik pissutsinik taaneqartunik erseqqinnerusumik misissueeqqissaartoqarnissaa pillugu siunnersuummik saqqummiussisinnaavoq. Siunnersuut

nalinginnaasumik amerlanerussuteqartumik akuerineqarpat ataatsimeersuartut misissueqqissaartussamik ataatsimik arlalinnilluunniit toqqaasinnaapput.

Imm. 2. Siunnersuut akuerineqanngippat, kisianni ingerlatseqatigiiffiup aningaasaataanik 25 pct.-inut sinniisunut aningaasaatinik piginnittuniit tapersorsorneqarnera anguneqarpat, ataatsimeersuarnerup ingerlanneqarneraniit kingusinnerpaamik sapaatit akunneri arfineq marluk kingorna aningaasaatinik piginnittup ataatsip pigisanik agguassisarnermut eqqartuussivik qinnuigisinnaavaa misissueqqissaartussanik toqqaqqullugu. Pigisanik agguassisinermut eqqartuussiviup ingerlatseqatigiiffiup aqutsisui aamma ataatsimeersuartunit toqqrneqarsimasoq kukkunersiuisoq, ingerlatseqatigiiffiup ukiumoortumik naatsorsuutaanik kukkunersiususatut toqqrneqarsimasoq, § 144, imm. 1 tak., taamaattoqassappallu pissutsit qinnutigineqartumut ilaasut, eqqartuussiviup aalajangiinissa sioqquillugu oqaaseqarsinnaapput. Naammattumik tunngavissaqartoq pigisanik agguassisarnermut eqqartuussivik isumaqarpat qinnutigineqartoq taamaallaat malinneqassaaq. Pigisanik agguassisarnermut eqqartuussiviup misissueqqissaartussat amerlassusissaat aalajangissavaa. Pigisanik agguassisarnermut eqqartuussiviup aalajangiinerit suliareqqitassanngortinnejarsinnaapput.

Imm. 3. Kukkunersiuinermi inatsimmi attuumassuteqannginnissaq pillugu aalajangersakkat imm. 1 aamma 2 malillugu misissueqqissaartusanut taamaaqataanik atorneqassapput.

§ 151 Ingerlatseqatigiiffiup nalilersornissaanut pingaaruteqartutut isigineqarsinnaasunik paasissutissanik misissueqqissaartoq ingerlatseqatigiiffiup aqutsisuinit piumasaqarsinnaavoq aamma, ingerlatseqatigiiffik ingerlatseqatigiiffiuppat piginnittoq, taassuma suliffeqarfissua, § 7 tak. Tamanna aamma kalaallit nunanani ingerlatseqatigiiffimmi, ukiumoortumik naatsorsuuit pillugit inatsimmi kunngip peqqussuteqarneratigut Kalaallit Nunaannut atulersinneqarsimasoq naapertorlugu suliffeqarfissuarmi ingerlatseqatigiiffiup pigneqartup aqutsisuini ilaasortanut naleqqiullugu.

§ 152 Misissueqqissaartut nalunaarusiamik allatamik ataatsimeersuartunut tunniussissapput aamma akissarsiassanik ingerlatseqatigiiffimmiit pissarsisinnatitaallutik. Misissueqqissaartussat pigisanik agguuaassisarnermut eqqartuussivimmit toqqrneqarsimappata akissarsiassaat taassuminnga aalajangerneqassaaq.

Imm. 2. Ataatsimeersuarnissaq kingusinnerpaamik ullut arfineq pingasut sioqquillugit misissueqqissaartut nalunaarusiaat aningaasaatinik piginnittunit misissugassanngortinnejassaaq.

Kapitali 10

Aningaasaatinik qaffaanerit

§ 153 Ingerlatseqatigiiffiup aningaasaliiffiusup aningaasaataanik qaffaaneq pisinnaavoq
1) aningaasaatinik piginneqataassutinik nutaanik pisisoqarneratigut,
2) aningaasaateqarfimmi qaffaasoqarneratigut ingerlatseqatigiiffiup sillimmataanik
ingerlatseqatigiiffimmut aningaasaliiffiusumut nuussinikkut imaluunniit
3) akiitsut allagartaannik imaluunniit suliffeqarfiup allineqarnerani piginneqataassutinik
nuunneqarsinnaasunik atulersitsinermi.

Imm. 2. Aningaasaatinik piginneqataassutit nutaat nangassuteqarluni imaluunniit nalia ataallugu atulersinneqarsinnaanngillat.

Aningaasaatinik qaffaaneq pillugu ataatsimeersuartut aalajangiinerat

§ 154. Kapitalimi matumani maleruagassat malillugit ingerlatseqatigiiffiup aningaasaataanik qaffaaneq pillugu ataatsimeersuartut aalajangiisinnapput.

Imm. 2. Imm. 1 malillugu aalajangiineq, malittarisassani allannguineremi pisariaqartinnejartunik taasinerit amerlanerussuteqarnerisigut aalajangiiffigineqassaaq.

§ 155. Malittarisassani aalajangersaasoqarneratigut ataatsimeersuartut ingerlatseqatigiiffiup aningaasaataanik qaffaanissamut qitiusumik aqutsisut piginnaatissinnaavaat. Piginnaatitsineq piffissamut ataatsimut arlalinnulluunniit ukiut tallimakkaarlugit tikillugit tunniunneqarsinnaavoq.

Imm. 2. Malittarisassani aalajangersaanikkut akiitsut allagartaannik imaluunniit suliffeqarfiup allineqarnerani piginneqataassutinik nuunneqarsinnaasunik atulersitsinissamut qitiusumik aqutsisut ataatsimeersuartunit aamma piginnaatinneqarsinnaapput, § 169 tak., tamatuma peqatigisaanik tassunga atasumik aningaasaatit qaffanneqarnissaasa isumaginissaanut qitiusumik aqutsisut piginnaatinneqarpata, imm. 1 tak. Piginnaatitsineq piffissamut ataatsimut arlalinnulluunniit ukiut tallimakkaarlugit tikillugit tunniunneqarsinnaavoq.

Imm. 3. Imm. 1 aamma 2 malillugu piginnaatitsineremi malittarisassani allanneqassaaq,
1) kapitalimi matumani qaffaarriaatsit arlaat sorleq piginnaatitsinermut tunngasuunersoq,
2) imm. 1 imaluunniit imm. 2, oqaaseqatigiit aappaanni taaneqartup piffissap naanerani ulloq,
3) aningaasat qitiusumik aqutsisut aningaasaatinik qaffaasitsissutaat, kiisalu
4) § 158, nr. 2, 6. 7 aamma 10-12-mi taaneqartut pissutsit pillugit aalajangersakkat.

Imm. 4. Aningaasanik akiliinermiit allaanerusumik tamakkiisumik ilaannakuusumilluunniit qaffaasoqarpat tamanna malittarisassani allanneqassaaq. Aammattaaq manna tikillugu aningaasaatinik piginnittut atsiorsinnaatitaanerannit nikingassutaasinnaasut pillugit ataatsimeersuartut aalajangiinerat pillugu paasissutissiisoqassaaq, § 162 tak.

Aningaasaatinik qaffaasoqarnerani suleriaatsinut piumasaqaatit

§ 156. Aningaasaatinik qaffaanissaq pillugu siunnersuut aktieselskabini piginneqataasunut piissarsiaritinnejarsinnaassaaq, §§ 98 aamma 99 tak., aamma ataatsimeersuarnermi saqqummiunneqarluni.

Imm. 2. Ukiut naatsorsuusiorfiusumut kingullermut ukiumoortumik nalunaarusiaq ataatsimeersuarnermi tessani suliarineqassanngippat aktieselskabimi allakkat uku saqqummiunneqassapput:

1) Ukiumoortumik nalunaarusiaq akuerineqarsimasoq kingulleq,
2) ingerlatseqatigiiffimmi qitiusumik aqutsisuniit nalunaarusiaq, pisinnaasamigut, immikkut pisoqarnera pissutigalugu ingerlatseqatigiiffimmik ajoqusiisinnaanngitoq, ukiumoortumik nalunaarusiap saqqummiunneqareerneratigut ingerlatseqatigiiffiup inisisimaneranut annertuumik pingaarutillit pisut pillugit paasissutissiisoq, aamma
3) qitiusumik aqutsisut nalunaarusiaat pillugu ingerlatseqatigiiffiup kukkunersiuuisuaniit nalunaarut, ingerlatseqatigiiffiup ukiumoortumik naatsorsuutai il.il. ukiumoortumik naatsorsuutit pillugit inatsit, kunngip peqqussuteqarneratigut Kalaallit Nunaannut atulersinneqarsimasoq, inatsisilluunniit allat malillugi kukkunersiuinissamut pisussaaffeqartumut ilaappat.

Imm. 3. Aningaasaatit qaffanneqarnissaat pillugu aalajangiineq ataatsimeersuarnermi aalajangerneqassappat, piginneqataasut isumaqatigiillutik imm. 1 aamma 2

saneqqussinnaavaat. Ataatsimeersuarnermiit siumoortumik piginnaatitsisoqarneratigut, § 155 tak., aningaasaatinik qaffaaneq pillugu aalajangiineq qitiusumik aqutsisunit aalajangiiffiqeqassappat imm. 2 taamaaqataanik qitiusumik aqutsisut piginnaatitsissummik atuineranni atorneqassaaq. Qitiusumilli aqutsisut imm. 2-p saneqqunneqarnissaa pillugu aalajangiisinnappa, qitiusumik aqutsisunut piginnaatitsissummik nalunaaruteqarnermut atallugu imm. 2 naapertorlugu suleriaatsini piumasaqaatit saneqqunneqarsinnaanngitsut pillugit ataatsimeersuartut aalajangiisimanngippata.

Aggersaanissamut piumasaqaatit

§ 157 Aktieselskabini aningaasaatinik qaffaanermut atallugu ataatsimeersuarnissamut aggersaaneq piginneqataasut allalluunniit pisumalluni nalunaaruteqarsinnaanerat pillugu paasissutissanik, kiisalu pisumasinnaarnermut pisinnaatitaanertik atussaguniku pisumasinnaatitaasut qano q pissuseqarnissaat pillugu paasissutissanik imaqassaaq.

Imm. 2. Piginneqataasut pisumasinnaanerannit saneqqussisoqarpat, § 162 tak., aggersaanermi tamatumunnga pissutaasoq kiisalu pisumanissap nalissaatut siunnersuutigineqarumut tunngavilersuut ilisimatitsissutigineqassapput.

Imm. 3. Imm. 1 aamma 2 isumaqatigiittoqarneratigut piginneqataasunit ilaatinngitsoortinneqarsinnaavoq.

Aalajangiinerup imaa

§ 158 Aningaasaatinik piginneqataassutinik nutaanik pisinermi ingerlatseqatigiiffimmi aningaasaatit qaffanneqarneri pillugu aalajangiinermi allanneqassapput

- 1) ingerlatseqatigiiffimmi aningaasaatit qaffatsissutaasussat aningaasat minnerpaaffiat annertunerpaaffiallu,
- 2) ilaannakuusumik akiliisoqarsinnaanersoq,
- 3) pisinerup nalinga aamma aningaasaatinit piginneqataassutit annertussusaat imaluunniit amerlassusaat,
- 4) aningaasaatinit piginneqataassutit nutaat qaugu ingerlatseqatigiiffimmi aningaasaliiffiusumi iluanaaruteqartitsinissamut allanillu pisinnaatitaaffinnik pisinnaatitsilissanersut,
- 5) qaffaanermi aningaasartuutissatut missiliuussat, ingerlatseqatigiiffiup aningaasaliiffiusup akiligassai,
- 6) aningaasaatinit piginneqataassutit nutaat inissimaffiat, assigiinngitsunik inissisimaffeqarpat imaluunniit inissisimaffeqassappat,
- 7) aningaasaatinik piginnittut allallu pisinnaatitaanerat, kiisalu siunissami qaffaanerni aningaasaatinit piginnittut nutaat pisinnaatitaanerannik killiliinerit, § 162 tak.,
- 8) pisumanissamut piffissaliussaq kiisalu aningaasaatinik piginnittunut nalunaarutip nassiuunneqarnera pillugu piffissamiit sivikinnerpaamik sapaatit akunnerinik tallimani piffissaliineq, aningaasaatinik piginnittut piffissaq pisinnaatitaanerminnut atugassaat,
- 9) aningaasaatinit piginneqataassut akilerneqarnissaannut piffissaliussaq kiisalu, agguassineq qitiusumik aqutsisunut isumagisassangortinngippat, aningaasaatinik piginneqataassunik pisinermi iluaqutit pillugit maleruagassat, pisinnaatitaaneq tunngavigalugu pisiarineqanngitsunut,
- 10) aningaasaatinik piginneqataassutit nutaat tuniniarneqarsinnaanerini killiliinerit imaluunniit aningaasaatinik piginnittut nutaat aningaasaatinik piginneqataassutimi aningaasanngortinniissaannut pisussaaffik,
- 11) aningaasaatinit piginneqataassutit nutaat pappiaraanersut tuniniarneqarsinnaasut, aamma

12) piginneqataassutit nutaat atinik allaffiussanersut imaluunniit qaqugumulluunniit tigummittup pigissanerai.

§ 159. Ingerlatseqatigiiffiup qitiusumik aqutsisuisa § 155 naapertorlugu nalunaarutigineqartut aningaasaatinik piginneqataassutinik nutaanik pisisoqarneratigut aningaasaatinik qaffaanissamut piginnaatitsinermik atuippata, aalajangiinermi allanneqassaaq

1) ingerlatseqatigiiffimmi aningaasaatit qaffatsissutaasussat aningaasat minnepaaffiat annertunerpaaffiallu,

2) pisinerup nalinga aamma aningaasaatinit piginneqataassutit annertussusaat imaluunniit amerlassusaat,

3) aningaasaatinit piginneqataassutit nutaat qaugu ingerlatseqatigiiffimmi aningaasaliiffiusumi iluanaaruteqartitsinissamut allanillu pisinnaatitaaffinnik pisinnaatitsilissanersut,

4) qaffaanermi aningaasartuutissatut missiliuussat, ingerlatseqatigiiffiup aningaasaliiffiusup akiligassai,

5) pisumanissamut piffissaliussaq kiisalu aningaasaatinik piginnittunut nalunaarutip nassiunneqarnera pillugu piffissamiit sivikinnerpaamik sapaatit akunnerinik tallimani piffissaliineq, aningaasaatinik piginnittut piffissaq pisinnaatitaanerminnut atugassaat,

6) aningaasaatinit piginneqataassut akilerneqarnissaannut piffissaliussaq kiisalu, agguassineq qitiusumik aqutsisunut isumagisassanngortinngippat, aningaasaatinik piginneqataassunik pisinermi iluaqutit pillugit maleruagassat, pisinnaatitaaneq tunngavigalugu pisiarineqanngitsunut,

7) aningaasaatinit piginneqataassutit nutaat pappiaraanersut tuniniarneqarsinnaasut, § 160 tak., imaluunniit

8) aningaasaatinit piginneqataassutit nutaat akiitsut nuunneqarnerisigut akilerneqarsinnaanersut, § 161 tak.

Imm. 2. Imm. 1 malillugu qitiusumik aqutsisut aalajangiinerannut taamaaqataanik §§ 163 aamma 164 atorneqassapput.

Imm. 3. Aningaasaatinik qaffaanerup malitsigisaanik qitiusumik aqutsisut malittarisassanik allannguisinnaapput.

Nalilinnik imaluunniit akiitsunik nuussisoqarneratigut akiliineq

§ 160. Aningaasaatinit piginneqataassutit nutaat aningaasaanngitsunik nalilinnik allanik akilerneqassappata, qaffaanissamut aalajangiineq tamanna pillugu aalajangersakkanik imaqassaaq, aamma nalilersuineq pillugu nalunaarusiortoqarluni, §§ 36 aamma 37 tak. § 38, imm. 2-mi maleruagassat malillugit qitiusumik aqutsisut nalunaaruteqassappata § 38, imm. 1-mi taaneqartutut pigisanik nalilinnik akiliuteqarnermik nalilersuineq pillugu nalunaarusiamik pissarsiarnissamut pisussaaffeqanngilaq. Nalunaarut aningaasaliineq pillugu aalajangiinermit kingusinnerpaamik sapaatit akunneri tallimat qaangiutsinnagit qitiusumik aqutsisunit Erhvervesstyrelsip qarasaasiaqarfiani tamanut saqqummiunneqassaaq, § 9, imm. 3 tak. § 36, imm. 3 malillugu oqimaaqtigiiissitsineq suliffeqarfik tiguneqartoq pillugu tigusinermi oqimaaqtigiiissitsinertut suliarineqassaaq.

§ 161. Aningaasaatinik piginneqataassutit nutaat akiitsunik nuussisoqarneratigut akilerneqassappata qaffaaneq pillugu aalajangiineq tamanna pillugu aalajangersakkanik imaqassaaq.

- Imm. 2.* Akiitsut pilersinnerinut pissutaasoq piffissarlu aamma nuussineq pillugu siunnersuuteqarnermut tunngaviusut pillugit qitiusumik aqutsisut nassuaateqassapput.
- Imm. 3.* Aktieselskabini qitiusumik aqutsisut nassuaataat aamma suli allat allagarisimasaat piginneqataasunit pissarsiarineqarsinnaasunngortissapput, §§ 98 aamma 99 tak., kiisalu ataatsimeersuartunut saqqummiunneqarlutik.
- Imm. 4.* Imm. 2 isumaqatigiittoqarneratigut aningaasaatinik piginnittunit saneqqunneqarsinnaavoq.
- Imm. 5.* Imm. 3-mi piumasaqaat isumaqatigiittoqarneratigut aningaasaatinik piginnittunit saneqqunneqarsinnaavoq.

Allanut naleqqiullugu pisiumalluni nalunaarnissamut pisinnaatitaaffik

§ 162 Ingerlatseqatigiiffiup aningaasaataanik aningaasanngorlugu qaffaanermi aningaasaatinik piginneqataassutini nutaani allanut naleqqiullugu aningaasaatinik piginnittut pisiumallutik nalunaarsinnaapput. Pisiumalluni nalunaaruteqarneq allamut tunniunneqarsinnaannginnera malittarisassani aalajangersarneqarsinnaavoq.

Imm. 2. Ataatsimeersuartut, malittarisassanik allannguinermut piumasarineqartut assigalugit, § 106 tak., amerlanerussuteqarlutik pisiumalluni nalunaarnermi allanut iluaqutaasumik pisinnaatitaaffiup saneqqunneqarsinnaanera aalajangersinnaavaat, imm. 1 tak.

Imm. 3. Aningaasaatinit piginneqataassutit immikkoortunut arlalinntu agguarsimappata, taakkunani taasisinnaatitaaneq imaluunniit iluanaaruteqarsinnaaneq imaluunniit ingerlatseqatigiiffiup aningaasaataanik pissarsinissaq assigiinngitsuulluni, nammineq immikkooortorisat iluanni aningaasaatinik piginneqataassutini immikkooortuni taakkunani aningaasaatinik piginnittut malittarisassani pisinissamut siumoortumik pisinnaatitaasinnaapput. Immikkoortuni allani aningaasaatinik piginnittut taamaattoqartillugu imm. 1 naapertorlugu tamatuma kingorna pisiumallutik pisinnaatitaaffitsik atorsinnaavaat.

Imm. 4. Ataatsimeersuartut, malittarisassanik allannguinermut piumasarineqartut assigalugit, § 106 tak., amerlanerussuteqarlutik, ingerlatseqatigiiffimmi imaluunniit taassuma ingertaseqatigiiffiani pigisaani sulisunut iluaqutaasumik, pisiumalluni pisinnaatitaaffiup saneqqunneqarnissaa aalajangersinnaavaat, imm. 1 aamma 3 tak. Taamatut amerlanerussuteqarluni ataatsimeersuartut aningaasaatinik piginneqataassutinut, sulisunut neqeroorutigineqartunut, iluaqutaasumik naleqartitsinissaq aalajangersinnaavaat.

Imm. 5. Aggersaanermi allanneqartumit allaanerusumik aningaasaatinik piginnittut pisiumallutik nalunaarsinnaatitaanerannit annertunerusumik nikingsoqarsinnaanera ataatsimeersuartut taamaallaat aalajangersinnaavaat, aningaasaatinik piginnittut, pisumanissamut pisinnaatitaaffiat ajornerulersumik inissismalersut, tamatumunnga akuersippata.

Imm. 6. Ingerlatseqatigiiffimmi aningaasaatitigut immikkoortut arlaliuppata, immikkoortut akornanni pisinnaatitaaffimmi pissutsinik nikisitsinermik kinguneqartoq taamaallaat atuussinnaavoq, aningaasaatinik immikkoortunik taakkuninnga piginnittut, inatsisitigut inissismanterat ajornerulersumik inissismalersut aamma ataatsimeersuarnermi peqataasut, ikinnerpaamik pingajorarterutinit marlunnit tamanna akuerineqarpat.

Aningaasaatinit piginneqataasutink nutaanik pisiumalluni nalunaarneq

- § 163** Aningaasaatinit piginneqataassutinik pisiumalluni nalunaarneq allakkatigut pissaaq.
- Imm. 2.* Pisiumalluni nalunaarnermi malittarisassat allagaatillu, § 156-mi eqqaaneqartut, saqqummiunneqassapput, taakku suliarineqassanngitsut aalajangiisoqarsimanngippat, § 156,

imm. 3 tak. Aningaasaatinik pisiumalluni nalunaarneq §§ 160 aamma 161-mi aalajangersakkanut ilaappat, allagaatit, aalajangersakkani taakkunani pineqartut, pisiumalluni nalunaarnermi saqqummiunneqassapput, taakku suliarineqassangnitsut aalajangiisoqarsimannngippat.

Imm. 3. Aningaasaatinik piginnittut, ataatsimeersuarnissamut aggersaaneq pillugu maleruagassat malillugit pisiumalluni nalunaarnermut periarfissaq kiisalu pisiumalluni nalunaarnissamut pisinnaatitaanerup atorneqarnissaanut piffissaliussaq pillugu nalunaarfingineqassapput. Aktieselskabini, piginneqataasut tamarmik ilisimaneqarlutik, piginneqataasut ataasiakkaat paarlattuanik allakkatigut nalunaarfingineqassapput.

§ 164. Aningaasaatinik qaffaanissamut tunngaviusoq malittarisassanik allannguineq pillugu aalajangiineq atorunnaassaaq, aningaasaatit qaffanneqarnissaannut aningaasat minnerpaaffissaannut aalajangigaq, aalajangiinermi aalajangerneqartumi, piffissaliussap iluani pisiarineqarsimannngippat. Aningaasaatini akilerneqarsimasut taamaattoqartillugu sapinngisamik piaernerpaamik utertillugit akilerneqassapput.

Aningaasaateqarfimmi piginneqataassutinik atulersitsineq

§ 165. Ingerlatseqatigiiffik aningaasaliiffiusoq aningaasaateqarfimmi piginneqataassutinik atulersitsisinnaavoq ingerlatseqatigiiffimmi aningaasaatinut aningaasat nuunnerisigut, ingerlatseqatigiiffiup ukiumoortumik nalunaarusiaani kingullermik akuerineqartumi imatut allanneqarsimasut

- 1) sinneqartoorutit nuunneqarsimasut imaluunniit
- 2) sillimmatit ukiumoortumik natsorsuutit pillugit inatsimmi, kunngip peqqussuteqarneratigut Kalaallit Nunaannut atulersinneqartumi, §§ 35 a aamma 35 b-mut naleqqiullugu sillimmatit ilanngunnagit, taamaattorli imm. 2 tak.

Imm. 2. Aningaasaateqarfimmi piginneqataassutinik atulersitsinermut ingerlatseqatigiiffiup aamma atorsinnaavai

- 1) ukiumi naatsorsuusiorfiusumi atuuttumi sinneqartoorutit, aningaasat agguanneqarsimannngippata, atorneqarsimannngippata imaluunniit pituttorneqarsimannngippata, imaluunniit
- 2) sillimmatit killilersugaannngitsut, ukiumi naatsorsuusiorfiusumi atuuttumi pilersinneqarsimasut imaluunniit atugassanngortinneqarsimasut.

Imm. 3. Imm. 1 aamma 2 naapertorlugu aalajangiinermi ingerlatseqatigiiffiup aningaasaataanik qaffaassutaasussat aningaasat allanneqassapput, kiisalu aningaasaatinik piginneqataassutit angissusaat imaluunniit amerlassusaat. § 158, imm. 1, nr. 3, nr. 6 aamma nr. 9-11, taamaaqataanik atorneqassapput.

Imm. 4. Aalajangiineq nalunaarsorneqaqqaartinnagu aningaasaatinik qaffaaneq naammassineqarsinnaanngilaq.

Imm. 5. Aningaasaateqarfimmi qaffaaneq aalajangiinermit kingusinnerpaamik qaammatit aqqaneq marluk qaangiutsinnagit nalunaarsorneqanngippat imaluunniit nalunaarsorneqarnissaanut nalunaarutigineqanngippat, aningaasaatit qaffanneqarnissaat pillugu aalajangiineq tamatumalu malitsigisaanik malittarisassanik allannguinerit atorunnaassapput.

§ 166. Aningaasaateqarfimmi qaffaaneqerup nalunaarsorneqarneraniit ukiut pingasut ingerlasimappata, aningaasaatinik piginneqataassutit tamarmik pisinnaatitaasunut

tunniunneqarsimanatik, Erhvervsstyrelsip qarasaasiaqarfiani nalunaaruteqarnikkut ingerlatseqatigiiffiup aningaasaliiffiusup qitiusumik aqutsisui pineqartumut imaluunniit pineqartunut kaammattuisinnaapput qaammatit arfinillit qaangiutsinnagit piginneqataassutitik aaqqullugit.

Imm. 2. Imm. 1 malillugu piffissaliussaq, saaffiginnitoqarnani, naasimappat, pappiaranik aningaasanik nalilinnik niuertoq aqqutigalugu aningaasaatinik piginnittut akiligaannik qitiusumik aqutsisut aningaasaatinik piginneqataassutit tunisinnaavaat, § 4, imm. 1 tak., kunngip peqqussuteqarneratigut Kalaallit Nunaannut atulersinnejartumi pappiaranik aningaasanik nalilinnik niuerneq il.il. pillugu inatsimmi. Tunisinermi iluanaarutit nalunaaruteqarnermi tunisinermilu aningaasartuutit ingerlatseqatigiiffiup ilanngaatigisinnaavai. Tunisinermi iluanaarutit tunisoqarneraniit kingusinnerpaamik ukiut pingasut kingorna aaneqarsimanngippata aningaasat ingerlatseqatigiiffimmut aningaasaliiffiusumut tutsinneqassapput.

Akiitsut allagartaannik imaluunniit suliffeqarfip allineqarnerani piginneqataassutinik nuunneqarsinnaasunik atulersitsineq

§ 167. Ataatsimeersuartut, malittarisassanik allannguinermut piumasarineqartut assigalugit amerlanerussuteqarlutik akiitsut allagartaannik imaluunniit suliffeqarfip allineqarnerani piginneqataassutinik nuunneqarsinnaasunik atulersitsinissamik aalajangiisinnaapput, peqatigisaanik tassunga atasumik aningaasaatinik qaffaanissaq pillugu aalajangiiguni, § 154 tak.

Imm. 2. Atulersinsinermut piumasaqaatinik erseqqinnerusunik imaqaartunik ataatsimeersuartut aalajangiisinnaapput, tassunga ilanngullugit aningaasaatit qaffaassutissaanni aningaasat annertunerpaaffissaat, pappiarat aningaasanik nalillit tunuliaqutaralugit pisiarineqarsinnaasut, aamma aningaasaatinit piginneqataassutit nutaat immikkoortunut sunut ilaassanersut.

Imm. 3. Imm. 1 malillugu ataatsimeersuartut aalajangiinerat aamma tigusisup inatsisitigut inissisimanissaanut isummissapput, pissuseq ataaseq amerlanerusulluunniit uku ilaat pillugu ataatsimeersuartut aalajangiippata, tigusisup akiitsut allagartaannik nuussinissaa imaluunniit suliffeqarfip allineqarnerani piginneqataassutiminik iluaquteqarnissaa sioqullugu:

- 1) Aningaasaatinik qaffaaneq,
- 2) aningaasaatinik appaaneq,
- 3) suliffeqarfip allineqarnerani piginneqataassutinik nutaanik atulersitsineq,
- 4) akiitsut allagartaannik nutaanik nuussilluni atulersitsineq,
- 5) atorunnaarsitsineq,
- 6) kattunneq imaluunniit
- 7) agguataarineq.

Imm. 4. Imm. 2 aamma 3 malillugu ataatsimeersuartut aalajangiineranni piumasaqaatit akiitsut allagartaannik imaluunniit suliffeqarfip allineqarnerani piginneqataassutinik nuunneqarsinnaasunik tigusisumut ilisimatitsissutigineqassapput.

§ 168. § 167 malillugu ataatsimeersuartut aalajangiinerat tamarmiulluni malittarisassanut ilanngunneqassaaq. Aningaasaatinik qaffaanermik pisumanermut nalunaarnissamut piffissaliussaq naappat ingerlatseqatigiiffiup qitiusumik aqutsisuisa aalajangersaq peersinnaavaat.

§ 169. Qitiusumik aqutsisut piginnaatitsineq malillugu, § 155, imm. 2 tak., akiitsut allagartaannik imaluunniit suliffeqarfiup allineqarnerani piginneqataassutinik nuunneqarsinnaasunik atulersitsinissamik aalajangiisinhaapput.

Imm. 2. Qitiusumik aqutsisut aalajangiinerat atulersitsineq pillugu piumasaqaatinik erseqqinnerusunik imaqassaaq, tassunga ilanngullugu

1)pappiarat aningaasanik nalillit tunuliaqtalaralugit pisiarineqarsinnaasut aningaasaatinik qaffaanermi aningaasat annertunerpaaffissaat,

2)ningaasaatinik piginneqataassutit nutaat immikkoortuni sumiinnissaat,

3)ningaasaatinik piginneqataassutinik pisinissamut piffissaliussaq kiisalu aningaasaatinik piginnittunut nalunaarutip nassiunneqarnera pillugu piffissamiit sivikinnerpaamik sapaatit akunnerinik tallimani piffissaliineq, aningaasaatinik piginnittut piffissaq pisisinnaatitaanerminnut atugassaat,

4)pisinnaatitaaffiit atulersinnerinut piffissaq,

5)akiliinissamut piffissaliussaq aamma

6)ningaasaatinik piginneqataassutit angissusaat imaluunniit amerlassusaat aamma pisinermi naliusoq.

Imm. 3. Imm. 1 malillugu qitiusumik aqutsisut aalajangiinerat aamma tigusisup inatsisitigut inissisimanissaanut isummissapput, pissuseq ataaseq amerlanerusuunniit uku ilaat pillugu ataatsimeersuartut aalajangiippata, tigusisup akiitsut allagartaannik nuussinissaa imaluunniit suliffeqarfiup allineqarnerani piginneqataassutiminik iluaquteqarnissaa sioqullugu:

1)Aningaasaatinik qaffaaneq,

2)ningaasaatinik appaaneq,

3)suliffeqarfiup allineqarnerani piginneqataassutinik nutaanik atulersitsineq,

4)akiitsut allagartaannik nutaanik nuussilluni atulersitsineq,

5)atorunnaarsitsineq,

6)kattunneq imaluunniit

7)agguataarineq.

Imm. 4. Imm. 2 aamma 3 malillugu qitiusumik aqutsisut aalajangiineranni kiisalu qitiusumik aqutsisunut piginnaatitsinermi piumasaqaatit, § 155, imm. 2 tak., akiitsut allagartaannik imaluunniit suliffeqarfiup allineqarnerani piginneqataassutinik nuunneqarsinnaasunik tigusisumut ilisimatitsissutigineqassapput.

Imm. 5. Akiitsut allagartaannik imaluunniit suliffeqarfiup allineqarnerani piginneqataassutinik nuussinerup malitsigisaanik aningaasaatinik qaffaaneq pillugu qitiusumik aqutsisut aalajangiineranni taamaaqataanik § 159 atorneqassaaq.

§ 170. § 169 naapetorlugu qitiusumik aqutsisut aalajangiinerat tamarmiutillugu malittarisassani ilanngunneqassaaq. Aalajangiinerup malitsigisaanik malittarisassanik qitiusumik aqutsisut allannguisinhaapput.

§ 171. Aningaasat, akiitsut allagartaannut akiliutigineqartoq, akiitsut allagartaat taarsigassarsinermi piumasaqaatit malillugit paarlaanneqarsinnaasunit aningaasanit imaluunniit aningaasaatinini piginneqataassutinit annikinneruppata, aningaasat sinneruttut aningaasaatinik ilaannakuusumik akiliineq pillugu § 33 naapertorlugu akilerneqassapput imaluunniit ingerlatseqatigiiffiup nammineq aningaasaataasa ilaanit, iluanaarutitut atorneqarsinaasunit matussuserneqarluni.

*Pappialanut aningaasanik nalilinnut toqqorsivimmi akiitsut allagartaannik
nuunneqarsinnaasunik nalunaarsuinermut piumasaqaatit*

§ 172. Erhvervsstyrelsi uku pillugit maleruagassanik aalajangersaasinnaavoq

- 1)pappialanut aningaasanik nalilinnut toqqorsivimmi akiitsut allagartaannik nuunneqarsinnaasunik nalunaarsuinermut piumasaqaatit,
- 2)pappialanut aningaasanik nalilinnut toqqorsivimmut paassisutissanik tunniussineq,
- 3)pappialanut aningaasanik nalilinnut toqqorsivik aqqutigalugu akiitsut allagartaannik nuunneqarsinnaasunik atulersitsinermi aamma akiitsut allagartaannik nuunneqarsinnaasunik aningaaserivimmi allatsitsinermi toqqorsinermilu il.il. aningaasartuutit tamarmik ingerlatseqatigiiffimmit akilerneqassasut, aamma
- 4)§ 63 taamaaqataanik akiitsut allagartaannik nuunneqarsinnaasuni atorneqassaaq.

Aningaasaatinik qaffaaneq pillugu aalajangiinerup nalunaarutiginera

§ 173. Kapitalimi matumani maleruagassat malillugit aningaasaatinik qaffaaneq pillugu ataatsimeersuartut imaluunniit qitiusumik aqutsisut aalajangiinerannik nalunaarsuineq imaluunniit nalunaarsorneqarnissamut nalunaaruteqarneq Erhvervsstyrelsimit tiguneqarsimassaaq aningaasaatinik piginneqataassutit akilerneqarnissaannut piffissaliussap naaneraniit imaluunniit akiliisoqarneraniit kingusinnerpaamik sapaatit akunneri tallimat qaangiutsinnagit.

Imm. 2. Akiitsut allagartaannik imaluunniit suliffeqarfiup allineqarnerani piginneqataassutinik nuunneqarsinnaasunik atulersitsineq taakkununngalu atasunik malittarisassanik allannguineq pillugu, §§ 168 aamma 170 tak., ataatsimeersuartut imaluunniit qitiusumik aqutsisut aalajangiinerannik nalunaarsuineq imaluunniit nalunaarsorneqarnissaannut nalunaaruteqarneq Erhvervsstyrelsimit tiguneqarsimassaaq aalajangiisoqarneraniit kingusinnerpaamik sapaatit akunneri tallimat qaangiutsinnagit.

§ 174. Aningaasaatinik qaffaanerup naammassineqarneranik nalunaarsuineq imaluunniit nalunaarsorneqarnissaannut nalunaaruteqarneq, peqqussut manna, § 33 tak., imaluunniit malittarisassat naapertorlugit akilerneqarsimasussaq ingerlatseqatigiiffiup aningaasaatai sinnerlugit naleq akilerneqareertinnagu, nalunaarsorneqassanngilaq.

Imm. 2. Aningaasaatinik piginneqataassutit nutaat piffissamiit aningaasaatit qaffannerisa nalunaarsorneqarneranniit iluanaaruteqarnissamut allanullu pisinnaatitaaffinnut pisinnaatitsilissapput, qaffaanermik aalajangiineremi allamik aalajangiisoqarsimanngippat. Pisinnaatitaaffilli nalunaarsorneqarnermiit kingusinnerpaamik qaammatit aqqaneq marluk kingorna atutilissapput.

Imm. 3. Nalunaarsuineq pereerpat ingerlatseqatigiiffiup aningaasaatai aningaasaatit qaffannerisa tamarmiusumik nalinganik qaffanneqarsimasutut isigineqassapput.

§ 175. Qitiusumik aqutsisut ukiup naatsorsuusiorfiusup naaneraniit kingusinnerpaamik sapaatit akunneri arfineq marluk qaangiutsinnagit aningaasaatit ukiumi qanoq annertutigisumik qaffanneqarsimanersut nalunaarsussavaat imaluunniit nalunaarutigalugit

- 1)ningaasaatinik piginneqataassutinik pisiumaneq akiitsut allagartaannik imaluunniit suliffeqarfiup allineqarnerani piginneqataassutinik nuunneqarsinnaasut tunngavigalugit pisimappat,
- 2)aalajangiineremi aalajangerneqartumi pisumanissamut piffissaliussaqa qammatinik aqqaneq marlunnik sivisuneruppat aamma

3) aningaasaatit qaffannerinut aningaasat minnerpaaffissaannik aalajangigaq pisiariumaneqarsimappat akilerneqarsimallunilu, § 33 tak.

Imm. 2. Aningaasaatit qaffannerisa kingunerisaanik pisariaqartunik malittarisassanik qitiusumik aqutsisut allannguisinnaapput.

Imm. 3. Imm. 1 naapertorlugu nalunaarsuineq imaluunniit nalunaarsuinissamut nalunaaruteqarneq pisumanissamut piffissaliussap naaneraniit, imaluunniit nalunaarsorneqarnissap itigartinneqarnerannit kingusinnerpaamik sapaatit akunneri arfineq marluk qaangiutsinnagit Erhvervsstyrelsimit tiguneqarsimannngippat aningaasat akilereerneqarsimasut utertillugit akilerneqassapput, § 177, imm. 3 tak.

§ 176 Akiitsut allagartaannik imaluunniit suliffeqarfip allineqarnerani piginneqataassutinik nuunneqarsinnaasut nuunneqarnissaannut piffissaliussaq naappat akiitsut allagartaannik imaluunniit suliffeqarfip allineqarnerani piginneqataassutinik nuunneqarsinnaasut atulersinneqarsimasunit aningaasat qanoq annertutigisut aningaasaatinit piginneqataassutinut paarlaanneqarsimanersut qitiusumik aqutsisut piaarnerpaamik Erhvervsstyrelsimit nalunaarsussavaat imaluunniit nalunaarutigalugit. Iluaquteqarnissamut piffissaq qaammatinik aqqaneq marlunnik sivisuneruppat qitiusumik aqutsisut nalunaarsuinermi isumaginnissapput imaluunniit § 175-mi maleruagassat malillugit nalunaaruteqarlutik.

Imm. 2. Aningaasaatit qaffannerisa kingunerisaanik pisariaqartunik malittarisassanik qitiusumik aqutsisut allannguisinnaapput.

Aningaasaatinik qaffaaneq pillugu aalajangiinerup atorunnaarnera

§ 177 Aningaasaatinik qaffaaneq pillugu aalajangiineq nalunaarsorneqarnissaq itigartinneqarpat atorunnaassaaq.

Imm. 2. Aalajangiineq aamma atorunnaassaaq nalunaarsorneqarneq imaluunniit nalunaaruteqarneq aalajangiinermiit kingusinnerpaamik qaammatit aqqaneq marluk qaangiutsinnagit tiguneqarsimannngippat.

Imm. 3. Aningaasaatinik qaffaaneq pillugu aalajangerneq nalunaarsorneqanngippat aningaasat akiliutigineqareersimasut aningaasartuutinik ilanngaateqartinnagit sapinngisamik piaarnerpaamik utertillugit akilerneqassapput, aamma aningaasaanngitsut allat nalillit sapinngisamik piaarnerpaamik utertillugit tunniunneqarlutik.

Akiitsut allagartaat iluanaaruteqartitsisut

§ 178 Ataatsimeersuartut nalinginnaasumik amerlanerussuteqarlutik, § 105 tak., akiitsut allagartaannik ernialersorneqarsinnaasunik atulersitsisoqarneratigut taarsigassarsisoqarnissaa pillugu aalajangiisinnaapput, annertussusaa, ingerlatseqatigiiffiup aningaasaliiffiusup aningaasaatinit piginneqataassutit iluanaarutaannit iluanaarutit, imaluunniit ukumi sinneqartoortit tamakkiisumik ilaannakuusumilluunniit apeqqutaatillugit.

Imm. 2. Imm. 1 malillugu taarsigassarsinissamut ataatsimeersuartut aamma qitiusumik aqutsisunut piginnaatitsisisinnaapput. Piginnaatitsissut piffissamut ataatsimut arlalinnulluunniit ukiut tallimakkaarlugit tikillugit tunniunneqarsinnaavoq.

Kapitali 11

Aningaasaatinik agguassaingeq

§ 179. Ingerlatseqatigiiffiup aningaasaataanik aningaasaatinik piginnittunut
agguasiisoqarsinnaavoq taamaallaat

- 1) ukiumoortumik naatsorsuutit kingullit akuersissutigisat tunngavigalugit iluanaarutitut, tak kap. 14,
- 2) immikkut ittumik iluanaarutitut, tak. §§ 182 aamma 183,
- 3) ingerlatseqatigiiffiup aningaasaataanik appartisinermut atatillugu tunniussinertut, tak. §§ 185-193 imaluunniit
- 4) ingerlatseqatigiiffiup atorunnaarsinneqarneranut atatillugu tunniussinertut, tak. kapitali 14.

Imm. 2. Ingerlatseqatigiiffiup, aamma ingerlatseqatigiiffiuppi piginnittuni suliffeqarfissuup
atingaasatigut inisisimanera sillimaffigalugu illorsorneqarsinnaasumik sippuinngitsumik
tunniussisoqarnissaanut ingerlatseqatigiiffiup qitiusumik aqutsisui akisussaapput, aamma
ingerlatseqatigiiffimmut imaluunniit taassuma akiligassaqarfiinut ajoqusiiinngitsumik, § 115,
nr. 5, aamma § 116, nr. 5 tak. Qitiusumik aqutsisut aamma akisussaaffigivaat
tunniusereernerup kingorna ingerlatseqatigiiffiup aningaasaataanut aamma inatsisit
imaluunniit malittarisassat naapertorlugit pituttorneqarsimasunut sillimmatinut
matussutissaqarnissaa.

Iluanaarutinik nalinginnaasunik tunniussineq

§ 180 Iluanaarutinik tunniussinermi, ukiumoortumik naatsorsuutit kingorna aningaasat
pissarsiffiusinnaasut agguarnissaat pillugu ataatsimeersuartut aalajangiissapput.
Ingerlatseqatigiiffiup qitiusumik aqutsisuinit siunnersuutigineqartunit imaluunniit
akuerineqartunit qaffasinnerusunik iluanaarutinik tunniussisoqarnissaanik ataatsimeersuartut
aalajangiisinnaanngillat.

Imm. 2. Iluanaarutitut taamaallaat atorneqarsinnaapput sillimmatit killilersorneqanngitsut,
tassani paasineqarluni aningaasat, ingerlatseqatigiiffiup kingullermik ukiumoortumik
naatsorsuutaanik akuerineqartumik sinneqartoortutut nuunneqartutut allanneqartut, aamma
sillimmatit inatsit imaluunniit malittarisassat naapertorlugit pituttorneqarsimanngitsut,
amigartoortut nuunneqartut ilanngatigalugit.

§ 181 Iluanaarutinik akiliineq aningaasaannngitsunik nalilinnik allanik pippat
nalilersuinertermi nassuaasiortoqassaaq, §§ 36 aamma 37 tak. Iluanaarutini aningaasat
tunniunneqartut minnerpaamik aningaasaannngitsunik nalilinnik allanik nalilerneqartunut
naapertuunneri naliliisartup nalunaaruteqarnerani allanneqassaaq. § 36, imm. 3 malillugu
oqimaaqtigiiissitsineq suliffeqarfimmut tunniussisumut tigusinermi oqimaaqtigiiissitsineq
suliarineqassaaq. § 38. imm. 2-mi maleruagassat malillugit qitiusumik aqutsisup
suliaqarlutilu nassiuissippata § 38. imm. 1-mi eqqaaneqartutut pigisanik nalilinnik
tunniussinermi naliliisartup nassuaasiortoqassanngilaq. Qitiusumik aqutsisut tunniussineq
pillugu aalajangeereernerup kingusinnerpaamik sapaatit akunneri tallimat kingorna
Erhvervsstyrelsip qarasaasiaqarfiani nalunaarut tamanut saqqummiunneqassaaq, § 9, imm. 3
tak.

Immikkut ittumik iluanaarutinik tunniussineq

§ 182 Ingerlatseqatigiiffik siullermeertumik ukiumoortumik nalunaarusiamik saqqummiussereerpat immikkut ittumik iluanaarutinik tunniussinissaq pillugu ataatsimeersuartut aalajangiisinjaapput. Ingerlatseqatigiiffiup qitiusumik aqutsisuinit siunnersutigineqartunit imaluunniit akuerineqartunit qaffasinnerusunik iluanaarutinik tunniussisoqarnissaanik ataatsimeersuartut aalajangiisinjaanngillat.

Imm. 2. Siullermeertumik ukiumoortumik nalunaarusiamik saqqummiussereerpata immikkut ittumik iluanaarutinik tunniussinissaq pillugu aalajangiinissamut ingerlatseqatigiiffimmi qitiusumik aqutsisut ataatsimeersuartunit piginnaatinneqarsinnaapput. Piginnaatisissut aningaasaqarnikkut piffissakkullu killiliinernik imaqarsinnaavoq.

Imm. 3. Imm. 1 aamma 2 malillugu immikkut ittumik iluanaarutitut taamaallaat atorneqassapput aningaasat § 180, imm. 2-mut ilaasut kiisalu sinneqartoortigineqartut aamma piffissamiit kingullermik ukiumoortumik nalunaarusiamit saqqummiunneqartumiit pilersinneqartut imaluunniit atugassanngortinnejartut sillimmatit killilorsorneqannngitsut, aningaasat tunniunneqarsimannngippata, atorneqarsimannngippata imaluunniit pituttorneqarsimannngippata.

§ 183 Aktieselskabini immikkut ittumik iluanaarutinik tunniussinissaq pillugu aalajangiineq tamatigut pigisanik nalilinnik akiligassanillu naatsorsuinerterik ilanngussiffigineqartassaqaq. Qitiusumik aqutsisut naliliissapput ukumi naatsorsuusiorfiusumit kingullermiit pigisanik nalilinnik akiligassanillu naatsorsuinerup ilanngunneqarnera illorsorneqarsinnaanersoq, imaluunniit tunniussinissamut aningaasanik naammattunik peqarneranik takutitsisumik akunnerinnarmi pigisanik nalilinnik akiligassanillu naatsorsuinerterik suliaqartoqassanersoq, taamaattorli imm. 2 tak.

Imm. 2. Imm. 1 apeqqutaatinnagu aktieselskabini, immikkut ittumik iluanaarutinik tunniussinissaq pillugu aalajangiineq ingerlatseqatigiiffiup kingullermik ukiumoortumik nalunaarusiaani akuerineqartumi ullormit pigisanik nalilinnik akiligassanillu naatsorsuinerterik qaammatit arfinillit qaangiutereerneranni aalajangiiffigineqartumi tamatigut tunniussinissamut aningaasanik naammattunik peqarneranik takutitsisumik akunnerinnaani pigisanik nalilinnik aikiligassanillu naatsorsuinerterik suliaqartoqartassaaq.

Imm. 3. Anpartsselskabini qitiusumik aqutsisut naliliissapput imm. 1 malillugu aalajangiinerterik pigisanik nalilinnik akiligassanillu naatsorsuineq ilanngunneqassanersoq. Anpartsselskabini immikkut ittumik iluanaarutinik tunniussinissaq pillugu aalajangiineq ingerlatseqatigiiffiup kingullermik ukiumoortumik nalunaarusiaani akuerineqartumi ullormit pigisanik nalilinnik akiligassanillu naatsorsuinerterik qaammatit arfinillit qaangiutereerneranni aalajangiiffigineqartumi tamatigut tunniussinissamut aningaasanik naammattunik peqarneranik takutitsisumik akunnerinnaani pigisanik nalilinnik akiligassanillu naatsorsuinerterik suliaqartoqartassaaq.

Imm. 4. Imm. 1-3 malillugu akunnerinnaani pigisanik nalilinnik akiligassanillu naatsorsuinerterik suliaqartoqarpak akunnerinnaani pigisanik nalilinnik akiligassanillu naatsorsuineq kukkunersiuuisumit misissorneqarsimassaaq, ingerlatseqatigiiffik kukkunersiuisoqarnissaanik pisussaaffigineqarpak. Akunnerinnaani pigisanik nalilinnik akiligassanillu naatsorsuineq ingerlatseqatigiiffiup aningaasaliiffiusup ukiumoortumik nalunaarusiornerani maleruagassat atorneqartut malillugit suliarineqassaaq. Akunnerinnaani pigisanik nalilinnik akiligassanillu naatsorsuineq, immikkut ittumik iluanaarutinik

tunniussinissaq pillugu aalajangiineq sioqqullugu qaammatinik arfinilinnik ungasinnerusumik ullormik pigisanik nalilinnik akiligassanillu naatsorsuiffeqassangilaq.

Imm. 5. Immikkut ittunik iluanaarutinik akiliineq aningaasaanngitsunik nalilinnik allanik pippat nalilersuinermik nassuaasiortoqassaaq, §§ 36 aamma 37 tak. Iluanaarutini aningaasat tunniunneqartut minnerpaamik aningaasaanngitsunik nalilinnik allanik nalilerneqartunut naapertuunneri naliliisartup nalunaaruteqarnerani allanneqassaaq. § 38. imm. 2-mi maleruagassat malillugit qitiusumik aqutsisup suliaqarlillu nassiussippata § 38. imm. 1-mi eqqaaneqartutut pigisanik nalilinnik tunniussinermi naliliisartup nassuaasiortoqassangilaq. Qitiusumik aqutsisut tunniussineq pillugu aalajangeereernerup kingusinnerpaamik sapaatit akunneri tallimat kingorna Erhvervsstyrelsip qarasaasiaqarfiani nalunaarut tamanut saqqummiunneqassaaq, § 9, imm. 3 tak. § 36, imm. 3 malillugu pigisanik nalilinnik akiligassanillu naatsorsuineq suliffeqarfimmut tiguneqartumut tigusinermi pigisanik nalilinnik akiligassanillu naatsorsuinertut suliarineqassaaq.

Imm. 6. Immikkut ittumik iluanaarutinik tunniussinissaq pillugu qitiusumik aqutsisut aalajangiinerit allataavinnut ilanngunneqassaaq. Ukiut naatsorsuusiorfiusumut kingullermut akunnerinnaani pigisanik nalilinnik akiligassanillu naatsorsuineq imaluunniit oqimaaqatigiissitsineq aalajangiinermut ilanngussatut allattaavimmi ilaassaaq.

Iluanaaruteqarnermi paasissutissiinissamut immikkut piussaaffiit

§ 184 Aktieselskabi, kunngip peqqussuteqarneratigut Kalaallit Nunaannut atulersinneqartumi pappialanut aningaasanik nalilinnik niuerneq il.il. pillugu inatsimmi kapitali 8 naapertorlugu atulersinneqartunut maleruagassanut ilaasoq, ingerlatseqatigiiffiup tiguneqarnerata naammassineraniit qaammatini siullerni aqqaneq marlunni neqerooruteqartumut imaluunniit taassuma qanigisaanut ingerlatseqatigiiffiup aningaasaataanik agguaasseqquaanngilaq.

Imm. 2. Imm. 1 apeqquatainnaguli neqerooruteqartoq tunniussineq aamma kunngip peqqussuteqarneratigut Kalaallit Nunaannut atulersinneqartumik pappialanik aningaasanik nalilinnik niuerneq il.il. pillugu inatsimmi tamanna pillugu maleruagassat naapertorlugit suliarineqartussami neqerooruteqarluni allakkami tamanna pillugu erseqqinnerusumik piumasaqaatit pillugit paasissutissiimappat tunniussisoqarsinnaavoq. Piffissap tunniussinerup kingorna ingerlatseqatigiiffiup aningaasatigut inisisimanerata ataatsimut isigalugu pitsaanerulerneranik tunniussineq qaangiinnngippat, aamma tunniussineq neqerooruteqarnermi allakkap suliarineqarnerani neqerooruteqartumut naatsorsuutigineqarsinnaanngippat paasissutissiisoqassangilaq.

Aningaasaatit appartinneri pillugit aalajangiineq

§ 185 Aningaasaatinik qaffaaneq pillugu aalajangiinerni suleriaaseq pillugu § 156-mi aalajangersakkat taamaaqataanik aktieselskabini aningaasaatinik appaaneq pillugu aalajangiinerni atorneqassapput.

§ 186 Ingerlatseqatigiiffiup aningaasaataanik appaaneq pillugu aalajangiineq malittarisasssanik allannguinermi pisariaqartunik taasinernik amerlanerussuteqarfiusumik ataatsimeersuarnermi aalajangerneqassaaq.

§ 187 Anpartsselskabini ataatsimeersuartut malittarisassani aalajangersakkatigut aningaasat aalajangersimasut tikillugit aningaasaatinik appartisinerup naammassineqarnissaanut qitiusumik aqutsisut piginnaatinneqarsinnaapput.

Imm. 2. Akiligassaqarfinut nalunaaruteqarneq, § 192 tak., tamanut saqqummiunneqassaaq piginnaatitsinerup atorneqarnissaa pillugu qitiusumik aqutsisut aalajangiinerannit kingusinnerpaamik sapaatit akunneri tallimat qaangiutsinnagit pissaaq.

§ 188. Aningaasaatinik appaaneq pillugu aalajangiinermi, aningaasat ingerlatseqatigiiffiup aningaasaataani appartitsissutaasussat kiisalu aningaasat siunertat ukununnga sorlernut atorneqarnissaat allanneqassapput:

- 1) Amigartoorutinut matussutissat,
- 2) aningaasaatinik piginnittunut akiliineq imaluunniit
- 3) immikkut sillimmatissanut immikkoortitsineq.

Imm. 2. Ingerlatseqatigiiffiup aningaasaliiffiusup aningaasaataanik tunniussineq aningaasanik appartitsissutaasunit aningaasanik qaffasinnerusunik pissappat sinnerlugu naleq allallugu aalangiineq ilisimatissutigineqassaaq.

Imm. 3. Akiliinermut imaluunniit immikkut sillimmatinut immikkoortitsinermut aningaasaatinik appaanerit kisimik, imm. 1, nr. 2 aamma 3 tak., naleq inorlugu pisinnaapput.

§ 189. Aningaasat appartitsissutaasut aningaasaatinik piginnittunut tunniunneqartussatut imaluunniit immikkut sillimmatitut immikkoortitsinermut atorneqassanersut pillugu taamaallaat ataatsimeersuartut aalajangiisinnaapput, § 188, imm. 1, nr. 2 aamma 3 tak., ingerlatseqatigiiffiup aningaasaliiffiusup qitiusumik aqutsisui tamanna pillugu siunnersuuteqarpata imaluunniit akuersippata.

Imm. 2. Imm. 1 malillugu aningaasaatinik appaaneq aningaasaatinik piginneqataassutit nalinginit appasinnerusumut naleqartillugu pippat aningaasat sinneruttut aningaasaatinik piginneqataassutit nalinginut ingerlatseqatigiiffiup sillimmataanut killilorsorneqanngitsunut nuunneqassapput.

§ 190. Aningaasaatinik appaaneq aningaasaanngitsunik nalilinnut allanut tunniussisoqneratigut aningaasaatinik piginnittunut tunniussisoqartillugu piffissami aalajangiiffiusumi nalilersuinertertik nassuaasiortoqassaaq, §§ 36 aamma 37 tak.

Imm. 2. Nalilersuinertertik nassuaammi nalunaarummi, § 36, imm. 1, nr. 4 tak., allanneqassaaq aningaasaatinik appaaneq piffissami aalajangiinermi naleq sinnerlugu tapeqartoq tunniunneqartup nalinganut imaluunniit aningaasaanngitsunik nalillit allat tunniunneqartut nalinginut minnerpaamik naapertuttoq. § 36, imm. 3 malillugu pigisanik nalilinnik akiligassanillu naatsorsuineq suliffeqarfimmut tunniussisumut tigusinermi pigisanik nalilinnik akiligassanillu naatsorsuineq suliarineqassaaq. § 38. imm. 2-mi maleruagassat malillugit qitiusumik aqutsisup suliaqarlutillu nassiussippata § 38. imm. 1-mi eqqaaneqartutut pigisanik nalilinnik tunniussinertertik naliliisartup nassuaasiortoqassanngilaq. Qitiusumik aqutsisut tunniussineq pillugu aalajangeereernerup kingusinnerpaamik sapaatit akunneri tallimat kingorna Erhvervsstyrelsip qarasaasiaqarfiani nalunaarut tamanut saqqummiunneqassaaq, § 9, imm. 3 tak.

Aningaasaatinik appartitsinerup nalunaarutiginera

§ 191. Aningaasaatinik appaaneq pillugu aalajangiineq nalunaarsorneqassaaq imaluunniit nalunaarsornissaanut nalunaarutigineqassaaq, § 9 tak., aalajangiisoqneranit kingusinnerpaamik sapaatit akunneri tallimat qaangiutsinnagit. Aalajangiinerup atuuttuunini

annaassavaa taanna piffissaliussap iluani Erhvervsstyrelsimi nalunaarsorneqanngippat imaluunniit nalunaarsornissaanut nalunaarutigineqanngippat.

Akiligassaqarfinnut kaammattuineq

§ 192 Aningaasaatinik appaalerit aningaasaatinik piginnittunut akilerneqarnerini imaluunniit immikkut sillimmatinut immikkortinnerini, § 188, imm. 1, nr. 2 aamma 3 tak., ingerlatseqatigiiffiup aningaasaliiffiusup akiligassaqarfii kaammattorneqassapput piffissaliussap sapaatit akunneri arfineq marluk iluanni piumasaqaatitik ingerlatseqatigiiffimmut nalunaarutigissagaat. Tamanna pissaaq Erhvervsstyrelsimi nalunaarsorneqarnikkut aamma ingerlatseqatigiiffiup aningaasaataanik appaaneq pillugu qitiusumik aqtsisut aalajangiinerannik tamanut saqqummiussisoqarneratigut.

Imm. 2. Aningaasaatit peqatigisaanik aningaasat nalinginik minnerpaamik pisiumasoqarneratigut aningaasat appatitsissutaasut sinnerlugu naleqartillugit minnerpaamik qaffanneqarpata imm. 1 naaprtorlugu akiligassaqarfinnut kaammattusoqassanngilaq.

Imm. 3. (Atorunnaarpoq)

Aningaasaatinik appaalerup naammassineqarnera

§ 193 Akiligassaqarfiiit ingerlatseqatigiiffimmut aningaasaliiffiusumut piumasaqaatiminnik nalunaaruteqarnissaannut piffissaliussaq naappat, § 192 tak., aningaasaatinik piginnittunut akiliinissamut imaluunniit immikkut sillimmatinut immikkortitsinermut aningaasaatinik appaalerup naammassineqarnissaa pillugu qitiusumik aqtsisut aalajangiisinnappa, aningaasaatinik appaalerup naammassineqarnissaa illersorneqarsinnaappat, § 115, nr. 5, § 116, nr. 5, aamma § 118, imm. 2, oqaaseqatigii aappaat tak., taamaattorli imm. 4 tak.

Imm. 2. Akiligassaqarfiiit ingerlatseqatigiiffimmut aningaasaliiffiusumut piumasaqaatiminnik nalunaaruteqarnissaannut piffissaliussap naaneraniit sapaatit akunneri arfineq marluk kingorna aningaasaatinik piginnittunut akiliinissamut imaluunniit immikkut sillimmatinut immikkortitsinermut aningaasaatinik appaalerup naammassineqarnera pillugu siomoortumik ilisimatitseqqaarnani Erhvervsstyrelsimit nalunaarsorneqarsinnaavoq, aningaasaatinik appaaneq pillugu aalajangiinerup atorunnaarsinnissaa pillugu tamanna sioqqullugu ingerlatseqatigiiffiup nalunaarsorsimanngippagu imaluunniit nalunaarsorneqartussatut nalunaarutigisimanngippagu, imm. 3 tak., imaluunniit aningaasaatinik appaaneq kingornatigut Erhvervsstyrelsimi nalunaarsorneqarneratigut imaluunniit nalunaarsorneqartussatut nalunaarutigineqarneratigut aatsaat naammassineqanngippat, imm. 4 aamma 5 tak. Aningaasaatinik appaaneq pillugu aalajangiinerup nalunaarsorneqarnerata kingorna ingerlatseqatigiiffimmi aningaasaliiffiusumut tunngasunik allannguinerit ilai, § 191 tak., kingunerissagaat aningaasaatinik appaaneq pillugu aalajangiineq atorunnaarsinnejassasoq, imaluunniit aningaasaatinik appaaneq kingornatigut Erhvervsstyrelsimi nalunaarsorneqarnermigut imaluunniit nalunaarsorneqartussatut nalunaarutigineqarneratigut aningaasaatinik appaaneq naammassineqartoq pillugu maleruagassanik Erhvervsstyrelsi aalajangersaasinnaavoq.

Imm. 3. Aningaasaatinik piginnittunut akiliinissamut imaluunniit immikkut sillimmatinut immikkortitsinermut aningaasaatinik appaaneq tamanut saqqummiunneqartumut naapertutumik naammassineqanngippat, § 192 tak., imaluunniit aningaasaatinik appaalerup naammassineqarnissaa illersorneqarsinnaanngippat, § 115, nr. 5, § 116, nr. 5 aamma § 118, imm. 2, oqaaseqatigii aappaat tak., imm. 2, oqaaseqatigiinni siullerni piffissaliussap naannginnerani qitiusumik aqtsisut aningaasaatinik appaaneq pillugu aalajangiinerup atorunnaarsinnaa nalunaarsussavaat imaluunniit nalunaarsorneqartussatut nalunaarutigalugu.

Imm. 4. Aningaasaatinik piginnittunut akiliinissamut imaluunniit immikkut sillimmatinut immikkoortitsinermut aningaasaatinik appaaneq naammassineqassanngilaq piumasaqaatit akilerneqartussat naammassineqarsimanngitsut nalunaarutigineqarpata aamma piumasaqaatinut akilerneqarsimanngitsunut imaluunniit isumaqtigiiingissutaasunut piumasarineqartumik isumannaatsumik qularnaveeqquisoqarsimanngippat. Qularnaveeqquisiinissamut neqeroorutigineqartoq toqqisisimanartutut isigineqarsinnaanersoq illuatungeriit arlaata piumasaqarneratigut Erhvervsstyrelsimit aalajangiiffigineqassaaq.

Imm. 5. Aningaasaatinik piginnittunut akiliinissamut imaluunniit immikkut sillimmatinut immikkoortitsinermut aningaasaatinik appaaneq nalunaarsorneqassaaq imaluunniit nalunaarsorneqatussatut nalunaarutigineqassaaq, § 9 tak., kingusinnerpaamik aningaasaatit apparinneqarnissaat pillugu piffissami aalajangiinermi ukiumoortumik nalunaarusiamik nassiussinissamut piffissaliussap naanerani, taamaattorli aningaasaatit apparinneqarnissaat pillugu aalajangiinermiit kingusinnerpaamik ukioq ataaseq qaangiutsinnagu. Piffissaliussaq qaangerneqarpat aningaasaatinik appaanerup naammassineqarnissaa pillugu aalajangiinerup atuuttuunera annaaneqassaaq.

Aningaasanik utertitsineq

§ 194 Aningaasaatinik piginnittunut peqqussummi matumani aalajangersakkanut akerliusumik aningaasanik utertitsisoqarsimappat taakku aningaasanik utertitsillutik akiliissapput aammattaaq kunngip peqqussuteqarneratigut Kalaallit Nunaannut atulersinneqartumi kingusinaartumik akiliinermi erniat il.il. pillugit inatsimmi § 5, imm, 1 aamma 2 malillugu aalajangersarneqartumut ernianut naapertuuttumik aningaasat ukiumut ernialerneqarlutik, 2 pct.-imik ilaneqartumik. Iluanaarutinik utertitsinermili tamanna taamaallaat atuutissaaq aningaasaatinik piginnittup aningaasanik tunniussineq inatsisinut naapertuutinngitsoq paasisimappagu imaluunniit paasisimasussaagaluarpagu.

Imm. 2. Aningaasat akilersinneqarsinnaanngippata, imaluunniit aningaasaatinik piginnittoq utertitsilluni akiliinissamut pisussaaffeqanngippat, utertitsinissaq pillugu aalajangiinermut imaluunniit taakku naammassineqarnissaannut peqataasimasut imaluunniit naatsorsuutit eqqunngitsumik naatsorsornerinik saqqummiisimasut imaluunniit akuersisimasut taarsiisoqarnissaanut maleruagassat nalinginnaasut malillugut akisussaapput.

Nalinginnarmik iluaqutaasussat tunissutit

§ 195 Nalinginnarmik iluaqutaasunut imaluunniit taamaaqataanut siunertanut, tunissummi siunertaq, ingerlatseqatigiiffiup aningaasatigut inissisimanera allatigullu pissutsit eqqarsaatigalugit naammaginartutut isigineqarsinnaasunik tunissutinut ingerlatseqatigiiffiup aningaasaliiffiusup aningaasaatai atorneqarsinnaasut ataatsimeersuartut aalajangiisinnapput. Oqaaseqatigiinni siullerni siunertamut taaneqartumut, ingerlatseqatigiiffiup aningaasaqarnikkut inissisimaneranut naleqqiullugu pingaaruteqarpianngitsunik aningaasanik qitiusumik aqutsisut atuisinnaapput.

Kapitali 12

Aningaasaatinik nammineq piginneqataassutinik

Aningaasaatinik nammineq piginneqataassutinik pigisassanik imaluunnit qularnaveeqqutinik pissarsineq

§ 196 Ingerlatseqatigiiffik aningaasaliiffiusoq namminerisaminik aningaasaatinik piginneqataassutinik tamakkiisumik akilerneqarsimasunit taamaallaat pissarsisinnaavoq. Tamanna pisinnaavoq pigisatut kiisalu qularnaveeqquisiinertut.

Aningaasaatinik nammineq piginneqataassutinik akiliuteqarluni pissarsineq

§ 197. Ingerlatseqatigiiffik aningaasaliiffiusoq namminerisaminik aningaasaatinik piginneqataassutinik akiliuteqarnikkut pissarsiguni, ingerlatseqatigiiffik iluanaarutitut tunniunneqarsinnaasut atorneqarsinnaasut aningaasat taamaallaat tassunga atussavai, § 180, imm. 2 tak. Aningaasaatininit nammineq piginneqataassutinik ingerlatseqatigiiffiup uninngasuutai ingerlatseqatigiiffiup aningaasaataanut piumasaqaatit eqqortinnejqarsimanersut pillugit nalilersuinermi ilanngaatigineqassapput, § 4 tak.

Imm. 2. Aningaasaatininit nammineq piginneqataassutini uninngasuutini akuerisanut ilanngullugit naatsorsorneqassapput aningaasaatininit piginneqataassutit allap atia atorlugu, kisianni ingerlatseqatigiiffiup akiligaanik pissarsiarineqarsimasut.

§ 198. Ingerlatseqatigiiffik aningaasaliiffiusoq namminerisaminik aningaasaatinik piginneqataassutinik akiliuteqarnikkut pissarsineq taamaallaat pisinnaavoq ataatsimeersuarnermiit ingerlatseqatigiiffiup aningaasaliiffiusup qitiusumik aqutsisuinut piginnaatisisoqarneratigut, taamaattorli § 199 tak.

Imm. 2. Piginnaatisineq taamaallaat piffissamut aalajangersimasumut tunniunneqarsinnaavoq ukiunik tallimanik sivisunerussanngitsoq.

Imm. 3. Piginnaatisissummi allanneqassaaq

- 1) aningaasaatininit namminerisamik piginneqataassutit naliisa annertunerpaaffigisinnaasat, aamma
- 2) ingerlatseqatigiiffiup aningaasaatininit piginneqataassutinut akiliutigisinnaasai aningaasat annikinnerpaaffissaat annertunerpaaffissaallu.

§ 199. Ingerlatseqatigiiffimmut aningaasaliisumut annertuumik aarlerinartumillu ajoqsiinerup pinngitsoortinnissaa pisariaqassappat ingerlatseqatigiiffik aningaasaliiffiusoq sinnerlugu qitiusumik aqutsisut ataatsimeersuartunit piginnaatisinertangnitsumik §§ 196-198 malillugu ingerlatseqatigiiffik aningaasaliiffiusoq namminerisaminik aningaasaatinik piginneqataassutinik akiliuteqarnikkut qitiusumik aqutsisut pissarsisinnaapput.

Imm. 2. Qitiusumik aqutsisut, imm. 1 malillugu ingerlatseqatigiiffik aningaasaliiffiusoq aningaasaatinik namminerisamik pigisanik pissarsissappat ataatsimeersuarnermi siullermi uku pillugit nalunaaruteqassaaq

- 1) pissarsismanernut tunuliaqutasut siunertaasullu,
- 2) aningaasaatininit piginneqataassutinit pissarsiarisat amerlassussaat nalingallu,
- 3) aningaasaatininit namminerisamik piginneqataassutit ingerlatseqatigiiffiup aningaasaliiffiusup pissarsiarisimasai qanoq annertutiginersut, aamma
- 4) aningaasaatininit piginneqataassutigineqartut pissarsiarineqartut pillugit akiliutit.

§ 200. §§ 196-198 apeqqutaatinagut aningaasaatininit namminerisamik piginneqataassutinik ingerlatseqatigiiffiup aningaasaliiffiusoq toqqaannartumik imaluunniit toqqaannanngitsumik pissarsisinnaavoq

- 1) kapitali 11 malillugu ingerlatseqatigiiffiup aningaasaataanik appartisinermut atasumik,
- 2) kattunnermi, agguataarinermi allatigullu annertuutigut kingornussinermeri pigisatigut iluanaarutinut ikaarsaarnermut atasumik,
- 3) inatsisitigut aalajangerneqartumik aningaasanngortitsinissamut pisussaaffiup naammassineranut, imaluunniit

4) pissarsiassap ingerlatseqatigiiffiummit pissarsiarineqartussap naammassineqarnissaanut pinngitsaaliilluni akitsorterussinermi aningasaatinit piginneqataassutit tamakkiisumik akilerneqarsimasut akilerneqarnerinut.

*Ingerlatseqatigiiffimi piginnittumi aningasaatinik piginneqaraassutinik
ingerlatseqatigiiffiup pigineqartup pissarsinera*

§ 201 §§ 196-200 ingerlatseqatigiiffiup pigineqartup pigisassatut imaluunniit qularnaveeqquasiinertut ingerlatseqatigiiffimmi piginnittumi aningasaatinik piginneqataassutinik pissarsineranut taamaataanik atorneqarput.

Aningasaatinik piginneqataassutit pissarsiarineqarsimasut tunineqarneri

§ 202 Aningasaatinik piginneqataassutit, § 196 naapertorlugu akissarsiaqartitsinani pissarsiarineqarsimasut aamma aningasaatinit piginneqataassutit § 200, n. 2-4 naapertorlugu pissarsiarineqarsimasut tuniniarneqassapput tamanna ingerlatseqatigiiffimmut aningasaliiffiusumut akornusiinani pisinnaalerpat, taamaattorli imm. 2 tak.

Imm. 2. Tunisineq pissaaq pissarsereernermit kingusinnerpaamik ukiut pingasut qaangiutsinnagit, ingerlatseqatigiiffiup nalinga taassumalu ingerlatseqatigiiffiini pigisaani ingerlatseqatigiiffimmi aningasaliiffiusumi piginneqataassutinut uninngasuutit tamarmiusut ingerlatseqatigiiffiup sillimmataanit killilersorneqanngitsunit annerunngippata.

§ 203 Aningasaatinit piginneqataassutit pigisassat, §§ 196-201-mut akerliusumik pigilerneqarsimasut, piaarnerpaamik aamma pissarsereernerup kingusinnerpaamik qaammatit arfinillit qaangiutinnginnerini tunineqassapput.

Imm. 2. Aningasaatinik piginneqataassutit qularnaveeqqutigisat §§ 196-201-imut akerliusumik pissarsiarineqarsimappata qularnaveeqquasiimaneq piaarnerpaamik aamma pissarsereernerup kingusinnerpaamik qaammatit arfinillit qaangiutinnginnerini atorunnaarsinneqassapput.

§ 204 Aningasaatinit piginneqataassutit §§ 202 aamma 203 malillugu tunineqarsimanngippata ingerlatseqatigiiffiup aningasaliiffiusup qitiusumik aqutsisui suliniuteqarnerisigut aningasaatinik piginneqataassutit taakku nalinginut ingerlatseqatigiiffiup aningasaatai appartinnejqassapput, kapitali 11 tak.

Namminerisamik aningasaatinik piginneqataassutinik pisumalluni nalunaarneq

§ 205 Ingerlatseqatigiiffik aningasaliiffusoq aningasaatinik namminerisamik piginneqataassutissanik pisumalluni nalunaaruteqassangilaq.

Imm. 2. Aningasaatinik piginneqataassutit, allap atianut allamit pisariumallugit nalunaarutigineqartut, kisianni ingerlatseqatigiiffiup akiligassai, allap akiligaatut pisariumaneqartutut isigineqarput.

Imm. 3. Aningasaatinik piginneqataassutit, imm. 1-mut akerliusumik ingerlatseqatigiiffiup atianut pisariumallugit nalunaarutigineqartut, pilersitsisunit imaluunniit, ingerlatseqatigiiffiup aningasaataani qaffasoqartillugu, ingerlatseqatigiiffiup aqutsisuini ilaasortat nammineq akiligaattut pisariumaneqartutut isigineqarput taamaalillunilu taakku pisinermi akiliummut nammaqatigiillutik akisussaallutik. Tamannali pilersitsisunut imaluunniit ingerlatseqatigiiffiup aqutsisuini ilaasortanut, aningasaatinik piginneqataassutinik pisumalluni nalunaarneq inatsisinik unioqqutitsinerusoq takusimanagu imaluunniit takusimasariaqarluarlugu upternarsaasinnaasunut atuutinngilaq.

Imm. 4. Imm. 1 taamaaqataanik ingerlatseqatigiiffimmi piginnittumi aningasaatinik piginneqataassutinik ingerlatseqatigiiffiup pisiumaneranut atorneqssaaq.
Ingerlatseqatigiiffimmi piginnittumi aningasaatinik piginneqataassutit pineqartut ingerlatseqatigiiffiup pigeqartup aqutsisuinit pisiariumaneqartutut isigineqarput, imm. 3 tak.

Kapitali 13

Ingerlatseqatigiiffiup aningaasaliiffiusup nammineq aningaasaatai atorlugit aningaasatigut ikiunneq

Imminut aningaasalersorneq

§ 206. Ingerlatseqatigiiffik aningaasaliiffiusoq ingerlatseqatigiiffimmi imaluunniit taassuma ingerlatseqatigiiffiani piginnittumi aningasaatinik piginneqataassutinik allap pissarsinissaanut toqqaannartumik toqqaannanngitsumilluunniit aningasanik atugassiissanngilaq, taarsigassarsisitsissanngilaq imaluunniit qularnaveeqqusissanngilaq, taamaattorli imm. 2 aamma §§ 213 aamma 214 tak.

Imm. 2. Imm. 3-mi piumasaqaatit aamma ataatsimeersuarnerup akuersinera, aalajangiinerup illersorneqarsinnaaneranut piumasaqaatit, qitiusumik aqutsisut nassuaataat pillugu §§ 207209 aamma niuerfinni piumasaqaatit nalinginnaasut naammassineqarsimappata ingerlatseqatigiiffimmi imaluunniit taassuma ingerlatseqatigiiffiani piginnittumi aningasaatinik piginneqataassutinik allap pissarsinissaanut atatillugu ingerlatseqatigiiffik aningaasaliiffiusoq toqqaannartumik toqqaannanngitsumilluunniit aningasanik atugassiisinnaavoq, taarsigassarsisitsissinnaavoq imaluunniit qularnaveeqqusissinnaavoq.

Imm. 3. Ingerlatseqatigiiffiup aningaasaatigut ikiuinermik pissarsisut aningasanik atorsinnaanerannik tatiginartuunersut naliliiffigineqarnissaat ingerlatseqatigiiffiup aningaasaliiffiusup qitiusumik aqutsisuisa qulakkiissavaat, imm. 2 tak.

§ 207. Ataatsimeersuarnerup akuersinera § 206, imm. 2 naapertorlugu aningaasatigut ikiorsiisoqarnissaa sioqqullugu pigeqassaaq. Ataatsimeersuarnerup aalajangiinissaanut atugassamik allakkatigut nassuaat paassisutissanik makkuninnga imaqartoq ingerlatseqatigiiffiup qitiusumik aqutsisut saqqummiutissavaat
1) aningaasatigut ikiorsiinissaq pillugu siunnersummut tunuliaqutaasoq,
2) taamatut iliuuseqarnerup naammassineqarnerani ingerlatseqatigiiffiup soqtigisai,
3) naammassinninnermut atasut piumasaqaatit,
4) iliuuserisap ingerlatseqatigiiffiup akiliisinnaassusianut akissaqassusianullu kingunerisinnaasaanik nalilersuineq, kiisalu
5) akiusoq allap aningaasaatinit piginneqataassutinut akiligassaa.

Imm. 2. Ataatsimeersuarnerup akuersineq pillugu aalajangiinera, imm. 1 tak., malittarisassanik allannguinissamut piumasarineqartoq assigalugu taamaaqataanik amerlanerussuteqarnikkut aalajangiiffigineqassaaq, § 106 tak.

Imm. 3. Nassuaat, imm. 1 tak., Erhvervsstyrelsip qarasaasiaqarfiani tamanut saqqummiunneqassaaqens imaluunniit tamanut saqqummiunneqarnissaa siunertaralugu, ataatsimeersuarnerup akuersineranit kingusinnerpaamik sapaatit akunneri tallimat qaangiutsinnagut Erhvervsstyrelsimit tiguneqarsimassalluni.

§ 208. § 206, imm. 2 malillugu ingerlatseqatigiiffiup aningaasaliiffiusup allamut aningaasatigut ikiorsiinera piffissami qaqqugulluunniit ingerlatseqatigiiffiup aningaasaqarnikkut inisisimaneranik eqqarsaatigalugu illersorneqarsinnaasumik

qaangiissanngilaq. Ingerlatseqatigiiffik piginnittooq pineqarpat, §§ 6 aamma 7 tak., aningaasaqarnikkut ikiorsiineq tamarmiusoq suliffeqarfissuup aningaasaqarnikkut inissisimaneranik eqqarsaatigalugu illorsorneqarsinnaasumik qaangiissanngilaq. Ingerlatseqatigiiffik aningaasaliiffiusup iluanaarutitut tunniunneqarsinnaasut aningaasat tassunga taamaallaat atorsinnaavai, § 180, imm. 2 tak.

§ 209 Alla ingerlatseqatigiiffimmit aningaasaliiffiusumit aningaasaqarnikkut ikiorserneqarluni, § 206, imm. 2 tak., ingerlatseqatigiiffimmi aningaasaatinik piginneqataassutinik pissarsippat aningaasaqarnikkut ikorsiinermi akiliutigineqartup niuerfimmi piumasaqaatit nalinginnaasut atorlugit pissaaq. Taamaaqataanik atuutissaq, alla aningaasaatinit piginneqataassutinik pisumalluni nalunaarpat, § 162 tak., aningaasaatit pisariuminartut qaffannerinut atasumik.

Ingerlatseqatigiiffinnut piginnittunut, aningaasaatinik piginnittunut, aqutsisuni ilaasortanut il.il. aningaasatigut ikorsiineq

§ 210 Ingerlatseqatigiiffik aningaasaliiffusoq aningaasaatinik piginnittunut imaluunniit ingerlatseqatigiiffimmi aqutsisunut toqqaannartumik toqqaannanngitsumilluunniit aningaasanik atugassiissanngilaq, taarsigassarsisitsissanngilaq imaluunniit qularnaveeqqusissanngilaq, taamaattorli §§ 211-214 tak. Taamaaqataanik aningaasaatinik piginnittunut imaluunniit ingerlatseqatigiiffiup ingerlatseqatigiiffiani piginnittumi aqutsisunut aamma ingerlatseqatigiiffimmi piginnittuunngitsumi suliffeqarfinni allani, ingerlatseqatigiiffik pillugu aalajangiisutut sunniuteqartunut naleqqiullugu atuupput. Oqaaseqatigiit siullit aamma inunnut aappariinnermikkut, toqqaannartumik qummut ammulluunniit ilaquaqtartunut allatigulluunniit immikkut qanigisaasunut oqaaseqatigiinnut siullernut aappaanulluunniit ilaasunut inunnut atasunut aamma atuupput.

Imm. 2. Ingerlatseqatigiiffilli aningaasaliiffusoq imm. 1 apeqquatainnagu imminut aningaasalersornissaq pineqartillugu imm. 1-mi taaneqartoq aningaasatigut ikorsiisinnaavoq, §§ 206-209-mi maleruagassat tak.

§ 211 Ingerlatseqatigiiffiup piginnittup kalaallit nunaanni nunanilu allani aalajangersimasuni pisinnaatitaaffit pillugit ingerlatseqatigiiffik aningaasaliiffusoq toqqaannartumik toqqaannanngitsumilluunniit aningaasanik atugassiisinnaavoq, taarsigassarsisitsissinnaavoq imaluunniit qularnaveeqqusissinnaavoq.

Imm. 2. Nunani allani ingerlatseqatigiiffiit piginnittut sorliit imm. 1-mi ilaandersut pillugu maleruagassanik erseqqinnerusunik Erhvervsstyrelsi aalajangersaasinnaavoq.

§ 212 § 210 apeqquatainnagu nalinginnaasumik niuernikkut iliuuseqarnerminut atasumik inunnut § 210-mi eqqaaneqartunut ingerlatseqatigiiffik aningaasaliiffusoq toqqaannartumik toqqaannanngitsumilluunniit aningaasanik atugassiisinnaavoq, taarsigassarsisitsissinnaavoq imaluunniit qularnaveeqqusissinnaavoq.

Aningaaserivinnut il.il. tunngasuni ilaatisinnginneq

§ 213 §§ 206 aamma 210 aningaaserivinnut aamma illumumik qularnaveeqqusilliuni taarsigassarsisitsisunut illumumik qularnaveeqqusilliuni taarsigassarsisitsisarfinnut atorneqassanngillat.

Sulisunut tunngatillugu ilaatisinnginneq

§ 214 §§ 206 aamma 210 taamaaqataanik ingerlatseqatigiiffimmi imaluunniit ingerlatseqatigiiffimmi pigineqartuni sulisunit imaluunniit sulisunut aningaasaatinik piginneqataassutinik pissarsinissaq siunertalarugu iliuuserisanut atorneqassanngillat.

Imm. 2. Qitiusumik aqtsisunut aqtsinermi allattaavik imm. 1-mi ilaasut iliuuserisat suulluunniit pillugit oqaaseqaatinik imaqassaaq.

Imm. 3. Imm. 1-mut ilaasut iliuuserisat § 180 naapertorlugu iluanaarutitut akiliutigineqartut atorlugit aningaasat atorlugit taamaallaat pisinnaapput.

Utertitsilluni akiliineq

§ 215 §§ 206 aamma 201-mut akerliusumik ingerlatseqatigiiffik aningaasaliiffiusoq aningaasatigut ikorsiisimappat aningaasat ingerlatseqatigiiffimmut utertinneqassapput kunngip peqqussuteqarneratigut Kalaallit Nunaannut atulersinneqartumik kingusinaartumik akiliinermi il.il. erniat pillugit inatsimmi § 5, imm. 1 aamma 2-mi aalajangersarneqartunut ernianut naapertuuttumik aningaasat ukiumut ernialerlugit, qaffasinnerusumik ernialiisoqarnissaa isumaqatigiissutigineqarsimanngippat.

Imm. 2. Utertitsilluni akiliineq pisinnaanngippat, imaluunniit allatigut aningaasatigut ikorsiineq pillugu isumaqatigiissutit atorunnaarsinnejqarsinnaanngippata, §§ 206 aamma 210-mut akerliusumik isumaqatigiissuteqarsimasut imaluunniit iliuuserimasaminnik ingerlatitsiinnarsimasut inuit ingerlatseqatigiiffiup aningaasaliiffiusup annaasaanut akisussaassapput.

Imm. 3. §§ 206 aamma 210-mut akerliusumik qularnaveeqqusiiinerit ingerlatseqatigiiffimmut pituttinerupput, isumaqatigiissuteqarfingineqartoq aalajangersakkanut taakkununnga akerliusumik qularnaveeqqusiiisoqarsimaneranik ilisimasaqanngippat.

Kapitali 14

Ingerlatseqatigiiffiit aningaasaliiffiusut atorunnaarsinneri

Nalunaaruteqarnikkut atorunnaarsitsineq

§ 216 Ingerlatseqatigiiffinni aningaasaliiffiusuni, akiligassaqarfiit tamarmik akilerneqarsimasuni, atorunnaarsitsineq pissaaq akiitsut tamarmik, akilerneqarsimasut akilerneqarsimanngitsullu, akilerneqarsimaneri aamma ingerlatseqatigiiffiup aningaasaliiffiusup atorunnaarsinnissaa pillugu aalajangiineq pillugit aningaasaatinik piginnittut Erhvervsstyrelsimit nalunaaruteqarnerisigut. Aningaasaatinik piginnittut aqqi najugaalu nalunaarummi allanneqarsimassapput.

Imm. 2. Imm. 1 malillugu nalunaarut atsioreernermit kingusinnerpaamik sapaait akunneri tallimat qaangiutsinnagut styrelsimit tiguneqarsimappat aamma ingerlatseqatigiiffimmut aningaasaliiffiusumut tunnngasunik akileraarutinik akitsuutinillu piumasaqaatit pillugit

akitsuuserinermi akileraartarnermullu ingerlatseqatigiiffiit ingerlasut ilanngunneqarsimappat atorunnaarsitsineq taamaallaat Erhvervsstyrelsimit nalunaarsoneqarsinnaavoq.

Imm. 3. 1ngerlatseqatigiiffiik atorunnaassaaq ingerlatseqatigiiffiit ingerlasut pillugit Erhvervsstyresip nalunaarsorsimaffianiit peerneqarpat.

Imm. 4. Piffissami nalunaarutip tunniunneqarnerani akiitsunut, akilerneqarsimasut akilerneqarsimanngitsullu imaluunniit isumaqatigiinngissutausnut aningasaatinik piginnittut inuttut, nammaqatigiillutik killilersorneqanngitsumik akisussaapput. Aningasanik sinneqartoortoqarpat taakku aningasaatinik piginnittut akornanni agguardeqassapput.

Atorunnaarsitsinerup atuutilernera pillugu aalajangiineq

§ 217 Atorunnaarsitsinermi ingerlatseqatigiiffiup aningasaasaliiffiup kajumissutsimik atorunnaarsinneqarnera pillugu ataatsimeersuarneq aalajangiissaq, inatsisini allanik aalajangersaasoqarsimanngippat.

Imm. 2. Aalajangiineq malittarisassanik allannguinermi piumasarineqartunik taasinernik amerlanerussuteqarnikkut aalajangiiffigineqassaaq, § 106 tak. Atorunnaarsitsineq inatsisini imaluunniit ingerlatseqatigiiffiup aningasaasaliiffiusup malittarisassaani imaluunniit peqqussut manna malillugu Erhvervsstyrelsimit peqqussutigineqarluni atorunnaarsitsisoqarpat nalinginnaasumik amerlanerussuteqarnikkut aalajangiisoqassaaq, § 105 tak.

Atorunnaarsitsisumik toqaaneq

§ 218 Ingerlatseqatigiiffiup atorunnaarsinneqarnissaanik isumaginnittussamik atorunnaarsitsisumik ataatsimik arlalinnilluunniit ataatsimeersuartut toqqaassapput. Piffissami kajumissutsimik atorunnaarsitsinissaq pillugu aalajangiinermi, § 217, imm. 1 tak., taamaaqataanik § 229. imm. 1 atorunnaarsitsisussamik toqqaasoqarnissaata tungaanut aqutsisut iliuuserisaannut atorneqassaaq.

Imm. 2. Aningasaatinik piginnittut, ingerlatseqatigiiffiup aningasaataanik ikinnerpaamik 25 pct.-imik piginnittut, ataatsimeersuarnermi toqqaarneqartut atorunnaarsitsisut allat peqatigalugit atorunnaarsitsinerup isumaginissaanut atorunnaarsitsisussamik ataatsimeersuarnermi toqqaasinnaatitaapput.

§ 219 Atorunnaarsitsisoq ataaseq arlallilluunniit aqutsisunut taarsiullutik ingerlassapput. Peqqussutip matuma ingerlatseqatigiiffiup aqutsisui pillugit aalajangersagai atorunnaarsitsisumi ataatsimi arlalinnilluunniit pisariaqartutigut naleqqussarneqarlutik atuutissapput.

Imm. 2. Atorunnaarsitsisoq toqqaasumit imaluunniit pineqartumik toqqaasumit qaqugukkulluunbnit soraarsinneqarsinnaavoq.

Imm. 3. Peqqussummi matumani aamma ukiumoortumik naatsorsuutit pillugit inatsimmi, kunngip peqqussuteqarneratigut Kalaallit Nunaannut atulersinneqartumi naatsorsuutinik saqqummiussineq, kukkunersiuineq, ataatsimeersuarneq aamma ukiumoortumik nalunaarutit Erhvervsstyrelsimit nassiunneqarnissai pillugit aalajangersakkat taamaaqataanik kapitali manna malillugu allaassuteqartumik ingerlatseqatigiiffinnut atorunnaarsinneqartunut atorneqassapput.

Atorunnaarsitsinerup nalunaarutigineqarnera

§ 220. Atorunnaarsitsinerup atulernissaa pillugu aalajangiinerup nalunaarutigineqarnera aalajangiisoqarneraniit kingusinnerpaamik sapaatit akunneri tallimat qaangiutsinnagit Erhvervsstyrelsimit tiguneqarsimanissa atorunnaarsitsisup qulakkiissavaa.

Imm. 2. Ingerlatseqatigiiffiup atorunnaarsinneqartoq taaguutini pigiinnassavaa »atorunnaarsinneqartoq« ilangullugu. Nalunaarsuinermut tunngasuni § 228, imm. 1 atorneqassaaq.

Imm. 3. Ingerlatseqatigiiffimmi aningaasaliiffiusumi atorunnaarsitsinerup atulersinnersa pillugu aalangiisoqarpat ingerlatseqatigiiffimmut aningaasaliiffiusumut tunngasut pissutsinik nalunaarsorneqarsimasunik allannguineq pillugu aalajangiisoqarsinnaanngila uku eqqaassannangikkaanni:

- 1) Atorunnaarsitsisup allannguinera.
- 2) Ingerlatseqatigiiffiup ukiumoortumik naatsorsuutaanik il.il. kukkunersiuisussatut toqqarneqarsimasup ingerlatseqatigiiffiup kukkunersiuisuata allanngortinnejnarnera.
- 3) Aningaasaatinik qaffaaneq.
- 4) Ingerlatseqatigiiffiup aningaasaliiffiusup ukiumoortumik naatsorsuutissaanik il.il. kukkunersiuineq pillugu siusinnerusukkut aalajangiinerup allanngortinnejnqarnissaa pillugu ataatsimeersuarnerup malitsigisaanik malittarisassanik allannguineq, ingerlatseqatigiiffik aningaasaliiffiusoq kunngip peqqussuteqarneratigut Kalaallit Nunaannut atulersinneqartumik ukiumoortumik naatsorsuutit pillugit inatsit, imaluunniit inatsisit allat malillugit kukkunersiuisoqarnissaanik pisussaaffeqarnermut ilaangippat, § 88, imm. 1, nr. 3 tak.
- 5) Ingerlatseqatigiiffiup najugaqarfiata atorunnaarsitsisup najugaanut allanngortinnejnarnera, manna tikillugu najugarisami ingerlatseqatigiiffimmut atassuteqarnissaq ajornarpat, imaluunniit qaqtigoortumik pissutsit aalajangersimasut tamatumunnga pissutissaqartitsippata.
- 6) Pilersitseqqinneaq, § 231 tak.
- 7) Kattunneq, taamaattorli § 246, imm. 1, aamma § 247, imm. 1 tak.
- 8) Agguataarineq, taamaattorli § 264 aamma § 265, imm. 1 tak.
- 9) (Kalaallit Nunaannut atulersinneqanngilaq)
- 10) (Kalaallit Nunaannut atulersinneqanngilaq)

Akiligassaqarfinnut kaammattuineq

§ 221. § 220, imm. 1 malillugu Erhvervsstyrelsip qarasaasiaqarfianut nalunaarsorneqarnermi tamanullu saqqummiussinermi tamanut saqqummiussinermi ullormiit kingusinnerpaamik qaammatit pingasut kingorna ingerlatseqatigiiffiup aningaasaliiffiusup akiligassaqarfii piumasaqaatiminnik nalunaaruteqarnissamut kaammattorneqarput. Atorunnaarsitsisoq § 220, imm. 1 naapertorlugu atorunnaarsitsineq pillugu aalajangiinerup nalunaarutigineqanerata peqatigisaanik atorunnaarsitsisup aalajangiineq akiligassaqarfinnut ilisimaneqartunut tamanut nalunaarutigissavaa.

Imm. 2. Imm. 1-mi qaammatinik-pingasunik-killiliussaq naappat atorunnaarsitsisup siusinnerpaamik atorunnaarsinneqartup pigisai inaarsinnaavai.

Imm. 3. Kajumissaarineq nalunaarutigineqartutut akuerineqanngippat allakkatigut tammatsaaliukkatigut allatigulluunniit nalunaaruteqarnikkut tamanna pillugu akiligassarfik nalunaarfigineqassaaq, taamaalilluni tigusineq isumannaatsumik uppernarsarneqarsinnaalluni. Aalajangiinerup qularutiginissa kissaatigineqarpat apeqquq nassiussisoqareerneraniit kingusinnerpaamik sapaatit akunneri arfineq marluk qaangiutsinnagit pigisanik

agquaassisarnermut eqqartuussivimmut suliassanngortinneqarnera pillugu akiligassaqarfik nalunaarfigineqassaaq.

Imm. 4. Pissarsiassat, atorunnaarsitsinerup pigisai inaarneqareernerisa kingorna nalunaarutigineqarpata, aningasaatinik piginnittunut aningaasanit suli tunniunneqanngitsunit matussuserneqassapput.

Iluanaarutinik tunniussineq aamma atorunnaarsitsinermi iluanaarutit

§ 222 Aningasaatinik piginnittut ukiumoortumik nalunaarusiaq kingullermik akuerineqartoq tunuliaqutaralugu ingerlatseqatigiiffimmi atorunnaarsinnejartumi iluanaarutit tunniunneqarnissaat akuersissutigisinnavaat.

Imm. 2. Imm. 1 malillugu iluanaarutinik tunniussineq §§ 180-183 aamma 194-mi iluanaarutit aamma immikkut ittumik iluanaarutit pillugit maleruagassat nalinginnaasut malillugit pissaq.

§ 223 Atorunnaarsitsinermi iluanaarutinik aningasaatinik piginnittunut tunniussineq aatsaat pisinnaavoq § 221, imm. 1-mi pineqartoq tamanut saqqummiussinermut aalajangerneqartoq piffissaliussaq naappat aamma akiligassaqarfinnut ilisimaneqartunut akiitsut akilerneqareerpata, taamaattorli imm. 2 tak.

Imm. 2. Isumannaatsumik qularnaveeqquisoqarpat, atorunnaarsitsinerup naammassineqarnissa sioqqullugu iluanaarutinik tunniussigallartoqarsinnaavoq, pisuni, § 221, imm. 1 tak., akiligassaqarfinnut kajumissaarut piffissaliussaq aalajangerneqarsimasoq, § 221, imm. 1 tak., naasimappat aamma akiligassaqarfiit piumasaqaataat akilerneqarsimallutik. Iluanaarutinik tunniussigallarneq § 194 malillugu utertillugu akileqquneqarsinnaavoq.

§ 224 Pigisanik suliarinninneq naammassippat ingerlatseqatigiiffiup inaarutaasumik atorunnaarsinnejarnera pillugu ataatsimeersuartut aalajangiisinnaapput. § 221, imm. 3, oqaaseqatigiit aappaat naapertorlugu isumaqatigiinngissutaasinnaasut inaarutaasumik aalajangiiffigitinnagit pigisanik suliarinninneq naammassineqaqqusaanngilaq. Atorunnaarsitsinermi iluanaarutit pigisanik suliarinninnerup naammassineqarnera sioqqullugu imaluunniit kingornatigut tunniunneqarsinnaapput, taamaattorli § 223 tak.

Imm. 2. Inaarutaasumik atorunnaarsitsinermi naatsorsuutit aningasaatinik piginnittunit akuerineqarneriniit kingusinnerpaamik sapaatit akunneri tallimat qaangiutsinnagit atorunnaarsitsisut tamanna pillugu nalunaarutaat Erhvervsstyrelsimit tiguneqarsimassaaq. Tassani nalunaarnermi atorunnaarsitsinermi naatsorsuutit ilanngussatut ilaatinneqassapput. Ingerlatseqatigiiffik ukiumoortumik naatsorsuutit pillugit inatsimmi, kunngip peqqussuteqarneratigut Kalaallit Nunaannut atulersinneqartoq malillugu kukkunersiuisoqarnissaanik pisussaaffeqarnermut ilaappat atorunnaarsitsinermi naatsorsuutit kukkunersiorneqassapput. Tamatuma kingorna ingerlatseqatigiiffik Erhvervsstyrelsimi peerneqassaaq.

Pinngitsaaliinikkut atorunnaatsitsineq

§ 225 Ingerlatseqatigiiffiup aningaasaliiffiusup atorunnaarsinnejarnissa pillugu pigisanik agguaasinermut eqqartuussivik Erhvervsstyrelsip qinnutigisinnavaa, pisariaqassappat § 226 malillugu

1) Ukiumoortumik naatsorsuutit pillugit inatsimmi, kunngip peqqussuteqarneratigut Kalaallit Nunaannut atulersinneqartoq malillugu pissusissamisoortumik ingerlatseqatigiiffiup

aninaasaliiffiusup ukiumoortumik nalunaarusiaa akuerineqarsimasoq piffissaagallartillugu Erhvervsstyrelsimit tiguneqarsimannngippat,
2) ingerlatseqatigiiffik aninaasaliiffiusoq peqqussummi imaluunniit ingerlatseqatigiiffiup malittarisassaani aalajangerneqartumi aqutsisoqanngippat imaluunniit najugaqanngippat,
3) ingerlatseqatigiiffik aninaasaliiffiusoq kukkunersiuismik nalunaaruteqarsimannngippat, naak ukiumoortumik naatsorsuutit pillugit inatsimmi, kunngip peqqussuteqarneratigut Kalaallit Nunaannut atulersinneqartoq imaluunniit inatsisit allat malillugit kukkunersiuisoqarnissaanut pisussaaffeqartunut ilaagaluarluni,
4) ingerlatseqatigiiffik aninaasaliiffiusoq kukkunersiuismik nalunaaruteqarsimannngippat, naak ingerlatseqatigiiffiup ukiumoortumik naatsorsuutai il.il. kukkunersiorneqatussat ataatsimeersuartut aalajangiisimagaluartut, imaluunniit
5) ingerlatseqatigiiffiup aningasaataanik aggersarneqartunik, naammassinninngitsutut paasineqartunik kaammattuinernut ingerlatseqatigiiffiup aqutsisui qisuarisimannngippata.

Imm. 2. Imm. 1 malillugu amigaatigineqartunik ingerlatseqatigiiffik aninaasaliiffiussutigut ikiuinissaanut piffissaliussamik Erhvervsstyrelsi aalajangersaasinnaavoq. Styrelsimit aalajangersarneqartup piffissaliussap kingusinnerpaamik naanerani amigaatigineqartoq ikiorserfigineqanngippat pinngitsaaliinikkut atorunnaarsitsisoqarnissaa pillugu styrelsi aalajangiisinnavaoq.

§ 226 Atorunnaarsitsineq, tamanna inatsisini imaluunniit ingerlatseqatigiiffiup aninaasaliiffiusup malittarisassaanit imaluunniit peqqussummi matumani malederugassat malillugit Erhvervsstyrelsimit, § 217, imm. 2, oqaaseqatigiit aappaat tak.,, peqqussutigineqartumi ingerlatseqatigiiffimmit akuerineqanngippat, imaluunniit atorunnaarsitsisussaq toqqarneqanngippat ingerlatseqatigiiffiup atorunnaarsinneqarnissaa pillugu Erhvervsstyrelsip pigisanik agguassinermut eqqartuussivik qinnuigisinnavaa.

Imm. 2. Imm. 1 taamaaqataanik atorneqassaaq, ingerlatseqatigiiffiup pinngitsaaliinikkut atorunnaarsinneqarnissaa § 230 naapertorlugu eqqartuussivimmit aalajangerneqarsimappat.

§ 227 Ingerlatseqatigiiffiup aninaasaliiffiusup pigisanik agguassinermut eqqartuussivimmi pinngitsaaliinikkut atorunnaarsinneqarnissaa Erhvervsstyrelsip qarasaasiaqarfianut tamanut saqqummiussassanngorlugu nassiunneqarnissaa Erhvervsstyrelsi aalajangiisinnavaoq.

Imm. 2. Ingerlatseqatigiiffiup aninaasaliiffiusup taaguutini pigiinnassavaa »pinngitsaaliinikkut atorunnaarsinneqarlersoq« ilassutigalugu.

Imm. 3. Pigisanik agguassinermut eqqartuussivik atorunnaarsitsisumik ataatsimik arlalinnilluunniit toqqaasinnaavoq. Pigisanik agguassinermut eqqartuussivik aamma kukkunersiuissamik toqqaasinnaavoq. Pinngitsaaliinikkut atorunnaarsitsinernut aamma kapitalimi matumani atorunnaarsitsineq pillugu aalajangersakkat atuupput taamaattorli pigisanik agguassinermut eqqartuussivik imaluunniit eqqartuussivimmit tassunga piginnaatinneqartoq ingerlatseqatigiiffimmi pissutsini aalajangiisinnalluni. Atorunnaarsitsinermi aningasaartuutit pisariaqassappat naalagaaffiup karsianit akilerneqassapput.

Imm. 4. Pigisanik suliarinninneq naammassineqarpat tamanna pigisanik agguassinermut eqqartuussviup Erhvervsstyrelsimit nalunaarutigissavaa, taassumalu ingerlatseqatigiiffiup atorunnaarsinnera Erhvervsstyrelsip qarasaasiaqarfiani nalunaarsorlugu.

§ 228. Ingerlatseqatigiiffik aningaasaliiffiusoq pinngitsaaliinikkut atorunnaarsinnejassasoq Erhvervsstyrelsi aalajangiisimappat ingerlatseqatigiiffimmut aningaasaliiffiusumut tunngasunik pissutsinik nalunaarsorneqarsimasunik allannguisoqarnissaa pillugu aalajangiisoqarsinnaanngilaq, uku eqqaassanngikkaanni:

- 1) Atorunnaarsitsisumik pigisanik agguassinermut eqqartuussivimmit toqqarneqartumik ikkussineq, § 227, imm. 3, oqaaseqatigiit siullit tak.
- 2) Atorunnaarsitsisup pigisanik agguassinermut eqqartuussivimmit toqqarneqartup allanngortinnera.
- 3) Kukkunersiuismik pigisanik agguassinermut eqqartuussivimmit toqqarneqartumik ikkussineq, § 227, imm. 3, oqaaseqatigiit aappaat tak.
- 4) Kukkunersiusup pigisanik agguassinermut eqqartuussivimmit toqqarneqartup allanngortinnera.
- 5) Pilersitseqqinneq, § 232 tak.
- 6) Kattunneq, §§ 236-253 tak, taamaattorli imm. 2 tak.
- 7) Agguataarineq, §§ 254-270 tak, taamaattorli imm. 2 tak.
- 8) (Kalaallit Nunaannut atulersinneqanngilaq)
- 9) (Kalaallit Nunaannut atulersinneqanngilaq)

Imm. 2. Kattunneq imaluunniit agguataarineq pillugu aalajangiinissamut pisariaqarpoq pigisanik agguassinermut eqqartuussiviup imaluunniit pigisanik agguassinermut eqqartuussivimmit toqqarneqartoq atorunnaarsitsisup tamatuminnga akuersinissaa.

Imm. 3. Kattunnermi ingerlatseqatigiiffik ingerlaannartoq imaluunniit agguataarinermi ingerlatseqatigiiffik tigusisuusoq pinngitsaaliinikkut atorunnaarsinniarneqarpat nuussinissaq taamaallaat akuerineqarsinnaassaaq tamatuma peqatigisaanik ingerlatseqatigiiffiup pileqqinnejarnissaa pillugu aalajangiisoqarpat, § 232 tak.

§ 229. Piffissami ingerlatseqatigiiffiup aningaasaliiffiusup pigisanik agguassinermut eqqartuussivimmut nassiunneqarneraniit atorunnaarsitsisussamik toqqaasoqarnissaata, imaluunniit ingerlatseqatigiiffiup atorunnaarsinneqarnissaata tungaanut manna tikillugu ingerlatseqatigiiffimi aningaasaliiffiusumi aqutsisut taamaallaat pisariaqartunik, aamma ingerlatseqatigiiffimmut taassumalu akiligassaqarfiiut ajoqusiinngitsunik iliuuseqarsinnaapput.

Imm. 2. Manna tikillugu ingerlatseqatigiiffimmi aningaasaliiffiusumik aqutsisut ingerlatseqatigiiffiup manna tikillugu sulinera pillugu paasissutissanik pisariartunik annertussuseqartunik pigisanik agguassinermut eqqartuussivimmut aamma pigisanik agguassinermut eqqartuussivimmit toqqarneqartumut atorunnaarsitsisumut ikiuinissamut pisussaaffeqarput. Pigisanik agguassinermut eqqartuussivik manna tikillugu ingerlatseqatigiiffiup aqutsisiniit paasissutissanik pissarsisinnaanngippat ingerlatseqatigiiffiup manna tikillugu kukkunersiuisoraaanut taamaaqataanik atuupput. Pigisanik agguassinermut eqqartuussivimmut, tassunga ilanngullugu pigisanik agguassinermut eqqartuussiviup toqqagaa atorunnaarsitsisumut, paasissutissanik, maannakkut siunissamilu piumasaqaatinik nalilersuinermut pisariaqartunik aqutsisut kukkunersiuisorlu tunniussissaaq.

Imm. 3. Suliffeqarfissuarni suliffeqarfinni pigeeqartuni aqutsisut aamma pigisanik agguassinermut eqqartuussivimmut, tassunga ilanngullugu pigisanik agguassinermut eqqartuussiviup toqqagaa atorunnaarsitsisumut ikiuuttussaapput, imm. 2 tak., ingerlatseqatigiiffik piginnittoq pinngitsaaliinikkut atorunnaarsinneqarnissaanut tunniunneqarpat.

Imm. 4. Imm. 2 aamma 3 naapertorlugu paassisutissanik pissarsinissaq siunertaralugu ingerlatseqatigiiffiup aqutsisuni siusinnerusukkut ilaasortaasimasut aamma ingerlatseqatigiiffiup manna tikillugu kukkunersiusui pigisanik agguassinermut eqqartuussiviup aggersarsinnaavai.

Eqqartuussivitsigut pinngitsaaliiinikkut atorunnaarsitsineq

§ 230 Aningasaatinik piginnittut § 108-mut akerliusumik ataatsimeersuarnermi aalajangiinermut piaaralutik peqataasimappata allatigulluunniit ingerlatseqatigiiffimmi aningaasaliiffiusumik sunniuteqarnerminnik atornerluisimagunik imaluunniit peqqusummik matuminnga imaluunniit ingerlatseqatigiiffiup malittarisassaanik unioqqutitsinermi peqataasimagunik, eqqartuussivik, atornerluinerup sivisussaata malitsigisaanik imaluunniit allanik peqquteqartumik tamatumunnga pissutissaqartitsisoqarpat, ingerlatseqatigiiffiup aningasaataanik ikinnerpaamik qulerarterutaanik sinniisut aningasaatinik piginnittut oqaaseqarnerat malillugu, aalajangiisinhaavoq ingerlatseqatigiiffik aningaasaliiffusoq pinngitsaaliiinikkut atorunnaarsinnejassasoq.

Pilersitseqqinneaq

§ 231 Ingerlatseqatigiiffik aningaasaliiffusoq § 106 isiginiarlugu pilersitseqqinneaq aallartinneqarsimanngippat. Pilersitseqqinissamut piumasaqaataavoq aqutsisunik kukkunersiusumillu toqqaasoqassasoq, aamma aningasaatit pigineqarneri pillugit naliisartumiit nalunaarusiortoqarluni, § 37 tak. Ingerlatseqatigiiffiup aningasaatai aningasanit pigineqartunit appartinneqassapput. Tamatuma kingorna ingerlatseqatigiiffiup aningasaatai aningasaatitigut piumasaqaatinit, § 4, imm. 2 tak., annikinneruppata aningasanut taakku minnerpaamik annertoqataannut qaffanneqassapput.

Imm. 2. Pilersitseqqinneaq pillugu aalajangiineq aalajangiinermut ullormiit kingusinnerpaamik sapaatit akunneri tallimat qaangiutsinnasut nalunaarutigineqassaaq. Nalunaaruteqarnermut ingerlatseqatigiiffimmi peqataasunut peqqusummi kapitali 13-mut akerliusumik taarsigassarsisitsisoqarsimanera il.il. pillugu kukkunersiusumit akuerisaasumit nalunaarut ilanngunneqassaaq.

§ 232 § 231 taamaaqataanik atorneqassaaq, ingerlatseqatigiiffik, pigisanik agguassinermut eqqartuussivikkut pinngitsaaliiinikkut atorunnaarsinniarneqartoq, eqqartuussivimmi suliarinninnerup unitsinneqarnissaa pillugu, aamma ingerlatseqatigiiffik pilersitseqqassasoq Erhvervsstyrelsimumt nalunaarummiik tunniussisoqarpat.

Imm. 2. Pigisanik agguassinermut eqqartuussiviup ingerlatseqatigiiffiup pinngitsaaliiinikkut atorunnaarsinnejarnissaa pillugu Erhvervsstyrelsimumt noqqaassuteqarneraniit kingusinnerpaamik qaammatit pingasut qaangiutsinnagit imm. 1 naapertorlugu nalunaarut tiguneqarsimanngippat, imaluunniit ukiut kingulliit siuliusut tallimat ingerlaneranni ingerlatseqatigiiffik pinngitsaaliiinikkut atorunnaarsinneqarsimappat, pilersitseqqinneaq pisinnaannilaq. Ingerlatseqatigiiffik akiliinissamik unitsitsippat qaammatinik pingasunik piffissaliineq atorunnaassaaq.

Imm. 3. Ingerlatseqatigiiffik aningaasaliiffusoq pinngitsaaliiinikkut atorunnaarsinnejartussatut tunniunneqarsimappat, ingerlatseqatigiiffiup pilersitseqqinnejarnissaanut piumasaqaatigineqarpoq pissutsit, ingerlatseqatigiiffiup aningaasaliiffiusup pinngitsaaliiinikkut atorunnaarsinnejarnissaanut nassiunneqarneranut pissutaasut iluarsineqarsimanissaat. Iluarsiineq kingusinnerpaamik pilersitseqqinneaq pillugu

aalajangiinerup peqatigisaanik pissaaq, § 231, imm. 1 tak. Pissutsit iluarsineqarneranut upernarsaat kingusinnerpaamik nalunaarutip peqatigisaanik nassiunneqassaaq, imm. 1 tak. Pilersitseqqinnissaq pillugu noqqaanermut piffissami ingerlatseqatigiiffiup aningaasaliiffiusup, nassiussinissamut piffissaliussap naanissaa sioqqullugu, ukiumut naatsorsuusiorfiusumut ukiumoortumik nalunaarusiat suli tunniussimanngippagit, taakkuninnga ukiumoortumik nalunaarusianik tigusineq aamma pilersitseqqinnissamut piumasasaqataavoq.

Imm. 4. Pigisanik agguassinermut eqqartuussivik atorunnaarsitsisussamik toqqaasimappat pilersitseqqinnermut taakku akuersissaaq.

Imm. 5. Ingerlatseqatigiiffik pinngitsaaliiikkut atorunnaarsinneqassasoq eqqartuussivimmit aalajangerneqarsimappat, § 230 tak., pilersitseqqinneaq pisinnaanngilaq.

Akilersuinermik unitsitsinermut imaluunniit akiliisinnaajunnaarnermut ikaarsaarneq

§ 233 Akilersuinermik unitsitsinissaq imaluunniit akiliisinnaajunnaarneq pillugu piumasaqarneq ingerlatseqatigiiffik sinnerlugu taamaallaat qitiusumik aqutsisunit tunniunneqarsinnaavoq, imaluunniit ingerlatseqatigiiffik atorunnaarsinniarneqarpat, atorunnaarsitsisumit.

Imm. 2. Atorunnaarsitsiniartut isumaqarpata atorunnaarsitsineq akiligassaqarfinnut tamakkiisumik matussusiissanngitsoq, akilersuinermik unitsitsineq imaluunniit akiliisinnaajunnaarneq pillugu atorunnaarsitsiniartut noqqaassaapput.

Imm. 3. § 226 malillugu ingerlatseqatigiiffik pinngitsaaliiikkut atorunnaarsinneqassappat akilersuinermik unitsitsineq imaluunniit akiliisinnaajunnaarneq pillugu atorunnaarsitsiniartumit noqqaaneq tunniunneqassaaq. Atorunnaarsitsisussamik toqqaasoqarsimanngippat pigisanik agguassinermut eqqartuussik nammineerluni akilersuinermik unitsitsineq imaluunniit akiliisinnaajunnaarneq pillugu aalajangiissaq.

Imm. 4. Akiliisinnaajunnaarnermik nalunaarummik tunniussisoqarsimatillugu ingerlatseqatigiiffimmut aningaasaliiffiusumut tunngasunik nalunaarsuisoqassanngilaq kukkunersiuismik toqqaanermut tunngasuni allannguinerit eqqaassanngikkaanni.

Imm. 5. Ingerlatseqatigiiffik aningaasaliiffusoq akiliisinnaajunnaartoq ingerlatseqatigiiffittut atorunnaartutut kattunnerni aamma agguataarinermi ingerlatseqatigiiffittut aningaasaliisutut peqataasiunnaavoq, akiliisinnaajunaarnermit pigisanik aqutsisoq tamatumunnga akuersippat.

Imm. 6. (Kalaallit Nunaannut atulersinneqanngilaq).

§ 234 (*Imm. 1 Kalaallit Nunaannut atulersinneqanngilaq*)

Imm. 2. Ingerlatseqatigiiffik akiliisinnaajunnaartoq taaguutini pigiinnassavaa »akiliisinnaajunnaartoq« ilaattillugu.

Eqqartuussivimi suliamik nutaamik suliarinninneq

§ 235 Pigisanik agguassinermut eqqartuussivik, ingerlatseqatigiiffimmi aningaasaliiffiusumi pigisat, akiliinermik nalunaaruteqarnikkut atorunnaarsinneqartoq, § 216 tak., imaluunniit atorunnaarsitsinerup naammassineqarnerata kingorna ingerlatseqatigiiffiit aningaasaliiffiusut ingerlasut pillugit Erhvervssstyrelsip qarasaasiaqarfianit peerneqarneranit, eqqartuussivimi suliamik nutaamik suliarinnittoqarsinnaasoq aalajangersinnaavoq, aningaasat allat agguanneqarsinnaasut takkussimappata. Pigisanik agguasinermut eqqartuussivik aamma ingerlatseqatigiiffik pillugu suliap nutaamik eqqartuussivimi

suliarineqarnissaanut allatigut pissutseqarpat eqqartuussivimmi suliamik nutaamik suliarinninnissamik aalajangersinnaavoq.

Imm. 2. Siusinnerusukkut atorunnaarsitsisut pigisanik suliarinninnermik isumaginnissapput. Tamanna pisinnaangippat pigisanik agguassinermut eqqartuussivik imaluunniit pigisanik agguasinermut eqqartuussiviup toqqagaa atorunnaarsitsisoq pigisanik suliarinnissaaq.

Imm. 3. Eqqartuussvimmik suliamik nutaamik suliarinninnissaq aamma taassuma naammassineqarnera pillugu nalunaarut tamanna pillugu pigisanik agguassinermut eqqartuussiviup aalajangiineraniit kingusinnerpaamik sapaatit akunneri tallimat qaangiutsinnagit Erhvervsstyrelsimit tiguneqarsimassaqaq.

Kapitali 15

Kattunneq aamma agguataarineq

Ingerlatseqatigiiffinnik aningaasaliiffiusunik kattussineq

§ 236 Ingerlatseqatigiiffik aningaasaliiffiusoq kapitalimi matumani aalajangersakkat malillugit ingerlatseqatigiiffiup aningaasaliiffiusup atorunnaartup piginnittuinut akissarsiaqartitsisoqarneratigut ingerlatseqatigiiffiup aningaasaliiffiusup pigisaanik nalilinnik pisussaaffiilu tamarmiutillugit ingerlatseqatigiiffimmut aningaasaliiffiusumut allamut atorunnaarsitsisoqarnani tunniussisoqarsinnaavoq. Assinga atuuppoq ingerlatseqatigiiffiit aningaasaliiffiusut marluk amerlanerilluunniit ingerlatseqatigiiffimmut aningaasaliiffiusumut nutaamut kattunneqarpata, tassa imaappoq kattutivillutik. Tunniussinerit akiligassaqarfuit akuersiteeqaarnagit naammassineqarsinnaapput.

Kattunnissamut pilersaarut

§ 237 Ingerlatseqatigiiffinni aningaasaliiffiusuni piusuni qitiusumik aqutsisut, kattunnermi peqataasut, kattunnissamut pilersaarummik peqatigiillutik pilersitsillutilu atsioqatigiissapput, taamaattorli imm. 2 tak.

Imm. 2. Kattunneq, taamaallaat anpartsselskabit peqataaffigisaanni, piginneqataasut isumaqatigiillutik aalajangersinnaapput kattunnissamut pilersaarusiortoqassanngitsoq, taamaattorli § 248, imm. 2-4 tak.

Imm. 3. Kattunnerni, aktieselskabit peqataaffigisaanni, kattunnissamut pilersaarut uku pillugit paassisutissanik aalajangersakkanillu imaqassaaq

- 1) ingerlatseqatigiiffiit aningaasaliiffiusut aqqi aammalu saniatigut taaguutaat, tassunga ilanggullugu ingerlatseqatigiiffiup aningaasaliiffiusup atorunnaartup aqqa imaluunniit saniatigut taaguutaat ingerlatseqatigiiffiup aningaasaliiffiusup ingerlaannartup saniatigut taaguutaat ilaassaaq,
- 2) ingerlatseqatigiiffiup aningaasaliiffiusup najugaa,
- 3) ingerlatseqatigiiffimmi aningaasaliiffiusumi atorunnaartumi aningasaatinik piginittut akissarsiaat,
- 4) piffissaq, aningasaatinik piginneqataassutit akissarsiatut atorneqartut, iluanaarutit tunniunneqalersinnaanerat,
- 5) ingerlatseqatigiiffimmi aningaasaliiffiusumi ingerlaannartumi piginnaatitaaffiit, aningasaatinik piginneqataassutinik piginittunut tutsinneqartut aamma akiitsut allagartaat ingerlatseqatigiiffimmi aningaasaliiffiusumi atorunnaartumi immikkut pisinnaatitaaffiusimasut,
- 6) nr. 5-mi aningasaatinik piginneqataassutinik aamma akiitsut allagartaannik eqqaaneqartunik piginittunut iluaqutaasut aaqqiinerit allat,

- 7) aningasaatinik piginneqataassutit, akissarsiatut akiliutigineqartut allanneqarneri, kiisalu piginnittup uppermarsaataannik tunniussineq,
- 8) piffissaq, ingerlatseqatigiiffimmit aningaasaliiffiusumit atorunnaartumiit pisinnaatitaaffit pisussaaffillu naatsorsuutitigut tunniunneqartutut isigineqalerneri, imm. 4 tak.,
- 9) immikkut iluaqtaasut suulluunniit ingerlatseqatigiiffiup aningaasaliiffiusup aqtsisuini ilaasortanut tunniunneqartut, aamma
- 10) malittarisassanut missingiut, §§ 28 aamma 29 tak., kattunnermi ingerlatseqatigiiffimmik aningaasaliiffiusumik nutaamik pilersitsisoqarpat.

Imm. 4. Kattunnissamut pilersaarut ingerlatseqatigiiffinnut aningaasaliiffiusunut atasunik tamanut, kattunnerup naatsorsuutitigut piffissami sunniuteqalerterani ukiup naatsorsuusiorfiusup kingusinnerpaamik naanerani atsiorneqarsimassaaq, imm. 3, nr. 8 tak. Piffissaliussaq qaangerneqarpat kuttunnissamut pilersaarutip tiguneqarnera tamanut saqqummiunneqarsinnaanngilaq kattunnerlu taamaalluni akuerineqarnani.

Kattunneq pillugu nassuaat

§ 238 Ingerlatseqatigiiffinni aningaasaliiffiusuni ingerlasuni tamani qitiusumik aqtsisut, kattunnermi peqataasut, kattunnissaq eqqarsaatigineqartoq, tassunga ilanngullugu kattunnissaq pillugu pilersaarut, nassuarneqarlu tunngavilersorneqarlunilu allakkatigut nassuarneqassaaq, taamaattorli imm. 2 tak. Ingerlatseqatigiiffinni aningaasaliiffiusuni atorunnaartuni aningasaatinik piginnittunut akissarsiat aalajangerneqarneri pillugit paasissutissanik nassuaat imaqassaaq, tassunga ilanngullugu aalajangersaanermut atasut immikkut ajornartorsiutaasimasut, aamma nalilersuinermi nassuaatip suliarineqarnera pillugu paasissutissat, taanna § 240 naapertorlugu suliarineqartussaappat.

Imm. 2. Aningasaatinik piginnittut isumaqatigiillutik aalajangersinnaapput kattunneq pillugu nassuaasiortoqassanngitsoq.

Akunnerinnakkut pigisanik nalilinnik akiligassanillu naatsorsuineq

§ 239 Kattunnissamut pilersaarut ingerlatseqatigiiffiup aningaasaliiffiusup kingullermik ukiumoortumik nalunaarusiaanut tunngasup ukiup naatsorsuusiorfiusup naaneraniit qaammatit arfinillit sinnerlugit atsiorneqarsimanngippat kattunnermi peqataasumut ingerlatseqatigiiffimmut aningaasaliiffiusumut pineqartumut akunnerinnakkut pigisanik nalilinnik akiligassanillu naatsorsuusiorqassaaq, taamaattorli imm. 4 aamma 5 tak.

Imm. 2. Kattunnermi, kattunneq pillugu pilersaarutip suliarineqannginnissaa toqqarneqarsimasumi, § 237, imm. 2 tak., kattunnermi peqataasumik ingerlatseqatigiiffimmut aningaasaliiffiusumut pineqartumut akunnerinnakkut pigisanik nalilinnik akiligassanillu naatsorsuusiorqassaaq, kattunnissaq pillugu pilersaruunnginnissaq pillugu aalajangiineq ingerlatseqatigiiffiup aningaasaliiffiusup kingullermik ukiumoortumik nalunaarusiaanut tunngasup ukiup naatsorsuusiorfiusup naaneraniit qaammatit arfinillit sinnerlugit aalajangiiffingineqarsimappat, taamaattorli imm. 4 aamma 5 tak.

Imm. 3. Akunnerinnakkut pigisanik nalilinnik akiligassanillu naatsorsuineq, ingerlatseqatigiiffiup aningaasaliiffiusup ukiumoortumik nalunaarusiornermi malittagai maleduagassat naapertorlugit suliarineqartussaq, kattunnissaq pillugu pilersaruunnginnissaq pillugu atsornissaq imaluunniit aalajangiinissaq sioqqullugu qaammatinik pingasunik sivisunerusumik ullormik naatsorsuusiorfeqassanngilaq. Ingerlatseqatigiiffik aningaasaliiffiusoq ukiumootumik naatsorsuutit pillugit inatsit, kunngip peqqussuteqarneratigut Kalaallit Nunaannut atulersinneqartoq imaluunniit inatsisit allat

malillugit kukkunersiuisoqarnissamut pisussaaffeqartumut ilaappat akunnerinnakkut pigisanik nalilinnik akiligassanillu naatsorsuineq kukkunersiorneqarsimassaaq.

Imm. 4. Aningaasaatinik piginnittut isumaqatigiillutik aalajangersinnaapput akunnerinnakkut pigisanik nalilinnik akiligassanillu naatsorsuinermik suliaqartoqassanngitsoq, ingerlatseqatigiiffiup aningaasaliiffiusup kingullermik ukiumoortumik nalunaarusiaanut tunngasup ukiup naatsorsuusiorfiusup naaneranit qaammatit arfinillit sinnerlugit kattunnissamut pilersaarutip atsiorneqarsimanera apeqquatainnagu.

Imm. 5. Imm. 1-mi aalajangersagaq ingerlatseqatigiiffinnut aningaasaliiffiusunut, EU/EØS-imi nunami niuerfimmi naleqqussakkami pappiaranik aningaasanik nalilinnik niueruteqartunut, aamma ukiumoortumik naatsorsuutit pillugit inatsit, kunngip peqqussuteqarneratigut Kalaallit Nunaannut atulersinneqartoq naapertorlugu ukiup affaanut nalunaarusiamik tamanut saqqummiussimasut atorneqassanngilaq, ukiup affaanut nalunaarusiaq ingerlatseqatigiiffik pillugu ukiup affaanut naatsorsuutinik kukkunersiorneqarsimasunik imaqarpal aamma ukiup affaanut nalunaarusiaq ingerlatseqatigiiffiup aningaasaatinik piginnittuinit pissarsiarineqarsinnaappat.

Nalilinnik aningaasaliineq pillugu nalilersuinermik nassuaat

§ 240. Kattunnermut atatillugu aktieselskabimi ingerlaqqittumi aningaasaatinik qaffaasoqarpal, imaluunniit kattunnermut atasumik nutaanik piginneqataassuteqalerpat kattunnermut atasumik nalilersuisumiit nassuaasiortoqartitsisoqassaaq, taamaattorli imm. 2 tak. Nalilersuisussaq § 37, imm. 1 malillugu toqqarneqassaaq. § 37, imm. 2 aamma 3 taamaaqataanik ingerlatseqatigiiffinnut aningaasaliiffiusunut kattuttunut tamanut nalilersuisut atugaannut atorneqassapput.

Imm. 2. Nalilersuinermik nassuaat ilaatinneqanngitsoortinnejarsinnaavoq, taarsiullugu kattunnissaq eqqarsaatigineqartoq pillugu naliliisuniit oqaaseqaasiortoqarpal, § 241 tak., imaluunniit akiligassaqaqrifit inissisimanerat pillugu nalilersuisumiit nalunaaruteqartoqarpal, § 242 tak.

Imm. 3. Kattunnermut atasumik nalilersuinermi nassuaasiortoqassappat nalilersuinermi nassuaatip imarissavai
1) aningaasaliissutit ataasiakkaat allaaserinerat,
2) nalilersuinermi suleriaaseq atorneqartoq pillugu paassisutissat,
3) akissarsiat aalajangerneqarsimasut allanneqarneri aamma
4) nalitut inissinneqartup akissarsiassatut isumaqatigiissutigineqartumut minnerpaamik naapertuunnera pillugu nalunaarut, tassunga ilanngullugu aningaasaatinik piginneqataassutit atulersinneqartut nalingi, sinnerlugu naliusoq tapiliullugu.

Imm. 4. Kattunnerup akuerineqarneraniit piffissaq qaammatit pingasut sinnerlugit nalilersuinermi nassuaat suliarineqarsimassanngilaq, § 245 tak. Piffissaliussaq qaangerneqarpal kattunneq atuuttutut akuerineqarsinnaanngilaq.

Kattunnissaq eqqarsaatigineqartoq pillugu nalilersuisartup oqaaseqataa, tassunga ilanngullugu kattunneq pillugu pilersaarut

§ 241. Ingerlatseqatigiiffinni aningaasaliiffiusuni, kattunnermi peqataasuni tamani kattunnermut pilersaarut pillugu nalilersuisartoq ataaseq arlalilluunniit attaviitsut, paasisimasaqartut allakkatigut oqaaseqaasiussapput, akissarsiat ilanngullugit, imm. 4 tak. Kattunnermi, kattunnermut pilersaarusiornissaq ilaatinneqanngitsumi, § 237, imm. 2 tak., kattunnissaq eqqarsaatigineqartoq pillugu nalilersuisartoq allakkatigut oqaaseqaasiussaaq,

tassunga ilanngullugu akissarsiat, imm. 4 tak. Aningaasaatinik piginnittut isumaqatigiillutik aalajangersinnaapput kattunnissaq eqqarsaatigineqartoq pillugu nalilersuisartumit taamatut oqaaseqaasiliortoqassanngitsoq, oqaaseqatigiit siullit aamma appaat tak.

Imm. 2. Naliliisartut § 37, imm. 1 malillugu toqqarneqassapput. Ingerlatseqatigiiffiit aningaasaliiffiusut, kattunnermut peqataasut, nalilersuisartumik ataatsimik arlalinnilluunniit atuinissaq kissaatigippassuk, ingerlatseqatigiiffiit aningaasaliiffiusut noqqaassuteqarnerisigut pigisanik agguaassinermut eqqartuussivimmit taakku toqqarneqassapput.

Imm. 3. § 37, imm. 2 aamma 3, taamaqataanik ingerlatseqatigiiffinnut aningaasaliiffiusunut kattuttunut tamanut nalilersuisut pissusiinut atorneqassapput.

Imm. 4. Oqaaseqaat ingerlatseqatigiiffimmi aningaasaliiffiusumi atorunnaartumi aningaasaatinik piginneqataassutinut akissarsiat naammaginartuunersut aamma piviusorsiortumik tunngavilersugaanersut pillugu nalunaarummik imaqassaaq. Nalunaarummi suleriaaseq imaluunniit suleriaatsit akissarsiap aalajangersneranut atorneqartut, aamma tamatuma naleqquttuuneranik naliliineq allanneqassapput. Nalunaarut aamma suleriaatsit ataasiakkaarlutik qanoq kinguneqarnerinik nalnik amma naliliinermi imminnut naleqqiullutik suleriaatsit pingaaruteqarneri allanneqassapput. Naliliinermut atasunik immikkut ajornartorsuiteqarsimappat taakku nalunaarummi eqqaaneqassapput.

Akiligassaqarfuit inissisimaneri pillugu nalilersuisartup nalunaarutaa

§ 242 Nalilersuisartut § 241-mi eqqaaneqartup nalunaarutip saniatigut aamma ingerlatseqatigiiffimmi aningaasaliiffiusumi ataatsimi akiligassaqarfuit ingerlatseqatigiiffiup maannakkut inissisimaneranut naleqqiullugu kattunnerup kingorna naammattumik qulakkeerneqarsimasut pillugu nalunaaruteqassapput. Aningaasaatinilli piginnittut isumaqatigiillutik aalajangiisinhaapput akiligassaqarfuit inissisimanerat pillugu nalilersuisartumit taamatut nalunaaruteqartoqassanngitsoq.

Akiligassaqarfuit piumasaqaatiminnik nalunaaquteqarsinnaanerannut periarfissaq

§ 243 Akiligassaqarfuit inissisimanerat pillugu nalunaarumminni nalilersuisartut, § 242 tak., isumaqarunik ingerlatseqatigiiffinni aningaasaliiffiusuni ataasiakkaani akiligassaqarfuit kattunnerup kingorna naammattumik qulakkeerneqarsimanngitsut, imaluunniit akiligassaqarfuit inissisimanerat pillugu nalilersuisartumiit nalunaarusiortoqanngippat, akiligassaqarfuit, § 244 naapertorlugu Erhvervsstyrelsip tamanut saqqummiussinera sioqqullugu pissarsiassat pilersinneqarsimappata, tamanut saqqummiussisoqarneraniit kigusinnerpaamik sapaatit akunneri arfineq marluk qaangiutsinnagit ingerlatseqatigiiffimmut pissarsiassatik nalunaarutigissavaat. Pissarsiassalli isumannaatsumik qularnaveeqquserneqarsimasut nalunaarutigineqassangillat.

Imm. 2. Pissarsiassat nalunaarutigineqarsimasut, akilerneqartussat, akilerneqarnissaat piumasarineqarsinnaavoq, aamma pissarsiassat nalunaarutigineqarsimasut akilerneqarsimanngitsut, isumannaatsumik qularnaveeqquserneqarnissaat piumasarineqarsinnaalluni.

Imm. 3. Allatigut akiliisoqarsimappat, imm. 2 malillugu qularnaveeqqusiinissaq pisariaqassanngilaq, pissarsiassat akilerneqarnissaat inatsit naapertorlugu aaqqissuussinikkut qulakkeerneqarsimappat.

Imm. 4. Qularnaveeqqusiisoqassanersoq imaluunniit qularnaveeqqusiineq naammannersoq pillugu ingerlatseqatigiiffiup aningaasaliiffiusup amma akiligassaqarfuit nalunaaruteqartut akornanni isumaqatigiinngitsoqarpat illuatungeriit marluullutik, pissarsiassap nalunaarutigineqarneraniit kingusinnerpaamik sapaatit akunneri tallimat qaangiutsinnagit

apeqquit aalajangerneqarnissaannut pigisanik agguassinermut eqqartuussivimmum suliassanngortitsisinnapput.

Imm. 5. Akiligassaqarfik, pissarsiassamut tunngaviusumut isumaqatigiissummi pituttuisumik imm. 2 malillugu qularnaveeqqusisoqarnissaanik pisinnaatitaaffini assortorsinnaanngilaa.

Imm. 6. (Atorunnaarpoq)

Kattunnissaq eqqarsaatigineqartoq pillugu paasissutissanik nassiussineq, tassunga ilanngullugit kattunnissamut pilersaarut aamma akiligassaqarfiiit inissisimanerat pillugu nalilersuisartumiit nalunaarut

§ 244 Kattunnissamut pilersaarutip atsiorneqarneraniit kingusinnerpaamik sapaatit akunneri arfineq marluk qaangiutsinnagit kattunnissamut pilersaarutip assilineranik Erhvervsstyrelsi tigusaqarsimassaaq, taamaattorli imm. 2 tak. Piffissaliussaq qaangerneqarpat kattunnissamut pilersaarutip tiguneqarnera tamanut saqqummiunneqarsinnaanngilaq, kattunnerlu taamaalluni akuerineqarnani.

Imm. 2. Ingerlatseqatigiiffiit aningaasaliiffiusut peqataasut kattunnissamut pilersaarutip suliarineqannginnissaanut periarfissaq atorsimanngippassuk, § 237, imm. 2 tak., tamanna Erhvervsstyrelsimum nalunaarutigineqassaaq ingerlatseqatigiiffiit aningaasaliiffiusut peqataasut aqqi aamma Erhvervsstyrelsip qarasaasiaqarfiani nalunaarsorneqarnermin normut allanneqarlutik.

Imm. 3. Akiligassaqarfiiit inissisimanerat pillugu nalilersuisartup nalunaarutaa, § 242, oqaaseqatigiit siullit tak., Erhvervsstyrelsimum nassiunneqassaaq, taamaattorli imm. 4 tak.

Imm. 4. Akiligassaqarfiiit inissisimanerat pillugu nalilersuisartup nalunaarutaanik suliaqartoqannginnissaanik periarfissaq, § 242, oqaaseqatigiit aappaat tak., atorneqarsimappat tamanna Erhvervsstyrelsimum nalunaarutigineqassaaq ingerlatseqatigiiffiit aningaasaliiffiusut kattunnermi peqataasut aqqi aamma Erhvervsstyrelsip qarasaasiaqarfiani nalunaarsorneqarnermi normuat allanneqarlutik.

Imm. 5. Paasissutissanik allagaatinillu Erhvervsstyrelsip tigusaqarnera, imm. 1-4 tak., Erhvervsstyrelsip qarasaasiaqarfiani tamanut saqqummiunneqassapput. Akiligassaqarfiiit piumasaqaatiminik nalunaaruteqarsinnaatitaanerat, § 243 tak., Erhvervsstyrelsip tamanut saqqummiussinera tamanna pillugu paasissutissanik imaqassaaq.

Imm. 6. Kattunnissamut pilersaarutinik allagaatinillu ilaatinneqartunik ingerlatseqatigiiffiit aningaasaliiffiusut tamanut saqqummiussinerat pillugu maleruagassanik erseqqinnerusunik Erhvervsstyrelsi aalajangersaasinnaavoq.

Kattunnerup naammassineqarnissaq pillugu aalajangiineq

§ 245 Kattunnerup naammassineqarnissaanut aalajangerneq kattunnissaq eqqarsaatigineqartoq pillugu paasissutissat tiguneqarnerisa Erhvervsstyrelsip tamanut saqqummiussineraniit, § 244, imm. 5 tak., siusinnerpaamik sapaatit akunneri arfineq marluk sioqqullugit aalajangerneqarsinnaavoq, taamaattorli imm. 2 aamma 3 tak. § 244, imm. 1 imaluunniit 2-mut tunngatillugu aamma § 244, imm. 3 imaluunniit 4-mut tunngatillugu tamanut saqqummiussineq tamarmik immikkut pisimappat, oqaaseqatigiinni siullerni piffissaliussaq kingullermik tamanut saqqummiussinermi piffissamiit naatsorsorneqassaaq.

Imm. 2. Kattunnermi, anpartsselskabit kisimik peqataaffigisaanni, aamma nalilersuisartut akiligassaqarfiiit inissisimanerat pillugu nalunaaruteqarnerminni, § 242 tak., isumaqarunik anpartsselskabini ataasiakkaat akiligassaqarfiiit kattunnerup kingorna naammattumik

qulakkeerneqarsimasut, piginneqataasut isumaqatigiillutik kattunnissaq eqqarsaatigineqartoq pillugu paassisutissat tiguneqarneri pillugit Erhvervsstyrelsip tamanut nalunaaruteqarnerata kingorna, § 244, imm. 5 tak., imm. 1 malillugu piffissaliussap saneqqunneqarnissaa aalajangersinnaavaat.

Imm. 3. Kattunnermi, kattunnermut pilersaarut ilaatinneqanngitsumi, § 237, imm. 2 tak., akiligassaqarfii inissisimanerat pillugu nalilersuisartoq nalunaarusiorsimappat, § 242 tak., aamma akiligassaqarfii inissisimanerat pillugu nalunaaruteqarnerminni anpartsselskabini ataasiakkaani akiligassaqarfii kattunnerup kingorna naammattumik qularnaarneqarsimasut nalilersuisartut isumaqarpata, kattunnerup naammassineqarnissaa pillugu anpartsselskabit aalajangiinerat sioqqullugu Erhvervsstyrelsip tamanut saqqummiussinissaa, § 244, imm. 5 tak., pillugu piumasaqaateqartoqassangilaq.

Imm. 4. Ingerlatseqatigiiffiup aningaasaliiffiusup atorunnaartup pisinnaatitaaffii aamma naatsorsuutitigut pisussaaffii ingerlatseqatigiiffimmut ingerlaannartumut nuunneqartut isigineqalernerini piffissaq sioqqullugu ingerlatseqatigiiffiup aningaasaliiffiusup atorunnaartup ukiumut naatsorsuutini naammassisimappagit, aamma piffissamut tassunga naatsorsuusiorfiusumut ukumoortumik nalunaarusiamik ataatsimeersuartut suli akuersisimanngippata, kattunnerup naammassineqarnissaanik aalajangiinerup kingusinnerpaamik peqatigisaanik piffissamut naatsorsuusiorfiusumut tassunga ukumoortumik nalunaarusiaq ataatsimeersuartunik akuerineqassaaq.

Imm. 5. Akiligassaqarfii, tamatuminnga noqqaasut, kattunnerup naammassineqarnissaa qaugu aalajangiiffigineqarnissaa pillugu paassisutissamik pissarsissapput.

Imm. 6. Kattunnissamut pilersarusiortoqarsimappat kattunneq kattunnissamut pilersaarut naapertorlugu naammassineqassaaq. Kattunnissamut pilersaarut tamanut saqqummiunneqarsimasoq naapertorlugu kattunnissaq akuerineqarpat siunnersuut atorunnaartutut isigineqassaaq.

Imm. 7. Allagaatit uku, suliarineqarsimappata, kattunnerup naammassineqarnissaa pillugu aalajangiisoqartinnagu kingusinnerpaamik sapaatit akunneri arfineq marluk sioqqullugit, ingerlatseqatigiiffiup najugaani imaluunniit nittartagaani aningaasaatnik piginnittunit pissarsiarineqarsinnaassapput, allagaatit pineqartut ataatsimeersuarnissaq sioqqullugu imaluunniit ataatsimeersuarnermi saqqummiunneqassanngitsut taakku isumaqatigiillutik aalajanginngippata, taamaattorli imm. 8 tak.:

1)Kattunnissamut pilersaarut.

2)Ingerlatseqatigiiffiit aningaasaliiffiusut peqataasut ataasiakkaat tamarmik ukiuni kingullerni pingasuni imaluunnit piffissamut sivikinnerusumi ingerlatseqatigiiffiup atuuffigisimasaani ukiumut naatsorsuutaat pillugit ukumoortumik nalunaarusiat akuerineqarsimasut.

3)Kattunneq pillugu nassuaat.

4)Akunnerinnakkut pigisanik nalilinnik akiligassanillu naatsorsuineq.

5)Nalilinnik aningaasaliineq pillugu nalilersuiartut nassuaataat.

6)Kattunnissaq eqqarsaatigineqartoq pillugu nalilersuisartut oqaaseqaataat, tassunga ilanngullugu kattunnissamut pilersaarut.

7)Akiligassaarfiit inissisimanerat pillugu nalilersuisartut nalunaarutaat.

Imm. 8. Aningaasaatnik piginnittut, tamanna pillugu noqqaasut, imm. 7-mi taaneqartunut allagaatinut akiliuteqarnatik isersinnaassapput.

§ 246 Ingerlatseqatigiiffimmi aningaasaliiffiusumi atorunnaartumi kattunneq pillugu aalajangiineq ataatsimeersuartunit aalajangiiffigineqassaaq, taamaattorli imm. 2 aamma § 252 tak. Ingerlatseqatigiiffik aningaasaliiffiusoq akiliisinnajunnaarsimappat kattunnissaq pillugu taamaallaat aalajangiisoqarsinnaavoq aningaasaatinik piginnittunut tunniussuineq suli aallartinneqarsimannngippat, aamma peqatigisaanik akiliisinnajunnaarnerup atorunnaarsinnnissaa pillugu ataatsimeersuartut aalajangiisimappata. Pilersitseqqinneaq pillugu § 231 tamatuma kingorna atorneqassanngilaq.

Imm. 2. Ingerlatseqatigiiffiup aningaasaliiffiusup pigisaanik pisussaaffiinillu tamakkiisumik ingerlatseqatigiiffimmut aningaasaliiffiusumut allamut, ingerlatseqatigiiffimmi aningaasaliiffiusumi atorunnaartumi ingerlatseqatigiiffiup aningaasaataanik minnerpaamik 90 pct.-inik piginnittumut nuussisoqarneratigut akiliisinnajunnaarnertaqanngitsumik ingerlatseqatigiiffik aningaasaliiffiusoq atorunnaarpat, ingerlatseqatigiiffimmi aningaasaliiffiusumik atorunnaartumi kattunneq pillugu aalajangiineq qitiusumik aqutsisunit aalajangerneqarsinnaavoq, taamaattorli imm. 3-5 tak.

Imm. 3. Imm. 2 malilluguli aalajangiineq ataatsimeersuartunit aalajangiiffigineqassaaq, aningaasaatinik piginnittut, ingerlatseqatigiiffiup aningaasaataanik 5 pct.-mik piginnittut, tamanna allakkatigut piumasarippassuk, kattunnissaq eqqarsaatigineqartoq pillugu paasissutissat tiguneqarnerisa tamanut saqqummiunneqarneraniit kingusinnerpaamik sapaatit akunneri tallimat qaangiutsinnagit, tassunga ilanggullugu kattunnissamut pilersarut. Ingerlatseqatigiiffimmi aningaasaliiffiusumi atorunnaartumi aalajangiineq aamma ataatsimeersuartunit aalajangiiffigineqassaaq, aningaasaatinik piginnittut, malittarisassat malillugit, § 89 tak., ataatsimeersuarnerup aggersarneqarnissaanik piumasaqarsinnaasut, tamanna pillugu noqqaappata.

Imm. 4. Qitiusumik aqutsisut, tamanna pillugu noqqaanerup saqqummiunneqarneraniit kingusinnerpaamik sapaatit akunneri marluk qaangiutsinnagit, ataatsimeersuarnissamut aggersaassapput.

Imm. 5. Ingerlatseqatigiiffimmi aningaasaliiffiusumi atorunnaartumi aalajangiisussat tassaappata ataatsimeersuartut, § 106 malillugu piumasarineqartunik amerlanerussuteqarnikkut aalajangiineq aalajangerneqassaaq, aamma atorunnaarsitsineq imaluunnit kattunneq pillugu malittarisassani imarineqarsinnaasut najoqquqtassat naapertorlugit.

§ 247 Kattunneq pillugu aalajangiineq ingerlatseqatigiiffimmi aningaasaliiffiusumi ingerlaannartumi qitiusumik aqutsisunit aalajangiiffigineqassaaq, ataatsimeersuartunit malittarisassanik allannguisoqassanngippat, ingerlatseqatigiiffiup aningaasaliiffiup atorunnaartup aqqata imaluunnit saniatigut taaguutaa ingerlatseqatigiiffimmi aningaasaliiffiusumi ingerlaannartumut saniatigut taaguutit ilanggussineq eqqaassanngikkaani, taamaattorli imm. 2-4 tak. Ingerlatseqatigiiffik aningaasaliiffiusoq akiliisinnajunnaarsimappat, kattunneq taamaallaat aalajangiiffigineqarsinnaavoq aningaasaatinik piginnittunut tunniussuineq suli aallartinneqarsimannngippat peqatigisaanillu ingerlatseqatigiiffiup pilersitseqqinneaqarnissaq pillugu ataatsimeersuartut aalajangiisimappata, § 231 tak.

Imm. 2. Aningaasaatinik piginnittut, ingerlatseqatigiiffiup aningaasaataanik 5 pct.-inik piginnittut, imaluunnit aningaasaatinik piginnittut, malittarisassat malillugit, § 89 tak., ataatsimeersuarnermik aggersaanissamik piumasaqarsinnaasut, kattunnissaq eqqarsaatigineqartoq pillugu paasissutissat tiguneqarneri pillugit Erhvervsstyrelsip tamanut saqqummiussineraniit kingusinnerpaamik sapaatit akunneri tallimat qaangiutsinnagit,

tassunga ilanngullugu kattunnissamut pilersaarut, allakkatigut piumasarisinnaavaat ingerlatseqatigiiffimi aningaasaliiffiusumi ingerlaannartumi aalajangiineq ataatsimeersuartunit aalajangiiffigineqassasoq.

Imm. 3. Qitiusumik aqutsisut, tamanna pillugu noqqaassutip saqqummiunneqarneraniit kingusinnerpaamik sapaatit akunneri marluk qaangiutsinnagit, ataatsimeersuarnissamut aggersaassapput.

Imm. 4. Ingerlatseqatigiiffimi aningaasaliiffiusumi ingerlaannartumi aalajangiinissaq ataatsimeersuartunit aalajangiiffigineqassappat § 106 malillugu piumasarineqartumik amerlanerussuteqarluni aalajangiisoqassaaq.

§ 248. Ingerlatseqatigiiffinni aningaasaliiffiusuni ingerlaqqittuni, kattunnermi peqataasuni, qitiusumik aqutsisut, ataatsimeersuarnermi, kattunnerup naammassineqarnissaa pillugu aalajangiiffiusussami, pisut annertuumik pingaarutillit pillugit ilisimatitsissapput, tassunga ilanngullugu kattunnissamut pilersaarutip atsiorerata ataatsimeersuarnerullu akornanni piffissami pisimasuni pigisani nalilinni pisussaaffinni annertuumik allanngornerit.

Imm. 2. Kattunnermi, kattunnermut pilersaarut ilaatinneqanngitsumi, § 237, imm. 2 tak., pisut annertuumik pingaarutillit pillugit qitiusumik aqutsisut ilisimatitsissapput, tassunga ilanngullugu ingerlatseqatigiiffimi ullormi oqimaaqtigiiqsinermi ukiumoortumik nalunaarusiak kingullermik saqqummiussinerup ataatsimeersuarnerullu akornanni piffissami pisimasuni pigisani nalilinni pisussaaffinni annertuumik allanngornerit.

Imm. 3. Kattunnermi, anpartsselskabit kisimik peqataaffigisaanni, kattunnerup naammassineqarnissaata akuersissutigineqarneranut atatillugu pissutsit makku pillugit isummertoqassaaq, paasissutissat pineqartut kattunnissamut pilersaarummi takuneqarsinnaanngippata, § 237 tak.:

- 1) Anpartsselskabit aqqi saniatigullu taaguutaat, tassunga ilanngullugu ingerlatseqatigiiffiup atorunnaartup aqqa imaluunniit saniatigut taaguutaa anpartsselskabimi ingerlaqqittumi saniatigut taaguutitut ilaassanersoq.
- 2) Anpartsselskabimi atorunnaartumi piginneqataasunut akissarsiaat.
- 3) Piffissaq, piginneqataassutit akissarsiatut atorneqartut, iluanaarutitut tunniunneqalersinnaaneri.
- 4) piffissaq, anpartsselskabimit atorunnaartumiit pisinnaatitaaffiit pisussaaffiillu naatsorsuutitigut tunniunneqartutut isigineqalerneri.
- 5) Malittarisassat, §§ 28 aamma 29 tak., kattunnerup naammassineqarnerani anpartsselskabimik nutaamik pilersitsisoqarpat.

Imm. 4. Kattunneq, anpartsselskabit kisimik peqataaffigisaat pineqarpat, aamma § 237, imm. 2 naapertorlugu kattunnermi pilersaarusiortoqassanngitsoq piginneqataasut isumaqtigillutik aalajangersimallutik, imm. 3-mi piumasaqaatit eqqarsaatigalugit anpartsselskabini ingerlaqqillutik peqataasuni tamani assigimmik aalajangiisoqassaaq. Taamaattoqanngippat kattunnerup naammassineqarnera pillugu aalajangiineq atorunnaartutut isigineqassaaq.

Ajunngitsorsiassanik piumasaqarsinnaanermut periarfissaq

§ 249. Ingerlatseqatigiiffinni aningaasaliiffiusuni atorunnaartumi imaluunniit atorunnaartuni aningaasaatinik piginnittut ingerlatseqatigiiffimmit aningaasaliiffiusumit ajunngitsorsiassaqarnissaq piumasarinnaavaat, ingerlatseqatigiiffinni aningaasaliiffiusuni atorunnaartumi imaluunniit atorunnaartuni aningaasaatinik piginnittunut akissarsiaat naammaginanngippata aamma piviusorsiortumik tunngavilersorneqarsimannngippata, aamma

ataatsimeersuarnermi tamanna pillugu nangaassuteqarsimappat, tassani kattunnerup naammassineqarnissaa pillugu aalajangiisoqarsimalluni.

Imm. 2. Imm. 1 malillugu suliassannortitsineq pissaaq ingerlatseqatigiiffinni aningaasaliiffiusuni kattuttuni tamani kattunneq pillugu aalajangiisoqareerneranit kingusinnerpaamik sapaatit akunneri tallimat qaangiutsinnagit.

Imm. 3. Imm. 1 naapertorlugu nangaassuteqartoqarsimappat kattunneq akuerineqarsimasoq aatsaat imm. 2-mi piffissaliussap naanerata kingorna nalunaarsorneqarsinnaavoq, kattunneq eqqarsaatigineqartoq pillugu oqaaseqaatiminni nalilersuisartut, tassunga ilanngullugu akissarsiat, § 241 tak., isumaqarpata ingerlatseqatigiiffinni aningaasaliiffiusuni atorunnaartumi imaluunniit atorunnaartuni aningasaatinik piginnittunut akissarsiat naammaginartuuusut aamma piviusorsiorumik tunngavilersorneqarsimasut.

Kattunnerup inatsisitigut sunniutai

§ 250. Kattunneq naammassineqartutut isigineqassaaq, aamma ingerlatseqatigiiffik aningaasaliiffiusoq atorunnaartoq atorunnaarsinneqartutut isigineqassaaq, taassumalu pisinnaatitaaffii pisussaaffiilu ataatsimut isigalugit ingerlatseqatigiiffimmuit aningaasaliiffiusumut ingerlaqqittumut nuunneqartut isigineqassapput, taamaattorli imm. 2 tak., uku pippata:

- 1)Kattunneq, ingerlatseqatigiiffinni aningaasaliiffiusuni ingerlaqqittuni, kattunnermut peqataasuni tamanani aalajangiiffigineqarpat.
- 2)§ 243 malillugu akiligassaqarfut piumasaqaataat aalajangiiffigineqarsimappata.
- 3)§ 249 malillugu ajunngitsorsiassat pilligit aningasaatinik piginnittut piumasaqaataat aalajangiiffigineqarsimappata, imaluunniit piumasaqaat pillugu isumannaatsumik qularnaveeqqusisoqarsimappat. Kattunneq eqqarsaatigineqartoq pillugu nalilersuisartumiit oqaaseqaasiortoqarsimappat, tassunga ilanngullugu akissarsiat, aamma nalilersuisartut oqaaseqaataanni isummertoqarpat akissarsiat naammaginartuuusut piviusorsiorumilltu tunngavilersorneqarsimasut, nalilersuisuartut aamma nalunaarutigissavaat akissarsiat pilligit oqaaseqaatertik annertuitigut akerlilerneqarsinnaanngitsoq. Qularnaveeqqusisoqarsimappat isumannaatsuunersoq nalilersuisartut aalajangissuaat.
- 4)Aqutsisunut qullersanut ilaasortanik kukkunersiuismillu toqqaaneq pillugu imm. 6-mi piumasaqaatit naammassineqarpat.
- 5)Qullersaqarfimmik atorfinititsisoqarsimavvoq, kattunnermut atasumik ingerlatseqatigiiffimmik aningaasaliiffiusumik nutaamik pilersitsisoqarsimappat aqutsisoqartussamik, aqutsisut qullersat tassaassallutik siulersuisut imaluunniit nakkutilliisut, § 111, imm. 1 tak.

Imm. 2. Piffissaq, ingerlatseqatigiiffiup aningaasaliiffiusup atorunnaartup naatsorsuutitigut pisinnaatitaaffii pisussaaffiilu ingerlatseqatigiiffimmuit aningaasaliiffiusumut ingerlaqqittumut nuunneqartutut isigineqartoq tassaappat kattunnerup naammassineqarnera pillugu aalajangiinermut piffissaq, kattunneq inatsisitigut sunniuteqanera, oqaaseqatigiit aappaat aamma pingajuat tak., aatsaat naatsorsuutitigut piffissami sunniuteqalernera pissaaq. Piffissaq kattunnerup naatsorsuutitigut sunniuteqalernera kattunnerup naammassineqarnera pillugu aalajangiisoqarneranit kingusinnerpaamik sapaatit akunnerinik tallimanit kingusinnerussanngilaq, taamaattorli kattunnerup nalunaarsorneqarneranut imaluunniit nalunaarsorneqarnissamut nalunaarutigineqarneranut piffissamiit kingusinnerunani. Naatsorsuutitigut piffissaq sunniuteqalerfiusoq aamma kattunnerup naammassineqarnera pillugu aalajangiinermut piffissaq aamma ingerlatseqatigiiffinnut aningaasaliiffiusunut peqataasunut ukioq naatsorsuusiorfigisaat assigissavaat.

Imm. 3. Imm. 1 aamma 2-mi piumasaqaatit naammassineqarpata ingerlatseqatigiiffimmi aningaasaliiffiusumi atorunnaartumik aningaasaatinik piginnittut, aningaasaatinik piginneqataassutinik akissarsitinneqartut, ingerlatseqatigiiffimmi ingerlaqqittumi aningaasaatinik piginnittuulissapput.

Imm. 4. Ingerlatseqatigiiffinnit aningaasaliiffiusunit kattuttunit pigineqartuni ingerlatseqatigiiffimmi aningaasaliiffiusumi atorunnaartumik aningaasaatinik piginneqataassutinut akissarsitsisoqarsinnaanngilaq. § 31 aamma § 153, imm. 2, taamaaqataanik kattunnermi atorneqassapput.

Imm. 5. Pilfersitsineq pillugu kapitali 3, aningaasaatinik qaffaaneq pillugu kapitali 10 aamma atorunnaarsitsineq pillugu kapitali 14 kuttunnermi atorneqassanngillat, kattunneq pillugu aalajangersakkanit tamanna takuneqarsinnaanngippat, §§ 236-252 tak.

Imm. 6. Kattunnerup naammassineqarnerani ingerlatseqatigiiffimmik aningaasaliiffiusumik nutaamik pilersitsisoqarpat, aamma kattunnerup ataatsimeersuarnermi akuerineqarnerata kingunitsianngua aqutsisunut qullersanut ilaasortassanik kukkunersiuusussamillu toqqaasoqarpat, tamatuma kingorna kingusinnerpaamik sapaatit akunneri tallimat qaangiutsinnagit ingerlatseqatigiiffimmi aningaasaliiffiusumi nutaami aqutsisuni qullersani ilaasortassanik kukkunersiuusumillu toqqaaffiusumik ataatsimeersuartoqassaaq. Ataatsimeersuartut aamma, ukiumoortumik naatsorsuutit pillugit inatsit kunngip peqqussuteqarneratigut Kalaallit Nunaannut atulersinneqartoq, inatsisilluunniit allat malillugit kukkunersiuisoqarnissaanik pisussaaffimmut ingerlatseqatigiiffik aningaasaliiffusoq ilaanngippat, ingerlatseqatigiiffiup aningaasaliiffiusup ukiumoortumik naatsorsuutai kukkunersiorneqartassanersut pillugu aalajangiissapput.

Kattunnerup naammassineqarnera pillugu nalunaaruteqarneq

§ 251. Kattunneq akuerineqartoq ingerlatseqatigiiffinnut aningaasaliiffiusunut ataasiakkaanut tamanut Erhvervsstyrelsimi nalunaarsorneqassaaq imaluunniit nalunaarsorneqartussatut nalunaarutigineqarluni, § 9 tak., kattunnermi peqataasuni ingerlatseqatigiiffinni aningaasaliiffiusuni ingerlaqqituni tamanit kattunnerup aalajangiiffigineraniit kingusinnerpaamik sapaatit akunneri tallimat qaangiutsinnagit. Ingerlatseqatigiiffik aningaasaliiffiusoq ingerlaqqittooq ingerlatseqatigiifiit aningaasaliiffiusut peqataasut sinnerlugit kattunneq nalunaarsussavaa imaluunniit nalunaarutigissavaa. Nalunaarsorneqarneq imaluunniit nalunaaruteqarneq allagaatinut § 245, im. 7, nr. 3-7-mi taaneqartunut ilanngunneqassaaq, allagaatit suliarineqarsimappata. Kattunneq akuerineqartoq aatsaat nalunaarsorneqarsinnaavoq kattunnerup inatsisitigut sunniuteqarnera § 250, imm. 1 aamma 2 malillugu atuutilerpat.

Imm. 2. Kattunneq akuerineqartoq nalunaarsorneqassaaq imaluunniit nalunaarsorneqartussatut nalunaarutigineqassaaq, § 9 tak., kingusinnerpaamik kattunnerup naatsorsuutitigut sunniuteqarnerani piffissamut ukiumoortumik nalunaarusianik nassiussinissamut piffissaliussap naanerani, taamaattorli kattunneq eqqarsaatigineqartoq pillugu paassisutissanik tiguneqartunik Erhvervsstyrelsip tamanut saqqummiussineraniit, § 244, imm. 5 tak., kingusinnerpaamik ukiup ataatsip qaangiutinnginnerani. Piffissaliussat taakku marluk arlaat qaangerneqarpat kattunnerup naammassineqarnera pillugu aalajangiinerup atuuttuunini annaassavaa, aamma § 237 naapertorlugu kattunnissamut pilersaarasiaasimasoq atorunnaartutut isigineqalerluni.

Imm. 3. Ingerlatseqatigiiffik aningaasaliiffiusoq, kattunnermut atasumik, ingerlatseqatigiiffiup aningaasaliiffiusup nalunaarsorneqarnera sioqqullugu isumaqtigisiissuteqarpat, aamma isumaqtigisiissuteqaqataasup ingerlatseqatigiiffik

aninaasaliiffiusoq nalunaarsorneqarsimanngitsoq ilisimasimappagu, isumaqatigiissuteqaqataasup, allamik isumaqatigiittoqarsimanngippat, isumaqatigiissut atorunnaarsissinnaavaa, nalunaarsorneqarneq imaluunniit nalunaarsorneqarnissamut nalunaarut imm. 2-mi piffissaliussatut aalajangersakkap kingusinnerpaamik naanerani Erhvervsstyrelsimit tiguneqarsimanngippat, imaluunniit nalunaarsorneqarnissaq itigartinneqarsimappat. Ingerlatseqatigiiffik aninaasaliiffiusoq nalunaarsorneqarsimanngitsoq isumaqatigiissuteqaqataasoq ilisimasqarsimanngippat taassuma isumaqatigiissut atorunnaarsissinnaavaa, ingerlatseqatigiiffiup aninaasaliiffiusup nalunaarsorneqarsimannginnerani. § 41, imm. 1, oqaaseqatigiit aappaat taamaaqataanik atorneqassapput.

Imm. 4. §§ 42-44 taamaaqataanik atorneqassapput ingerlatseqatigiiffik aninaasaliiffiusoq, kattunnermut atasumik pilersinneqartoq, ingerlatseqatigiiffiup nalunaarsorneqarneraniit piffissami qaammatit 24-t tikillugit aningasaatinik piginnittumiit, ingerlatseqatigiiffimmik ilisimannittumiit, pigisanik nalilinnik pissarsimappat.

Ingerlatseqatigiiffiup piginnittup aamma ingerlatseqatigiiffiit tamakkiisumik pigineqartut akornanni tigusisumi kattunnerit

§ 252 Ingerlatseqatigiiffiup aninaasaliiffiusup pigisai pisussaaffiilu ataatsimoortillugit ingerlatseqatigiiffimmut aninaasaliiffiusumut allamut, ingerlatseqatigiiffimmi aninaasaliiffiusumi atorunnaartumi aningasaatinik piginneqataassutinik tamanik piginnittumut nuunneqarnerisigut atorunnaarsitsisoqarnani ingerlatseqatigiiffik aninaasaliiffiusoq atorunnaarsinneqarpat, tassa imaappoq tigusisumi kattunneq, ingerlatseqatigiiffimmi aninaasaliiffiusumi atorunnaartumi kattunneq pillugu aalajangiineq qitiusumik aqutsisunit aalajangerneqarsinnaavoq. Aamma § 237, imm. 1 aamma 2, imm. 3, nr. 1, 2, 5, 6 aamma 8-10, aamma imm. 4, § 239, §§ 242-245, § 246, imm. 1, oqaaseqatigiit aappaat aamma pingajuat., §§ 247 aamma 248 aamma §§ 250 aamma 251 taamaaqataanik piginnittumut kattunnermi atorneqassapput.

Ingerlatseqatigiiffiup aninaasaliiffiusup pigisaanik pisussaaffiinillu Namminersorlutik Oqartussanut imaluunniit kalaallit nunaanni kommunimut tunniussineq

§ 253 Ingerlatseqatigiiffiup aninaasaliiffiusup pigisai pisussaaffiilu ataatsimoortillugit Namminersorlutik Oqartussanut imaluunniit kalaallit nunaanni kommunimut nuunneqarnerisigut atorunnaarsitsisoqarnani ingerlatseqatigiiffik aninaasaliiffiusoq atorunnaarsinneqarpat, § 237, imm. 1 aamma 3, § 238, § 241, § 244, imm. 1, 2 aamma 5, § 245, imm. 1 aamma 3-6, §§ 246, 248 aamma 249, § 250, immk. 1, nr. 1, aamma § 251, imm. 1, taamaaqataanik atorneqassapput.

Ingerlatseqatigiiffinnik aninaasaliiffiusunik agguataarineq

§ 254 Ataatsimeersuartut ingerlatseqatigiiffiup aninaasaliiffiusup agguataarivigineqarnissaa pillugu aalajangiisinnaapput. Agguataarinermi pigisat nalillit pisussaaffiillu tamakkiisumik aktie imaluunniit anpartsselskabinut atuuttunut nutaatullu pilersinneqartunut tunniunneqassapput ingerlatseqatigiiffiup aningaasaliissuteqartup aningasaatinik piginnittuinut akissarsiaqartitsinikkut. Ataatsimeersuartut amerlanerussuteqarneq taanna atorlugu agguataarinissamik aalajangiisinnaapput, tamatumani ingerlatseqatigiiffiup aningaasaliiffiusup pigisami nalillit pisussaaffimmilu ilai ingerlatseqatigiiffinnut aningaasaliiffiusunut atuuttunut nutaatullu pilersinneqartunut tunniullugit. Tunniussineq akiligassaqarfiiit akuersitinngikkaluarlugit pisinnaavoq.

Imm. 2. Ingerlatseqatigiiffimmi aningaasaliiffiusumi akiligassaqarfik, agguataarinermi peqataasimasoq, naammassinniffigineqanngippat, ingerlatseqatigiiffit aningaasaliiffiusut allat peqataasut ataasiakkaarlutik akisussaaqatigiillutillu pisussaffinnut, agguataarinerp Erhvervssstyrelsip tamanut saqqummiunneqarnerani atuuttunut, § 262, imm. 5 tak., § 262, imm. 1 imaluunniit 2-mut tunngatillugu, akisussasuussapput, taamaattorli annerpamik aningaasat piffissami pineqartumi ingerlatseqatigiiffinni aningaasaliiffiusuni ataasiakkaani ilanngaateqareerluni naliusup ilanngunneqartup sinneruttulluunniit annerpamik amerlaqataannik.

Imm. 3. Ingerlatseqatigiiffik aningaasaliiffiusoq ataaseq arlallilluunniit tigisisuusut agguataarinermi, agguataarinermut, § 255 tak., imaluunniit kattutititsinermut piviusunngortinneqanngitsumi allamut ataneqartillugu pinngorpata, tamanna agguataarinissamut pilersaarummi ersersinneqassaaq, § 266 tak. Ingerlatseqatigiiffinnut aningaasaliiffiusunut tigisisuusunut nutaanut, agguataarinermut imaluunniit kattutititsinermut allamut atasumik pinngortunut, agguataarineq imaluunniit kattutititsinerup, ingerlatseqatigiiffit nutaat tamatumunnga ataneqartillugu pinngorfigisaata, nangitsissutigisaatut pissaaq, § 269 tak.

Agguatarinissamut pilersaarut

§ 255. Ingerlsatseqatigiiffinni aningaasaliiffiusuni ingerlaqqittuni, agguataarinermi peqataasuni qitiusumik aqtsisut agguataarinermi pilersaarummi peqatigiillutik pilersitsillutillu atsiussapput, taamaattorli imm. 2 tak.

Imm. 2. Agguataarineq, taamaallaat anpartsselskabit peqataaffigisaat pineqarpat piginneqataasut isumaqatigiillutik aalajangersinnaapput agguataarinermi pilersarusiortoqassanngitsoq, taamaattorli § 266, imm. 2, 3 aamma 4 tak.

Imm. 3. Agguutaarinermi aktieselskabit peqataaffigisaanni agguataarinermut pilersaarut uku pillugit paasissutissanik aalajangersakkani illu imaqassaaq

- 1) ingerlatseqatigiiffit aningaasaliiffiusut aqqi saniatigullu taaguutaat, matumanilu ingerlatseqatigiiffiup aningaasaliiffiusup aningaasaliissuteqartup aqqa imaluunniit saniatigut taaguutaa ingerlatseqatigiiffimmut aningaasaliiffiusumut tigisisuusumut saniatigut taaguutitut atorneqassanersoq ilanngullugu eqqarsaatigalugu,
- 2) ingerlatseqatigiiffit aningaasaliiffiusut angerlarsimaffii,
- 3) pigisat nalillit ilaasa pisussaaffiillu, ingerlatseqatigiiffinni aningaasaliiffiusuni agguataarinermi peqataasunut ataasiakkaanut nuunneqartussat imaluunniit pigiinnarneqartussat, sukumiisumik allaaserineqarnerat agguaannerallu,
- 4) ingerlatseqatigiiffimi aningaasaliiffiusumi aningaasaliissuteqartumi piginneqataasunut akissarsiassatitat
- 5) akissarsiassat agguarneqarnerat, matumanilu ingerlatseqatigiiffinni aningaasaliiffiusuni tigisisuusuni piginneqataassutit ilanngullugit eqqarsaatigalugit, ingerlatseqatigiiffimmi aningaasaliiffiusumi aningaasaliisuusumi piginneqataasunut kiisalu agguaassinermut tassunga aalajangiinermi tunngavik,
- 6) piffissaq piginneqataassutit, akissarsiatus tunniunneqarsimasinnaasut, sinneqartooreqaataasinnaalerfiat,
- 7) ingerlatseqatigiiffimmi aningaasaliiffiusumi tigisisuusumi pisinnaatitaaffit, ingerlatseqatigiiffimmi aningaasaliiffiusumi aningaasaliisuusumi piginneqataassuteqarsinnaasunut akiitoqarnermullu allagaateqarsinnaasunut immikkut ittumik pisinnaatitaaffeqarfiusunut,

- 8) iliuusaasinnaasut allat piginneqataassutini akiitsoqarnermullu allagaatini nr. 7-imi pineqartuni pigisaqartunut iluaqsiisinnasut,
- 9) aningasaatnik piginneqataassutinik, akissarsiassatut tunniunneqartuni, nalunaarsuineq, kiisalu piginneqataassutit pillugit allagaatnik tunniussinermi nalunaarsuineq,
- 10) piffissaq, ingerlatseqatigiiffiup aningaasaliiffiusup tigusiuusup pisinnaatitaaffiisa pisussaaffiisalu naatsorsuusiatigut qaangerneqartutut isigineqalerfia, tak. imm. 2,
- 11) iluaqsiissut sunaluunniit, ingerlatseqatigiiffiup aningaasaliiffiusup siulersuisuunut ilaasortanut tunniunneqartoq, aamma
- 12) malittarisassanut missiliuut, tak. § 4, agguataarinermi ingerlatseqatigiiffimmik aningaasaliiffiusumik ataatsimik ingerlatseqatigiiffinnilluunniit arlalinnik pilersitsisoqarpat.

Imm. 4. Agguataarinermut pilersaarut ingerlatseqatigiiffinnut aningaasaliiffiusunut atuuttunut ataasiakkaanut tamanut kingusinnerpaamik, ukiup naatsorsuusiuunneqartup, agguataarinerup naatsorsuusiatigut sunniuteqaataata atuutilerfiani, tak. imm. 3, nr. 10, naanerani atsiorneqarsimassaaq. Piffissaliussaq qaangerneqarpat agguataarinissamut pilersaarusiap Erhvervsstyrelsimi tiguneqarnera tamanut saqqummiunneqarsinnaassanngilaq.

Imm. 5. Pigisat nalillit ilai agguataarinissamut pilersaarusiornermi agguanneqarsimannngippata, tak. imm. 3, nr. 3 imaluunniit § 266, imm. 3, tamatumunngalu nassuiaatip agguassinermut aalajangiinissaq periarfissaqartinngippagu, agguarneq taanna imaluunniit tassannga naliusoq ingerlatseqatigiiffiit aningaasaliiffiusut peqataasut ataasiakkaat akornanni agguanneqassaaq, ilanngaateqareerluni pigisat nalingat, agguataarinissamut pilersaarusiornerp kingornatigut ingerlatseqatigiiffinni aningaasaliiffiusuni ataasiakkaani ilanngunneqartut sipporunneqartulluunniit ilutigalugit.

Imm. 6. Pisussaaffiit ilai agguataarinissamut pilersaarusiornermi agguanneqarsimannngippata, tak. imm. 3, nr. 3 imaluunniit § 266, imm. 3 tamatumunngalu nassuiaatip agguassinermut aalajangiinissaq periarfissaqartinngippagu, ingerlatseqatigiiffiit aningaasaliiffiusut peqataasut ataasiakkaarlutik peqatigiillutillu akisussaasuussapput, taamaattorli aningaasanik annerpaaamik ingerlatseqatigiiffinnut aningaasaliiffiunut ataasiakkaanut ilanngaateqareerluni naliusup ilanngunneqartup sipporunneqartulluunniit amerlaqataannik. Ingerlatseqatigiiffiit aningaasaliiffiusut peqataasut akornanni pissutsit atukkat iluanni, pisussaaffiit taamaattut agguanneqassapput, agguataarinissamut pilersaarusiornerp kingornatigut ingerlatseqatigiiffinni aningaasaliiffiusuni ataasiakkaani ilanngunneqartut sipporunneqartulluunniit ilutigalugit.

Agguataarineq pillugu nassuiaat

§ 256. Ingerlatseqatigiiffinni aningaasaliiffiusuni ingerlaqqittuni, agguataarinermi peqataasuni tamani qitiusumik aqtsisut agguataarineq eqqarsaatigineqartoq, tassunga ilanngullugu agguataarinissamut pilersaarut, qanoq nassuarneqassanersoq tunngavilersorneqassanersorlu allakkatigut nassuiaasiussapput, taamaattorli imm. 2 tak. Nassuiaat ingerlatseqatigiiffinni aningaasaliiffiusuni aningaasaliissuteqartuni aningasaatnik piginneqataassutinut akissarsiay pillugit aalajangersaaneq pillugu paassisutissanik imaqassaaq, tassunga ilanngullugu aalajangersaanermut atasumik immikkut ajornartorsiutit, aamma nalilersuinermut nassuiaasierneq pillugu paassisutissat, taanna § 258 malillugu suliarineqassappat.

Imm. 2. Aningaasaatinik piginnittut isumaqatigiillutik aalajangersinnaapput agguataarinermi nassuaasiortoqassanngitsoq.

Akunnerinnarmi pigisanik nalilinnik akiligassanillu naatsorsuineq

§ 257 Ingerlatseqatigiiffiup aningaasaliiffiusup kingullermik ukiumoortumik nalunaarusiaanut tunngasumi ukiup naatsorsuusiorfiusup naaneraniit qaammatit arfinillit sinnerlugit qaangiunnerini agguataarinissamut pilersaarut atsiorneqarsimappat, ingerlatseqatigiiffimmut aningaasaliiffiusumut pineqartumut, agguataarinermi peqataasumut akunnerinnarmi pigisanik nalilinnik akiligassanillu naatsorsuisoqassaaq, taamaattorli imm. 4 aamma 5 tak.

Imm. 2. Agguataarinermi, agguataarinermi pilersaarusiornissaq ilaatinneqanngitsumi, § 255, imm. 2 tak., atsiorneqarsimappat, ingerlatseqatigiiffimmut aningaasaliiffiusumut pineqartumut, agguataarinermi peqataasumut akunnerinnarmi pigisanik nalilinnik akiligassanillu naatsorsuisoqassaaq, agguataarinermi pilersaarusiunnginnissaq pillugu aalajangerneq ingerlatseqatigiiffiup aningaasaliiffiusup kingullermik ukiumoortumik nalunaarusiaanut tunngasumi ukiup naatsorsuusiorfiusup naaneraniit qaammatit arfinillit sinnerlugit qaangiunnerini pisimappat, taamaattorli imm. 4 aamma 5 tak.

Imm. 3. Pigisanik nalilinnik akiligassanillu naatsorsuineq, ingerlatseqatigiiffiup ukiumoortumik nalunaarusiornnerani maleruagassai naapertorlugit suliarineqarsimappat, ulloq naatsorsuusiorfusoq agguataarinermi pilersaarusiunnginnissaq pillugu atsiorneq imaluunniit aalajangerneq sioqqullugu qaammatinik pingasunik ungasinnerussanngilaq. Pigisanik nalilinnik akiligassanillu naatsorsuineq kukkunersiorneqassaaq, ingerlatseqatigiiffik aningaasaliiffusoq ukiumoortumik naatsorsuutit pillugit inatsit, kunngip peqqussuteqarneratigut Kalaallit Nunaannut atulersinneqartoq, imaluunnit inatsisit allat malillugit kukkunersiuinissamut pisussaaffeqartunut ilaappat.

Imm. 4. Aningaasaatinik piginnittut isumaqatigiillutik aalajangersinnaapput pigisanik nalilinnik akiligassanillu naatsorsuineq suliarineqassanngitsoq, ingerlatseqatigiiffiup aningaasaliiffiusup kingullermik ukiumoortumik nalunaarusiaanut tunngasumi ukiup naatsorsuusiorfiusup naaneraniit qaammatit arfinillit sinnerlugit qaangiunnerini agguataarinissamut pilersaarut atsiorneqarsimanera apeqquataatinagu.

Imm. 5. Imm. 1-mi aalajangersagaq ingerlatseqatigiiffinnut aningaasaliiffiusunut, EU/EØS-immi nunami niuerfimmi naleqqussakkami pappiaranik aningaasanik nalilinnik niueruteqartunut, aamma ukiumoortumik naatsorsuutit pillugit inatsit, kunngip peqqussuteqarneratigut Kalaallit Nunaannut atulersinneqartoq naapertorlugu ukiup affaanut nalunaarusiamik tamanut saqqummiussisimasut atorneqassanngilaq, ukiup affaanut nalunaarusiaq ingerlatseqatigiiffik pillugu ukiup affaanut naatsorsuutinik kukkunersiorneqarsimasunik imaqpapat aamma ukiup affaanut nalunaarusiaq ingerlatseqatigiiffiup aningaasaatinik piginnituinit pissarsiarineqarsinnaappat.

Nalilinnik aningaasaliineq pillugu nalilersuinermik nassuaat

§ 258 Agguataarinermut atatillugu aktieselskabimi ingerlaqqittumik aningaasaatinik qaffaasoqarpat, imaluunniit agguataarinermut atasumik nutaanik piginneqataassuteqalerpat kattunnermut atasumik nalilersuisumiit nassuaasiortoqartitsisoqassaaq, taamaattorli imm. 2 tak. Nalilersuisussaq § 37, imm. 1 malillugu toqqarneqassaaq. § 37, imm. 2 aamma 3 taamaaqataanik ingerlatseqatigiiffinnut aningaasaliiffiusunut kattuttunut tamanut nalilersuisut atugaannut atorneqassapput.

Imm. 2. Nalilersuinermik nassuaat ilaatinneqanngitsoortinneqarsinnaavoq, taarsiullugu agguataarinissaq eqqarsaatigineqartoq pillugu naliliisuniit oqaaseqaasiortoqarpat, § 259 tak., imaluunniit akiligassaqarfiiit inissisimanerat pillugu nalilersuisumiit nalunaaruteqartoqarpat, § 260 tak.

Imm. 3. Agguataarinermut atasumik nalilersuinermi nassuaasiortoqassappat nalilersuinermi nassuaatip imarissavai

- 1) aningaasaliissutit ataasiakkaat allaaserinerat,
- 2) nalilersuinermi suleriaaseq atorneqartoq pillugu paassisutissat,
- 3) akissarsiat aalajangerneqarsimasut allanneqarneri aamma
- 4) nalitut inissinneqartup akissarsiassatut isumaqtigiiissutigineqartumut minnerpaamik naapertuunnera pillugu nalunaarut, tassunga ilanngullugu aningaasaatinik piginnejataassutit atulersinneqartut nalingi, sinnerlugu naliusoq tapiliullugu.

Imm. 4. Agguataarinерup akuerineqarneraniit piffissaq qaammatit pingasut sinnerlugit nalilersuinermi nassuaat suliarineqarsimassangilaq, § 263 tak. Piffissaliussaq qaangerneqarpat agguataarineq atuuttutut akuerineqarsinnaanngilaq.

Agguataarinissaq eqqarsaatigineqartoq pillugu nalilersuisartup oqaaseqataa, tassunga ilanngullugu agguataarineq pillugu pilersaarut

§ 259. Ingerlatseqatigiiffinni aningaasaliiffiusuni, agguataarinermi peqataasuni tamani agguataarinermut pilersaarut pillugu nalilersuisartoq ataaseq arlalilluunniit attaviitsut, paasisimasaqartut allakkatigut oqaaseqaasiussapput, akissarsiat ilanngullugit, imm. 4 tak. Agguataarinermi, agguataarinermut pilersarusiornissaq ilaatinneqanngitsumi, § 237, imm. 2 tak., agguataarinissaq eqqarsaatigineqartoq pillugu nalilersuisartoq allakkatigut oqaaseqaasiussaaq, tassunga ilanngullugu akissarsiat, imm. 4 tak. Aningaasaatinik piginnittut isumaqtigillutik aalajangersinnaapput agguataarinissaq eqqarsaatigineqartoq pillugu nalilersuisartumit taamatut oqaaseqaasiliortoqassanngitsoq, oqaaseqatigiit siilliit aamma aappaat tak.

Imm. 2. Nalilersuisartut § 37, imm. 1 malillugu toqqarneqassapput. Ingerlatseqatigiiffiit aningaasaliiffiusut, agguataarinermut peqataasut, nalilersuisartumik ataatsimik arlalinnilluunniit atuinissaq kissaatigippassuk, ingerlatseqatigiiffiit aningaasaliiffiusut noqqaassuteqarnerisigut pigisanik agguassinerut eqqartuussivimmit taakku toqqarneqassapput.

Imm. 3. § 37, imm. 2 aamma 3, taamaqataanik ingerlatseqatigiiffinnut aningaasaliiffiusunut agguataarneqartunut tamanut nalilersuisut pissusiinut atorneqassapput.

Imm. 4. Oqaaseqaat ingerlatseqatigiiffimi aningaasaliiffiusumi atorunnaartumi aningaasaatinik piginnejataassutinut akissarsiat naammaginartuunersut aamma piviusorsiortumik tunngavilersugaanersut pillugu nalunaarummik imaqassaaq. Nalunaarummi suleriaaseq imaluunniit suleriaatsit akissarsiap aalajangersarneranut atorneqartut, aamma tamatuma naleqquutuuneranik naliliineq allanneqassapput. Nalunaarut aamma suleriaatsit ataasiakkaarlutik qanoq kinguneqarnerinik nalinik aamma naliliinermi imminnut naleqqiullutik suleriaatsit pingaaruteqarneri allanneqassapput. Naliliinermut atasunik immikkut ajornartorsiuteqarsimappat taakku nalunaarummi eqqaaneqassapput.

Akiligassaqarfiiit inissisimaneri pillugit nalilersuisartup nalunaarutaa

§ 260 Nalilersuisartut § 259-mi eqqaaneqartup nalunaarutip saniatigut aamma 105 ingerlatseqatigiiffimi aningaasaliiffiusumi ataatsimi akiligassaqarfiiit ingerlatseqatigiiffiup maannakkut inissisimaneranut naleqqiullugu

kattunnerup kingorna naammattumik qulakkeerneqarsimasut pillugu nalunaaruteqassapput. Aningaasaatinilli piginnittut isumaqatigiillutik aalajangiisinhaapput akiligassaqarfiiit inissisimanerat pillugu nalilersuisartumit taamatut nalunaaruteqartoqassanngitsoq.

Akiligassaqarfiiit piumasaqaatiminnik nalunaaquteqarsinnaanerannut periarfissaq

§ 261 Akiligassaqarfiiit inissisimanerat pillugu nalunaarumminni nalilersuisartut, § 260 tak., isumaqarunik ingerlatseqatigiiffinni aningaasaliiffiusuni ataasiakkaani akiligassaqarfiiit kattunnerup kingorna naammattumik qulakkeerneqarsimannngitsut, imaluunniit akiligassaqarfiiit inissisimanerat pillugu nalilersuisartumiit nalunaarusiortoqanngippat, akiligassaqarfiiit, § 262 naapertorlugu Erhvervsstyrelsip tamanut saqqummiussinera sioqqullugu pissarsiassat pilersinneqarsimappata, tamanut saqqummiussisoqarneraniit kigusinnerpaamik sapaatit akunneri arfineq marluk qaangiutsinnagit ingerlatseqatigiiffimmut pissarsiassatik nalunaarutigissavaat. Pissarsiassalli isumannaatsumik qularnaveeqquserneqarsimasut nalunaarutigineqassanngillat.

Imm. 2. Pissarsiassat nalunaarutigineqarsimasut, akilerneqartussat, akilerneqarnissaat piumasarineqarsinnaavoq, aamma pissarsiassat nalunaarutigineqarsimasut akilerneqarsimannngitsut, isumannaatsimik qularnaveeqquserneqarnissaat piumasarineqarsinnaalluni.

Imm. 3. Allatigut akiliisoqarsimappat, imm. 2 malillugu qularnaveeqqusiinissaq pisariaqassanngilaq, pissarsiassat akilerneqarnissaat inatsit naapertorlugu aaqqisuussinikkut qulakkeerneqarsimappat.

Imm. 4. Qularnaveeqqusiisoqassaneroq imaluunniit qularnaveeqqusiineq naammannersoq pillugu ingerlatseqatigiiffiup aningaasaliiffiusup amma akiligassaqarfiiit nalunaaruteqartut akornanni isumaqatigiinngitoqarpat illuatungeriit marluullutik, pissarsiassap nalunaarutigineqarneraniit kingusinnerpaamik sapaatit akunneri tallimat qaangiutsinnagit pigisanik agguassinermut eqqartuussivimmut suliassanngortitsisinnaapput.

Imm. 5. Akiligassaqarfik, pissarsiassamut tunngaviusumut isumaqatigiissummi pituttuisumik imm. 2 malillugu qularnaveeqqusiisoqarnissaanik pisinnaatitaaffini assortorsinnaanngilaa.

Imm. 6. (Atorunnaarpoq)

Agguataarinissaq eqqarsaatigineqartoq pillugu paasissutissanik nassiussineq, tassunga ilanngullugit agguataarinissamut pilersaarut aamma akiligassaqarfiiit inissisimanerat pillugu nalilersuisartumiit nalunaarut

§ 262 Agguataarinissamut pilersaarutip atsiorneqarneraniit kingusinnerpaamik sapaatit akunneri arfineq marluk qaangiutsinnagit agguataarinissamut pilersaarutip assilineranik Erhvervsstyrelsi tigusaqarsimassaaq, taamaattorli imm. 2 tak. Piffissaliussaq qaangerneqarpat agguataarinissamut pilersaarutip tiguneqarnera tamanut saqqummiunneqarsinnaanngilaq, agguataarnerlu taamaalilluni akuerineqarnani.

Imm. 2. Ingerlatseqatigiiffiit aningaasaliiffiusut peqataasut agguataarinissamut pilersaarutip suliarineqannginnissaanut periarfissaq atorsimannngippassuk, § 255, imm. 2 tak., tamanna Erhvervsstyrelsimumt nalunaarutigineqassaaq ingerlatseqatigiiffiit aningaasaliiffiusut peqataasut aqqi aamma Erhvervsstyrelsip qarasaasiaqarfiani nalunaarsorneqarnermin normut allanneqarlutik.

Imm. 3. Akiligassaqarfiiit inissisimanerat pillugu nalilersuisartup nalunaarutaa, § 260, oqaaseqatigiit siulliit tak., Erhvervsstyrelsimumt nassiunneqassaaq, taamaattorli imm. 4 tak.

Imm. 4. Akiligassaqarfiiit inissisimanerat pillugu nalilersuisartup nalunaarutaanik suliaqartoqannginnissaanik periarfissaq, § 260, oqaaseqatigiit aappaat tak..

atorneqarsimappat tamanna Erhvervsstyrelsimut nalunaarutigineqassaaq ingerlatseqatigiiffit aningaasaliiffiusut kattunnermi peqataasut aqqi aamma Erhvervsstyrelsip qarasaasiaqarfiani nalunaarsorneqarnermi normuat allanneqarlutik.

Imm. 5. Paasissutissanik allagaatinillu Erhvervsstyrelsip tigusaqarnera, imm. 1-4 tak., Erhvervsstyrelsip qarasaasiaqarfiani tamanut saqqummiunneqassapput. Akiligassaqarfiiit piumasaqaatiminnik nalunaaruteqarsinnaatitaanerat, § 261 tak., Erhvervsstyrelsip tamanut saqqummiussinera tamanna pillugu paasissutissanik imaqassaaq.

Imm. 6. Agguataarinissamut pilersaarutinik allagaatinillu ilaatinneqartunik ingerlatseqatigiiffit aningaasaliiffiusut tamanut saqqummiussinerat pillugu maleruagassanik erseqqinnerusunik Erhvervsstyrelsi aalajangersaasinnaavoq.

Agguatainerup naammassineqarnissaa pillugu aalajangiineq

§ 263 Agguatainerup naammassineqarnissaanut aalajangerneq agguataarinissaq eqqarsaatigineqartoq pillugu paasissutissat tiguneqarnerisa Erhvervsstyrelsip tamanut saqqummiussineriit, § 262, imm. 5 tak., siusinnerpaamik sapaatit akunneri arfineq marluk sioqqullugit aalajangerneqarsinnaavoq, taamaattorli imm. 2 aamma 3 tak. § 262, imm. 1 imaluunniit 2-mut tunngatillugu aamma § 262, imm. 3 imaluunniit 4-mut tunngatillugu tamanut saqqummiussineq tamarmik immikkut pisimappat, oqaaseqatigiinni siullerni piffissaliussaq kingullermik tamanut saqqummiussinermi piffissamiit naatsorsorneqassaaq.

Imm. 2. Agguataarinermi, anpartsselskabit kisimik peqataaffigisaanni, aamma nalilersuisartut akiligassaqarfiiit inissisimancerat pillugu nalunaaruteqarnerminni, § 260 tak., isumaqarunik anpartsselskabini ataasiakkaat akiligassaqarfiiit agguatainerup kingorna naammattumik qulakteeqarsimasut, piginneqataasut isumaqatigiillutik agguataarinissaq eqqarsaatigineqartoq pillugu paasissutissat tiguneqarneri pillugit Erhvervsstyrelsip tamanut nalunaaruteqarnerata kingorna, § 262, imm. 5 tak., imm. 1 malillugu piffissaliussap sanequnneqarnissaa aalajangersinnaavaat.

Imm. 3. Agguataarinermi, agguatainermut pilersaarut ilaatinneqanngitsumi, § 255, imm. 2 tak., akiligassaqarfiiit inissisimancerat pillugu nalilersuisartoq nalunaarusiorsimappat, § 262 tak., aamma akiligassaqarfiiit inissisimancerat pillugu nalunaaruteqarnerminni anpartsselskabini ataasiakkaani akiligassaqarfiiit agguatainerup kingorna naammattumik qularkaarneqarsimasut nalilersuisartut isumaqarpata, agguatainerup naammassineqarnissaa pillugu anpartsselskabit aalajangiinerat sioqqullugu Erhvervsstyrelsip tamanut saqqummiussinissa, § 260 tak., pillugu piumasaqaateqartoqassanngilaq.

Imm. 4. Ingerlatseqatigiiffiup aningaasaliiffiusup atorunnaartup pisinnaatitaaffii aamma naatsorsuutitigut pisussaaffii ingerlatseqatigiiffimmut ingerlaannartumut nuunneqartut isigineqalernerini piffissaq sioqqullugu ingerlatseqatigiiffiup aningaasaliiffiusup atorunnaartup ukiumut naatsorsuutini naammassisimappagit, aamma piffissamut tassunga naatsorsuusiorfiusumut ukiumoortumik nalunaarusiamik ataatsimeersuartut suli akuersisimanngippata, agguatainerup naammassineqarnissaanik aalajangiinerup kingusinnerpaamik peqatigisaanik piffissamut naatsorsuusiorfiusumut tassunga ukiumoortumik nalunaarusiaq ataatsimeersuartunit akuerineqassaaq.

Imm. 5. Akiligassaqarfiiit, tamatuminnga noqqaasut, agguatainerup naammassineqarnissaa qaugu aalajangiiffigineqarnissaa pillugu paasissutissamik pissarsissapput.

Imm. 6. Agguataarinissamut pilersaarusiortoqarsimappat agguataarineq agguataarinissamut pilersaarut naapertorlugu naammassineqassaaq. Agguataarinissamut pilersaarut tamanut saqqummiunneqarsimasoq naapertorlugu agguatarinissaq akuerineqarpat siunnersut atorunnaartutut isigineqassaaq.

Imm. 7. Allagaatit uku, suliarineqarsimappata, agguataarinerup naammassineqarnissaa pillugu aalajangiisoqartinnagu kingusinnerpaamik sapaatit akunneri arfineq marluk sioqqullugit, ingerlatseqatigiiffiup najugaani imaluunniit nittartagaani aningasaatinik piginnittunit pissarsiarineqarsinnaassapput, allagaatit pineqartut ataatsimeersuarnissaq sioqqullugu imaluunniit ataatsimeersuarnermi saqqummiunneqassanngitsut taakku isumaqatigillutik aalajanginngippata, taamaattorli imm. 8 tak.:

- 1) Agguataarinissamut pilersaarut.
- 2) Ingerlatseqatigiiffiit aningaasaliiffiusut peqataasut ataasiakkaat tamarmik ukiuni kingullerni pingasuni imaluunnit piffissamut sivikinnerusumi ingerlatseqatigiiffiup atuufigisimasaani ukiumut naatsorsuutaat pillugit ukiumoortumik nalunaarusiat akuerineqarsimasut.
- 3) Agguataarineq pillugu nassuaat.
- 4) Akunnerinnakkut pigisanik nalilinnik akiligassanillu naatsorsuineq.
- 5) Nalilinnik aningaasaliineq pillugu nalilersuisartut nassuaataat.
- 6) Agguataarinissaq eqqarsaatigineqartoq pillugu nalilersuisartut oqaaseqaataat, tassunga ilanngullugu agguataarinissamut pilersaarut.
- 7) Akiligassaarfii inissisimanerat pillugu nalilersuisartut nalunaarutaat.

Imm. 8. Aningasaatinik piginnittut, tamanna pillugu noqqaasut, imm. 7-mi taaneqartunut allagaatinut akiliuteqarnatik isersinnaassapput.

§ 264. Ingerlatseqatigiiffimi aningaasaliiffiusumi aningaasaliisumi agguataarineq pillugu aalajangiineq ataatsimeersuartunit aalajangiiffigineqassaaq §§ 106 aamma 107 malillugu piumasarineqartunik amerlanerussuteqartumik, aamma atorunnaarsitsineq imaluunnit agguataarineq pillugu malittarisassani imarineqarsinnaasut najoqqutassat ilassutaasut naapertorlugit, taamaattorli § 270 tak. Ingerlatseqatigiiffik aningaasaliiffusoq akiliisinnaajunnaarsimappat agguataarinissaq pillugu taamaallaat aalajangiisoqarsinnaavoq aningasaatinik piginnittunut tunniussuineq suli aallartinneqarsimannngippat, aamma peqatigisaanik akiliisinnaajunnaarnerup atorunnaarsinnissaa pillugu ataatsimeersuartut aalajangiippata. Pilersitseqqinnejnq pillugu § 231 tamatuma kingorna atorneqassanngilaq.

§ 265 Agguataarineq pillugu aalajangiineq ingerlatseqatigiiffimi aningaasaliiffiusumi ingerlaannartumi qitiusumik aqutsisunit aalajangiiffigineqassaaq, ataatsimeersuartunit malittarisassanik allannguisoqassanngippat, ingerlatseqatigiiffiup aningaasaliiffiup atorunnaartup aqqata imaluunnit saniatigut taaguutaa ingerlatseqatigiiffimi aningaasaliiffiusumi ingerlaannartumut saniatigut taaguutit ilanngussineq eqqaassanngikkaani, taamaattorli imm. 2 tak. Ingerlatseqatigiiffik aningaasaliiffusoq akiliisinnaajunnaarsimappat, agguataarineq taamaallaat aalajangiiffigineqarsinnaavoq aningasaatinik piginnittunut tunniussuineq suli aallartinneqarsimannngippat peqatigisaanillu ingerlatseqatigiiffiup pilersitseqqinnejnqarnissaa pillugu ataatsimeersuartut aalajangiisimappata, § 231 tak.

Imm. 2. Aningasaatinik piginnittut, ingerlatseqatigiiffiup aningasaataanik 5 pct.-inik piginnittut, imaluunniit aningasaatinik piginnittut, malittarisassat malillugit, § 89 tak., ataatsimeersuarnermik aggersaanissamik piumasaqarsinnaasut, agguataarinissaq eqqarsaatigineqartoq pillugu paassisutissat tiguneqarneri pillugit Erhvervsstyrelsip tamanut saqqummiussineranit kingusinnerpaamik sapaatit akunneri tallimat qaangiutsinnagit, tassunga ilanngullugu agguataarinissamut pilersaarut, allakkatigut piumasarisinnaavaat ingerlatseqatigiiffimi aningaasaliiffiusumi ingerlaannartumi aalajangiineq ataatsimeersuartunit aalajangiiffigineqassasoq.

Imm. 3. Qitiusumik aqtsisut, tamanna pillugu noqqaassutip saqqummiunneqarneraniit kingusinnerpaamik sapaatit akunneri marluk qaangiutsinnagit, ataatsimeersuarnissamut aggersaassapput.

Imm. 4. Ingerlatseqatigiiffimmi aningaasaliiffiusumi ingerlaannartumi aalajangiinissaq ataatsimeersuartunit aalajangiiffigineqassappat § 106 malillugu piumasarineqartumik amerlanerussuteqarluni aalajangiisoqassaaq.

§ 266 Ingerlatseqatigiiffinni aningaasaliiffiusuni ingerlaqqittuni, agguataarinermi peqataasuni, qitiusumik aqtsisut, ataatsimeersuarnermi, agguataarinерup naammassineqarnissaa pillugu aalajangiiffiusussami, pisut annertuumik pingaarutilit pillugit ilisimatitsissapput, tassunga ilanngullugit agguataarinissamut pilersaarutip atsiornerata ataatsimeersuarnerullu akornanni piffissami pisimasuni pigisani nalilinni pisussaaffinni annertuumik allanngornerit.

Imm. 2. Agguataarinermi, agguataarinermut pilersaarut ilaatinneqanngitsumi, § 255, imm. 2 tak., pisut annertuumik pingaarutilit pillugit qitiusumik aqtsisut ilisimatitsissapput, tassunga ilanngullugit ingerlatseqatigiiffimmi ullormi oqimaatigiissitsinermi ukiumoortumik nalunaarusiap kingullermik saqqummiussinerup ataatsimeersuarnerullu akornanni piffissami pisimasuni pigisani nalilinni pisussaaffinni annertuumik allanngornerit.

Imm. 3. Agguataarinermi, anpartsselskabit kisimik peqataaffigaanni, agguataarinерup naammassineqarnissaata akuersissutigineqarneranut atatillugu pissutsit makku pillugit isummertoqassaaq, paasissutissat pineqartut agguataarinissamut pilersarummi takuneqarsinnaanngippata, § 255 tak.:

1) Anpartsselskabit aqqi saniatigullu taaguutaat, tassunga ilanngullugu ingerlatseqatigiiffiup aningaasaliisup aqqa imaluunniit saniatigut taaguutaa ingerlatseqatigiiffimmi tigusisumi saniatigut taaguutit ilaasanersoq.

2) Anpartsselskabini agguataarinermi peqataasuni nuunneqartuni imaluunniit ingerlaannartuni tamani pigisat nalillit pisuussaaffiillu agguarneri.

3) Anpartsselskabimi aningaasaliisumi piginneqataasunut akissarsiat, tassunga ilanngullugu taakku agguarneri.

4) Piffissaq, piginneqataassutit akissarsiatut atorneqartut, iluanaarutitut tunniunneqalersinnaaneri.

5) piffissaq, anpartsselskabimit atorunnaartumiit pisinnaatitaaffiit pisuussaaffiillu naatsorsuutitigut tunniunneqartutut isigineqalerneri.

6) Malittarisassat, §§ 28 aamma 29 tak., agguataarinерup naammassineqarnerani anpartsselskabimik nutaamik pilersitsisoqarpat.

Imm. 4. Agguataarineq, anpartsselskabit kisimik peqataafqisaat pineqarpat, aamma § 255, imm. 2 naapertorlugu agguataarinermi pilersaarusiortoqassanngitsoq piginneqataasut isumaatigiillutik aalajangersimallutik, imm- 3-mi piumasaqaatit eqqarsaatigalugit anpartsselskabini ingerlaqqillutik peqataasuni tamani assigimmik aalajangiisoqassaaq. Taamaattoqanngippat agguataarinерup naammassineqarnera pillugu aalajangiineq atorunnaartutut isigineqassaaq.

Ajunngitsorsiassanik piumasaqarsinnaanermut periarfissaq

§ 267 Ingerlatseqatigiiffinni aningaasaliiffiusuni aningaasaliisumi aningaasaatinik piginnittut ingerlatseqatigiiffimmit aningaasaliiffiusumit ajunngitsorsiassaqarnissaaq piumasarisinnaavaat, ingerlatseqatigiiffinni aningaasaliiffiusuni aningaasaliisumi aningaasaatinik piginnittunut akissarsiat naammaginanngippata aamma piviusorsiortumik tunngavilersorneqarsimannngippata, aamma ataatsimeersuarnermi tamanna pillugu

nangaassuteqarsimappata, tassani agguataarinerup naammassineqarnissaa pillugu aalajangiisoqarsimalluni.

Imm. 2. Imm. 1 malillugu suliassanngortitsineq pissaaq ingerlatseqatigiiffinni aningaasaliiffiusuni ingerlasuni tamani agguataarineq pillugu aalajangiisoqareerneraniit kingusinnerpaamik sapaatit akunneri tallimat qaangiutsinnagit.

Imm. 3. Imm. 1 naapertorlugu nangaassuteqartoqarsimappat agguataarineq akuerineqarsimasoq aatsaat imm. 2-mi piffissaliussap naanerata kingorna nalunaarsorneqarsinnaavoq, agguataarineq eqqarsaatigineqartoq pillugu oqaaseqaatiminni nalilersuisartut, tassunga ilangullugu akissarsiat, § 241 tak., isumaqarpata ingerlatseqatigiiffinni aningaasaliiffiusuni aningaasaliisumi aningasaatnik piginnittunut akissarsiat naammaginartuusut aamma piviusorsiortumik tunngavilorseqarsimasut.

Agguataarinerup inatsisitigut sunniutai

§ 268 Agguataarineq naammassineqartutut isagineqassaaq, aamma ingerlatseqatigiiffik aningaasaliiffusoq aningaasaliisoq atorunnaarsinneqartutut isagineqassaaq aamma ingerlatseqatigiiffimmut aningaasaliiffiusumut tigusisumut nuunneqartut isagineqassapput, taamaattorli imm. 2 tak., uku pippata:

- 1) Agguataarineq, ingerlatseqatigiiffinni aningaasaliiffiusuni ingerlaqqittuni, agguataarinermut peqataasuni tamanani aalajangiiffigineqarpata.
- 2) § 261 malillugu akiligassaqarfii piumasaqaataat aalajangiiffigineqarsimappata.
- 3) § 267 malillugu ajunngitsorsiassat pillugit aningasaatnik piginnittut piumasaqaataat aalajangiiffigineqarsimappata, imaluunniit piumasaqaat pillugu isumannaatsumik qularnaveeqquisoqarsimappat. Agguataarineq eqqarsaatigineqartoq pillugu nalilersuisartumiit oqaaseqaasiortoqarsimappat, tassunga ilangullugu akissarsiat, aamma nalilersuisartut oqaaseqaataanni isummertoqarpata akissarsiat naammaginartuusut piviusorsiortumillu tunngavilorseqarsimasut, nalilersuisartut aamma nalunaarutigissavaat akissarsiat pillugit oqaaseqaatertik annertuitigut akerlilerneqarsinnaanngitsoq. Qularnaveeqquisiineq isumannaatsuunersoq nalilersuisartut aalajangissuaat.
- 4) Aqutsisunut qullersanut ilaasortanik kukkunersiuismillu toqqaaneq pillugu imm. 6-mi piumasaqaatit naammassineqarpata.
- 5) Qullersaqarfimmik atorfinititsisoqarsimavvoq, agguataarinermut atasumik ingerlatseqatigiiffimmik aningaasaliiffiusumik nutaamik pilersitsisoqarsimappat aqutsisoqartussamik, aqutsisut qullersat tassaassallutik siulersuisut imaluunniit nakkutilliisut, § 111, imm. 1 tak.

Imm. 2. Piffissaq, ingerlatseqatigiiffiup aningaasaliiffiusup aningaasaliisup naatsorsuutitigut pisinnaatitaaffii pisussaaffiilu ingerlatseqatigiiffimmut aningaasaliiffiusumut tigusisumut nuunneqartutut isagineqartoq tassaappat agguataarinerup naammassineqarnera pillugu aalajangiinermut piffissaq, agguataarineq inatsisitigut sunniuteqanera, oqaaseqatigiit aappaat aamma pingajuat tak., aatsaat naatsorsuutitigut piffissami sunniuteqalernera pissaaq. Piffissaq agguataarinerup naatsorsuutitigut sunniuteqalernera agguataarinerup naammassineqarnera pillugu aalajangiisoqarneraniit kingusinnerpaamik sapaatit akunnerinik tallimanik kingusinnerussanngilaq, taamaattorli agguataarinerup nalunaarsorneqarneranut imaluunniit nalunaarsorneqarnissamut nalunaarutigineqarneranut piffissamiit kingusinnerunani. Naatsorsuutitigut piffissaq sunniuteqalerfiusoq aamma agguataarinerup naammassineqarnera pillugu aalajangiinermut piffissaq aamma ingerlatseqatigiiffinnut aningaasaliiffiusunut peqataasunut ukioq naatsorsuusiorfigisaat assigissavaat.

Imm. 3. Imm. 1 aamma 2-mi piumasaqaatit naammassineqarpata ingerlatseqatigiiffimmi aningaasaliiffiusumi aningaasaliisumik aningasaatnik piginnittut, aningasaatnik

piginneqataassutinik akissarsitinneqartut, ingerlatseqatigiiffimmi tigusisumi aningasaatinik piginnittuulissapput.

Imm. 4. ingerlatseqatigiiffinnit aningaasaliiffiusunit agguataartunit piginneqartuni ingerlatseqatigiiffimmi aningaasaliiffiusumi aningaasaliisumik aningasaatinik piginneqataassutinut akissarsisitsisoqarsinnaanngilaq. § 31 aamma § 153, imm. 2, taamaaqataanik agguataarinermi atorneqassapput.

Imm. 5. Pilersitsineq pillugu kapitali 3, aningasaatinik qaffaaneq pillugu kapitali 10 aamma atorunnaarsitsineq pillugu kapitali 14 kuttunnermi atorneqassangillat, agguataarineq pillugu aalajangersakkanit tamanna takuneqarsinnaanngippat, §§ 254-270 tak.

Imm. 6. Agguataarinerup naammassineqarnerani ingerlatseqatigiiffimmik aningaasaliiffiusumik nutaamik pilersitsisoqarp, aamma agguataarinerup ataatsimeersuarnermi akuerineqarnerata kingunitsianngua aqutsisunut quillersanut ilaasortassanik kukkunersiuisussamillu toqqaasoqarp, tamatuma kingorna kingusinnerpaamik sapaatit akunneri tallimat qaangiutsinnagit ingerlatseqatigiiffimmi aningaasaliiffiusumi nutaami aqutsisuni quillersani ilaasortassanik kukkunersiuisumillu toqqaaffiusumik ataatsimeersuartoqassaaq. Ataatsimeersuartut aamma, ukiumoortumik naatsorsuutit pillugit inatsit kunngip peqqussuteqarneratigut Kalaallit Nunaannut atulersinneqartoq, inatsisilluunniit allat malillugit kukkunersiuisoqarnissaanik pisussaaffimmut ingerlatseqatigiiffik aningaasaliiffiusoq ilaanngippat, ingerlatseqatigiiffiup aningaasaliiffiusup ukiumoortumik naatsorsuutai kukkunersiorneqartassanersut pillugu aalajangiissapput.

Agguataarinerup naammassineqarneranik nalunaarsuineq

§ 269. Agguataarineq akuerineqartoq ingerlatseqatigiiffinnut aningaasaliiffiusunut ataasiakkaanut tamanut Erhvervssstyrelsimi nalunaarsorneqassaaq imaluunniit nalunaarsorneqartussatut nalunaarutigineqarluni, § 9 tak., agguataarinermi peqataasuni ingerlatseqatigiiffinni aningaasaliiffiusuni ingerlaqqittuni tamanit agguataarinerup aalajangiiffigneranii kingusinnerpaamik sapaatit akunneri tallimat qaangiutsinnagit. ingerlatseqatigiiffik aningaasaliiffiusoq tigusisoq ingerlatseqatigiifiit aningaasaliiffiusut peqataasut sinnerlugit agguataarineq nalunaarsussavaa imaluunniit nalunaarutigissavaa. Nalunaarsorneqarneq imaluunniit nalunaaruteqarneq allagaatinut § 263, im. 7, nr. 3-7-mi taaneqartunut ilanganneqassaaq, allagaatit suliarineqarsimappata. Agguataarineq akuerineqartoq aatsaat nalunaarsorneqarsinnaavoq agguataarinerup inatsisitigut sunniuteqarnera § 268, imm. 1 aamma 2 malillugu atuutilerpat.

Imm. 2. Agguataarineq akuerineqartoq nalunaarsorneqassaaq imaluunniit nalunaarsorneqartussatut nalunaarutigineqassaaq, § 9 tak., kingusinnerpaamik agguataarinerup naatsorsuutitigut sunniuteqarnerani piffissamut ukiumoortumik nalunaarusianik nassiussinissamut piffissaliussap naanerani, taamaattorli agguataarineq eqqarsaatigineqartoq pillugu paassisutissanik tiguneqartunik Erhvervssstyrelsip tamanut saqqummiussineranii, § 262, imm. 5 tak., kingusinnerpaamik ukiup ataatsip qaangiutinnginnerani. Piffissaliussat taakku marluk arlaat qaangerneqarp agguataarinerup naammassineqarnera pillugu aalajangiinerup atuuttuunini annaassavaa, aamma § 255 naapertorlugu agguataarinissamut pilersaarusiaasimasoq atorunnaartutut isigineqalerluni.

Imm. 3. ingerlatseqatigiiffik aningaasaliiffiusoq, agguataarinermut atasumik, ingerlatseqatigiiffiup aningaasaliiffiusup nalunaarsorneqarnera sioqqullugu isumaqatigiissuteqarp, aamma isumaqatigiissuteqaqataasup ingerlatseqatigiiffik aningaasaliiffiusoq nalunaarsorneqarsimanngitsoq ilisimasimappagu, isumaqatigiissuteqaqataasup, allamik isumaqatigiittoqarsimannngippat, isumaqatigiissut

atorunnaarsissinnaavaa, nalunaarsorneqarneq imaluunniit nalunaarsorneqarnissamut nalunaarut imm. 2-mi piffissaliussatut aalajangersakkap kingusinnerpaamik naanerani Erhvervsstyrelsimit tiguneqarsimanngippat, imaluunniit nalunaarsorneqarnissaq itigartinneqarsimappat. Ingerlatseqatigiiffik aningaasaliiffiusoq nalunaarsorneqarsimannngitsoq isumaqatigiissuteqaqataasoq ilisimasaqarsimanngippat taassuma isumaqatigiissut atorunnaarsissinnaavaa, ingerlatseqatigiiffiup aningaasaliiffiusup nalunaarsorneqarsimannnginnerani. § 41, imm. 1, oqaaseqatigiit aappaat taamaaqataanik atorneqassapput.

Imm. 4. §§ 42-44 taamaaqataanik atorneqassapput ingerlatseqatigiiffik aningaasaliiffiusoq, agguataarinermut atasumik pilersinneqartoq, ingerlatseqatigiiffiup nalunaarsorneqarneraniit piffissami qaammatit 24-t tikillugit aningasaatinik piginnittumiit, ingerlatseqatigiiffimmik ilisimannittumiit, pigisanik nalilinnik pissarsippat.

Tigusisumi agguataarineq il.il. suleriaatsit pisariillisakkat

§ 270. Ingerlatseqatigiiffimmik aningaasaliiffiusumi aningaasaliisumi piginneqataassutit tamarmik ingerlatseqatigiiffinnit aningaasaliiffiusunit tigusisunit piginneqarpat, tassa imaappoq tigusisumi agguataarineq, ingerlatseqatigiiffimmik aningaasaliiffiusumi aningaasaliisumi agguataarineq pillugu aalajangiineq qitiusumik aqutsisunit aalajangiiffigineqarsinnaavoq. Allatigut § 255, imm. 1 aamma 2 aamma imm. 3, nr. 1-3, 7, 8 aamma 10-12, aamma imm. 4, §§ 256, 257 aamma 260-263, § 264, oqaaseqatigiit aappaat aamma pingajuat, aamma §§ 265, 266, 268 aamma 269-mi aalajangersakkat taamaqataanik tigusisumi agguatarrinermi atorneqassapput.

Imm. 2. Ingerlatseqatigiiffimmik aningaasaliiffiusumi ataatsimi arlalinniluunniit agguataarinermi ingerlatseqatigiiffinnilu taakkunani aningasaatinik piginneqataassutit ingerlatseqatigiiffimmik aningaasaliisumi aningasaatinik piginneqataassutit imaluunniit taasisinnaanerit annertoqqataannik ingerlatseqatigiiffimmik aningasaaliisumi aningasaatinik piginnittunut agguanneqarpata §§ 256, 257 aamma 259 aamma § 266, imm. 1-mi aalajangersakkat atorneqassanngillat.

Kapitel 16 (Kalaallit Nunaanni atulersinneqanngilaq)

Kapitel 16 a (Kalaallit Nunaanni atulersinneqanngilaq)

Kapitali 17

Allanngortitsineq

Anpartsselskabimik aktieselskabinngortitsineq

§ 319 Piginneqataasut, malittarisassanik allanngortitsinermi piumasarineqartumik amerlanerussuteqarlutik anpartsselskabip aktieselskabinngortinnissaaakuersissutigisinnaavaat. Piginneqataasut, allanngortitsineq pillugu aalajangiisoqartinnagu, §§ 36 aamma 37 malillugu suliarineqartumik nalilersuinermi nassuiaammik, kiisalu § 38-mi maleruagassat malillugit aqutsisut nalunaaruteqarnerannik ilisimatinneqassapput. §§ 42-44 taamaaqataanik allanngortitsinissaq pillugu aalajangeereernerup kingorna pissarsianut atorneqassapput. Allanngortitsineq akiligassaqrifit akuersitinnagit naammassineqarsinnaavoq. § 31 taamaaqataanik anpartsselskabip aktieselskabinngortinnerani atorneqassaaq.

Imm. 2. Allanngortitsinerup akuersissutigineqarnera pillugu nalunaarut akuersisoqareerneraniit kingusinnerpaamik sapaatit akunneri tallimat qaangiutsinnagit aalajangiinermi peqataasimannngitsunut piginneqataasunut tamanut nassiunneqassaaq.

§ 320 Anpartsselskabip aktieselskabinngortinneqarnera pisimasutut isigineqassaaq ingerlatseqatigiiffiup malittarisassai allanngortinneqarpata taamaalilluni aktieselskabinut piumasaqaatinik naammassinnillutik, aamma allanngortitsineq Erhvervsstyrelsip qarasaasiaqarfiani nalunaarsorneqareerpat.

Aktieselskabip anpartsselskabinngortinnersa

§ 321 Ingerlatseqatigiiffiup malittarisassaaniik allanngortitsinermi pisariaqartinneqartunik amerlanerussuteqarnikkut aktieselskabip anpartsselskabinngortinneqarnera ataatsimeersuartut akuersissutigisinnavaat. Allanngortitsineq akiligassaqarfiiit akuersitinnagit naammassineqarsinnaavoq.

Imm. 2. Allanngortitsinerup akuersissutigineqarnera pillugu nalunaarut akuersisoqareerneraniit kingusinnerpaamik sapaatit akunneri marluk qaangiutsinnagit aalajangiinermi peqataasimannngitsunut piginneqataasunut tamanut nassiunneqassaaq.

§ 322 Aktieselskabip anpartsselskabinngortinneqarnera pisimasutut isigineqassaaq ingerlatseqatigiiffiup malittarisassai allanngortinneqarpata taamaalilluni anpartsselskabinut piumasaqaatinik naammassinnillutik, aamma allanngortitsineq Erhvervsstyrelsip qarasaasiaqarfiani nalunaarsorneqareerpat.

Aktieselskabip peqatigisaqaluni ingerlatseqatigiiffingortinnersa

§ 323 Ingerlatseqatigiiffiup malittarisassaaniik allanngortitsinermi pisariaqartinneqartunik amerlanerussuteqarnikkut aktieselskabip peqatigisaqarluni ingerlatseqatigiiffingortinneqarnera ataatsimeersuartut akuersissutigisinnavaat. Allanngortitsineq akiligassaqarfiiit akuersitinnagit naammassineqarsinnaavoq.

Imm. 2. Allanngortitsinerup akuersissutigineqarnera pillugu nalunaarut akuersisoqareerneraniit kingusinnerpaamik sapaatit akunneri marluk qaangiutsinnagit piginneqataasutut allassimasunut tamanut kiisalu tamakkiisumik akisussaallutik peqataalersunut nassiunneqassaaq.

Imm. 3. Aktieselskabip peqatigisaqarluni ingerlatseqatigiiffingortinneqarnera pisimasutut isigineqassaaq ingerlatseqatigiiffiup malittarisassai allanngortinneqarpata taamaalilluni peqatigisaqarluni ingerlatseqatigiiffinnut piumasaqaatinik naammassinnillutik, aamma allanngortitsineq Erhvervsstyrelsip qarasaasiaqarfiani nalunaarsorneqareerpat.

Peqatigisaqarluni ingerlatseqatigiiffiup aktieselskabinngortinnersa

§ 324 Malittarisassaaniik allanngortitsinermi pisariaqartinneqartunik amerlanerussuteqarnikkut, aamma tamakkiisumik akisussaallutik peqataasut akuersinerisigut peqatigisaqarluni ingerlatseqatigiiffiup aktieselskabinngortinneqarnera ataatsimeersuartut akuersissutigisinnavaat. Allanngortitsineq akiligassaqarfiiit akuersitinnagit naammassineqarsinnaavoq. Ataatsimeersuartut, allanngortitsineq pillugu aalajangiisoqartinnagu, §§ 36 aamma 37 malillugu suliarineqartumik nalilersuinermi nassuaammik, kiisalu § 38-mi maleruagassat malillugit aqutsisut nalunaaruteqarnerannik ilisimatinneqassapput. §§ 42-44 taamaaqataanik allanngortitsinissaq pillugu aalajangeereernerup kingorna pissarsianut atorneqassapput. § 31 taamaaqataanik peqatigisaqarluni ingerlatseqatigiiffiup aktieselskabinngortinnerani atorneqassaaq.

Imm. 2. Allanngortitsinerup akuersissutigineqarnera pillugu nalunaarut akuersisoqareerneraniit kingusinnerpaamik sapaatit akunneri marluk qaangiutsinnagit aalajangiinermi peqataasimannngitsunut piginneqataasunut tamanut nassiunneqassaaq.

Imm. 3. Peqatigisaqarluni ingerlatseqatigiiffiup aktieselskabinngortinnejarnera pisimasutut isigineqassaaq ingerlatseqatigiiffiup malittarisassai allanngortinnejarpata taamaalilluni aktieselskabinut piumasaqaatinik naammassinnillutik, aamma allanngortitsineq Erhvervsstyrelsip qarasaasiaqarfiani nalunaarsorneqareerpat.

Imm. 4. Peqatigisaqarluni ingerlatseqatigiiffiup aktieselskabinngortinnejarnera allanngortitsinerup kingorna allanngortitsineq sioqqullugu pisussaaffinnut suli tamakkiisumik akiussaalluni peqataasoq akisussaavoq.

Piginneqatigiilluni ingerlatseqatigiiffiup aktieselskabinngortinna

§ 325 Piginneqatigiilluni ingerlatseqatigiiffimmi killeqartumik akisussaaffeqartumi malittarisassanik allanngortitsinissamut piginnaatitaasut ingerlatseqatigiiffiup aktieselskabinngortinissaakuersissutigisinnavaat, §§ 326-337 tak. Allanngortitsineq akiligassaqarfiit akuersitinnagit naammassineqarsinnaavoq.

Allanngortitsinissamut pilersaarut

§ 326 Piginneqatigiilluni ingerlatseqatigiiffimmi qitiusumik aqutsisut allanngortitsinissamut pilersaarummiq peqatigiillutik pilersitsillutillu atsiussapput, taamaattorli imm. 2 tak.

Imm. 2. Piginneqataasut isumaqatigiillutik aalajangiisinnappa allanngortitsinissamut pilersaarusiortoqassanngitsoq, taamaattorli § 335, imm. 2 aamma 3 tak.

Imm. 3. Allanngortitsinissamut pilersaarut uku pillugit paassisutissanik aalajangersakkamillu imaqassaaq

- 1) piginneqatigiilluni ingerlatseqatigiiffiup aqqa aamma allanngortitsineq sioqqullugu kingornalu saniatigut taaguutaa
- 2) piginneqatigiilluni ingerlatseqatigiiffiup najugaa,
- 3) piginneqataasut akissarsiassaat,
- 4) piffissaq, aktieselskabimi piginneqataassutit iluanaarutitut tunniunneqarsinnaalernera,
- 5) aktieselskabimi pisinnaatitaaffiit, allanngortitsineq sioqqullugu piginneqatigiilluni ingerlatseqatigiiffimmi piginneqataassutinik pigisaqartunut aamma akiitsunut allagartalinntu immikkut pisinnaatitaaffilinnut atuutsinneqartut,
- 6) iliuusaasinnaasut allat piginneqataassutini akitsoqarnermullu allagaatini nr. 5-imi pineqartuni pigisaqartunut iluaquisiisinnaasut,
- 7) piginneqataassutinik, akissarsiassatut tunniunneqartuni, nalunaarsuineq, kiisalu piginneqataassutit pillugit allagaatinik tunniussinermi nalunaarsuineq,
- 8) iluaquisiissut sunaluunniit, allanngortitsinermut atasumik ingerlatseqatigiiffiup aqutsisuinut ilaasortanut tunniunneqartoq, aamma
- 9) allanngortitsinerup kingorna aktieselskabimut malittarisassanut missiliut, tak. §§ 28 aamma 29.

Allanngortitsineq pillugu nassuaat

§ 327 Piginneqatigiilluni ingerlatseqatigiiffimmi qitiusumik aqutsisut, allanngortitsineq eqqarsaatigineqartoq, tassunga ilanngullugu allanngortitsinissamut pilersaarut, qanoq nassuiarneqassanersoq tunngavilersorneqassanersorlu allakkatigut nassuaasiussapput, taamaattorli imm. 2 tak. Nassuaat piginneqataassutinut akissarsiassat pillugit aalajangersaaneq pillugit paassisutissanik imaqassaaq, tassunga ilanngullugu aalajangersaanermut atasumik immikkut ajornartorsiutit.

Imm. 2. Piginneqataasut isumaqatigiillutik aalajangersinnaapput allanngortitsinermi nassuaasiortoqassanngitsoq.

Akunnerinnarmi pigisanik nalilinnik akiligassanillu naatsorsuineq

§ 328 Piginneqatigiilluni ingerlatseqatigiiffiup kingullermik ukiumoortumik nalunaarusiaanut imaluunniit ilaatitsinnginnermut nalunaarusiamut tunngasumi ukiup naatsorsuusiorfiusup naaneraniit qaammatit arfinillit sinnerlugit qaangiunnerini allanngortitsinissamut pilersaarut atsiorneqarsimappat, akunnerinnarmi pigisanik nalilinnik akiligassanillu naatsorsuisoqassaaq, taamaattorli imm. 4 tak.

Imm. 2. Allanngortitsinermi, allanngortitsinermi pilersaarusiornissaq ilaatinneqanngitsumi, § 326, imm. 2 tak., atsiorneqarsimappat, piginneqatigiilluni ingerlatseqatigiiffimmut pineqartumut, allanngortitsinermi peqataasumut akunnerinnarmi pigisanik nalilinnik akiligassanillu naatsorsuisoqassaaq, allanngortitsinermi pilersaarusiunnginnissaq pillugu aalajangerneq piginneqatigiilluni ingerlatseqatigiiffiup kingullermik ukiumoortumik nalunaarusiaanut tunngasumi ukiup naatsorsuusiorfiusup naaneraniit qaammatit arfinillit sinnerlugit qaangiunnerini pisimappat, taamaattorli imm. 4 tak.

Imm. 3. Pigisanik nalilinnik akiligassanillu naatsorsuineq, piginneqatigiilluni ingerlatseqatigiiffiup ukiumoortumik nalunaarusiornerani maleruagassai naapertorlugit suliarineqarsimappat, ulloq naatsorsuusiorfiusoq agguataarineremi pilersaarusiunnginnissaq pillugu atsiorneq imaluunniit aalajangerneq sioqqullugu qaammatinik pingasunik ungasinnerussanngilaq. Akunnerinnarmi pigisanik nalilinnik akiligassanillu naatsorsuineq kukkunersiorneqassaaq, piginneqatigiilluni ingerlatseqatigiiffik ukiumoortumik naatsorsuutit pillugit inatsit, kunngip peqqussuteqarneratigut Kalaallit Nunaannut atulersinneqartoq, imaluunnit inatsisit allat malillugit kukkunersiuinissamut pisussaaffeqartunut ilaappat.

Imm. 4. Piginneqataasut isumaqatigiillutik aalajangersinnaapput akunnerinnarmi pigisanik nalilinnik akiligassanillu naatsorsuineq suliarineqassanngitsoq, piginneqatigiilluni ingerlatseqatigiiffiup kingullermik ukiumoortumik nalunaarusiaanut tunngasumi ukiup naatsorsuusiorfiusup naaneraniit qaammatit arfinillit sinnerlugit qaangiunnerini agguataarinissamut pilersaarut atsiorneqarsimanera apeqqutaatinngagu.

Nalilinnik aningaasaliineq pillugu nalilersuinermik nassuaat

§ 329. Allanngortitsinermut atatillugu nalilersuisumit nassuaasiortoqartitsisoqassaaq. Nalilersuisussaq § 37, imm. 1 malillugu toqqarneqassaaq. § 37, imm. 2 aamma 3 taamaaqataanik piginneqatigiilluni ingerlatseqatigiiffinnut allanngortitserusuttunut tamanut nalilersuisut atugaannut atorneqassapput.

Imm. 2. Nalilersuinermi nassuaatip imarissavai

- 1) aningaasaliissutit ataasiakkaat allaaserinerat,
- 2) nalilersuinermi suleriaaseq atorneqartoq pillugu paassisutissat,
- 3) akissarsiat aalajangerneqarsimasut allanneqarneri aamma
- 4) nalitut inissinneqartup akissarsiassatut isumaqatigiissutigineqartumut minnerpaamik naapertuunnera pillugu nalunaarut, tassunga ilanngullugu aningaasaatinik piginneqataassutit atulersinneqartut nalingi, sinnerlugu naliusoq tapiliullugu.

Imm. 3. Allanngortitsinerup akuerineqarneraniit piffissaq qaammatit pingasut sinnerlugit nalilersuinermi nassuaat suliarineqarsimassanngilaq, § 334 tak. Piffissaliussaq qaangerneqarpal allanngortitsineq atuuttutut akuerineqarsinnaanngilaq.

*Allanngortitsinissaq eqqarsaatigineqartoq pillugu nalilersuisartup oqaaseqataa,
tassunga ilanngullugu allanngortitsineq pillugu pilersaarut*

§ 330. Allanngortitsinermut pilersaarut pillugu nalilersuisartoq ataaseq arlalilluunniit attaviitsut, paasisimasaqtut allakkatigut oqaaseqaasiussapput, akissarsiat ilanngullugit, imm.

4 tak. Allanngortitsinermi, allanngortitsinermut pilersaarusiornissaq ilaatinneqannngitsumi, § 326, imm. 2 tak., allanngortitsinissaq eqqarsaatigineqartoq pillugu nalilersuisartoq allakkatigut oqaaseqaasiussaaq, tassunga ilanngullugu akissarsiat, imm. 4 tak. Piginneqataasut isumaqatigiillutik aalajangersinnaapput allanngortitsinissaq eqqarsaatigineqartoq pillugu nalilersuisartumit taamatut oqaaseqaasiliortoqassanngitsoq.

Imm. 2. Naliliisartut § 37, imm. 1 malillugu toqcarneqassapput.

Imm. 3. § 37, imm. 2 aamma 3, taamaqataanik piginneqatigiilluni ingerlatseqatigiiffinnut allanngortinneqarusuttunut nalilersuisut pissusiinut atorneqassapput.

Imm. 4. Oqaaseqaat piginneqatigiilluni ingerlatseqatigiiffimmi piginneqataassutinut akissarsiat naammaginartuunersut aamma piviusorsiortumik tunngavilersugaanersut pillugu nalunaarummik imaqassaaq. Nalunaarummi suleriaaseq imaluunniit suleriaatsit akissarsiap aalajangersarneranut atorneqartut, aamma tamatuma naleqquttuuneranik naliliineq allanneqassapput. Nalunaarut aamma suleriaatsit ataasiakkaarlutik qanoq kinguneqarnerinik nalinik aamma naliliinermi imminnut naleqqiullutik suleriaatsit pingaaruteqarneri allanneqassapput. Naliliinermut atasunik immikkut ajornartorsiuteqarsimappat taakku nalunaarummi eqqaaneqassapput.

Akiligassaqarfiit inissisimaneri pillugu nalilersuisartup nalunaarutaa

§ 331 Nalilersuisartut § 330-mi eqqaaneqartup nalunaarutip saniatigut aamma piginneqatigiilluni ingerlatseqatigiiffimmi ataatsimi akiligassaqarfiit ingerlatseqatigiiffiup maannakkut inissisimaneranut naleqqiullugu allanngortitsinerup kingorna naammattumik qulakkeerneqarsimasut pilligit nalunaaruteqassapput. Piginneqataasulli isumaqatigiillutik aalajangiisinnaapput akiligassaqarfiit inissisimanerat pillugu nalilersuisartumit taamatut nalunaaruteqartoqassanngitsoq.

Akiligassaqarfiit piumasaqaatiminnik nalunaaruteqarsinnaanerannut periarfissaq

§ 332 Akiligassaqarfiit inissisimanerat pillugu nalunaarumminni nalilersuisartut, § 331 tak., isumaqarunik ingerlatseqatigiiffinni aningasaliiffiusuni ataasiakkaani akiligassaqarfiit allanngortitsinerup kingorna naammattumik qulakkeerneqarsimannngitsut, imaluunniit akiligassaqarfiit inissisimanerat pillugu nalilersuisartumiit nalunaarusiortoqanngippat, akiligassaqarfiit, § 333 naapertorlugu Erhvervsstyrelsip tamanut saqqummiussisoqarneranit kigusinnerpaamik sapaatit akunneri arfineq marluk qaangiutsinnagit ingerlatseqatigiiffimmut pissarsiassatik nalunaarutigissavaat. Pissarsiassalli, isumannaatsumik qularnaveeqquserneqarsimasut nalunaarutigineqassanngillat.

Imm. 2. Pissarsiassat nalunaarutigineqarsimasut, akilerneqartussat, akilerneqarnissaat piumasarineqarsinnaavoq, aamma pissarsiassat nalunaarutigineqarsimasut akilerneqarsimannngitsut, isumannaatsimik qularnaveeqquserneqarnissaat piumasarineqarsinnaalluni.

Imm. 3. Allatigut akiliisoqarsimappat, imm. 2 malillugu qularnaveeqqusiinissaq pisariaqassanngilaq, pissarsiassat akilerneqarnissaq inatsit naapertorlugu aaqqissuussinikkut qulakkeerneqarsimappat.

Imm. 4. Qularnaveeqqusiisoqassanersoq imaluunniit qularnaveeqqusiineq naammannersoq pillugu ingerlatseqatigiiffiup aamma akiligassaqarfiit nalunaaruteqartut akornanni isumaqatigiinngitsoqarpat illuatungeriit marluullutik, pissarsiassap nalunaarutigineqarneranit kingusinnerpaamik sapaatit akunneri tallimat qaangiutsinnagit pigisanik agguassinermut eqpartuussivimmut suliassanngortitsisisinnaapput.

Imm. 5. Akiligassaqarfik, pissarsiassamut tunngaviusumut isumaqatigiissummi pituttuisumik imm. 2 malillugu qularnaveeqqusiisoqarnissaanik pisinnaatitaaffini assortorsinnaanngilaa.

Imm. 6. (Atorunnaarpooq)

Allanngortitsinissaq eqqarsaatigineqartoq pillugu paasissutissanik nassiussineq, tassunga ilanngullugit allanngortitsinissamut pilersaarut aamma akiligassaqarfiiit inissisimanerat pillugu nalilersuisartumiit nalunaarut

§ 333 Allanngortitsinissamut pilersaarutip atsiorneqarneraniit kingusinnerpaamik sapaatit akunneri arfineq marluk qaangiutsinnagit allanngortitsinissamut pilersaarutip assilineranik Erhvervsstyrelsi tigusaqarsimassaaq, taamaattorli imm. 2 tak. Piffissaliussaq qaangerneqarpat allanngortitsinissamut pilersaarutip tiguneqarnera tamanut saqqummiunneqarsinnaanngilaa, agguataarnerlu taamaalilluni akuerineqarnani.

Imm. 2. Piginneqatigiilluni ingerlatseqatigiiffit allanngortitsinissamut pilersaarutip suliarineqannnginnissaanut periarfissaq atorsimangippassuk, § 326, imm. 2 tak., tamanna Erhvervsstyrelsimumt nalunaarutigineqassaaq piginneqatigiilluni ingerlatseqatigiiffit aqqi aamma Erhvervsstyrelsip qarasaasiaqarfiani nalunaarsorneqarnermi normut allanneqarlutik.

Imm. 3. Akiligassaqarfiiit inissisimanerat pillugu nalilersuisartup nalunaarutaa, § 331, oqaaseqatigiit siullit tak., Erhvervsstyrelsimumt nassiunneqassaaq, taamaattorli imm. 4 tak.

Imm. 4. Akiligassaqarfiiit inissisimanerat pillugu nalilersuisartup nalunaarutaanik suliaqartoqannginnissaanik periarfissaq, § 331, oqaaseqatigiit aappaat tak., atorneqarsimappat tamanna Erhvervsstyrelsimumt nalunaarutigineqassaaq piginneqatigiilluni ingerlatseqatigiiffit aqqi aamma Erhvervsstyrelsip qarasaasiaqarfiani nalunaarsorneqarnermi normuat allanneqarluni.

Imm. 5. Paasissutissanik allagaatinillu Erhvervsstyrelsip tigusaqarnera, imm. 1-4 tak., Erhvervsstyrelsip qarasaasiaqarfiani tamanut saqqummiunneqassapput. Akiligassaqarfiiit piumasaqaatiminik nalunaaruteqarsinnaatitaanerat, § 261 tak., Erhvervsstyrelsip tamanut saqqummiussinera tamanna pillugu paasissutissanik imaqassaaq.

Imm. 6. Agguataarinissamut pilersaarutinik allagaatinillu ilaatinneqartunik piginneqatigiilluni ingerlatseqatigiiffit tamanut saqqummiussinerat pillugu maleruagassanik erseqqinnerusunik Erhvervsstyrelsi aalajangersaasinnaavoq.

Allanngortitsinerup naammassineqarnissaq pillugu aalajangiineq

§ 334. Allanngortitsinerup naammassineqarnissaanut aalajangerneq allanngortitsinissaq eqqarsaatigineqartoq pillugu paasissutissat tiguneqarnerisa Erhvervsstyrelsip tamanut saqqummiussineraniit, § 333, imm. 5 tak., siusinnerpaamik sapaatit akunneri arfineq marluk sioqqullugit aalajangerneqarsinnaavoq, taamaattorli imm. 2 aamma 3 tak. § 333, imm. 1 imaluunniit 2-mut tunngatillugu aamma § 333, imm. 3 imaluunniit 4-mut tunngatillugu tamanut saqqummiussineq tamarmik immikkut pisimappat, oqaaseqatigiinni siullerni piffissaliussaq kingullermik tamanut saqqummiussinermi piffissamiit naatsorsorneqassaaq.

Imm. 2. Nalilersuisartut akiligassaqarfiiit inissisimanerat pillugu nalunaaruteqarnerminni, § 331 tak., isumaqarunik piginneqatigiilluni ingerlatseqatigiiffimmi akiligassaqarfiiit allanngortitsinerup kingorna naammattumik qulakkeerneqarsimasut, piginneqataasut isumaqatigiillutik allannngortitsinissaq eqqarsaatigineqartoq pillugu paasissutissat tiguneqarneri pillugit Erhvervsstyrelsip tamanut nalunaaruteqarnerata kingorna, § 333, imm. 5 tak., imm. 1 malillugu piffissaliussap saneqqunneqarnissaa aalajangersinnaavaat.

Imm. 3. Allanngortitsinermi, allannngortitsinermut pilersaarut ilaatinneqanngitsumi, § 326, imm. 2 tak., akiligassaqarfiit inissisimanerat pillugu nalilersuisartoq nalunaarusiorsimappat, § 333 tak., aamma akiligassaqarfiit inissisimanerat pillugu nalunaaruteqarnerminni piginneqatigiilluni ingerlatseqatigiiffimi akiligassaqarfiit allanngortitsinerup kingorna naammattumik qularnaarneqarsimasut nalilersuisartut isumaqarpata, allanngortitsinerup naammassineqarnissaa pillugu piginneqataasut aalajangiinerat sioqqullugu Erhvervsstyrelsip tamanut saqqummiussinissa, § 331 tak., pillugu piumasaqaateqartoqassanngilaq.

Imm. 4. Akiligassaqarfiit, tamatuminnga noqqaasut, allanngortitsinerup naammassineqarnissaa qaqgu aalajangiiffigineqarnissaa pillugu paasissutissamik pissarsissapput.

Imm. 5. Allanngortitsinissamut pilersaarusiortoqarsimappat allanngortitsineq allanngortitsinissamut pilersaarut naapertorlugu naammassineqassaaq. Allanngortitsinissamut pilersaarut tamanut saqqummiunneqarsimasoq naapertorlugu allanngortitsinissaq akuerineqarpat siunnersuut atorunnaartutut isigineqassaaq.

Imm. 6. Allagaatit uku, suliarineqarsimappata, allanngortitsinerup naammassineqarnissaa pillugu aalajangiisoqartinnagu kingusinnerpaamik sapaatit akunneri arfineq marluk sioqqullugit, piginneqatigiilluni ingerlatseqatigiiffiup najugaani imaluunniit nittartagaani piginneqataasunit pissarsiarineqarsinnaassapput, allagaatit pineqartut ataatsimeersuarnissaq sioqqullugu imaluunniit ataatsimeersuarnermi saqqummiunneqassanngitsut taakku isumaqatigiillutik aalajanginngippata, taamaattorli imm. 7 tak.:

- 1) Allanngortitsinissamut pilersaarut.
- 2) Piginneqatigiilluni ingerlatseqatigiiffiit ataasiakkaat tamarmik ukiuni kingullerni pingasuni imaluunniit piffissamut sivikinnerusumi ingerlatseqatigiiffiup atuuffigisimasaani ukiumut naatsorsuutai pillugit ukiumoortumik nalunaarusiat akuerineqarsimasut.
- 3) Allanngortitsineq pillugu nassuaat.
- 4) Akunnerinnakkut pigisanik nalilinnik akiligassanillu naatsorsuineq.
- 5) Nalilinnik aningaasaliineq pillugu nalilersuiartut nassuaataat.
- 6) Allanngortitsinissaq eqqarsaatigineqartoq pillugu nalilersuisartut oqaaseqaataat, tassunga ilanngullugu allanngortitsinissamut pilersaarut.
- 7) Akiligassaarfiit inissisimanerat pillugu nalilersuisartut nalunaarutaat.

Imm. 7. Piginneqataasut, tamanna pillugu noqqaasut, imm. 6-mi taaneqartunut allagaatinut akiliuteqarnatik isersinnaassapput.

§ 335. Allanngortitsinissaq pillugu aalajangiineq malittarisassanik allannguinissamut pisinnaatitaasunit aalajangiiffigineqassaaq. Aalajangiineq ingerlatseqatigiiffiup atorunnaarsinnejarnissaa pillugu aalajangiinissamut pisariaqartinneqartunik amerlanerussuteqartumik aalajangiiffigineqassaaq, taamaattorli piginneqataassut imaluunniit taakku taasinerisa, taasineq kaaviiartitat assigisaaluunniit tunngavigalugit pippat, ikinnerpaamik tallimararterutinit sisamaasunik tapersorsorneqassalluni. Piginneqatigiilluni ingerlatseqatigiiffik atorunnaarsinnejarpes, allanngortitsineq taamaallaat aalajangiiffigineqarsinnaavoq piginneqataasunut tunniussuineq suli aallartinneqarsimanngippat, peqatigisaanillu piginneqataasut atorunnaarsitsinerup atorunnaarsinnissaa pillugu aalajangiillutik. § 31 taamaaqataanik piginneqatigiilluni ingerlatseqatigiiffiup aktieselskabinngortillugu allanngortinnerani atorneqassaaq.

Imm. 2. Allanngortitsinermi, allannngortitsinermut pilersaarut ilaatinneqanngitsumi, § 326, imm. 2 tak., pisut annertuumik pingarutillit pillugit qitiusumik aqutsisut ilisimatitsissapput, tassunga ilanngullugu piginneqatigiilluni ingerlatseqatigiiffimi ullormi

oqimaaqtigiissitsinermi ukiumoortumik nalunaarusiapi kingullermik saqqummiussinerup imaluunniit ilaatisinnginnermik nalunaaruteqarnerup ataatsimeersuarnerullu akornanni piffissami pisimasuni pigisani nalilinni pisussaaffinni annertuumik allanngornerit.

Imm. 3. Allanngortitsinermi allanngortitsinermi naammassineqarnissaata akuersissutigineqarneranut atatillugu pissutsit makku pillugit isummertoqassaaq, paasissutissat pineqartut allanngortitsinissamut pilersaarummi takuneqarsinnaanngippata, § 326 tak.:

- 1) Piginneqatigiilluni ingerlatseqatigiiffiup aqqa saniatigullu taaguutai.
- 2) Piginneqatigiilluni ingerlatseqatigiiffimmi allanngortitsinermi piginneqataasunut akissarsiat.
- 3) Piffissaq, piginneqataassutit akissarsiatut atorneqartut, iluanaarutit tunniunneqalersinnaaneri.
- 4) Malittarisassat, §§ 28 aamma 29 tak.

Imm. 4. Piginneqatigiilluni ingerlatseqatigiiffinni qitiusumik aqtsisut, ataatsimiinnermi, allanngortitsinermi naammassineqarnissaal pillugu aalajangiiffiusussami, pisut annertuumik pingaarutilit pillugit ilisimatissapput, tassunga ilanngullugu allanngortitsinissamut pilersaarutip atsiornerata piffissami pisimasuni pigisani nalilinni pisussaaffinni annertuumik allanngornerit.

Imm. 5. Allanngortitsineq pillugu nalunaarut akuersisoqareerneratigut kingusinnerpaamik sapaatit akunneri tallimat qaangiutsinnagit piginneqataasunut tamanut tunniunneqassaaq.

Imm. 6. Allanngortitsinermi naammassineqarnissaal pillugu aalajangiinerup kingunitsianngua aqtsisunuk qullersanik kukkunersiuismillu toqqaasoqanngippat tamatuma kingorna kingusinnerpaamik sapaatit akunneri tallimat qaangiutsinnagit taakku qinerneqarnissaannut aktieselskabimi ataatsimeersuartoqassaaq. Allanngortitsinermut atatillugu taassumalunniit kingorna ataatsimeersuarnermi ingerlatseqatigiiffiup ukiumoortumik naatsorsuutai kukkunersiorneqartassanersut piginneqataasut aalajangiissapput, ingerlatseqatigiiffik ukiumoortumik naatsorsuutit pillugit inatsit, kunngip peqqussuteqarneratigut Kalaallit Nunaannut atulersinneqartoq imaluunniit inatsisit allat malillugit kukkunersiuinissamut pisussaasumut ilaanngippat.

Ajunngitsorsiassanik piumasaqarsinnaanermut periarfissaq

§ 336 Piginneqataasunut akissarsiat naammaginanngippata aamma piviusorsiortumik tunngavilersorneqarsimannngippata, aamma allanngortitsinermi naammassineqarnissaal pillugu aalajangiisoqarsimalluni ataatsiminnermi tamanna pillugu nangaassuteqarsimappat piginneqataasut ingerlatseqatigiiffimmit aningaasaliiffiusumit ajunngitsorsiassaqarnissaq piumasarisinnaavaat.

Imm. 2. Imm. 1 malillugu suliassanngortitsineq pissaaq allanngortitsineq pillugu aalajangiisoqareerneranit kingusinnerpaamik sapaatit akunneri marluk qaangiutsinnagit. *Imm. 3.* Imm. 1 naapertorlugu nangaassuteqartoqarsimappat allanngortitsineq akuerineqarsimasoq aatsaat sapaatit akunnerinik marlunnik piffissaliussap naanerata kingorna nalunaarsorneqarsinnaavoq, allanngortitsineq eqqarsaatigineqartoq pillugu oqaaseqaatiminni nalilersuisartut, tassunga ilanngullugu akissarsiat, § 330 tak., isumaqarpata piginneqataasut akissarsiaat naammaginartuusut aamma piviusorsiortumik tunngavilersorneqarsimasut.

Allanngortitsinermi naammassineqarneranik nalunaarsuineq

§ 337 Allanngortitsineq akuerineqartoq piginneqatigiilluni ingerlatseqatigiiffinnut Erhvervsstyrelsimi nalunaarsorneqassaaq imaluunniit nalunaarsorneqartussatut nalunaarutigineqarluni, § 9 tak., allanngortitsinermi naalmunniit nalunaarsorneqarnerit kingusinnerpaamik sapaatit akunneri tallimat qaangiutsinnagit. Nalunaarsorneqarneq imaluunniit

nalunaaruteqarneq allagaatinut § 334, imm. 6, nr. 3-7-mi taaneqartunut ilanngunneqassaaq, allagaatit suliarineqarsimappata.

Imm. 2. Allannngortitsineq akuerineqartoq nalunaarsorneqassaaq imaluunniit nalunaarsorneqartussatut nalunaarutigineqassaaq, § 9 tak., kingusinnerpaamik allanngortitsineq eqqarsaatigineqartoq pillugu nalunaarutip tiguneraniit Erhvervsstyrelsip tamanut saqqummiussineraniit, § 333, imm. 5 tak., kingusinnerpaamik ukiup ataatsip qaangiutinnginnerani. Piffissaliussaq qaangerneqarpat allanngortitsinerup naammassineqarnera pillugu aalajangiinerup atuuttuunini annaassavaa, aamma § 326 naapertorlugu allanngortitsinissamut pilersaarasiaasimasoq atorunnaartutut isigineqalerluni.

Imm. 3. Piginneqatigiilluni ingerlatseqatigiiffik aktieselskabinngortinnejnarnera nalunaarsorneqassaaq:

- 1)Allanngortitsineq piginneqataasunit aalajangiiffigineqarpat, § 335, imm. 1 tak.
- 2)§ 332 malillugu akiligassaqarfiit piumasaqaataat aalajangiiffigineqarpata.
- 3)Aqutsisunut qullersanut ilaasortanik kukkunersiuismillu qinersineq pillugu § 335, imm. 4-mi piumasaqaatit naammassineqarpata.
- 4)§ 336 malillugu ajunngitsorsiassat pillugit piginneqataasut piumasaqaataat aalajangiiffigineqarpat, piumasaqaat pillugu isumannaatsumik qularnaveeqqusisoqarsimangippat. Allanngortitsineq eqqarsaatigineqartoq pillugu nalilersuisartumiit oqaaseqaasiortoqarsimappat, tassunga ilanngullugu akissarsiat, aamma nalilersuisartup oqaaseqaataani isumaqartoqarpat akissarsiat naammaginartuusut piviusorsiortumillu tunnngavilersorneqarsimasut, nalilersuisartut aamma nalunaarutigissavaat akissarsiat pillugu oqaaseqaatertik annertuumik assortorneqarsinnaanngitsoq. Nalilersuisartut aalajangiissapput qularnaveeqqusisoqarsimassaaq.
- 5)Qullersanik atorfinitisisoqarsimassaaq.

Imm. 4. Piginneqatigiilluni ingerlatseqatigiiffiup aktieselskabinngortinnejnarnera naammassineqartutut isigineqassaaq ingerlatseqatigiiffiup malittarisassai allanngortinnejnarpat, taamaalilluni aktieselskabinut piumasaqaatit naammassineqarlutik, aamma allanngortitsineq Erhvervsstyrelsip qarasaasiaqarfianut nalunaarsorneqarsimalerpat.

Imm. 5. Piginnittut nalunaarsorsimaffinni ilanngunneqarneq aamma piginneqataassutinut allagartat aastaat tunniunneqassapput allanngortitsineq nalunaarsorneqareerpat.

Imm. 6. Allanngortitsereernerup kingorna ukiut pingasut ingerlasimappata, ingerlatseqatigiiffimmi piginnittut nalunaarsorsimaffianni ilanngunneqarnissaq pillugu tassunga pisinnaatitaasut tamarmik noqqaasimanatik, qitiusumik aqutsisut Erhvervsstyrelsip qarasaasiaqarfianut tamanut saqqummiussisoqarneratigut pineqartut imaluunniit pineqartut qaammatit arfinillit ingerlaneranni ingerlatseqatigiiffimmut saaffiginneqqullugit kaammattuissapput. Piffissaliussaq naappat saaffiginnitoqarnanilu, siulersuisut piginneqataasup akiliaganut piginneqataassutit tuniniarsinnaavai. Tunisinermi iluanaarutini tamanut saqqummiussinermi tunisinermilu aningaasartuutit ingerlatseqatigiiffiup ilanngaatigisinnaavai. Tunisinermi iluanaarutit tunisinerup kingorna kingusinnerpaamik ukiut pingasut qaangiutinnginnerini aaneqarsimangippata aningaasat ingerlatseqatigiiffimmut tutsinneqassapput.

Imm. 7. §§ 42-44 taamaaqataanik atorneqassapput, aktieselskabinngortinnejnqartoq, piffissami allanngortitsinerup nalunaarsorneqarneraniit qaammatit 24-t tikillugit, piginneqataasumiit, aktieselskabimit ilisimaneqartumiit pigisanik nalilinnik pissarsisimappat.

Kapitali 18

*Aktieselskabini, niuerfinni naleqqussakkami imaluunniit arlallit niuerfigisaanni
piginneqataassutinik niueruteqartuni, tigusinissamut neqeroorut*

§ 338. Kapitalimi matumani aalajangersakkat aktieselskabinut, niuerfimmi naleqqussakkami imaluunniit EU-mi imaluunniit EØS-mi nunami arlallit niuerfianni piginneqataassutinik ataatsinik arlalinnilluunniit taasisinnaatitaaffiusuni niueruteqartunut atuupput, taamaattorli § 340, imm. 4 tak.

Ataatsimeersuartut immikkut ilaatinneqarneri

§ 339 Ataatsimeersuartut aaqqissuussinermik eqquissisoqassasoq aalajangersinnaapput, taamaalilluni aktieselskabimi, piginneqataassutai tigusinermi neqeroorutigineqarsinnaasut, pappiaranik aningaasanik nalilinnik niuerneq il.il. inatsimmi, kunngip peqqussuteqarneratigut Kalaallit Nunaannut atulersinneqartumi, kapitali 8 tak., qitiumik aqtsisut ataatsimeersuartut akuersinerannik pissarsiniaqqaassasut, neqeroorummut akornusiisinnaasunik aaqqiinernik pilersitsisoqarnissaa sioqqullugu, neqeroorutinut allanut periarfissanik misissuisoqarnissaa pillugu aalajangiineq eqqaassanngikkaanni.

Imm. 2. Ataatsimeersuartut § 106, imm. 1-mi aalajangersarneqartut taasinerit amerlanerussuteqarnissaannut piumasaqaatinut naapertuuttumik imm. 1 malilluu aalajangiisinjaapput. § 106, imm. 1 naapertorlugu aktieselskabip malittarsisassaani aalajangersarneqartunik najoqqutassanik allanik aamma naammassinnissaq. Taamaaqataanik atuutissaq aalangiineq kingornatigut allanngortinnejarpas.

Imm. 3. Ataatsimeersuarnerup akuersinera, imm. 1 tak., piffissamiit tigusinissamut neqeroorutip saqqummiunneqarnissaa pillugu neqerooruteqartumiit tamanut saqqummiunneqarneranit neqeroorutip inerneranik pappiaranik aningaasanik nalilinnik niuerneq il.il. inatsimmi, kunngip peqqussuteqarneratigut Kalaallit Nunaannut atulersinneqartumi, kapitali 8-mi maleruagassat malillugit pigilernissaanut tamanullu saqqummiunneqarneranut piumasarineqarpoq, imaluunniit neqeroorut atorunnaarpas. Tamatuma kingorna ataatsimeersuarnerup akuersinera pissarsiarineqassaaq, tigusinissamut neqeroorut pillugu paassisutissamik qitiusumik aqtsisut tigunerat sioqqullugu aaqqiinerit aalajangiifigineqarsimasut pineqarnersut apeqquatainnagu.

Imm. 4. § 94, imm. 2 apeqquatainnagu, aamma malittarisassat sivisunerusumik piffissaliigaluartut, aktieselskabimi qitiusumik aqtsisut sivikinnerpaamik sapaatit akunnerinik marlunnik kalerriillutik ataatsimeersuarnissamut aggersaasinnaapput imm. 1 malillugu aaqqiinermut ataatsimeersuartut akuersitinnissaat siunertaralugu.

Imm. 5. Ataatsimeersuartut ilanngutitinnissaat pillugu aaqqissuussinermik aktieselskabip ataatsimeersuarnera eqquissisimappat, imm. 1 tak., ataatsimeersuartut aalajangersinnaapput aktieselskabip pigisai nalillit EU-mi imaluunniit EØS-imi nunami ingerlatseqatigiiffimmit, taamaaqataanik aaqqissuussinermik eqquissimasumit, imaluunniit ingerlatseqatigiiffimmit piginnittumit toqqaannartumik toqqaannanngitsumilluunniit nakkutigineqartumit, §§ 6 asamma 7 tak., taamaaqataanik aaqqissuussinermik eqquissimasumit, neqeroorfigineqarpata aaqqissuussineq taanna taamaallaat atorneqartassasoq.

Imm. 6. Imm. 1 malillugu aaqqissuussinermik eqquissinissaq pillugu ataatsimeersuartut aalajangiinerat aktieselskabip Erhvervsstyrelsimit aamma EU-mi imaluunniit EØS-imi nunami, aktieselskabip niuerfimmi naleqqussakkami imaluunniit arlalinnit niuerfiusumi, imaluunniit niuernermut ilanngunnissaq pillugu qinnuteqarfiusimasumi aktieselskabip piginneqataassutai niuerutigineqarfian niakkutilliinermut oqartussanut piaarnerpaamik nalunaarutigissavaa. Ataatsimeersuartut aalajangiinerat pillugu paassisutissaq Erhvervsstyrelsip qarasaasiaqarfiani tamanut saqqummiunneqassaaq.

Immikkut pisinnaatitaaffiit atorunnaarsinneri

§ 340 Aktieselskabimi piginneqataassutit tigusinermi neqeroorummut ilanngunneqapata, pappiaranik aningaasanik nalilinnik niuerneq il.il. inatsimmi, kunngip peqqussuteqarneratigut

Kalaallit Nunaannut atulersinneqartumi kapitali 8 tak., aktieselskabimi piginneqataassutinik imaluunniit piginneqataassutinut ataasiakkaanut piginnittuunermut atasunik immikkut pisinnaatitaaffit imaluunniit killilersuinerit atorunnaarsinneqarlutik aaqqissuussinermik eqqussusisoqarnissaq ataatsimeersuartunit aalajangiiffigineqarsinnaavoq.

Imm. 2. Ataatsimeersuartut § 106, imm. 1-mi aalajangersarneqartut taasinerit amerlanerussuteqarnissaannut piumasaqaatinut naapertuuttumik imm. 1 malillugu aalajangiisinhaapput. § 106, imm. 1 naapertorlugu aktieselskabip malittarsisassaani aalajangersarneqartunik najoqqtassanik allanik aamma naammassinnissaq. Aktieselskabimi piginneqataassutit assigiinngitsut arlaliuppata aalajangiineq aamma § 107, imm. 3-mi amerlanerussuteqarnissamut piumasaqaatinik naammassinnissaq. Piumasaqaat taanna aamma aalajangiineq kingornatigut allanngortinnejarpal isiginiarneqassaaq.

Imm. 3. Imm. 1 malillugu aaqqissuussinermik eqqussinissaq pillugu ataatsimeersuartut aalajangiinerat aktieselskabip Erhvervsstyrelsimut aamma EU-mi imaluunniit EØS-imi nunami, aktieselskabip niuerfimmi naleqqussakkami imaluunniit arlalinnit niuerfiusumi, imaluunniit niuernermut ilanngunnissaq pillugu qinnuteqarfiusimasumit aktieselskabip piginneqataassutai niuerutigineqarfian niakkutilliinermut oqartussanut piaernerpaamik nalunaarutigissavaa. Ataatsimeersuartut aalajangiinerat pillugu paassisutissaq Erhvervsstyrelsip qarasaasiaqarfiani tamanut saqqummiunneqassaaq.

Imm. 4. (Kalaallit Nunaannut atulersinneqanngilaq)

Atorunnaarsitsinerup inatsisitigut sunniuteqarnera

§ 341. § 340, imm. 1 malillugu atorunnaarsitsineq pillugu ataatsimeersuartut aalajangiinerisa kingunerissavaa piginneqataassutinik tunniussinissamut imaluunniit piissarsinissamut, aktieselskabip malittarisassaani imaluunniit isumaqatigiissut naapertorlugu aalajangersarneqarsimasunut, pisinnaatitaaffimmi killiliinerit piffissami neqerooruteqarfiusumi neqerooruteqartumut atuutsinneqassanngitsut, taamaattorli § 342, imm. 1 tak. Neqerooruteqarnermi allagaatini immikkut piumasaqaatinik neqerooruteqartoq saqqummiussisimappat, killilersuinernik taaneqartuk atorunnaarsitsineq atuutissaq neqerooruteqarnermi allagaatimut naapertuuttumik neqerooruteqartup neqeroorutip naammassineqarnissaq pillugu isummernissaata tungaanut.

Imm. 2. § 339-mut ilaasumi ataatsimeersuarnermi § 340, imm. 1 malillugu atorunnaarsitsineq pillugu aalajangiinerup kingunerissavaa,

1) taasisinnaatitaanermut killiliinerit, aktieselskabip malittarisassaani imaluunniit isumaqatigiissut naapertorlugu aalajangersarneqarsimasut, atuutsinneqassanngitsut, taamaattorli § 342, imm. 2 tak., aamma

2) piginneqataassutit, aktieselskabip malittarisassaani, § 46, imm. 1 tak., imaluunniit isumaqatigiissut naapertorlugu taasinermi annertunerusumik naleqartitsisut, aningaasaatini taasisinnaatitaaffiusuni tamarmiusuni piginneqataassutip ilaanut naleqqiullugu taamaallaat taasisinnaatitaassasut, taamaattorli § 342, imm. 2 tak.

Imm. 3. § 343-mut ilaasumi ataatsimeersuarnermi § 340, imm. 1 malillugu atorunnaarsitsineq pillugu aalajangiinerup kingunerissavaa,

1) taasisinnaatitaanermut killiliinerit, aktieselskabip malittarisassaani imaluunniit isumaqatigiissut naapertorlugu aalajangersarneqarsimasut, atuutsinneqassanngitsut, taamaattorli § 342, imm. 2 tak., aamma

2) piginneqataassutit, aktieselskabip malittarisassaani, § 46, imm. 1 tak., imaluunniit isumaqatigiissut naapertorlugu taasinermi annertunerusumik naleqartitsisut, aningaasaatini taasisinnaatitaaffiusuni tamarmiusuni piginneqataassutip ilaanut naleqqiullugu taamaallaat taasisinnaatitaassasut, taamaattorli § 342, imm. 2 tak., aamma

3) aktieselskabip malittarisassaanut naleqqiullugu aqutsisuni ilaasortassanik toqqaanissamut piginneqataasut aalajangersimasut immikkut pisinnaatitaaffii atuutsinneqassanngitsut.

Imm. 4. Ataatsimeersuartut imm. 1-3 atorneqarsinnaasut aalajangersinnaapput, aktieselskabip pigisai nalillit EU-mi imaluunniit EØS-imi nunami ingerlatseqatigiiffimmiit, taamaaqataanik aaqqissuussinermik eqquassisimasumit, imaluunniit ingerlatseqatigiiffimmit piginnittumit toqqaannartumiik toqqaannanngitsumilluunniit nakutigineqartumit, taamaaqataanik piginneqataassummut imaluunniit piginneqataassutinut ataasiakkaanut atusunik immikkut pisinnaatitaanerit killilersuinerilluunniit atorunnaarsinneqarnissaannik taamaaqataanik aalajangiisimasumit, neqeroorfigineqarpata.

§ 342 Ulloq 31. marts 2004 sioqquullugu isumaqatigiissutigineqartut piginneqataassutinik tunniussinissamut pissarsinissamulluunniit pisinnaatitaaffinni killiliineq pillugu isumaqatigiissutit, § 340, imm. 1 apeqqutaatinnagu, neqerooruteqartumut atuutsinneqassapput.

Imm. 2. Ulloq 31. marts 2004 sioqquullugu isumaqatigiissutigineqartut taasisinnaatitaanerup atorneqarnissaanut isumaqatigiissutit, § 340, imm. 1 apeqqutaatinnagu, §§ 339 aamma 343-mut ilaasuni ataatsimeersuarnerni atuutsinneqassapput.

Tigusinissamut neqeroorutip naammassineqartup nanginnerani malittarisassanik allannguinerit

§ 343 Neqerooruteqartup, aktieselskabimi, § 340, imm. 1 malillugu atorunnaarsitsinissamik aalajangiisimasumi, aningasaatinik taasisinnaatitaaffiusuni 75 pct.-inik annertunerusulluunniit pissarsisimasup, neqeroorutip naanerata kingorna, malittarisassat allanngortinnejarnissaat aamma ingerlatseqatigiiffimi aqutsisuni ilaasortanik toqqaanissaq imaluunniit taarsiinissaq siunertaralugu ataatsimeersuarnissamut aggersaaqqullugu qitiusumik aqutsisut peqqusinnaavai. Ataatsimeersuarnissaq siulleq § 94, imm. 2 apeqqutaatinnagu sivikinnerpaamik sapaatit akunnerinik marlunnik kalerrilluni aggersarneqarsinnaavoq, aamma malittarisassani piumasarineqaraluartoq sivisunerusumik kalerrisoqassasoq.

Piginneqataasut ilaannut taartisineq

§ 344 Ingerlatseqatigiiffinni, § 340, imm. 1 malillugu atorunnaarsitsinissaq pillugu aalajangiiffiusimasuni, tigusinissamut neqeroorut naammassineqarpat, aktieselskabip malittarisassai naapertorlugit piginneqataassutinik piginninnermut imaluunniit piginneqataassutinut ataasiakkaanut atasut immikkut pisinnaatitaaffit imaluunniit killiliinerit atuutsinneqarsinnaannginneri, § 341, imm. 1-3 tak., pissutigalugu piginneqataasunut aningaasatigut annasaqartunut neqerooruteqartoq taartisitsissaq.

Imm. 2. Neqerooruteqarnermi allagaq taartisinissaq, neqerooruteqartup piginneqataasunut neqeroorutigisaa aamma taartisinermut naatsorsuinermi tunngavigineqartut pillugit paasissutissanik imaqassaaq. Akinik aalajangiineq piginneqataassutinut pineqartunut niuernermi nalit aallaavigalugit pissaaq.

Imm. 3. Taartisiassap annertussusissaas pillugu isumaqatigiinneq anguneqarsinnaanngippat aktieselskabip najugaani eqqartuussivimmit nalunaarutigineqartunit nalilersuisartunit taartisiassaq aalajangerneqassaaq. Nalilersuisartut aalajangiinerat eqqartuussivimmut suliassanngortinnejarnissaq. Tamanna pillugu suliassaaq taartisiassap annertussusaa pillugu nalilersuisartut nalunaarutaannik tigusaqareernermiit kingusinnerpaamik qaammatit pingasut qaangiutsinnagit saqqummiunneqassaaq.

Imm. 4. Piginneqataasut aamma imm. 1-3 malillugu taartisinissamut pisinnaatitaaffeqarput, piffissami ulloq 31. marts 2004-miit 1. august 2008-mi tigusinissamut neqeroorutip malitsigisaanik atuutsinnejarsinnaannngitsunik immikkut pisinnaatitaaffiit killilersuinerilluunniit pillugit isumaqatigiissusiorqarsimappat, § 341, imm. 1-3 tak.

Kapitali 19

Nunani allani ingerlatseqatigiiffiit aningaasaliiffiusut immikkoortortat

§ 345 (Imm. 1 Kalaallit Nunaannut atulersinneqanngilaq)

Imm. 2. Aktieselskabit, peqatigisaqluni ingerlatseqatigiiffiit aamma anpartsselskabit nunanit allaneersut kiisalu ingerlatseqatigiiffiit taamaaqataanik ingerlatseriaaseqartut Kalaallit Nunaanni immikkoortortaqarlutik suliaminnik ingerlataqarsinnaapput, tamanna nunani tamalaani isumaqatigiissutikkut tunngavissaqarpat, imaluunnit Namminersorlutik Oqartussaanik isumaqatigiinniareernikkut, erhvervs- og vækstministeri naliliippat kalaallit nunaanni ingerlatseqatigiiffiit aningaasaliiffiusut nunami pineqartumi taamaaqataanik pisinnaatitaaffeqarpata, imaluunniit tamatumunnga akuerineqarpata.

§ 346 Immikkoortortaq immikkoortortami aqutsisumit ataatsimit arlalinnilluunniit aqunneqassaaq.

Imm. 2. Immikkoortortami aqutsisut nammineersinnaassuseqassapput aamma namminersorsinnaanermik inatsit, kungip peqqussuteqarneratigut Kalaallit Nunaannut atulersinneqartoq malillugu pigisat tungaasigut siunnersortissaliinermut ilaasussaanani. Aqutsisunut ilaasortat pillugu peqqussummi aalajangersakkat pisariaqartunik allaanerussuteqarlutik taamaaqataanik immikkoortortami aqutsisunut atorneqassapput.

Imm. 3. Immikkoortortaq immikkoortortami aqutsisunit ataasiakkaanit imaluunniit peqatigiillutik akisussaaffigineqassaaq. Immikkoortortami aqutsisut suliffeqarfik sinnerlugu iliuuseqarsinnaanermut piginnaatinneqassapput.

§ 347 Immikkoortortaq taaguuteqassaaq aamma saniatigut taaguuteqarsinnaalluni. Immikkoortortaq taaguutimini saniatigullu taaguutimini nunami allami ingerlatseqatigiiffiup qullersaqarfiusup taaguutaanik taaguuteqassaaq oqaaseq »immikkoortortaq« ilassutigalugu aamma nunap allamiup ingerlatseqatigiiffiup sumi nunameersuunera erseqqissumik allassimalluni. Aamma § 2, imm. 1-3 aamma § 3 taamaaqataanik immikkoortortap taaguutaani saniatigullu taaguutaanut atorneqassapput.

Imm. 2. Immikkoortortat allakkani aamma niuernermi pappiarani, tassunga ilanngullugu elektronikkikut nalunaarutini, kiisalu immikkoortortap nittartagaani allassimassaaq taaguut, najugaq, Erhvervsstyrelsip qarasaasiaqarfiani nalunaarsorneqarnermi normu kiisalu nunami najugarisami ingerlatseqatigiiffiup aningaasaliiffiusup nalunaarsorneqarnera aamma nalunaarsorneqarnerani normua. Allagaatini taakkunani ingerlatseqatigiiffiup aningaasaataasa annertussusaat allassimappat piginneqataassutit kiisalu aningasaatit akilerneqarsimasut allanneqassapput.

§ 348 Ingerlatseqatigiiffik aningaasaliiffiusoq, Kalaallit Nunaanni sulinersanit aallaaveqartumik inatsisitigut pissutsini tamani kalaallit nunaanni inatsisit aamma kalaallit nunaanni eqqartuussiviit aalajangiineri malittussaavai.

§ 349. Immikkoortortamik pilersitsineq Erhvervsstyrelsip qarasaasiaqarfiani nalunaarsorneqassaaq imaluunniit Erhvervsstyrelsimi nalunaarsorneqartussatut nalunaarutigineqarluni. Kapitali 2 taamaaqataani atorneqassaaq.

Imm. 2. Immikkoortortap ingerlatani aallartissinnaanngilaq nalunaarsorneqaqqartinnani imaluunnit nalunaarutigineqaqqarnani. Nalunaarsorneqarnissaq itigartinneqarpat, imaluunniit immikkoortortaa piusoq peerneqarpat, § 350 tak., immikkoortortap Kalaallit Nunaanni suliaqarnera ingerlateqqinnejqassanngilaq.

Imm. 3. Ingerlatseqatigiiffiup nunanit allaneersup akiliisinnaajunnaarneraniit, akilersuinermik unitsitsineraniit imaluunniit taamaaqataanik aaqqissuussiffigilerneraniit kingusinnerpaamik sapaatit akunneri tallimat qaangiutsinnagit Erhvervsstyrelsip qarasaasiaqarfiani nalunaarsorneqarneq imaluunniit tamanna pillugu nalunaaruteqarneq Erhvervsstyrelsimi pisimassaaq. Ingerlatseqatigiiffiup nunamit allameersup killiffia pillugu paasissutissat ingerlatseqatigiiffiup taaguutanut ilanngunnejqassaaq, § 347, imm. 1 tak.

§ 350. Immikkoortortaq Erhvervsstyrelsip qarasaasiaqarfianit peerneqassaaq
1) ingerlatseqatigiiffiup immikkoortortaq peerpagu imaluunniit
immikkoortortap peerneqarnissaanik kissaateqarluni nalunaaruteqarpat,
2) immikkoortortaq immikkoortortami aqutsisoqanngippat taannalu Erhvervsstyrelsimit
aalajangersarneqartup piffissaliussap kingusinnepaamik naanerani aaqqiiffingeqanngippat,
3) immikkoortortami aqutsisoq ukiumoortumik naatsorsuutit pillugit inatsit, kunngip
peqqussuteqarneratigut Kalaallit Nunaannut atulersinneqartumi §§ 143 aamma 144
naapertorlugu ingerlatseqatigiiffimmut nunamit allameersumut ukiumoortumik naatsorsuutit
il.il. kukkunersiorneqarsimasut Erhvervsstyrelsimit nassiisisimannngippat, pissuserlu
taanna styrelsip aalajangersagaata piffissaliussap kingusinnerpaamik naanissaa
qaangiutsinnagu aaqqiiffingeqarsimannngippat imaluunniit
4) ingerlatseqatigiiffiup nunamit allameersup immikkoortortaani pissarsiaqartussap
ingerlatseqatigiiffiup pigisaani nalilinni Kalaallit Nunaanni piumasaqaatiminik
naammassinnittumik ajunngitsorsiassarsinissaq angusimanngippagu.

Imm. 2. Peerneqarnerata kingorna paasineqarpat pissutsit, peerneqarneranut
kinguneqartitsisut, atuukkunnaartut, immikkoortortap Erhvervsstyrelsimi
nalunaarsoqqissinnaavaa, ingerlatseqatigiiffiup nunamit allameersup tamanna pillugu
noqqaanerata kingorna. Immikkoortortat nalunaarsoqqinnejqarnerat pillugu maleruagassanik
erseqqinnerusunik Erhvervsstyrelsi aalajangersaasinnaavoq.

Imm. 3. Imm. 1, nr. 4-mi eqqaaneqartuni, pissarsiaqartussaq naammassineqartinnagu
imaluunniit pilersitseqqinnermut akuersinngippat ingerlatseqatigiiffik nunanit allaneersoq
nutaamik immikkoortortamik pilersitsissanngilaq aamma immikkoortortaq
nalunaarsoqqinnejqarnani.

Kapitali 20

Nalaagaaffiup aktieselskabii

Nassuaatit il.il.

§ 351. Ingerlatseqatigiiffiup piginnittup ingerlatseqatigiiffimmut pigisaminut assiganik
Namminersorlutik Oqartussat atassuteqarfigisaasa peqqussummi matumani aktieselskabit
maleruagassaannik aamma naalgaaffiup aktieselskabiutaanut immikkut maleruagassaannik,

taamaattorli §§ 352 aamma 353 tak., aamma ukiumoortumik naatsorsuutit pillugit inatsit, kunngip peqqussuteqarneratigut Kalaallit Nunaannut atulersinneqartoq ingerlatseqatigiiffit malinnissasut pillugu maleruagassanik Erhvervssstyrelsi aalajangersaasinnaavoq, inuiaqatigiinni soqutigisat tamatumunnga pissutissaqartitsippata. Naalagaaffiup aktieselskabiutai pillugit maleruagassanut ilaappata, aamma maleruagassanut taakkununnga ilajunnaarpata ingerlatseqatigiiffik Erhvervssstyrelsimit nalunaaruteqarnissamut pisussaaffeqarpoq.

§ 352 Peqqussummi matumani naalagaaffiup aktieselskabiutaanut immikkut maleruagassat, § 351 tak., aktieselskabinut, naalagaaffiup aktieselskabiutaanit pigineqartunut ingerlatseqatigiiffinnut atorneqassanngillat.

Imm. 2. Naalagaaffiup aktieselskabiutai, § 351 tak., EU-mi imaluunniit EØS-mi nunami niuerfimmi naleqqussakkami piginnejataassutinik niueruteqartut, peqqussummi matumani naalagaaffiup aktieselskabiutaanut immikkut maleruagassanik malinninnissamut ilaatinneqanngillat.

§ 353 Maleruagassat taakku aamma ingerlatseqatigiiffinnut aningaasaliiffiusunut EU-mi imaluunniit EØS-mi nunami niuerfimmi naleqqussakkamik pappialanik aningaasanik nalilinnik niueruteqartunut taamaaqataanik maleruagassat akornanni naligiissitaanissap qulakkeerneqarnissaanut tamanna pisariaqassappat naalagaaffiup aktieselskabiinut immikkut inatsisinut ilaatisinngitsunik aalajangersakkanik Erhvervssstyrelsi aalajangersaasinnaavoq.

Tamanut saqqummiussinissamik il.il. immikkut pisussaaffiit

§ 354 Naalagaaffiup aktieselskabii, § 351 tak., ingerlatseqatigiiffimmun tunngasunik pissutsit pingaarutillit, aamma ingerlatseqatigiiffiup siunissaanut, sulisuinut, piginnejataasuunut imaluunnit akiligassaqarfiinut pingaaruteqarsinnaasutut isumaqarfingeqartut pillugit piaarnerpaamik Erhvervssstyrelsimit nalunaaruteqassapput. Ingerlatseqatigiiffinni piginnittuni, § 6 aamma 7 tak., suliffeqarfissuarmut tunngasunik pissutsit pingaarutillit, aamma ingerlatseqatigiiffiup siunissaanut, sulisuinut, piginnejataasuunut imaluunnit akiligassaqarfiinut pingaaruteqarsinnaasutut isumaqarfingeqartut pillugit piaarnerpaamik nalunaaruteqartoqassaaq.

§ 355 Naalagaaffiup aktieselskabiisa peqqussut manna malillugu Erhervssstyrelsip qarasaasiaqarfiani tamanut saqqummiunneqartussat § 354 malillugu nalunaarutinik allanillu allagaatinik il.il. tamanut saqqummiussinissaq pillugu maleruagassanik Erhvervssstyrelsi aalajangersaassaaq.

§ 356 Naalagaaffiup aktieselskabiutaa, § 351 tak., ingerlatseqatigiiffiup malittarisassai ukiumoortumillu nalunaarusiaa ingerlatseqatigiiffiup nittartagaani tamanut saqqummiutissavai.

§ 357 Naalagaaffiup aktieselskabiutaani siulersuisut imaluunniit nakkutilliisut, § 351 tak., qulakkiissavaat peqqussummi matumani naalagaaffiup aktieselskabiutaannut immikkut maleruagassat aamma ukiumoortumik naatsorsuutit pillugit inatsisip, kunngip

peqqussuteqarneratigut Kalaallit Nunaannut atulersinneqartup ingerlatseqatigiiffiup eqqortinneqarnissaanik qulakkeerisunik najoqqutassanik qulakkeerissapput.

Imm. 2. Imm. 1-mi eqqartorneqartut najoqqutassat styrelsimut nassiunneqarnissaat Erhvervsstyrelsip piumasarisinnaavaa.

Kapitali 20 a

Ingerlatseqatigiiffiit aallarnisaasut

§ 357 a. Anpartsselskabit pillugit peqqussutip maleruagassai ingerlatseqatigiiffinnut aallarnisaasunut atorneqarpata, kapitalimi matumani allamik aalajangersaasoqarsimanngippat.

Imm. 2. Ingerlatseqatigiiffik aallarnisaasoq ikinnerpaamik 1 kr.-imik aningaasaateqassaaq. Ingerlatseqatigiiffiup aningaasaatai taamaallaat aningaasanngorlugit aningaasaliissutigineqassapput.

Imm. 3. Ingerlatseqatigiiffiit aallarnisaasut kisimik taaguutiminni taaguut »ingerlatseqatigiiffik aallarnisaasoq« imaluunniit naalisaaneq »IVS« atorsinnaallugulu atussavaat.

§ 357 b. Ingerlatseqatigiiffik aallarnisaasoq ingerlatseqatigiiffiup aningaasaataanut tunngaviusut amerliartortinnissaannut sillimmatitut pituttorneqarsimasunut ingerlatseqatigiiffiup sinneqartooraasa ikinnerpaamik 25 pct.-ii ukiumut immikkoortittassavai, sillimmatit taakku ingerlatseqatigiiffiup aningaasaatai peqatigalugit katillugit annikinnerpaamik 50.000 kr.-inik annertussuseqalernissaasa tungaannut.

Imm. 2. Ingerlatseqatigiiffik aallarnisaasoq iluanaarutinik tunniussinissamik aalajangiisinnaanngilaq, immikkut ittumik iluanaarutit ilanngullugit, ingerlatseqatigiiffiup aningaasaatinut tunngaviisa amerliartortinneqartut ingerlatseqatigiiffiup aningaasaatai ilanngullugit ikinnerpaamik sillimmatit 50.000 kr.-inik annertussuseqalernissaasa tungaannut.

§ 357 c. Ataatsimeersuartut, malittarisassanik allannguinissamut pisariaqartut taasinermi amerlannerussuteqarnerit atorlugit ingerlatseqatigiiffiup aallarnisaasup anpartselskabinngortillugu nalunaarsorneqarnissa pillugu aalajangiisinnappa, ingerlatseqatigiiffik ingerlatseqatigiiffiup aningaasaataanik aamma ingerlatseqatigiiffiup aningaasaataanut tunngaviit amerliartortinneranut sillimmatit ilanngullugit piffissami aalajangiiffiusumi minnerpaamik 50.000 kr.-inik annertussuseqarpata, § 33, imm. 1, oqaaseqatigii siullit tak.

Imm. 2. Allanngortitsilluni nalunaarsorneqarnissamut piumasarineqarpoq aningaasaatit pigineqarneri pillugit nalilersuisartumiit nalunaarusiortoqarnissaa, § 37 tak.

§ 357 d. Ingerlatseqatigiiffiup aallarnisaasup anpartselskabinngortillugu allanngortitsilluni nalunaarsornera pisimasutut isigineqassaaq ingerlatseqatigiiffiup malittarisassai, aningaasaatit ingerlatseqatigiiffiullu taaguutaa eqqarsaatigalugit, allanngortinneqarpata, taamaalilluni anpartselskabinut piumasaqaatinik nalinginnaasunik naammassinnillutik, aamma allanngortitsilluni nalunaarsorneqarneq Erhvervsstyrelsip qarasaasiaqarfianut nalunaarsorneqarluni. Allanngortitsilluni nalunaarsorneqarnermut atasumik ingerlatseqatigiiffiup aningaasaatinut tunngaviinut amerliartitsinermut sillimmatit ingerlatseqatigiiffiup aningaasaataanut nuunneqassapput.

Kapitali 21

Peqatigisaqarluni ingerlatseqatigiiffiit

§ 358. Aktieselskabit pillugit peqqussutip maleruagassai pisariaqartutigut naleqqussarlugit peqatigisaqarluni ingerlatseqatigiiffinnut atorneqassapput.

§ 359. Peqatigisaqarluni ingerlatseqatigiiffiit pisussaapput kisimiulluni pisinnaatitaallutik taaguutiminni oqaaseq »kommanditaktieselskab«, »peqatigisaqarluni ingerlatseqatigiiffik« imaluunnit naalisaaneq »P/S« atorsinnaallugit.

§ 360. Peqatigisaqarluni ingerlatseqatigiiffiup pilersinneqarnerani allagartaq aamma aktieselskabinut peqqussutigineqartunik paasissutissanik uku pillugit paasissutissanik imaqassaaq:

- 1) Tamakkiisumik akisussaasut aqqi tamarmiusut, najugaq aamma Erhversstyrelsip qarasaasiaqarfiani nalunaarsorneqarnermi normu.
- 2) Tamakkiisumik akisussaasut aningaasaliissuteqarnissamut pisussaaffeqarnersut taamaattoqassappallu aningaasaliissutit ataasiakkaat qanoq annertutigissanersut. Aningaasaliissutit tamakkiisumik akilerneqarsimanngippata akiliinermut atuuttut maleruagassat ilisimatitsissutigineqassapput. Aningaasaliissutit aningaasanik akilerneqanngippata nalilersuinermut tunngavigneqartut pillugit nassuaasiortoqassaaq.
- 3) Tamakkiisumik akisussaasut ingerlatseqatigiiffiup suliaanut sunniuteqarnera, sinneqartoorutini amigartoorutinilu pissarsisarnera pillugit maleruagassani malittarisassat.

Imm. 2. §§ 28 aamma 29-mi maleruagassat saniatigut peqatigisaqarluni ingerlatseqatigiiffiup malittarisassai piginneqataasut aamma tamakkiisumik akisussaallutik peqataasut akornanni inatsisitigut pissutsit pillgit maleruagassanik erseqinnerusunik imaqassapput.

Kapitali 22

Taarsiineq, pinngitsaaliilluni tunniussineq il.il.

§ 361. Pilersitsisut aamma aqutsisuni ilaasortat, suliamik ingerlannerata nalaani piaaraluni imaluunniit mianersuaalliornikkut ingerlatseqatigiiffiup aningaasaliiffiusumut ajoqusiisut taassuminnga taarsiinissaminnut pisussaaffeqarput. Tamanna aamma atuuppoq ajoqusiineq aningaasaatinik piginnittunut allamulluunniit pisimappat.

Imm. 2. Imm. 1 taamaaqataanik kukkunersiuisunut, nalilersuisartunut, piginnittut nalunaarsuiffianik allattuisunut aamma misissuisartunut taarsiisussaatitaaneq atorneqassaaq.

Imm. 3. Ingerlatseqatigiiffik kukkunersiuisoq kukkunersiuisutut toqqarneqarsimappat, ingerlatseqatigiiffik kukkunersiuisoq aamma kukkunersiuisoq kukkunersiuinermik isumaginnittooq taarsiinissamut akisussaapput.

§ 362. Aningaasaatinik piginnittooq, pineqartup ingerlatseqatigiiffimmut, aningaasaatinik piginnittunut allanut imaluunniit allamut piaaraluni imaluunniit mianersuaalliorluni annaasaqartitsisoq taarsiissaaq.

Imm. 2. Aningaasaatinik piginnittooq, pineqartup ingerlatseqatigiiffimmut, aningaasaatinik piginnittunut allanut imaluunniit allamut piaaraluni imaluunniit mianersuaalliorluni annaasaqartitsisoq allatigullu atornerluineq ingerlaannarsinnaalluni, ingerlatseqatigiiffiup

aninaasatigut inissisimanera aamma pisut naapertorlugit naammaginartutut isigineqartut eqqarsaatigalugit akimut aalajangerneqartumut aningaasaatinik piginnittup ajoquisiisup aningaasaataanik aningaasangortitsinissamut aningaasaatinik piginnittoq ajoquisiisoq eqqartuussivimmit pisussaaffilerneqarsinnaavoq.

Imm. 3. Aningaasaatinik piginnittoq, pineqartup ingerlatseqatigiiffimmut, aningaasaatinik piginnittunut allanut imaluunniit allamut piaaraluni imaluunniit mianersuaalliorluni annaasaqartitsisoq allatigullu atornerluineq ingerlaannarsinnaalluni, ingerlatseqatigiiffiup aningaasatigut inissisimanera aamma pisut naapertorlugit naammaginartutut isigineqartut eqqarsaatigalugit akimut aalajangerneqartumut aningaasaatinik piginnittup ajoquisiisup aningaasaataanik tunisinissamut aningaasaatinik piginnittoq ajoquisiisoq eqqartuussivimmit pisussaaffilerneqarsinnaavoq.

§ 363 Pisuunerup annertussusia, ajoquisiinerup annertussusia allatigullu pisut tamanna naammaginartippassuk §§ 361 aamma 362 malillugu taarsiineq appartinneqarsinnaavoq.

Imm. 2. Arlallit ataatsikkoorlutik taarsiisussaatitaappata nammaqtigilliutik taarsinissamut akisussaassapput. Taarsiinissamut akisussaasoq imm. 1-mi maleruagassat malillugit oqilisaaffigineqartoq taamaattoq aningaasanut ikilisinneqartunut taamaallaat akisussaavoq. Taarsiisussaasut arlaat ataaseq taarsiinissaminik akiliipat pineqartup akisussaaqataasut akiliutissaminnik akiliinissaat piumasarisinnaavaa, ataasiakkaat pisuussutigisaasa annertussusaat kiisalu allatigut pisut eqqarsaatigalugit.

§ 364 Pilfersitsisunut, aqutsisuni ilaasortanut, nalilersuisartunut, kukkunersiusunut, misissuisartunut, piginnittut allattorsimaffiannik allattuisunut imaluunniit aningaasaatinik piginnittunut §§ 361 aamma 362 malillugu ingerlatseqatigiiffiup aningaasaliiffiusup eqqartuussisunut suliassanngortitsinissa pillugu aalajangerneq ataatsimeersuarnermi aalajangerneqassaaq.

Imm. 2. Akisussaatisisoqassanngitsoq imaluunniit eqqartuussisunut suliassanngortitsisoqassanngitsoq ataatsimeersuartut siusinnerusukkut aalajangiisimagaluarpataluunniit, aalajangiineq imaluunniit pissutsit, eqqartuussisunut suliassanngortitsinissamut tunngavigneqartumi pingaaruteqartunik eqqortunik tamakkiisunillu paasissutissanik ataatsimeersuartunut, aalajangiinissaq sioqqullugu, tunniussisoqarsimanngippat eqqartuussisunut suliassanngortitsisoqarsinnaavoq.

Imm. 3. Aningaasaatinik piginnittut, ingerlatseqatigiiffiup aningaasaataasa ikinnerpaamik qulerarterutaanik sinniisut akisussaatinneqannginnissaq imaluunniit eqqartuussivimmi suliaqartoqannginnissaq pillugu aalajangiinermut akerliliippata, akisussaasut annaasaqarnermut ingerlatseqatigiiffimmut aningaasaliiffiusumut taarsiussanngortillugut akiliinissaanut pisussaatinniarlugu aningaasaatinik piginnittut ataasiakkaat eqqartuussisunut suliassanngortitsisonnaapput. Aningaasaatinik piginnittut, tamatuma kingorna suliassanngortitsisut, suliami aningaasartuutinut akiussaassapput, taamaattorli taakku ingerlatseqatigiiffimmit aningaasaliiffiusumit akilertissinnaallugit, aningaasartuutit, eqqartuussivimmi suliaq aqquqitalugu ingerlatseqatigiiffimmut iluaqutaasunit aningaasanit matussuserneqarsinnaappata.

Imm. 4. Ingerlatseqatigiiffik aningaasaliiffiusoq akiliisinnajunnaartutut nalunaarutigineqarpat, taamaalluni akisussaannginnissamut imaluunniit eqqartuussivimmi suliassanngortitsinnginnissamut akuersisimasunit ataatsimeersuarnerup ingerlatereerneranit kingusinnerpaamik qaammatit 24-t kingorna ulloq piffissaliussaq atuutilerluni, taamatut

aalajangerneq apeqqutaatinnagu akiliisinnaajunnaartup pigisai taarsiisoqarnissaanut suliassanngortitsisinnaavoq.

§ 365 § 364, imm. 3 naapertorlugu eqqartuussivimmi suliassanngortitsineq suliassanngortinnejarsinnaavoq akisussaannginnissamut imaluunniit eqqartuussivimmi suliassanngortitsinnginnissamut ataatsimeersuarnermi aalajangiisoqarneraniit kingusinnerpaamik qaammatit arfinillit qaangiutsinnagit. § 150-mi maleruagassat malillugit misissuinissaq aallartinnejarsimappat suliassanngortitsisoqassaaq misissuinerup naammassineqarneraniit kingusinnerpaamik qaammatit arfinillit qaangiutsinnagit.

Imm. 2. § 364, imm. 4 malillugu eqqartuussivimmi suliassanngortitsisoq ingerlatseqatigiiffiup aningaasaliiffiusup akiliisinnaajunnaartutut nalunaarutigineraniit kingusinnerpaamik qaammatit pingasut qaangiutsinnagit suliassanngortitsissaq.

Kapitali 23

Pineqaatissiissutit il.il.

§ 366 Pinerluttulerinermik inatsit naapertorlugu sukanganerusumik pineqaatissiisoqassanngippat Erhvervsstyrelsip qarasaasiaqarfiani nalunaarsorneqarneq pillugu aamma § 43 naapertorlugu nalunaarutinik, nalilersuinermi nassuaatinik nassiussineq aamma Erhvervsstyrelsimit nalunaaruteqarnerit pillugit inatsimmi maleruagassanik unioqqutitsinernut akiliisitsisoqassaaq.

Imm. 2. Aktieselskabip aqutsisuini ilaasortat imaluunniit atorunnaarsitsinermi ikiortip imaluunniit nunani allamiut aktieselskabiutaata immikkoortoqarfiaita pisortaata piffissaaggallartillugu Erhvervsstyrelsimit inatsit naapertorlugu inatsilluunniit naapertorlugu aalajangersakkat tungavigalugit pisussaaffeqarfitik maleruanngitsoorpatigit, styrelsip pineqartut ullumut sapaatilluunniit akunnikaartumik akiligassittarsinnaavai.

§ 367 § 1, imm. 3-mik, § 2-mik, § 3, imm. 1-mik, §§ 10 aamma 15-mik, § 24, imm. 2-mik, § 30-mik, § 32, imm. 2 aamma 3-mik, § 33, imm. 4-mik, § 38, imm. 2-mik, § 42 a-mik, § 44, imm. 1-mik, § 49, imm. 3-mik, § 50, imm. 1-mik, § 51, imm. 1, 2 aamma 6-mik, § 52-mik, § 53, imm. 1 aamma 2-mik, §§ 54-56-mik, § 57 a, imm. 1-3-mik, §§ 58-61-mik, 89, 98 aamma 99-mik, § 101, imm. 3, 4, 7 aamma 8-mik, §§ 108 aamma 113-119-mik, § 120, imm. 3-mik, §§ 123, 125, 127-134, 138 aamma 139-mik, § 139 a, imm. 1, nr. 1-mik, § 160, oqaaseqatigiit pingajuannik, § 179, imm. 2-mik, § 180-mik, § 181, oqaaseqatigiit pingajuannik, § 182, imm. 3-mik, § 190, imm. 2, oqaaseqatigiit pingajuannik, § 192, imm. 1-mik, § 193, imm. 2-mik, §§ 196, 198 aamma 202-204-mik, § 205, imm. 1-mik, § 206-mik, § 207, imm. 3-mik, § 210-mik, § 214, imm. 2 aamma 3-mik, § 215, imm. 1-mik, § 218, imm. 2-mik, § 227, imm. 2-mik, §§ 228 aamma 234-mik, § 339, imm. 6-mik, § 340, imm. 3-mik, § 347-mik, § 349, imm. 2 aamma 3-mik, aamma §§ 354, 356-357 b aamma 359-mik unioqqutitsineq akiliisitaanermik pineqaatissiissutigineqassaaq. Ingerlatseqatigiiffiup § 206-mmuit imaluunniit § 210-mut akerliusumik iliuutsini allanngortinnagit atuutsiinnarpagit akiliisitaanermik pineqaatissinneqassaaq.

Imm. 2. Pinerluttulerinermik inatsit naapertorlugu sukanganerusumik pineqaatissiisoqassanngippat, isersissutissamik imaluunniit atuisoq imaluunniit elektronikkikku elektronikkikkut siulersuisut ataatsimiinneranni, § 125, imm. 2 tak., imaluunniit elektronikkikkut ataatsimeersuarnermi, § 77, imm. 1 imaluunniit 2 tak.,

malinnaanissamut peqataanissamulluunniit isissutissamik akuerisaanngitsumik ingerlatitseqqittoq akiliisitaanermik pineqaatissiissutigineqassaaq.

Imm. 3. Pinerluttulerinermik inatsit naapertorlugu sukanganerusumik pineqaatissiisoqassanngippat, § 92-mi elektronikkukkut attaveqatigiinneq pillugu aalajangersakkanut ilaasunik isissutissamik imaluunniit elektronikkukkut nalunaarutinik atuarnissamut, allangngortitsinissamut imaluunniit nassiussinissamut allatigut isissutissamik akuerisaanngitsumik ingerlatitseqqittoq akiliisitaanermik pineqaatissiissutigineqassaaq.

Imm. 4. § 4, imm. 3, § 12, imm. 1 aamma 2, § 55, imm. 3, § 56, imm. 2, § 57, § 71, imm. 4, § 143, § 172, § 244, imm. 6, § 262, imm. 6, § 279, imm. 5, § 299, imm. 5, § 318 f, imm. 5, § 333, imm. 6, aamma § 372, imm. 1 naapertorlugu atulersinneqartuni najoqqtassani aalajangersakkanik unioqqutitsinernut akiliisitaanermik pineqaatissiinissamik aalajangersaasoqarsinnaavoq.

§ 368 (Kalaallit Nunaannut atulersinneqanngilaq)

§ 369 Pinerluttulerinermi inatsimmi kapitali 5-mi maleruagassat malillugit pinerluttulerinermi inatsisitigut akisussaatillugu ingerlatseqatigiiffit il.il. (inatsisitigut pisinnaatitaasut pisussaatitaasullu) akiliisinneqarsinnaapput.

Imm. 2. Peqqussutip aalajangersagaanik imaluunniit peqqussut naapertorlugu maleruagassanik atulersinneqartunik unioqqutitsinermi pisoqalisoornissamut piffissaliussaq tassaavoq ukiut tallimat.

Kapitali 24

Naammagittaalliuuteqarsinnaaneq

§ 370 Peqqussut manna naapertorlugu aalajangiinerit aalajangiiffigineqartut pillugit naammagittaalliuuteqarsinnaaneq pillugu maleruagassanik, tassunga ilanngullugu naammagittaalliuutit allaffissornikkut oqartussanut allanut suliassanngortinnejqarsinnaannginneri pilugit, Erhvervs- og vækstministeri aalajangersaasinnaavoq

§ 371 Peqqussut imaluunniit peqqussutip malitsigisaanik najoqqtassat atulersinneqartut naapertorlugit aalajangiinerit Erhvervsstyrelsimit aalajangiiffigineqartut Erhvervsankenævnimut suliassanngortinnejqarsinnaapput, aalajangiinerup pineqartumut nalunaarutigineraniit kingusinnerpaamik sapaatit akunneri arfineq marluk qaangiutsinnagit, taamaattorli imm. 2 tak.

Imm. 2. § 16, imm. 1 malillugu piffissaliussamik aalajangiineq pillugu peqqussummi matumani § 40, imm. 1-mi, § 165, imm. 5-mi, § 177, imm. 2-mi, § 191-mi, § 225, imm. 2-mi, aamma § 231, imm. 2-mi piffissaliussanik qaangiinerit kingunerisaannik Erhvervsstyrelsip aalajangiineri kiisalu § 93, imm. 2-4, § 225, imm. 1, § 226, § 232, imm. 2, § 350, imm. 1, nr. 2-4 malillugu aalajangiinerit, aamma § 8 a naapertorlugu najoqqtassat atulersinneqartut naapertorlugu aalajangiinerit allaffissornikkut oqartussanut qaffasinnerusunut suliassanngortinnejqarsinnaanngillat.

Kapitali 25

Atortuulersitsineq

§ 372 Erhvervs- og vækstministeri peqqussutip atortuulersinnissaanut piffissamik aalajangiissaq tassungalu ilanngullugu aalajangersinnaallugu peqqussummi immikkoortut assigiinngitsut piffissani assigiinngitsuni atuutilersinnaasut. Peqatigisaanik anpartsselskabit pillugit Kalaallit Nunaannut inatsisip atortuulersinnera pillugu peqqussut nr. 619, 23. juni 2008-meersoq aamma aktieselskabit pillugit Kalaallit Nunaannut inatsisip atortuulersinnera pillugu peqqussut nr. 620, 27. juni 2008-meersoq atorunnaarsinnissaannut ministeri piginnaatinneqarpoq.

Imm. 2. Erhvervs- og vækstministeri ingerlatseqatigiiffinnut, tassunga ilanngullugu sulisunut eqqorneqartunut, peqqussummut ilaasunut, aamma ingerlatseqatigiiffinnut kiisalu taakku suliaat pillugit ikaarsaarnermi immikkut aaqqissuussinerit pillugit maleruagassanik aalajangersaasinnaalluni.

§ 373 Aktieselskabit pillugit inatsit imaluunniit anpartsselskabit pillugit inatsit, kunngip peqqussuteqarneratigut Kalaallit Nunaannut atulersinneqartoq naapertorlugu nalunaarutit, peqqussutip matuma atortuulersinnera sioqqullugu Erhvervsstyrelsimit tiguneqartut maleruagassat manna tikillugu atuuttut malillugit suliarineqassapput.

Imm. 2. Aktieselskabit pillugit inatsit imaluunniit anpartsselskabit pillugit inatsit, kunngip peqqussuteqarneratigut Kalaallit Nunaannut atulersinneqartut naapertorlugin atulersinneqartut nalunaarutit najoqqutassallu, kiisalu paasissutissat nalunaarsorneqartut, tassunga ilanngullugit malittarisassat aamma ingerlatseqatigiiffiup aqutsisuinut pginnaatitsinerit, akuersissutit nalunaarutigineqartut, akuersinerit il.il. suli atuutissapput, peqqussummi matumani aalajangersakkat malitsigisaannik allanngortinneqarnissaasa, utertinneqarnissaasa, atuukkunnaarnerisa imaluunniit atorunnaarnerisa tungaannut.

§ 374 (Kalaallit Nunaannut atulersinneqanngilaq)

§ 375 (Ilaatinneqanngilaq)

Amalienborg-imi atulersitaasoq, ulloq 14. maj 2018

Kunngisut atsiorpugut naqissusiillatalu

MARGRETHE R.

/ Brian Mikkelsen

¹ Inatsisip nalunaarutiginerani nr. 610, 28. april 2015-meersumi § 375 aalajangersakkamik ima ittumik imaqarpoq: ”**§ 375.** Inatsit Kalaallit Nunaannut aamma Savalimmiunut atututinngilaq, kisianni kunngip peqqussuteqarneratigut Kalaallit Nunaannut atuutilersinneqarsinnaalluni kalaallit nunaanni immikkut pissutsit pissutigalugit nikinganeqarluni.”

² Inatsimmi nr. 720, 25. juni 2010-meersumi § 4 aalajangersakkamik ima ittumik imaqarpoq: ”**§ 4.** Inatsit Kalaallit Nunaannut aamma Savalimmiunut atututinngilaq, kisianni kunngip peqqussuteqarneratigut Kalaallit Nunaannut atuutilersinneqarsinnaalluni kalaallit nunaanni immikkut pissutsit pissutigalugit nikinganeqarluni.”

³ Inatsimmi nr. 1557, 21. december 2010-meersumi § 5, imm. 2 aalajangersakkamik ima ittumik imaqarpoq: ”**Imm. 2.** Inatsit kunngip peqqussuteqarneratigut tamakkiisumik ilaannakuusumilluumniit Kalaallit Nunaannut atuutilersinneqarsinnaalluni kalaallit nunaanni immikkut pissutsit pissutigalugit nikinganeqarluni.”

⁴ Inatsimmi nr. 477, 30. maj 2012-meersumi § 5, imm. 2 aalajangersakkamik ima ittumik imaqarpoq: ”**Imm. 2.** §§ 1 (--) kunngip peqqussuteqarneratigut tamakkiisumik ilaannakuusumilluumniit Kalaallit Nunaannut atuutilersinneqarsinnaalluni kalaallit nunaanni immikkut pissutsit pissutigalugit nikinganeqarluni.”

⁵ Inatsimmi nr. 1231, 18. december 2012-meersumi § 70, imm. 4 aalajangersakkamik ima ittumik imaqarpoq: ”**Imm. 4.** §§ 1 (--) kunngip peqqussuteqarneratigut tamakkiisumik ilaannakuusumilluumniit Kalaallit Nunaannut atuutilersinneqarsinnaalluni kalaallit nunaanni immikkut pissutsit pissutigalugit nikinganeqarluni.”

⁶ Inatsimmi nr. 1383, 23. december 2012-meersumi § 10, imm. 2, aalajangersakkamik ima ittumik imaqarpoq: ”**Imm. 2.** Inatsit kunngip peqqussuteqarneratigut tamakkiisumik ilaannakuusumilluumniit Kalaallit Nunaannut atuutilersinneqarsinnaalluni kalaallit nunaanni immikkut pissutsit pissutigalugit nikinganeqarluni.”

⁷ Inatsimmi nr. 616, 12. juni 2013-meersumi § 6, imm. 2 aalajangersakkamik ima ittumik imaqarpoq: ”**Imm. 2.** §§ 1 (--) kunngip peqqussuteqarneratigut tamakkiisumik ilaannakuusumilluumniit Kalaallit Nunaannut atuutilersinneqarsinnaalluni kalaallit nunaanni immikkut pissutsit pissutigalugit nikinganeqarluni.”

⁸ Inatsimmi nr. 634, 12. juni 2013-meersumi § 14, imm. 3 aalajangersakkamik ima ittumik imaqarpoq: ”**Imm. 3.** §§ (--) 5 (--) kunngip peqqussuteqarneratigut tamakkiisumik ilaannakuusumilluumniit Kalaallit Nunaannut atuutilersinneqarsinnaalluni kalaallit nunaanni immikkut pissutsit pissutigalugit nikinganeqarluni.”

⁹ Inatsimmi nr. 1367, 10. december 2013-meersumi § 6, imm. 3, aalajangersakkamik ima ittumik imaqarpoq: ”Inatsir kunngip peqqussuteqarneratigut tamakkiisumik ilaannakuusumilluumniit Kalaallit Nunaannut atuutilersinneqarsinnaalluni kalaallit nunaanni immikkut pissutsit pissutigalugit nikinganeqarluni.”

¹⁰ Inatsimmi nr. 1284, 9. december 2014-meersumi § 50 aalajangersakkamik ima ittumik imaqarpoq: ”**§ 50.** Inatsit kunngip peqqussuteqarneratigut tamakkiisumik ilaannakuusumilluumniit Kalaallit Nunaannut atuutilersinneqarsinnaalluni kalaallit nunaanni immikkut pissutsit pissutigalugit nikinganeqarluni.”

¹¹ Inatsimmi nr. 738, 1. juni 2015-meersumi § 9, imm. 2 aalajangersakkamik ima ittumik imaqarpoq: ”Inatsit kunngip peqqussuteqarneratigut tamakkiisumik ilaannakuusumilluumniit Kalaallit Nunaannut atuutilersinneqarsinnaalluni kalaallit nunaanni immikkut pissutsit pissutigalugit nikinganeqarluni”.

¹² Inatsimmi nr. 739, 1. juni 2015-meersumi § 6, imm. 2 aalajangersakkamik ima ittumik imaqarpoq: ”Inatsimmi §§ 1-3 kunngip peqqussuteqarneratigut tamakkiisumik ilaannakuusumilluumniit Kalaallit Nunaannut atuutilersinneqarsinnaapput kalaallit nunaanni immikkut pissutsit pissutigalugit nikinganeqarluni.”